

**SIGISMUNDI A S.
SILVERIO ...
OBSERVATIONES
DE LATINI
SERMONIS
PURITATE, ...**

Sigismondo : di S.Silverio



6

4- e

37



Bibliotheca
Coll. Rom.
et. Jesu

~~6-4-e-37~~

75.6.26.

II
14
E

II
11.



OBSERVATIONES

DE LATINI SERMONIS

Puritate, Elegantiâ
& Ornatu.



1011-124000

1952

1. *Chlorophyll a* and *Chlorophyll b* were determined by the method of Lichtenthaler and Whistler (1973). The total chlorophyll content was determined by the method of Arar and Cook (1980). The carotenoid content was determined by the method of Lichtenthaler and Whistler (1973). The total carotenoid content was determined by the method of Arar and Cook (1980). The total protein content was determined by the method of Lowry et al. (1951). The total lipid content was determined by the method of Bligh and Dyer (1959). The total carbohydrate content was determined by the method of Dubois and Gilles (1950). The total nucleic acid content was determined by the method of Burton (1956). The total ash content was determined by the method of AOAC (1990). The total moisture content was determined by the method of AOAC (1990). The total dry matter content was determined by the method of AOAC (1990). The total organic acid content was determined by the method of AOAC (1990). The total alkaloid content was determined by the method of AOAC (1990). The total saponin content was determined by the method of AOAC (1990). The total tannin content was determined by the method of AOAC (1990). The total flavonoid content was determined by the method of AOAC (1990). The total phenol content was determined by the method of AOAC (1990). The total terpenoid content was determined by the method of AOAC (1990). The total steroid content was determined by the method of AOAC (1990). The total glycoside content was determined by the method of AOAC (1990). The total alkaloid content was determined by the method of AOAC (1990). The total saponin content was determined by the method of AOAC (1990). The total tannin content was determined by the method of AOAC (1990). The total flavonoid content was determined by the method of AOAC (1990). The total phenol content was determined by the method of AOAC (1990). The total terpenoid content was determined by the method of AOAC (1990). The total steroid content was determined by the method of AOAC (1990). The total glycoside content was determined by the method of AOAC (1990).

| Condition | Control (○) | Low (●) | Medium (□) | High (■) |
|-----------|-------------|---------|------------|----------|
| 1 | 75 | 75 | 75 | 75 |
| 2 | 80 | 80 | 80 | 80 |
| 3 | 85 | 85 | 85 | 85 |
| 4 | 90 | 80 | 75 | 70 |
| 5 | 95 | 65 | 60 | 55 |

SIGISMUNDI

A S. SILVERIO

Cl. Reg. Paup. MATRIS DEI
Scholarum Piarum

OBSERVATIONES


DE LATINI SERMO-
NIS Puritate, Elegantiâ, & Ornatu.



ROMÆ, MDCCVI.

Typis Dominici Antonii Herculis.

Superiorum permissu.



ILLUSTRISS. AC REVERENDISS.
PRÆSULI

D. THOMAE RUFO

Archiepiscopo Nicæno, & apud
SS. D. N. CLEMENTEM XI.
Sacri Cubiculi Præfecto

Sigismundus à S. Silverio C. R. Paup.
MATRIS DEI Schol. Piarum
P. F.



Rubuiſſet calamus, ILLU-
STRISS. AC REVERENDISS.
DOMINE, tenuis argu-
menti libellum hunc
Verendo Tuo Nomini
nuncupare, niſi partem eorum con-
tineret, quæ D. ANTONIO RUFO prædi-
lecto Nepoti Tuo, quem virtutum,
ac dignitatum Tuarum hæredem

a 3 fore

fore speramus , domesticis collo-
 quiis ut explicarem iussisti . Volui-
 sti siquidem , ut aliquid proprio
 pararem calamo , quod facili ra-
 tione Romanam ad eloquentiam
 assequendam conduceret: quod pro
 voto planè successit : nihil nam-
 que mihi pretiosius , desiderabilius
 nihil , quàm occasiones nancisci ,
 quibus infructuosa minùs evadat
 familiaris illa consuetudo , quam
 eximiâ nimis benignitate , ex quo
 Etruscam pro Sanctâ Sede Apo-
 stolicâ Legationem gerebas , mi-
 hi elargiri dignatus es : minusve ea
 demerear beneficia , quibus Religio-
 nem meam conatus es cumulare ;
 jugiterque Te conaturum confido .
 Feliciorem mihi arrisisse fortunam
 tunc jure lætatus fui : utpotè quæ
 desideratam præberet ansam aliquid
 offerendi sacræ paupertati conso-
 num , quam profiteor : ac Tibi adeo
 gratum , ut recusare nequires ; quan-
 quam recipiendis muneribus adeo
 sis aversus ; ut placidam illam Tuam
 humanitatem acrius nunquam in-
 rigorem verti cognoverim , quàm
 dono.

donorum in oblatione , ab jis præsertim factâ , quos cumula-veris beneficiis . Sed quos non cumulas ? Non tantum exorantibus , sed & negotitantibus quidem confers ; jucundiùsque Tibi pro aliis impetrare , quàm pro Te consequi . Sed & ipsius optimi Adolescentis anxiam voluntas ad hoc Opusculum studiosius parandum extimulavit ; imò & voluptas , quâ perfundi feliciter demonstravit statim ac hujusmodi ornamenta indicare cæpi : à quo tempore incredibile sanè est quantam sedulitatem , quantum in hæc studia amorem ebiberit : quo motus ulteriora semper inquirit , atque similia exempla propositis , vel non jussus , avida per libros quærit sagacitate ; eaque docenti ostendit festivitate , quâ prædam Venator solet .

Deberem hîc (quemadmodum usus postulat) in Tuas , Majorumq; Tuorum laudes excurrere : nisi rigida nimis modestia prohiberet . vel invitus ergo tacebo ; artis leges transgrediens potius quàm Tuas . Sed hæc antiqua , atque severior

modestia jubeat, quæso, etiam Æmilia, cui, florente adhuc juventâ, imperasti; ne ipsa Te justis laudibus efferat: gesta que suis ut delcat ex Tabulariis, quibus apertissimè apparet quàm heroicâ generositatē, insigni probitate, singulari tum prudentiâ tum providentiâ, semper absente Legato, difficilem Provinciam administraisti. Silentium Melitæ imponat; ne Virtutem ampliùs illam, summumque studium deprædicet; quo & Fidei defensorem, & Apostolicæ dignitatis propugnatorem æternâ laude peregisti. Etruriæ mandet majestatem cum comitate, clementiam cum æquitate, cum dexteritate constantiam ultra ne laudet, quibus nedum populos; sed Regias & Celsitudines ad Tui venerationem, ac dilectionem tam suaviter attraxisti; ut Summus Ecclesiæ Pater Innocentius XII. tantæ virtutis præclarè satis probatæ amore, commotus, diutiùs Tui absentiam non ferens, Romam revocare, sacroque suo Cubiculo præficere Te voluerit; ac postmodum Sanctiss.

Dom.

Dom. Noster CLEMENS XI. oculatissimus meritorum expensor, eodem in Ministerio sapienter confirmarit. Majorum verò Tuorum dele, si potes, egregia tot monumenta, tot Scriptores, tot marmora, tot numismata, tot Cæsarea, & Pontificia Diplomata, quibus & antiquissima præclaræ Stirpis origo, & gloria virtute parta, & omnigenæ dignitates, & amplissimi honores, & nobiles Principatus, quemadmodum transactis sæculis cum meridianâ luce claruerunt; sic, vel renuente modestiâ, posteris etiam clarescent. Quid de Te ergo mihi sperandum putem? Sed quoniam hîc deberem ipsemet loqui; quamvis injustæ silentii legi obnoxius esse non putem; ut Tibi morem geram, attamen obticescam. Vale, & me, meamque Religionem, ut facis, dilige. Romæ septimo Kalendas Februarii MDCCVI.

APPROBATIO.

CUM nobis infra scriptis à Patre nostro *Petro Francisco à Conceptione* Præposito Generali opusculum *P. Sigismundi à S. Silverio* in nostra Religione Assistentis Generalis, & Sac. Indicis Congr. Consultoris, cui titulus: *Observationes de Latini Sermonis Puritate, Elegantia, & ornatu*, recognoscendum, & examinandum commissum fuerit; nos, quâ decebat, maturitate librantes, nedum eruditioni consonum, & eloquentiæ candidatis perutile sensimus, verum, & dignum typis hisce præsentibus contestamur. In quorum fidem &c.

Romæ in Ædibus nostris Scholarum Piarum. Die 30. Octobris MDCCV.

Dominicus Antonius à Spiritu Sancto
Rhetoricæ, & Sac. Theolog. Professor
Scholarum Piarum.

Claudius à S. Nicolao Sac. Theolog. Professor,
& Lector Scholarum Piarum.

Pe-

*Petrus Franciscus à Conceptione Clerico-
rum Regularium Pauperum Matris
Dei Scholarum Piarum Præ-
positus Generalis .*

CUM librum cui titulus *Observationes de Puritate Elegancia, atque ornatu Sermonis* à P. Assistente nostro Sigismundo à S. Silverio nostræ Religionis compositum duo ex nostris, quibus commissum fuit, recognoverint, atque approbaverint ut typis mandetur, si jis ad quos spectat ita videbitur, facultatem in Domino concedimus. In quorum fidem hisce nostro sigillo munitis subscripsimus. Datum Romæ in Ædibus nostris Scholarum Piarum S. Pantaleonis die 2. Novembris 1705.

*Petrus Franciscus à Conceptione
Præpositus Generalis .*

Loco ✠ sigilli.

Gregorius à S. Philippo Nerio Secr.

Imprimatur si videbitur Reverendissimo
Patri Magistro Sacri Palatii Apostolici.

D. de Zaulis Episcopus Verulanus Vicefg.

Imprimatur, Fr. Jo: Baptista Carus Reve-
rendissimi P. Paulini Bernardinii Sacri
Apost. Pal. Magistri Socius Ord. Præd.

I N D E X

C A P I T U M.



Pars prima . De verbis simplicibus .
quid per simplex verbum
intelligatur .

De tribus Verborum vitiis . Cap.I. pag.2.
De reliquis Verborum vitiis . Cap.II. pag.18.
De Verbis in Oratione usurpandis , ac de
quatuor Latini sermonis temporibus .
Cap.III. pag.31.

Pars secunda . De Verborum
collocatione .

Quid sit verborum collocatio . Cap.I. p.58.
De Nominum collocatione . Cap.II. p.63.
De Pronominum collocatione .
Cap.III. pag.102.
De collocatione , quæ est in verbis strictè
sumptis . Cap.IV. pag.107.
De Participiorum , Præpositionumque
collocatione . Cap.V. pag.116.
De Adverbiorum , Interjectionum , Con-
junctionumque collocatione .
Cap.VI. pag.125.

De

De vitiosâ verborum collocatione .
 Cap. VII. pag. 137.

Pars tertia. De ornatu Troporum, qui in verbo consistunt.

| | |
|---|------------------|
| Introductio | pag. 148. |
| De Metaphorâ. Cap. I. | ibid. |
| Metaphoræ fontes. Cap. II. | pag. 153. |
| Alia Metaphorarum partitio . | |
| Cap. III. | pag. 159. |
| Metaphoræ vitia. Cap. IV. | pag. 176. |
| Vitia circa usum Metaphoræ . | |
| Cap. V. | pag. 179. |
| De Synechdoche. Cap. VI. | pag. 182. |
| De Metonymia, sive Hypallage . | |
| Cap. VII. | pag. 188. |
| De Antonomasiâ. Cap. VIII. | pag. 195. |
| De Catachresi, & Metalepsi . | |
| Cap. IX. | pag. 200. |
| De Onomatopejâ. Cap. X. | pag. 204. |

Pars quarta. De ornatu Troporum, qui in sententia consistunt.

| | |
|---|------------------|
| De Allegoriâ. Cap. I. | pag. 211. |
| De Fabulâ primâ Allegoriæ speciẽ . | |
| Cap. II. | pag. 218. |
| Parœmia sive Proverbium, secunda | |
| Allegoriæ species. Cap. III. | pag. 236. |
| Ænos, Griphus, sive Ænigma, tertia Al- | |
| legoriæ species. Cap. IV. | pag. 248. |
| De Periphrasi, & Hyperbato . | |
| Cap. V. | pag. 276. |
| De Hyperbole. Cap. VI. | pag. 285. |
| Pars | |

Pars quinta . De Figuris Verborum, & Sententiarum.

- Quid, & quotuplex Figura, Ejus causæ, & utilitates. Cap.I. pag.294.
- De Figuris Verborum, quæ fiunt per adjectionem. Cap.II. pag.298.
- De Figuris Verborum, quæ per detracti-
nem fiunt. Cap.III. pag.314.
- De Figuris Verborum, quæ per similitu-
dinem fiunt. Cap.IV. pag.317.
- De Figuris Sententiarum, ac primùm de
Apostrophe, & Antithesi.
Cap.V. pag.325.
- De Communicatione, Concessione, &
Correctione. Cap.VI. pag.333.
- De Deprecatione, Distributione, Dubi-
tatione. Cap.VII. pag.340.
- De Exclamatione, Epyphonemate, ac
expolitione. Cap.VIII. pag.345.
- De Hypothypofi, & Imprecatione.
Cap.IX. pag.352.
- De Interrogatione, Ironiâ, & Licentiâ.
Cap.X. pag.362.
- De Occupatione, Præteritione, & Pro-
sopopœja. Cap.XI. pag.370.
- De Reticentiâ, Sermocinatione, Subje-
ctione, & Sustentatione. Cap.
XII. pag.375.



SIGISMUNDI
A S. SILVERIO
PRÆFATIO.



HEC NICIS disciplinis
mediocriter instructos ado-
lescentes ad floridiora stu-
dia excitare operæ pretium
est : ut gustatâ quamprimùm
litterarum suavitate , alio ad Virtutem
stimulo non indigeant . Diutina siquidem ,
ac jejuna circa Verborum passiones defa-
tigatio imbecilles ipsorum mentes tam
vehementer effringit , & à cæptis deter-
ret ; ut inde ad litterarum metam pauci
audeant aspirare ; multò pauciores va-
leant pervenire . Ego certè cùm multum
cogitarim quâ de causâ major studentium
pars pluribus annis agrè consumptis in-
litterariâ palestrâ , neglectis Musis , ad
Martem , ad mecanicas artes , vel (quod
longè

longè deterius) ad sordidum otium se convertant ; nullam aliam reperi , nisi quòd cùm jam tempus esset , ut in eruditionis arcana inciperent introduci ; in ipsis adhuc linguæ anfractibus laboriosissimè detinentur : Quid enim alacri animo in litterarum peragant stadio ; cùm post improbos tot exantlatos labores , quibus vel integrum non suffecerit lustrum , nullum inde fructum se videant percepisse ? Magno quidem Reip. detrimento , ad cujus incrementum si seriùs (ut tenemur) respiciamus ; multos quidem habebimus , disciplinæ nostræ commissos , qui Eruditorum concilio faciliè adscribi poterunt . Ad hoc autem Adolescentium animos per rerum novitatem inflammare sensim oportet . Nec alio sanè modo id effici potest , quàm artis præcepta ostendendo ; Auctorum artificium detegendo ; iudicium de ipsis ferendo . Constat enim , tria esse Litteratorum genera , qui à Græcis Grammatici dicuntur : quosdam Thecnicos , quosdam Historicos ; Criticos alios . Horum primos elementa , partes orationis , verborumque docere structuram : alteros verò in Regionum notitiâ occupatos historias , ac genealogias exquirere : Nobiliores his Criticos , qui

tan-

tanquam *Judices*, ac *Censores aliorum*,
 opera examinant, ipsorumque æstimationem,
 aut augent commendando, sive cul-
 pando deprimunt. Eò enim dignitatis
Grammatica se extendit: ut *Magnus Ec-*
clesiæ Doctor Augustinus de se juniore
 scripserit *Confessionum lib. 1*. Adama-
 ram latinæ litteras, non quas primi
 magistri, sed quas docent qui Gram-
 matici vocantur; quasi isti optimarum
 artium, rerumque cognitionem amplissi-
 mam comprehendant. His idè paginis
Rhetoricorum Prodromum habes, in
 quo & *Progymnasmata* continentur; non
 qualia quondam *Sophista Aphthonius*
 præscripsit, & plurimi post eum, qui cram-
 bem recoquerunt, sed quæ ad eloquentiam
 faciliorem aperiant viam. Ea siquidem
Rhetoricæ præceptis non auditis, nullo
 modo reduci possunt ad praxim: undè po-
 tius *Rhetorici privata exercitamenta*,
 ac *declamationes appellandas* putarem,
 quam ad *Rhetoricam ipsam adipiscendam*
 primas dispositiones: quemadmodum ex
 ejusdem, ac *Libanii exemplis* apparet;
 quibus quantum in ipsis eloquentiæ fuit,
 totum quidem insitum est, ac elaboratum.
 Hæc autem nostra nihil eòrum supponunt,
 quæ

quæ in Rhetoricis tradi solent: non inventionem, ac vim argumentorum, non partium dispositionem, quibus oratio constat: sed ea tria solùm pertractant, è quibus, Theophrasto auctore (ut Dionysius refert de Iudicio Isocratis) orationi granditas, & splendor, & magnificentia quædam accedit. primùm delectus verborum: deinde quæ existat ex illis concinnitas: postremò figuræ, quibus hæc includantur. at hæc, inquires, nonne tertia Rhetoricæ pars, & quidem præcipua, quam dicunt Elocutionem? ita sane, vel ea saltem elocutionis pars, quæ ante alias tradenda, & exercenda: sine ipsâ enim scribendi lepos nullus, nulla elegantia potest in aliis dignosci; potest unquam acquiri in se ipso: quin & sensus Auctoris absque hac notitiâ nequit haberi. quomodo enim exempli gratiâ limen, tectum, lares prò domo, aristam prò anno horum ignarus intelliget? quomodo ferrum prò gladio, Bacchum prò vino, militem prò exercitu? quare grave semper studium evadit: quum autem verborum veneres, ac lepores agnovit; eòusque incognitâ dicendi venustate correptus

Ex-

Expleri mentem nequit, ardescitq;
tuendo

multoque magis ubi venustum sententiarum robur detexerit : quare stimulis amplius non eget ; immò docentis vota præveniens, ad ulteriorem explanationem lætus extimulat . Optimum ergo erit, & compendiosum ad eloquentiam iter statim Observationum harum aggredi explanationem, vel saltem præcipuarum, cum primùm casuum communium regimine competenter imbutus adolescens Authores cœperit explanare ; quò citò voluptas attrahat, ac totam mentem absorbeat, pertinacique studio devoveat. Dentur interim themata, quibus quæ didicit tum de verborum collocatione, tum de tropis, atque figuris ad imitationem interserat : & quæ in Authoribus perleguntur pertinentia ad eruditionem ; ut nomina locorum, personarum, & alia hujusmodi ex dictionariis Historicis, Poeticis, Geographicis jubeat industrius Præceptor extrahi diligenter, & alphabetico ordine in Repertorio reponi ; ut historias, ac fabulas, ritus, & mores gentium sensim ediscat : quod, quando ille assequetur, laudibus à Magistro excitetur ; hoc enim maximopere exhibita.

hilaratus meliores semper in dies diligentia fructus præstabit ; atque his delectabiliter assuetus , omnia brevi , quasi cibum , propriam in substantiam convertet .



A. M. P. I.

P A R S P R I M A

D E

VERBIS SIMPLICIBUS.



ER simplex Verbum omne vocabulum intelligimus se-junctim consideratum, & alteri Orationis parti non ad-nexum. v. g. *Amor, Virtus, curfito, vehementer* &c. quo

sensu accipi voluit Quintilianus libr. 1. cap. 5. Porro verba simplicia, aut Primi-tiva sunt, ut: *Urbs, Rus, Terra*: vel De-rivata, ut: *Urbanus, Rusticus, Terrestris*; De quibus in Grammaticis, Ea rursus vel propria sunt, vel translata. De Transla-tis alibi sermo erit. Propriorum alia sunt, quæ sine culpâ in oratione frequentari possunt pro libito; alia verò, quæ cum-vel Latini Sermonis nitorem, puritatem-que tollant: vel locutionem parum mo-destam efficiant; aut prorsus reiicienda sunt; aut cum modo usurpanda. Hujus secundi generis omnia Andreas Frusius sequenti Disticho complexus est.

Sordida, Prisca, Nova, Antiquata, Poë-tica, Dura,

Turpia, Rara nimis, vel Peregrina cave.

Atque ut de omnibus singillatim peculia-ris habeatur sermo, instituamus

A

De

DE TRIBUS VERBORUM VITIIS.

Cap. I.

I. **S**ordida verba ea dico, quibus res
 foedæ nominantur, veluti corporis
 excrementa &c. Hujusmodi ferè sunt, quæ
 à sordidis artibus, & opificiis sumuntur;
 velut à balneis, à coriariis, à popinis: qui-
 bus tamen utemur si de talibus argumentis
 sit differendum; quod rarò illustri Orato-
 ri continget, aut viro cordato. Chirurgi
 quoque, Medicique coguntur interdum,
 verbis uti aptis potius, quàm splendidis.
 Quædam itidem verba tantùm sordida
 sunt aut relata ad gentes & populos, aut
 ad personas & circumstantias. In uno
 enim loco quædam sordidum quid sonant;
 in alio non item. *Stercus & stercoreare* non
 est sordidum verbum, si apud Agricolas
 de agriculturâ habeatur sermo; bene ta-
 men si apud Magnatem, aut Principem de
 Politia habemus orationem. Cæterum nisi
 urgeat necessitas istiusmodi verbis absti-
 neamus necesse est, ut omnes eruditi ad-
 monuere. Duos ex omnibus profero, Fa-
 bium, & Ludovicum Carbonem. Primus
 l. 8. c. 3. hæc recitat: *Et honesta quidem tur-
 pibus potiora semper: nec sordidis unquam in
 oratione erudita locus.* Alter l. 1. de Elocut.
 Orat. disput. 3. *Castum quiddam, ac purum
 est oratio bene constituta; quam verborum sor-
 didis, & proluviione contaminare nefas esse
 duco.* Siquid sordidum tamen, urgenti de
 causâ quod fiet, exprimere cogemur,
 verborum ambitu illud describamus, ho-
 no-

De tribus Verborum Vitiis . Cap. I. 3

noremque præfabimur : ut expresse docet Scaliger his verbis Poët. lib. 3. 51. *Translationibus , & circumlocutionibus utendum , ne sordescat oratio in re vili , à quâ etiam consultius , quàm Homerus , ut ferè semper abstinuit Virgilius , qui neque muscam nominavit , neque asinum sicut ille ; neque earum sordium colluviem dignam putavit sua majestate .* Id etiam plurimi Poëtarum præstiterè : ut fusiùs monstrabimus infra , ubi de *Turpibus* sermo erit .

II. Præcorum Verborum duplex est ratio : aliqua enim ita in desuetudinem abiire , ut in usum revocari non possint : & hæc *Antiquata* dicuntur : de quibus numero IV. dicendum : alia verò , quæ usu quotidiano sunt quidem intermissa , sed tamen non omninò à doctis relicta : quæ *Prisca* communiter appellantur : qualia sunt *Actutum* pro quamprimum : *Antigero* pro valde : *creperum bellum* pro dubio : *Hostire* pro pensare , *hostimentum* pro pensatione : *vitulantes* pro gaudentes : *cluere* pro pugnare : *temetum* pro vino : *expectorare* pro eo , quod est expromere verbis , quod est in animo : *exanillare* pro perpeti : *titivillium* , pro filis putridis , quæ à telis cadunt : *delinificus* pro blandiloquo : *cantillare* pro alienas domos frequentare : *oppaliscere* pro ditescere : *pauperare* pro pauperem facere : *defrugare* pro extenuare : *porcare* pro prohibere , & hujus notæ sexcenta , quæ apud probatos auctores quandoque reperies . Jis igitur & nos uti poterimus : non tamen passim in oratione spargenda , sed illi veluti emblemata inferenda , quo pa-

4 De tribus Verborum Vitiis . Cap. I.

cto gratiam, ornatumque orationi afferent: secus si perperam effundantur, aut non loco locentur, obscuram, & inflatam, & omnino fastidiosam reddent locutionem. Nam, ut in magnâ domo vasa quædam pervetusta, etiamsi nullius usus sint, dignitatem habent, & gentis, familiæque antiquitatem testantur; recentia verò divitias, rerumque affluentiam; sic Prisca vocabula ab usu quotidiano ferè intermissa, grandiore; graviolemque sæpenumero reddent orationem, cum illis suo tempore scatebit. Id ipsum docet Trapezuntius lib. 5. c. 1. in hæc verba: *Verba inusitata, & Prisca grauiori orationi conveniunt: affluit enim simul cum verbis vetustatis quedam dignitas, atque magnitudo, quæ orationem extollit. Verùm rariùs collocanda sunt, ne aut obscuram reddant orationem, aut præparationem significant, aut ostentationis crimen nobis adducant. Sunt item quedam ita vetusta, ut tamen ab usu orationis remota omnino non sint: quibus crebrius dum magnitudini rerum conveniant, uti licet: quibus ultimis verbis Auctor Prisca intelligi voluit; prioribus Antiquata expressit. In eadem sententiâ, & Lipsius epist. 3. ad Germ. Antiqua, inquit, & Antiquos ama; imitare etiam, sed cum modo, & citra affectationem. Voces illæ rariores, & priscae, mihi crede, eloquentiam non faciunt; & quamquam lectionis aut doctrinæ aliquod specimen præseferunt, tamen jure hanc Cacozeliam damnat, & appellat Augustus. Me in ea classe censent: rideo. vide nostra aspergi sale aliquo; sed ut salem videbis, non superfluum aut abundare*

De tribus Verborum Vitiis . Cap. I. 5

dare . Prætera hisce verbis locus erit sine culpâ in sermonibus Priscis , & Personarum fictionibus ; ueluti si Nævium , Pacuriumque disceptantes induceres , aut in Dithyrambis Satiros Faunosque simul canentes . Si quis verborum vetustatem verbitur , ne aures offendat ; optimum erit quid præfari , licentiam petere , aut conditionem aliam apponere , quâ nos id consulto facere , fecisse antiquos significemus . Id fiet his fermè rationibus : Cato librorum belluo , si tamen eo verbo fas est uti in re tam præclara . Æqui igitur bonique facies titivilitium hoc , ut Plauti more loquar . Plauti verbum vide . Cur enim non utar Plauti verbis ? Dicam enim Plautina voce , quo dicam meliùs . Permite Plautino more loqui . Nosti Plautinam vocem . Ut Plautus loquitur in Cassina . Cum Plauto dicam . Ut dicam antique . Si sic loqui licet &c . Pari pacto locutus est Vir Cl. Iustus Lipsius , cujus verba sunt Ep. Quæst. l. 3. ep. 2. Vina apposita vinosum movent : invinium , ut antiqui loquebantur , non movent . Tertullianum , & Arnobium verbis Priscis nimium indulgisse Eruditorum iudicium fuit . Legas enim apud illos Salpicitarum sonitus pro tubarum , hypobrichium pro extremo ; substillum pro dubio aëre &c . quæ non Prisca modò , sed antiquata sunt , & ex ultimis tenebris repetita .

III. Nova dico , quæ apud antiquos non fuerunt . Hæc amandanda ne sint ab oratione apud Scriptores litigium est . Qui negant multis se sapientissimorum hominum auctoribus tutantur : C. Cæsaris ,

6 De tribus Vitiis Verborum . Cap. I.

qui lib. de Analog. dixit , Infrequens atque insolens verbum tamquam scopulum fugiendum esse . Gellii , qui lib. 11. Noct. Att. obsoletis , insolentibus novitatisque duræ verbis uti par ait esse delictum : Macrobbii , qui Saturnal. l. 11. c. 7. hæc protulit : *Verbis uti aut nimis obsoletis , aut insolentibus , novitatisque duræ , & illepidæ par esse delictum videtur ; sed molestius equidem , culpatusque esse arbitror , verba nova , incognita , inaudita dicere , quàm invulgata , & sordentia .* His addunt Fabium , Caussinum Carbonem , Erasmus , Smithium , aliosque recentiores . Secus , qui novis utendum existimant , uno Tullii suffragio contenti sunt , cùm lib. 3. de Fin. imponenda esse nova novis rebus nomina expressè affirmet . Ego verò , sic existimarem , non quodcumque verbum novum esse admitendum , sed illud tantùm , quod necessitate introductum est , & ex urgente ratione novatum . Quo enim mihi Philosophorum Theologorumque verba illa *predicare , principaliter , generalissimum , specialissimum ,* & id genus ; cùm meliora , & planè Latina occurrant , *attribuere , maxime , genus summum , genus infimum ?* Hæc , & similia quidem frequentabo : *Trinitas , Justificatio , Paradisus , Excommunicatio , Purgatorium , Incarnatio , Deipara &c.* cùm voces meliores idem importantes non suppetant . Si elegantius possum describere ; quare *Scolpettum , Mozzettam , Bombardam , Bombam , Perspicillos , Microscopium Telescopium* dicam ? Neque tamen ulli auctor sum propterea , ut nullum prorsus verbum

ad-

De tribus Verborum Vitiis . Cap. I. 7

admittat , quo Cicero eloquentiæ Prin-
ceps , aut ji , qui per eadem tempora vi-
xerunt , usi non sint ; aut facultatem Ora-
tori demam cum Celso ea innovandi , ubi
opus sit ; vel jam innovata usurpandi ,
cùm non occurrant meliora . Hoc enim
puerile esset . Quem enim præterit , mul-
tos Romanæ Linguæ Architectos , scripto-
resque disertissimos , multa de novo verba
fabricasse ; Tulliumque ipsum , quam sibi
facultatem formandorum verborum asci-
verat , eandem aliis dedisse , formandique
præcepta tradidisse ? *Beatitudinem* , & *bea-
itatem* , *mulierosum* , & *mulierositatem* , Ci-
cero primus extulit . *Declamare* pro exer-
ceri ad eloquentiam , *ædituus* pro æditimo
nova erant ætate Varronis . *Interim* pro
interdum , *obiter* pro interea , *subinde* pro
identidem Quintiliani sæculo nata sunt .
Reatum Messala primus dixit : *Munera-
rium* Augustus , *Obsequium* primus Teren-
tius protulit : *Cervicem* numero singulari
Hortensius ; cùm veteres numero multitu-
dinis uterentur *Pyrratica* , *Musica* , *Fabrica*
à Fabii Præceptoribus non erant recepta ,
quæ nunc non est qui refugiat . Deinde
cum novæ res , vel in hominum cognitio-
nem de novo veniant ; vel nisi naturâ ,
saltem hominum industriâ , & institutis
nascantur ; cur ad eas explicandas nova
non infingamus vocabula ? Sanè & hæc
fuit ex causis , quod sermonis paupertate
adeo laboramus , quia , ut cum Quint. lo-
quar l. 8. cap. 3. iniqui Judices adversus
nos sumus . Innovari igitur verba possunt :

Licuit , semperque licebit .

8 De tribus Verborum Vitiis . Cap. 1.

Signatum presente nota producere nomen.
ut Horatius auctor est in Poët. v. 58. 59.
non tamen omnibus licet ; neque nobis ;
quæ antiquis Romanis licentia fuerat ,
data est , statim atque verbum desit , illud
formare ; sed vel circuitione uti debemus ,
aut à Græcis mutuari tamquam ab uberio-
ri fonte . Præterea quod datur licentiæ ,
id ineruditi homines , pueri , & qui lati-
nam dictionem vix norunt sibi non su-
mant , sed disertis , doctisque viris id mu-
neris relinquunt ; qui de bonis litteris , &
Rōmano eloquio sunt optimè meriti . Id-
circo Angli , qui sibi nimium hac in par-
te tribuere sugillantur , ab Illustri Viro
Carolo Du-Fresne Præf. Gloss. tamquam
omnia involuerint , & quibusdam inextric-
cabilibus nodis universa perturbaverint
verbis novis , quæ , ut Plautus ajebat ,
præter Sybillam leget nemo ; nam divinandum
est . Sed hoc ambitiosis , & imperitis com-
mune est vitium , novas rerum appellatio-
nes invenire , ut doctiores appareant .
Certè de Græcis quoque multa recensentur .
De Dionysio tyranno ab Athenæo
memoriæ proditum est *πάρθενον* Virgi-
nem nominare , ut nimis communi nomi-
ne suppudivisset . Columnam *μενεχράτην*
quasi validipotentem vocabat , quod va-
lida perduret : jaculum *βαλλάντιον* , quod
adversus jaciatur . Ejusdem farinae fuit
Alexarchus , de quo Heraclides Lembus
hist. l. 37. testatur gallum appellare con-
suevisse *ὄρθροβόαν* quasi manicinem ; ton-
sorem *βροτοκέρυν* , drachmam *ἀργυρίδα*
præconem *ἀπύτυν* ; Lucianus pariter his
ver-

De tribus Verborum Vitiis . Cap. I. 9

verbis novatis scatet præsertim in Lexiphan . Sed ut & de fontibus ad innovanda verba aliquid dicamus, ea quatuor esse nonnulli Artis magistri tenent, *Imitationis, Inflexionis, Adjunctionis, & Translationis* .

1. Innovantur verba imitatione, cum ad eum modum, quo aurea illa Latini sermonis ætas aliquid extulit, aliud de novo effertur . Hoc pacto Tullius ex *bonitate*, formavit *beatitatem, celsitatem*; ex *proscripturit, syllaturit*; & nos ex *beatitudine pœnitudinem* pro pœnitentiâ diximus . Rursum imitatione creantur nomina, quæ ad Onomatopeiam spectant, de quâ in tertiâ Parte .

2. Inflexione, seu derivatione, cum ex nativo, & usitato nomine aliud deducitur; ut ex *rustico rusticitas*, ex *mendico mendicitas*, ex *bibo, bibosus*; à *negotio negotiosus*; ab *incurvo, incurvesco*; à *credo credibilis*; à *portu portuosus*; à *rotundo rotundatum*, à *castello castellanus* &c.

3. Adjunctione, seu Compositione, cum ex duabus integris vocibus unam conflamus: in quo feliciores Græcos Latinis agnosco: exempla sunt, *magniloquus, versutiloquus, mellifluus, multiloquium, combibones, subrusticus, frugifer, crucifixus, penniger* &c. Quod compositionis genus Poëtarum maximè proprium est, ac præsertim in Dithyrambis, ubi verba longa & ex multis compacta aptissima sunt, teste Arist. in Rhet. Vincentio Maggio, aliisque. hinc Horat. Od. l. 4. 2. v. 10.

*Seu per audaces nova Dithyrambos
Verba devolvit*

intelligens per nova verba , nomina ex duobus , vel tribus composita . Catullus quoque Dithyrambos imitatus *Cervam Silvicoltricem* , & aprum *nemorivagum* appellavit . Alii similiter projiciunt ampullas , & sesquipedalia verba .

4. Translatione demum innovantur voces ; & quidem hic modus transferendi verbi latè pater , ut dicit Cic. 3. de Orat. quem necessitas genuit inopiâ coacta , & angustiis ; post autem delectatio , jucunditasque celebravit . Ut vestis frigoris repellendi causâ reperta primò , post ad ornatum adhiberi cœpta est etiam corporis & dignitatem ; sic verbi translatio instituta est inopiæ causâ , frequentata delectationis . Nam *gemmare vites* , *luxuriem* esse in herbis , *lætas segetes* etiam rustici dicunt . Quod enim declarari vix verbo potest proprio , id translato cùm est dictum illustrat id , quod intelligi volumus . Sed hæc fusiùs ubi de Tropis . Restat ut de Nominibus propriis Locorum , Familiarum , Magistratum , ac Personarum nonnulla breviter attingamus , quæ perperam à quibusdam adeo solent innovari ; atque immutari , ut nullo pacto recognosci queant . Quis enim Gherardum de Gherardis in Desiderio Erasmo agnoscat ? Joannem Palæonhydorum in Joanne de Oude-Vvater ? Janum Victorium da Rossi in Jano Nicio Erythræo ? Casaubonum in Hortobono ? Scio Poëtis , qui metro servire coguntur , concessum , nomina in metro non stantia mutilare ex parte . Cæteram quid urgeat prosâ oratione Nomi-

De tribus Verborum Vitiis . Cap. I. 11

na personata reddere , prorsus ignoro .
Sed ad rem veniamus .

1. Nomina Locorum , cùm sæpè sæpiùs Imperiorum mutatione variata sint , varienturque in dies , & vetera novis oblitterata remaneant : optimum erit & novam , & antiquam illius denominationem exprimere ; vt sic de veritate loci meliùs constet . Si enim novum proferas , & vetus silentio obvolvas , aut contrà ; tenebras pro luce induces . Huic sanè rei etiam à veteribus Scriptoribus tam Græcis , quàm Latinis provisum est , qui sæpiùs utrumque nomen , priscum scilicet , ac recens extulere . Sic Livius dec. 1. l. 9. *Malevento Urbi, nunc Beneventum nomen est* . Pomponius in Maced. lib. 2. *Dyrrachium Epidamnus ante erat: Romani nomen mutavere, quia velut in damnum ituris omen id visum est* . Pompejus Festus. *Segesta quæ nunc appellatur oppidum in Sicilia est , quod videtur Æneas condidisse, præposito ibi Egesto , qui eam Egestam nominavit : sed præposita est ei litera S , ne obscuro nomine appellaretur* . Supplemen. Curtii l. 2. *Thebanis autem conantibus præsidium Macedonicum ex arce Thebana, quam Cadmeam vocant , depellere* . Nos quoque ex eorum imitatione dicere possumus. v.g. *Claros insula, quam Calamum recentiores dixerunt &c. Delos, seu ut vocant Itali, Sdile &c.*

2. Nomina Familiarum aut Gentilitia sunt , aut à loco ducuntur , ubi Familiæ vel originem traxere , vel exercere dominium ; aut ab aliquo egregio facinore parta fuere . A viro insigni , vt latè pro-

bat Sigonius lib.de nominib. Romanorum fuit *Julia* gens, quæ Julium Æneæ, *Æmilia*, quæ Æmilium Julii filium, *Asia* Asim, *Nautia* Nautem Trojanos viros sui generis auctores nuncuparunt . Sic quatuor Numæ filii Pomponus, Calpus, Pinus, & Mamercus, Plutarcho teste, *Pomponiam*, *Calpurniam*, *Pinariam*, & *Mamerciam* gentes Romæ propagarunt . Cæterum nedum à nomine, sed & à prænomine, & à cognomine Auctoris familiæ appellationem acceperunt . A prænomine sunt *Cnæi* à *Cnæo*, ut hic de petitione Consulatus: *Ex equestri ordine Pompilios, & Cnæjos. Hostii* ab *Hosto*. undè epigr. antiq. *Urbis. P. Hostio P.F. Severo*. Ita *Lucilii* à *Lucio*, *Manilii* à *Manio*, *Posthumii* à *Posthumo* *Proculii* à *Proculo* *Servilii* à *Servio* *Tullii* à *Tullo* &c. A cognomine verò sunt *Albinii* ab *Albino*. *Flavii* à *Flavo*. *Fulvii* à *Fulvo*. *Plautii* à *Plauto*. *Rufi* à *Rufo* *Mucini* *Cordii* cognomine: undè ex nummis argenteis *M. Cordius Rufus*. A loco fuerunt *Tarquini*, à *Tarquinis* nempe Urbe Etruriæ: ut asserit Dionysius. *Cominii* à *Cominis* Italiæ populis, de quibus Plin. & nunc feliciter vivit *Albana* Gens ab *Albaniâ* *Macedoniæ* Occidentalis parte, quæ quondam *Epyrus*, in *Umbriam* traducta; ex quâ CLEMENS XI. P. O. M. in DEI Ecclesiâ sanctissimè regnat. Sic *Estensis*, ac *Farnesia* Familiæ à *Castris* hujus nominis antiquæ earum ditionis nuncupatæ. Ab egregio facinore sunt Familiæ *Frangipannorum* à frangendo pane dicta, quem Livus Gregorius in eleemosinam Pauperi-

peribus distribuebat . *Columna* à Victoriâ obtentâ à tribus Fratribus nobilibus Romanis in loco dicto *Colle Longo* , quâ victoriâ periclitantem Patriam ab hostibus liberârunt . Prætereâ à quadrupedibus multas gentes fuisse nuncupatas notat Varr.lib.2.de re rustic. apud laudatum Sigonium Nomina multa habemus ab utroque pecore: à minore *Porcius, Ovinus, Caprinus.* à majore *Equitius* . Ego verò nobiles nonnullas Italiæ adnectam familias , quas mens suggerit , qualis est *Bovi Bononien. del Bufalo Rom. Pecori Flor. Vitelli Tifern. & Flor. Sed & feræ nomen præclaris Familiis donant , quales Ursini Rom. Ursi Bonon. Item Volatilia dant nomen , ut Capponi Florent. Picchi Mirandulan. Galli Mediol. & Flor. Passerini Cortonen. & Nursi. Imò & Serpentes: ut Biscia, & del Drago Rom. &c. Ab aquâ pariter sumuntur: ut Marini Januen. della Fonte Floren. del Pozzo Rom. &c. A Gemmis: ut Rubini Venet. Ac tandem à plurimis alijs rebus habentur Familiæ dictæ. Sic Piazza Foroliviensis, Davia Bonon. Della Porta Neapol. Della Casa Florent. Palazzi Mantuan. Spada Romæ , & alibi Lanci Romani Libri Florentini . Fiaschi Ferrar. & Flor. Martelli , & Martellini Flor. Del Rosso Flor. De Rubeis Romæ , & alibi. Bianchini Veron. Bianchi , & Neri multis in locis , & conditionis diversæ , ob diuturnas per Italianam factiones: Florentiæ verò Del Nero , & Neria Divi Philippi Nerii splendoribus nitet . Porro Familiarum nomina , vel antiqua sunt, vel nova ; si antiqua retinen-*

14 De tribus Verborum Vitiis. Cap. I.

tinendus est finis proprius, & prisco more enuncianda. Sic dicendum *Fabia, Rusa, Sergia*. nam & antiquitus cognomina multa in *a* finiebant. Si nova, idest post Rom. Reipub. excidium, videndum an ad Latinam inflexionem facile reduci queant absque immutatione; ita ut ab incultioribus, & remotæ Provinciæ gentibus absq; Oedipo percipi queant: talia erunt cognomina, *Mediceus, Estensis, Farnesius* &c. quæ à Latinorum inflexione nihil abhorrent: non item *Facchinettus, Anguillarius, Frangipanius, Corsinius*: quapropter satius erit novissima hæc, prout vulgò obtinent efferre. *Facchinetti, Anguillari, Frangipani, Corsini*. Huic tamen mori tot inter adversatur Martinus Del Rio in Senec. p. 2. qui Cognomina quæcunque ad latinam inflexionem reduci posse ex virorum doctorum permisso defendit. En illius verba: *Cum propria hominum, familiarum, vel locorum nomina retineri, neque in aliam linguam per interpretationem transfundi debeant, ut post Hermolaum Barbarum in Plin. notavit Jacobus Curtius: posse tamen ea pro cujusque lingua reflecti & terminari, omnes viri docti admittunt, ita ut si me Delrium dicam, non malè, si flumineum planè ridiculè facturum videar.* Verùm, ut concedo Martino quod alioqui gratis asseruit, Viros eruditos concedere dicta Cognomina ad Latinam linguam reflecti posse; ita nego, Cognomen suum *Del Rio* posse. Primum quidem, quia cum *Del rium* dicit cum casu articulum confundit, quod absurdum est. Secundò quia si à casu articulum

De tribus Verborum Vitiis. Cap. I. 15

lum secernat, & *Del Rium* enunciet, cum majusculus character vocis medietatem necessario obtinere debeat, non, Latinum, sed Barbarum vocabulum efficiet. Hac unâ de causâ Andreas *Du Chesne* reprehenditur, quod se *Duchefnium* appellare consuevisset. Ludovicus quoque *De la Cerda* in *Adversariis sacris* p. 497. graviter expostulat cum Nicolao Abramo, quod illum *Lacerdam* nominaverit. Nicolaus inquam *Abramus*, illius verba recito, *cujus ego nomen melius teneo, quàm ille meum, qui me citans Lacerdam nominat. Ego enim Io: Ludovicus De la Cerda nominor. Itaque Cerda debuisset dicere, non Lacerdam. Sed ignosco homini ignoranti nostrum idioma: apud Hispanos enim la vicem habet articuli, ut la plaza, la terra, la yglesia: rursus dicitur de la plaza, de la terra, de la yglesia. Sed quid plura congeram? nec ipse Martinus in suis, quos luci commisit, libris se *Delrium* dicit, sed *Del Rio*, ut videre est lib. *Disquisit. Magicar. Adagial. Sac. Vet. & Nov. Test. Thren. Phari Sacra Scripturae &c.* Idem similiter fecere ferè omnes sanæ mentis, rectique judicii, quos recensere omnes inutile foret opus. Reliquum est ut admoneam, d. *lirium* esse. Cognomina per interpretationem efferre. Quis enim non rideat, si Principem *Buon Compagni Bonum Socium*; Marchionem *Corfini*, *Curriculum*; Comitem *Malatesta*, *malum caput*; Senatorem *Cerchi*, *Circulum*; Equit. *Rondinelli*, *hirundinulum* dicas? Quâ de re non pigeat audire insignè Virum *Carolus Du-Fresne*, qui postquam non nullo*

16 *Detribus Verborum Vitiis . Cap. I.*

la in Glossarii sui Præfatione de nominibus, & cognominibus recensuit, hæc habet pag. 15. *Quam sanè non semel agitatam, & à viris doctis serioque discussam controversiam meminimus, qui eò visi sunt concedere, ut quibus haud agrè dari possunt latine terminationes, seu, ut Fabii verbo utar, quousque patitur decor, nomina edantur latine; idest, cum quæ sint vernacula, aut fuerint, satis perspicitur: contra verò non ita immutanda, vel Latinis, aut Grecis ejusdem notionis edenda vocabulis (quod ego superius interpretari dixi) quæ Scriptorum nomina, vel titulos, aut dignitates in incerto prorsus relinquant. Et alibi. Nisi enim adjuncti articuli servantur, nomina in incerto manent. Sed & hoc unum addamus; nonnullos Cognomentis adjungere Præpositionem, A, Ab, aut De, ut: Cardinalis de Medicis, Princeps ab Erruria &c. Sanè hoc ultimum magis tolerabile esse docet Erasmus lib. de Conscrib. Epist. Cognomentis, inquit, quæ ducuntur à loco vel originis, vel domini quidam aurè addunt Præpositionem. Picus de Mirandulâ Latinius est Picus Mirandulanus, tolerabiliùs putant Picus à Mirandula. Ac fortasse licebit unum, aut alterum exemplum apud auctores invenire, sed pueri quod optimum est priùs assuescant imitari. Caterum ad ulteriorem eruditionem adnotandum hic censeo cum Sigonio libro laudato; cognomina non semper hæreditaria fuisse; imò aut mutari, aut relinquì pro arbitratu consuevisse: quæ sanè libertas ad tempora Friderici Primi Imperatoris à barbæ colore Italici Barbarossa nuncupa-*

cupati perduravit. Hunc verò decrevisse pœnali Edicto, ut quilibet in posterum Majorum suorum cognomen retineret; quò inter se distinguerentur Familix; docet Philadelphus Mugnos in præfat. Voluminis pr. Theatri Nobilitatis.

3. Magistratum, ac Personarum nomina, nisi habeamus antiqua, nova tenebimus, quæ idem significant, & usu recepta sint; ut superius quoque attigimus. Recens est ut Ecclesiæ Romanæ Princeps *Papa* dicatur: Possumus tamen dicere *Pontifex Opt. Max.* quia ab usu Christiano non abhorret. *Cardinalis* itidem dicemus cùm illius proprium sit dignitatis, neque æquipollens facilè adesse possit. Hinc Bembus & Longolius reprehenduntur à doctis, quod *Patres Conscriptos* vocaverint. Non absurdum est dicere *Patres Purpuratos* in narratione aliquâ, sed ita illos salutare, vel compellare ineptum est. Ineptissimè pariter faciunt, qui Christianos ordines, vel Gradus detorquent in profana vocabula, vocantes summum Pontificem *Regem Sacrorum*, vel *Flamen Diale*, Sacras Virgines Deo dicatas *Vestales*, & his similia; cùm tamen voces hujusmodi (quod de antiquis etiam sensit Fabius l. I. cap. II.) mutare vetet Religio, nam consecratis necessario utendum est, ut ipse loquitur. Circumscriptionibus tamen aliquibus quædam interdum ornatiùs dici posse non negamus, vel per genericum aliquod significari. Possunt siquidem Cardinales *Sanctæ Romanæ Ecclesiæ*, vel *Sacri Concilii*, vel *Collegii Principes* appellari, & eorum

Con-

18 De tribus Verborum Vitiis. Cap. I.

Consistorium Sacer Senatus, aut amplissimum Concilium nuncupari, præsertim Oratoriè, vel Poëticè describendo. Sed de his cumulatius, quàm proposueram. Reliqua verborum vitia jam explicemus.

DE RELIQUIS VERBORUM VITIIS.

Cap. II.

I. **A**Ntiquata ea superius diximus esse, quæ in usum nullo pacto debent revocari, & Obsoleta ab aliquibus indignantur. Ejus generis sunt *bovinari* pro *tergiversari*; *apluda* pro *frumenti furfure*; *flocces* pro *vinifecce*; *iduate* pro *dividere*; *tope* pro *cito*; *assulatim* pro *minutatim*; *paucies* pro *raro*; *hostem* pro *hospite*, ac *peregrino* &c. Qui hæc tentet in usum traducere meritò risum captabit; quemadmodum celeberrimus in causis homo. Hic (referente Gellio l. 11. c. 2. Macrobio l. 11. c. 7. quo præsentè contigit) cum apud Præfectum verba faceret & dicere vellet, inopi quendam, miseroque victu vivere, & furfureum panem esitare, vinumque eructum, & foetidum potare; Hic, inquit, *Eques Romanus apludam edit, & flocces bibit*. Aspexerunt omnes, qui aderant alius alium, primò tristiores turbato, & requirente vultu, quidnam illud utriusque verbi foret. Post deinde, quasi nescio quid Thuscè, aut Gallicè dixisset, universi riserunt. Alter quoque, cum Adversarius causam differri postularet: *Rogo*, inquit, *Prætor, subveni, succurre: Quonam usque nos bovinator hic demoratur?* Atque id voce magnâ ter quaterque in-

cla-

clamavit *bovinator*. Commurmuratio fieri cœpta à plerisque, qui aderant, quasi monstrum verbi admirantibus. At ille jactans, & gestiens. *Non enim*, inquit, *Lucilium Legistis, qui tergiversatorem bovinatorem dicit*. Profectò Causidicus hic illorum typum gessit, qui malunt scribere quæ mirentur homines magis, quàm intelligant; quique dum multæ lectionis videri volunt, verba in medio posita respiciunt, usitataque aspernantur; abstrusa, atque insolentia venantur; & cum frugibus, ut ait Cicero, vesci possint, ad glandes redeunt; cumque de puris fontibus, malunt de fœce haurire. Verùm jî dupliciter peccant, tum quod puritatem, candoremque Romani sermonis commaculant, tum etiam quod perspicuitatem primam orationis virtutem de medio tollunt, quo nihil vitiosius. Quò enim dicant nî velint intelligi? quomodo doceat, qui solùm inusitata effudit? Jure quidem pro Cluent. Cepasium subsannat Cicero, quod ex tam multis Auditoribus quid ille sibi vellet intelligeret nemo, & C. Roscius Sifennam, qui *sputatilica crimina* dixerat, jocosè damnavit, cùm dixit: *Sputa quid sit, scio; tilica nescio*. Obscuri igitur, atque spinosi antiquarii isti evadunt, dum antiquitati stultè inhiant: de quibus per contemptum solet dici, eos cum Evandri matre loqui. *Neque enim*, ut ipsemet Tullius 3. de Orat. inquit, *utendum erit verbis iis, quibus jam consuetudo nostra non utitur*. Symmachus pariter 1.3. ep. 11. amicum reprehendit, quia ver-

bis

20 *De reliquis Verbor. Vitiis. Cap. II.*

bis antiquatis, & ut vocat, Nestoreis nimium uteretur; monetque ut sui sæculi linguam admittat. Huic adde Persium, qui Satyrarum I. quosdam ridet Archais-morum magistros, qui Pueris rancida, quædam inculcant

Euge Poëta,

*Est nunc Brisei quem venosus liber Accj
Sunt quos Pacuviusque, & verrocosa moretur
Antiopa, ærumnis cor luctificabile fulta:
Hos Pueris monitus patres infundere lippos
Cum videas, quærisque undè hæc sartago lo-
quendi*

Venerit in linguas? undè istud dedecus, &c. Seneca quoque suorum temporum nonnullos arguit epist. 114. obsoleta affectantes: *Multi, inquit, ex alieno sæculo petunt verba: duodecim tabulas loquuntur. Gracchus illis, & Crassus, & Curio nimis culti, & recentes sunt: ad Appium & ad Coruncanum redeunt &c.* In eadem sententiâ sunt Macrobius Saturn. l. 1. 5. *Antiquitatem tibi placere ais, quod honesta, & bona, & sobria, & modesta sit. Vive ergo moribus præteritis loquere verbis præsentibus; atque id, quod à Cæsare scriptum est, habe semper in memoria, ut tamquam scopulum, sic fugias inauditum atque insolens verbum.* Erasmus de Utrâque verb. copiâ l. 1. *Et hodiè danda est opera, ne molestè loquamur, longèque recedamus ab istorum studio, qui rectè loqui putant inusitatè loqui, quique (quod eleganter dictum est à Diomede) ita demum sibi videntur ingeniosi, ad intelligendos ipsos opus sit ingenio.* Ex his omnibus facilè deducitur Antiquatis nullum in Oratione locum, nisi per jo-
cum,

cum, & Ironiam: veluti si quis ineptum, antiquitatis affectatorem ita notet: hic profectò dignus est, qui a pludam edat, & flocces bibat.

II. Poëtica dicimus verba quæ in versu rectè usurpantur, sed in oratione librâ parcius aut nihil; præsertim si fuerint composita. Poëtica sunt multa Patronimica *Romulidæ, Christigenæ &c. velivolum mare, aræ thuricremæ, barbigera capellæ, & multa alia nomina, & verba simplicia, grates pro gratias; furiare pro in furorem agere; clarare pro illustrare; cinctutis pro cinctis; eliminare pro efferre foras arcanum, quo tamen usus est M. Tullius pro ejicere. Apud ipsum itidem legas, tabificus, vastificus, tristificus, ingraticus, flexiloquus, umbrifer, nugiger, velificor, lucrifacio, bicorpor, &c. Quæ Poëtica sunt. Ex quo inferas quandoque etiam admitti posse, non tamen coacervatim; in quo peccavit Herodotus, qui sine modo, ac lege suis scriptis Poëtica inservit, atque propterea in notam incurrit teste Hermogene *περί τῶν ὀνόματων*, & Longinus *περί ὑψηλῶν ὀμνημάτων* vocat.*

III. Dura sunt, quæ parum commodè transferuntur, & quæ auribus non leniter sonant. Notatus est qui Rempublicam castratam dixit morte Camilli, cum sentiret illius robur Civitatis unâ cum illo concidisse, ob duram translationem Horatius l. i. Sat. i. notat Furium quendam, qui scripsit

Juppiter, hybernas cananivæ conspuat alpes.
Hispaniæ fuit illud: campos pacis sustulit:

22 De reliquis Verbor. Vitiis. Cap. II.

fulit : *belli montes excitavit* : mollius erat ,
 si à mari tranquillo , ac turbato duxisset
 metaphoram . Verba dura perpetuò fu-
 gienda in oratione ducimus, nisi quid his-
 pidum , ac insuave exprimere volumus .
 Adeo enim veteres horridum verborum
 vitarunt sonum, ut nihil magis. Argumen-
 to sit, quod hanc ob causam pro *duello*, *bel-
 lum*; pro *magis velle*, *malle* : pro *non velle* ,
nolle : pro *medidie*, *meridie*: pro *abfer*, *auffer*;
 pro *insapiente*, *insipiente* &c. dixere. Simi-
 liter eandem vocum acerbitem non se-
 mel, aut per syncopen, aut per apocopen
 & synæresin abstulere . Ideo dicimus *ama-
 ssi amasse* pro *amavisti* , *amavisse* : *virum* ,
nummum, pro *virorum*, *nummorum*: *ain*, *me-
 tu*, *die*, *tribunal* pro *aisne*, *metui*, *diei* & *tri-
 bunale*: *peculi* & *redeo* : pro *peculii* , & *reco* .
Elegans igitur , inquit Ludovicus Carbon.
 lib. I. de Eloc. Orat. Disput. 5. & *exulta
 oratio horridas*, & *vastè hiantes voces refugit*,
ut aurium voluptati morigeretur . Plura de
 his dabimus Parte II. cap. 7. Pro nunc ad-
 notasse sufficiat Thucydidem à Græcis a-
 speritate vocum damnari ; ut testantur
 Phalereus Demetrius, Muretus aliique. E
 Latinis ab ejusmodi verbis minus cavit
 Tacitus , ut tenent Bodinus, Muretus &c.
 Tertullianus in eâdem est navi si credimus
 Lactant. Instit. l. 5. cap. 3. & Turneb. l. 7.
 c. 20.

IV. Turpia vocantur quæ honestatem
 non redolent, sed potius obscœnitatem
 sapiunt . Hæc ab oratione prorsus pro-
 scripta volo , mecumque omnes honesti
 Oratores . Neque verò audiendi sunt, in-
 quit

quit Tullius, Cynici, aut si qui fuerunt Stoici penè Cynici, qui reprehendunt, & irrident, quod ea, quæ turpia re non sint, nominibus, ac verbis flagitiosa ducamus: illa autem quæ turpia sunt, nominibus appellemus suis. *Latrocinari, fraudare, adulterari*, re turpe est, sed dicitur non obscœnè. *Parricidium & incestus* verecundè nominantur, cùm utrumque factu sit turpissimum. *Exonerare alvum, reddere lotium* re turpia sunt non nomine. *Parere* verecundè dicitur quod tamen turpe fieret in propatulo. Unde igitur ducitur obscœnitatis ratio? Non aliundè, quàm ab usu; non quorumlibet, sed eorum, quorum casta est oratio: videmus enim simplex verbum interdum obscœnius esse translato, interdum translatum simplici. Exemplis parco, ut parcam verecundiæ. Igitur longè recedendum est, ut monet Seneca *Declam. 2. ab omni obscœnitate verborum, & sensuum. Quædam satius est vel cum causæ detrimento tacere, quàm verecundiæ detrimento dicere*. Quapropter membrorum omnium voces, quæ Christiana modestia humano quodam pudore velavit, sicuti & earum actionum, quæ palàm facere verecundaremur, ne adhibuerimus; sed naturam ducem habeamus, quæ in homine quidquid speciem habebat honestam, posuit in promptu; quod autem deformè aspectum erat habiturum, illud abdidit, atque contextit. Quæ enim natura occultavit, eadem omnes qui sanâ mentè sunt remonent ab oculis. Sanè non in Oratoribus modò, sed in Poëtis quoque, quicumque illi sint, dam-

damnanda cenſeo Turpia verba . Neque enim unquam acquieſcere eis potero , qui Satyricis , ac Historicis tantum licentiæ concedunt ; cùm idcirco illorum lectio pueris præſertim interdicta ſit , quòd minus caſtè loquantur , à quâ qui non abſtinent facilè inſiciuntur . Præterea ſi Satyra ad hoc inſtituta eſt , ut eâ vitia inſectentur ; quare eas confarciamus vocibus , è quibus qui legunt evadant deteriores ? *Nam ſanè*, inquit Scaliger l. 3. Poët. c. 98. *ſœditates nemo bonus nominare debet nedum ut litteris mandet . Quid enim cogitet adoleſcens , qui certarum ignarus obſcœnitatum , audiat verba aut vocabula tam nefanda , quam monſtruoſo ſunt ingenio ji , qui ea ſcriptis ſuis audent inferere ? Malo igitur non reprehendere vitia deteſtanda , quam in execranda oratione mereri reprehentionem . Si quis igitur aliena peccata inſectetur , ea modèſtia utatur , ne ſuum librum efficiat eo nequiores , de quo verba facit . Scaligero conſentit Viperanus Poët. l. 3. c. 5. Ab omni ſœditate rerum , & verborum Satyricus Poëta abeſſe debet , ne dum animos purgare à ſordibus velit : turpioribus maculis inquinet . Turpitudine verborum multi ex Antiquis Poëtis notantur ; inter quos Princeps Juvenalis : Catullus inde , Martialis , Aufonius , Terentius &c. Hos Pueri , ſi lectitare voluerint , poterunt ; modò expurgata exemplaria habeant : ſin minus , prorſus abſtineant . Suetonius hoc ſolùm improbat , quod cùm Principum turpes voluptates ſtudioſè nimis inſectatus ſit , verba turpia quandoque frequentavit : ſed eò lon-*

longius peccavit Lampridius, dum voluptatum genera omnia ab Heliogabalo invec̃ta descripsit; contra verò Demosthenes, Eschines, Eliodorus, quorum insignem verecundiam Ulpiani Rhetoris interpres commendavit. Quia verò, quod solet accidere, turpe quid exprimere interdum necesse est; quomodo id sine obscenitate, castarumque aurium læsione prælati queat, restat ut præscribamus. Primum vocabulum pro vocabulo substituere possumus: ut docet Hermog. de Invent. l. 4. cap. 11. Et Minturn. lib. 6. Poët. *Quod obscœnum est, si minus honestè propriis verbis enuncietur, translatis utemur, & immutatis.* Sic Menander factum turpe expositurus, honestè dixit *cognovit me*. Secundo modestè rem turpem exponimus per ea, quæ ipsam aut præeunt, aut subsequuntur: quod fecit Homerus Odyss. 11. qui congressum significavit per solutionem virginæ Zonæ. Sic Virg.

Speluncam Dido, Dux & Trojanus eandem Deveniunt.

Tertiò per Periphrasin, quæ ut scribit Beda fig. Sacr. Script. *fit ornanda rei causa quæ pulchra est; aut vitanda quæ turpis est*. Sic Jacobus Sannazarius partem posteriorem verendam, non minùs venustè, quàm verecundè circumlocutus est his verbis; *Unde prodeunt aures, quæ de Sabæis Messibus nihil spirant*. Quarto turpia si in causam veniant, præteritione attingi possunt, ut in Verr. 3. fecit Tullius, cùm ait: *Itaque primum illum actum istius vitæ turpissimum, & flagitiosissimum prætermittam*. Nihil à me

26 De reliquis Verbor. Vitiis. Cap. II.

de pueritiæ suæ flagitiis, peccatisq; audiet &c. Ubi & decorem servat, & adversarium grauius lædit, quàm si rem omnem propalam efferret. Fabius quoque Declam. 3. *Imperator, pudet me quod intelligis. Non audeo dicere, Imperator: parcendum verbis est: inhibenda magna ex parte veritas: prevaricandum, mihi est, si pudorem habeo.* Eundem pudorem Heroici servârunt interdum Poëtæ. Sic Maro Æn. 8.

Et verba locutus

*Honestos dedit amplexus, placidumque petivit
Conjugis infusus gremio per membra soporem.
Sed de his plusquam satis. Nunc de Raris pauca dicamus.*

V. Rara Verba censentur, quorum apud probatos auctores rarus est usus, quibus rarò uti licebit, ut semper rara maneant. Huc etiam spectant, quæ in aliquo genere, casu, numero, præterito, supino hac vel illâ declinatione rariùs frequentantur; quamobrem *phœnix* v. g. meliùs virili, quàm foemineo casu cadit; sæpiùs *explicavi*, quàm *explicui*; potiùs *alitum*, quàm *altum*, *raucesco*, quàm *rauceo* &c.

VI. Peregrina sunt, quæ ex aliis linguis, quàm ex Latinâ sumuntur: quibus ideo utimur, quòd sint Romanâ Civitate donata. Hujus ordinis sunt *gaza* pro divitiis vox Persica; *Acinaces* pro gladio, Medorum; *Essedum* pro rheda, Britannicum; *Ungulum* Oscoꝝ linguâ, annulus dicitur; *Cascus* pro vetulo Sabinorum est; *Uri* pro bobus feris, Gallica vox est, quemadmodum & *merga* pro medullâ sive adipe

De reliquis Verbor. Vitiis. Cap. II. 27

adipe terrę *Parasanga* pro spatio triginta stadiorum, *Perficum*. His affinia nonnulla recenset Fabius l. i. c. 5. his verbis: *Peregrina ex omnibus propè dixerim gentibus, ut homines, ut instituta etiam multa venerunt. Et mox. Plurima gallicè invaluerunt, ut rheda, & petoritum quoque, quorum altero Cicero tamen, altero Horatius utitur; & map-pam quoque usitatum Circo nomen, Pœni sibi vindicant, & gurdos, quos pro stolidis accipit vulgus, ex Hispania duxisse originem audiui. Quia verò ex Græciâ, magnâ ex parte Latinus sermo profluxit; ut universa sentit Literatorum turba, videndum in præ-senti quando, aut quomodo Græcis uti possimus. Neque enim assentior illis, aut laudo, qui, cum vix bene prima Græcæ linguæ teneant elementa, omnia Græcis vocabulis implent; ut se Græcè scire ostentent; cumque Latinè, propriisque verbis animi sensus exponere possint, ad aliena feruntur magis impervia, seque in patriâ hospites esse gloriantur. Ut itaque ridiculus esset is, qui cum Italicè, aut Gallicè loqueretur, tertiis quibusque verbis varias populorum voces immisceret; ita ille, qui suæ orationi passim externa interponeret verba. Utamur ergo Græcis; sed cum modo, & hisce potissimum casibus.*

r. Si insit iis aut grave quid, aut argutum, aut suave, aut jocosum, aut hujusmodi aliquid, quod Latinè elatum, aut faustitatem suam, & vim dimitteret; aut certè brevius, ac significantius dicitur, quàm latinè. Ita sentire videtur Erasmus,

28 De reliquis Verbor. Vitiis. Cap. II.

ubi l. i. de Verb. Cop. hæc habet : Porro Græca Latinis in loco intermixta , non mediocrem addunt gratiam . In loco adhibentur , vel cùm Græca vox est significantior , ut λογομαχία pro contentione sive rixa : vel , cùm est etiam brevior , ut φίλαυτος , pro eo , qui sibi placet : vel , cùm est vehementior , ut γυναικομανής pro mulieroso . vel : cùm est venustior , ut , si quis de rebus arduis , sed inutilibus differentem dicat , eum μετεωρολεχῆν ; aut eum , qui sibi sapiens videatur , cum sit stultus , appellet μορδοσοφον ; nam Græce vocis gratiam nulla Latina potest assequi : vel cum ad dictum , vel locum auctoris alicujus alludimus ; veluti cum notantes aliquem inconsideratiùs locutum , dicimus ποῖον ἔπος &c.

2. Ubi Latinis vocibus destituimur Græca citra culpam adhibemus ; cùm videlicet aliquid fuerit , quod nisi barbarè , aut voce Latinis inaudita exprimi non posset ; tunc nostram egestatem Græcorum copia sublevabit . Ita sentiunt Verepeus l. 2. de conscrib. epist. Ludovicus Carbon l. i. de Eloc. Orat. cap. 6. ubi hæc leguntur : Cùm vocabulo latino destituimur , tunc præstat Græcè loqui , quàm barbarè , aut parum latinè . Id frequenter accidit in nominandis arboribus , piscibus , avibus , herbis , medicamentis , partibus humani corporis , instrumentis , suppellectile , gemmis , & lapillis .

3. Cùm quid tectius , aut occultius scribendum sit amico ; quod non à quovis velimus intelligi ; quemadmodum interdum fecit Cicero ad Atticum . similiter cùm scribimus ad nobis familiares , & eruditos ; quibus multa paucis per allusiones ad historias , fabulas , dicta sapientum ,

ver-

versiculos Poëtarum, Proverbia, & insinuationes significare volumus; ad quæ omnia Lingua Græca, mirum quantum, det nobis facultatem. Et quidem in epistolis crebrius inferi posse Græca vocabula, quam in orationibus, & poëmatis expressit Majoragius epistolic. quæst. l. 2. ep. II. cùm inquit: *Scribis, me nimis in epistola mea Græcatum fuisse. Sic enim tu loqueris: hoc est, nimis multa verba Græca inculcasse. Id excusarem; si meum esset exemplum; ac non gravissimos viros hujus rei auctores haberem. Nescis quam in epistolis ad Atticum Ciceronis multa Græcè posita sint? Sic etiam Plinius sæpè scribit: sic quicumque bonus perlegitur. Quod enim in orationibus, & Poëmatis vitium habetur; si græca verba immisceantur; id in epistolis modò appositè fiat, vehementer laudatur.*

Ac ne singula persequar; quoties (ut sentit Erasmus loco superiùs laudato) invitat aliqua commoditas, rectè Græca Latinis intertextentur; præsertim cùm ad eruditos scribimus. Cæterùm, cùm nihil huc invitat, velut ex instituto, sermonem semilatinum, & semigræcum texere fortassis in adolescentibus, semet ad utriusque linguæ facultatem exercentibus veniam mereatur: in viris, meâ sententiâ, parum decora fuerit hæc ostentatio. Quas demum ratio jam donatas habemus voces, eas sine metu ubilibet, & quotiescumque mens fuerit adhibebimus; cujusmodi sunt; *rhëtor, hypotheca, sycophanta, Philosophus, Theologus, Grammatica, Dialectica &c.* in quibus ipsis varietas inerit, u modo Græcâ, modò Latî-

30 De reliquis Verbor. Vitiis Cap. II.

tinâ formâ innectantur, ut *scorpius*, & *scorpio*; *elephantus*, & *elephas*; *grammatica*, & *grammatices*, &c. Quod de Græcis diximus, idem de aliarum gentium vocibus dicendum; namque ubi nobis verba deerunt, quibus res designemus, tunc ab aliis linguis ea petemus; quod suadet etiam Fabius. Peregrinarum vocum usurpatione celebriores olim apud Græcos Homerus, & Thucidides; apud Latinos verò Ennius, ac perpaulum Maro. De Homero Dio Prusiensis testatur orat. 12. *Ars Poëtarum*, inquit, *valde contumax est*, & *incorrigibilis*, & *maximè Homeri plurima videntis libertate*, qui non unum dictionis elegit characterem; verum omnino Græcorum linguam hætenus separatam commiscuit, *Dorum*, *Jonum*, &c. Multa quoque Barbarorum accepit, à nullo abstinens nomine, quod voluptatem, aut vehementiam illi habere visum est. De Thucydide Dionysius Halicarn. 939. Thucydides in electione verborum cuique genti peculiarem, & obsoletam, ac peregrinam dictionem, communi, suoque tempore usitatae lingue antepōnit. Et 989. *Vocabulorum*, quæ non ab omnibus passim, sed propriè ab aliqua gente usurpantur, item *vetustarum*, & *Poëticarum*, peregrinarumque dictionum apud eum usus est frequens. De Ennio, & Marone hæc habet Hieronymus Columna in Comment. ad Enn. Quoniam Homerus ex omni Græcorum dialecto characteres delibavit, suisque Poëmatis inseruit; Ennius ne transversum, ut aiunt, ab eo unguem discederet, multas exterarum dictiones Romanis immiscuit &c. Maro quoque, tantorum Poëtarum exemplo, non abhorruit Divina sua

De reliquis Verbor. Vitiis Cap. II. 31

sua carmina alienigenis aliquot vocibus conspergere. Sabina enim lingua Cupentus dixit, Persica gaza, Macedonica phalanx; Gallica, Uri, gesa, Punica magalia. Atque hætenus de verbis, quæ uniuersim loquendo ab Oratione latinâ removenda sunt; nunc de jis, quæ cum virtute vsurpari possunt, agendum.

DE VERBIS IN ORATIONE USURPANDIS, AC DE QUATUOR LATINI SERMONIS TEMPORIBUS.

Cap. III.

I. **E**X dictis apertè deducitur, quænam Latini sermonis voces esse debeant; eæ scilicet, quæ ab optimi, ac felicitis sæculi Scriptoribus frequentatæ sunt, quæque ab eorum, quæ extant, excerpenda sunt voluminibus. Neque enim quælibet omnium temporum locutio æque probanda est; quia tanta temporum intercapedine variè Romanus sermo est immutatus. Quidam, ut Scioppius, varias Latini sermonis ætates distinguunt, nempe, Auream, Argenteam, Æneam, Ferream, Ligneam, Luteam. Nos cum Hadriano lib. de serm. Lat. aliisque permultis, in quatuor tempora, Priscum, Antiquum, Optimi Sæculi, ac Declinantis sive Corrupti, vocabula omnia dividimus, eaque hisce carminibus comprehendimus.

*Quatuor in Latio distingues tempora; Priscum;
Antiquum, Felix, Corruptum. Concipe quali
Vixerit Auctor, opus cujus legis; hinc bene verba*

32 De Latini serm. tempor. Cap. III.

Quæ fugienda tibi, tibi quæve sequenda, videbis.

II. Prisca dicimus, quæ in usu fuerunt ab Urbe conditâ usque ad Livium Andronicum; intervallumque illum quatuordecim, & quingentorum annorum facit Tullius in Bruto; alii verò vîque ad Romæ direptionem à Gallis factam, hujus ætatis spatium contrahunt. Livius itaque, qui primus hujus tempestatis recensetur Scriptor, fabulas docuit; non tamen satis dignas quæ iterum legerentur. Ejus etiam nunc extant Fragmenta; Poëtam enim fuisse, versusque illius non dignos liturâ testatur Horatius, ubi inquit:

*Non equidem infector, delenda ve carmina Livij
Esse reor &c.*

Per hæc ipsamet tempora doctos, summosque viros floruisse, suspicari magis, ut loquitur Cicero, quam intelligere possumus; cum nulla eorum perdurent monumenta; præter Orationem Apii Cæci, nonnullaque funebria encomia; ut in Originibus, scriptis mandavit Cato. Nonnulla insuper Legum fragmenta, de quibus vix lubet ferre judicium. Nec tamen hoc cuiquam miraculo esse debet, si Romanam devastationem à Gallis factam anno CCCLXV. ab V.C. consideremus; aut si temporis habeamus rationem; nam, ut scribit Livius lib. 6. c. 1. *Rare per eadem tempora literæ fuere: una custodia fidelis memoriæ rerum gestarum: & quod etiam, si quæ in commentariis Pontificum, aliisque publicis, privatisque erant monumentis, incensa Urbe, pleraque periere.*

III. Antiquæ ætatis spatium damus, ab ipso

ipso Livio Andronico, usque ad Cicero-
nis tempora. In hoc intervallo, etsi quam-
plurimi doctissimi homines vixerint; eos
tamen sine vlllo verborum delectu, imò in-
cultis pluries, atque horridioribus locu-
tos, sequior illis ætas adnotavit, undè
Martialis:

Actius & quidquid, Pacuviusque vomunt.

Et Cic. de Cl. Orat. *Illius autem ætatis qui
sermo fuerit, ex Nævianis scriptis colligi potest.*
Et subdit: *Cæcilium, & Pacuvium male locu-
tos videmus.* Non tamen omnes pari pacto
locuti; nam quidam obscurius, alii com-
ptius & ornatius; ita ut si quædam pruden-
ti iudicio rescindantur, non prorsus le-
ctione, imitationeque indigni habendi
sunt. Neque enim, ut prudenter Macro-
bius Saturnal. l. 6. c. 3. quisquam ex hoc vi-
les putet veteres Poëtas. (idem & de Oratori-
bus sentias) quod versus eorum scabri nobis
videntur. Ille enim sylus Enniani sæculi auri-
bus solus placebat; & diu laboravit ætas secunda,
ut magis huic molliori stylo acquiesceret. Nec
etiam defuerunt imperantibus Vespasia-
nis, si credendum Crinito Poët. Lat. lib. 2.
cap. 19. Qui Lucratium pro Virgilio, &
Lucilium pro Horatio legerent. Ut verò
Adolescentes proprium cuiusque Scripto-
ris characterem habeant, melioresque
quos legant discernere possint, de illorum
nonnullis hic iudicium proferemus, ex
Illustrium Virorum, quam tulere, senten-
tiâ depromptum.

1. Hujus Ætatis Poëtæ recensentur
præcipui Q. Ennius, M. Accius, Plautus,
Cn. Nævius, Mar. Pacuvius, Stat. Cæci-
lius.

34 De Latini serm. tempor. Cap. III.

lius, Lu. Actius, Pub. Terentius, Cajus Lucilius, Sex. Turpilius, Cn. Matius, Luc. Afranius, Quint. Trabeas, C. Licinius Imbrex, Q. Novius, quorum omnium Fragmenta prostant in corpore Poëtarum Latinorum Genevæ in 4. 1627.

2. Ennius ex Criticorum sententiâ alter Homerus olim habitus est, ut scribit Horat. l. 2. epist. 1.

*Ennius & sapiens, & fortis, & alter Homerus
Ut Critici dicunt.*

Maroni prælatum fuisse, dum ille adhuc erat in vivis, testatur Martialis l. 5. epig. 10.

Ennius est lectus salvo tibi, Roma, Marone.

Sed ejus stylum hispidum esse etiam nunc omnes fatentur cum Ovidio, qui de Trist. hæc protulit:

Ennius ingenio maximus, arte rudis.

Decantatum est etiam illud Virgilij effatum, quo se aurum ex stercore Ennij colligere dictitabat. Torrentius ita eum negligenter scripsisse affirmat, ut videatur parvi facere quod de se promiserit, aut somniaverit; Animam scilicet Homeri in se immigrasse.

3. Plauto nullus magis incorruptam servavit antiquitatem; nullusque eo castius; adeo ut inter veteres communi adagio convenerit; Musas ipsas, si latine loqui velint, non alio sermone usuras, quam Plautino; quapropter paucis quibusdam vetustis vocibus declinatis (sic enim ipsum loquebantur) sectioni, imitationique est maxime proponendus. Et sanè ubi elegantiores, atque amœniores quàm in
illo

illo sales? quò propterea à Lipſio de Mil:
Rom. l. 2. c. 1. *Pater leporum* dictus est: à
Casaub. *ingenioſſimus*, & *facetiſſimus*; à
Taumanno. *Latine Comedię Princeps*, *Mu-*
sarum, *gratiarumque hortus*. Græcos comi-
tate ſuperasſe teſtatur Sidonius Carm.
num. 23.

Et te tempore, qui ſatus ſevero

Graios, Plaute, ſales lepore tranſis.

Sed univerſas hujus laudes paucis per-
ſtringere noſtrum non eſt: quare indicaf-
ſe ſufficiat.

4. Nævius Comœdiographus nimia
uſus eſt in ſuis ſcriptis verborum licentiâ,
atque petulantia in redarguendis præ-
fertim Metellorum vitiis; quamobrem in
vincula quoque conjectus fuit. Stylum
alioqui habuiſſe eruditum, & gravem,
tradit Crinitus l. 1. de Poët. Lat.

5. Pacuvium celebrat Fabius lib. 10.
eumque clariffimum dicit gravitate Sen-
tentiarum, verborum pondere, & auctori-
tate perſonarum. In quâ ſententiâ & M.
Cicero fuit, qui hunc ipſum cæteris om-
nibus Tragediâ facile præfert; verſusque
illius magnoperè commendat. Plinius
quoque, ejus opera apud veteres magno
in pretio fuiſſe retulit.

6. Statium Cæcilium ſuis tempori-
bus principem locum tenuiſſe in ſcriben-
dis Comœdiis, Sedigitus Volcatius pro-
tulit; qui inſuper non tantum Plauto, &
Terentio, ſed reliquis omnibus Comicis
ſine controverſiâ præponit.

7. Terentii locutio politior, atque no-
bilior Plautinâ quibuſdam viſa eſt; melio-

36 *De Latini serm. tempor. Cap. III.*

res contrà sensere, quibus sterilis, ac par-
 cior videtur; utpotè qui rem, cùm sese ob-
 tulerit sapius dicendam, eodem ferè sem-
 per modo, aut paucis admodum mutatis
 offerat: cùm Plautus in eo nunquam sit
 sui similis, novusque in novâ oratione
 semper appareat. Sed audiamus Viri Cl.
 Justî Lipsii judicium quæst. epistol. l. 2.
 ep. 18. Terentius æquabilior, & magis, ut sic
 dixerim, unius fili. Fateor: sed usurpabo de eo
 vetus dictum: Terentius nihil peccat, nisi quod
 non peccat. Hac æquabilitate censuram Cæsa-
 ris meruit.

*Lenibus atq; utinam verbis conjuncta foret vis
 Comica; ut equato virtus polleret honore
 Cum Græcis; neq; in hac despectus parte jaceres.
 Unum hoc maceror, & doleo tibi deesse, Terenti.
 Hac vis, & varietas in Plauto est. Nunc ille
 adsurgit; nunc submittit; nunc protrita, nun-
 grandiora dicit. Proponit vitia, & castigat; lo-
 cus communes, ethica, & politica admiscet; a-
 liud quidem agens, sed quasi hoc unum agens,
 & omnia, tamquam sale, venustissimis jocis ad-
 spergit: quæ certè Terentius per somnium non
 cogitat, per jocum non tentat. Terentium ip-
 sum amo, admiror; sed Plautum magis. Uter-
 que adolescentibus in manu, in sinu, in oculis sit.*

8. Cajum Lucilium Satyræ invento-
 rem, Flaccus Lutulentum vocat, & in-
 scribendis carminibus incompotum l. 1.
 Sat. 4. v. 6.

*Hinc omnis pendet Lucilius hosce secutus.
 Mutatis tantùm pedibus, numerisque facetus
 Emunctæ naris, durus componere versus
 Non fuit hoc vitiosus in hora sæpe ducentos,
 Ut magnum, versus dictabat stans pede in uno.*
 Cùm

Cum fuleret lutulentus erat, quod tollere velles.
 Gellius lib. 2. Quintilianus, alique à
 Flacco dissentiunt; fortassis quia hæc in
 parte depravatam illius judicium vi-
 deant, quemadmodum & illud fuit, quod
 de Plauto tulit de Arte Poët. Fabii verba
 subjungam ex lib. 10. *Satyra quidem tota*
nostra est, in qua primus insignem laudem a-
deptus est Lucilius, qui quosdam ita deditos sibi
adhuc habet amatores, ut eum non ejusdem
modò operis auctioribus, sed omnibus Poëtis
preferre non dubitent. Ego quantum ab illis,
tantum ab Horatio dissentio, qui Lucilium
fluere lutulentum, & esse aliquid, quod tollere
possis, putat: Nam & eruditio in eo mira, &
libertas; atque inde acerbitas, & abundè salis.
 Hæc ille. De reliquis supra laudatis Poë-
 tis vix refert ferre sententiam. De Orato-
 ribus, qui extiterint clarioris nominis,
 modò Laconicè recenseamus; sunt enim
 fere omnes Ciceronis pennicillo expressi
 lib. de Cl. Orator. Principium tenet, si non
 principatum, L. *Junius Brutus*, cujus
 tempore florere cœpit eloquentia; nam
 funebri laudatione decoratus fuit. Ejus
 exornativi generis Orationes jam inter
 facundiæ delicias numeratas fuisse, au-
 ctor Halicar. l. 3. Antiq. Rom. *Menejus*
Agrippa, cujus eloquentia prisca quidem,
 & horrida, sed ipso horrore veneranda.
 Recitat illius Orationem Livius l. 2. pro-
 pe Anienis ripam habitam. *Appius Claudius*,
 cæcus quidem, ingenii tamen lumine, ut
 constat, præcellens. Extat apud Plutar-
 chum gravissima illius Oratio habita in
 Senatu, qua turpes Pyrrhi conditiones

Se-

Senatui oblatas pro pace, discussit. *M. Cornelius Cethegus*, qui Consulatum gessit an. ab V.C. DC. eloquentiæ laudibus enituit, de quo notissimi Ennii versus *Annal. l. 9.*

*Additur Orator Cornelius suaviloquenti
Ore Cethegus Veturio collega, Philoni
Filius. is dictus ollis popularibus olim,
Qui tum vivebant homines, atque ævum agi-
tabant*

Flos delibatus populi, suadæque medulla.

M. Cato Senior, quo nec in laudando gravior, acerbior in vituperando, in sententiis argutior, in Tropis, verborumque flosculis crebrior, in dicendo subtilior alius per hæc tempora reperiri facile poterit; ut ex jis, quæ supersunt, fragmentis colligere est. Antiquior tamen quia est ejus sermo, & quædam horridiora verba habet; opus foret immutare, quod tum ille non potuit, cum ita loqueretur; numeros addere, & sic neminem præferres Catoni. Fusius in ejus laudes excurrunt *Plutarc. in Cat. Dionys. Halic. Cic. alii-que*, quos consule. His adde *Q. Fabium Pictorem* inter eloquentes à *Tullio* adscriptum, *literarum, & antiquitatis bene peritum: C. Lelium, & B. Africanum*, quorum extabant *Ciceronis* ævo *Orationes*; ex quibus de illorum ingenio facile argui poterat: *Servium, Galbam, Curionem*, illustres *Oratores: Tiberium Gracchum, Cajum Carbonem, Cajum Gracchum*, de quo honorificum prostat *Tullii* judicium in *Bruto: C. Gracchum* de superioribus solum lego; imò planè, inquam *Brute*, legas censeo. *Damnum enim,*

enim, illius immaturo interitu res Romanæ, Latinaque fecerunt. Et mox, Eloquentia quidem nescio an habuisset parem neminem. Grandis est verbis, gravis sententiis, genere toto gravis. Manus extrema non accessit operibus ejus: præclare inchoata multa, perfecta non planè. Legendus est hic Orator, si quisquam alius. Faventuti; non enim solum acuere, sed alere ingenium potest. Videatur Gellius l. 10. Val. Max. l. 8. c. 10. Plutarch. in Grac. Prædictis coævi fuere Q. Catulus, cujus oratio adeo pura fuit, ut Latinè loqui penè solus videretur. M. Antonius, in quo Romana eloquentia cum Græcâ æquata; M. Crassus, in quo Latinè loquendi accurata, & sine molestia diligens elegantia: Servius Sulpitius, cujus eximia laudatio extat Philip. 9. Cotta, Hortensius, & Marcus Crassus junior. In Hortensio apparent magna vis ingenii, atque felicitas, quæ auctiori culturâ caruit; melius dicebat, quàm scripsit; & ejus scripta, ut ait Quintilian. lib. 11. intra famam sunt: Crassus è contra Orator submediocris habitus est: in ejus namque sermone hos nullus fuit, neque lumen ullum. Præcessere itidem Tullium Oratores Pompejus, M. Callidius, Pison Tullii Gener, C. Licinius Calvus: primum ferunt orationis satis amplum, cujus actio haberet & in voce magnum splendorem, & in motu summam dignitatem: alter inter multos penè singularis fuit, qui per illud tempus florere Oratores. Tertius verborum delectu, atque elegantia summoperè enituit; amavitque aptam, & quasi rotundam constructionem; ultimus

mus demum morosâ, atque meticulosâ eloquentiâ notatus est. Porro proximiores Ciceroni, universè loquendo, castius, atque comptius fuisse locutos, idemmet pluribus in locis non obscure innuit: verum tamen semper ultimam illis defuisse manum apparuit. Et hæc de Antiquo tempore dicta sufficiant.

IV. Fælicis, & optimi sæculi ætas, omnium judicio, Ciceronis, ac Cæsaris tempora comprehendit; tunc enim vetus illa rubigo detergi, & sermō adeo expoliri cœpit, ut ad summum brevi pervenerit; ut deducitur ex hisce Cic: in Bruto: *Certe nos & boni aliquid attulimus Juventuti, magnificentius quam fuerit illud genus dicendi, & ornatius: & nocuimus fortasse, quod veteres Orationes, non à me quidem (meis enim illas antepono) sed à plerisque legi sunt desitæ.* Et in Tusculan. non solum ætatis suæ contestatur perfectionem, sed interituram, brevi eloquentiam, jam ad culmen usque productam, prædicat: *Oratorum laus, ita ducta ab humili venit ad summum; ut jam, quod natura fert in omnibus rebus, ferè senescat, breviq; tempore ad nihilum ventura videatur.* Hoc quoque non obscure indicat Horatius, qui in Lucilium Poëtam insurgens Sat. I. 10. v. 67. hæc recitat:

Sed ille

*Si foret hoc nostrum fato delatus in gremium
Detereret sibi multa; recideret omne, quod ultra
Perfectum traheretur; & in versu faciendo
Sepe caput scaberet; vivos & roderet unguos.
Quibus apertè monstrat, quod Lucilius,
quamvis Ennio limatior fuisset, nunquam*
ta-

tamen ad munditiem, & polituram sui sæculi pervenisset, neque versus tam facile effudisset. Qui floruerint hac ætate non est exigui operis percensere: hoc enim tempus, (ut Solinus, de Augusto verba faciens, asserit) *ferme solum repertum est, quo plurimum & arma cessarunt, & ingenia flouruerunt*. Ut tamen cœptis insistamus, studiosorumque morem geramus voluntati, ex celebrioribus Scriptoribus quosdam numerare, ac de jis quaecumq; ferre iudicium necesse est. Atque, ut de Cicerone eloquentiæ Principe taceam, à quo omnis ubertas, atque Silva rerum, verborumque sumi potest, quemque Adolescentes, imò & senes ipsi ob oculos, præ manibus semper habere debebunt, si sermonis nitorem, vim, atque præstantiam desiderant adipisci.

1. Præclarissimus extitit C. Julius Cæsar, cujus Commentariis nihil habent in hoc genere perfectius Latinæ literæ. Proprie loquitur, & significanter, estque in verborum structurâ accuratus, ac omnino placidi instar fluminis procurrens. *Pueris inter primos auctores formandæ linguæ, ut inquit Lips. Elect. l. 2. c. 22. si quis proponat nihil erret. Sed Juventus, exclamat Vossius, prob pudor! satis infrequens est in nobilissimo, atque adeo Divino hoc Scriptore.*

2. Sallustius laude eloquentiæ pariter enituit, pressus verbis, rebus affluens, sensibus dives, ac sublimis; sed in illo floridam illam styli amœnitatem, fluentemque orationis ambitum desiderabilis. Obscurus quandoque, & in translationibus audax;

42. *De Latini serm. tempor. Cap. III.*

dax; quare, ut inquit Fabius l. 2. c. 5. *Livius a pueris magis legendus, quam Sallustius, & hic historiae majoris est auctor; ad quem tamen intelligendum, jam profectus opus sit.*

3. Titum Livium lacteo eloquentiae fonte manantem dicit Hieron. t. 3. epist. ad Paulin. illamque aetatem, inauditum omnibus seculis, celebrandumque miraculum habuisse, inibi contestatus est. De eo præclare Quintil. l. 8. c. 1. *Est, inquit, narrando miræ jucunditatis, clarissimique candoris: tum in concionibus, supra quam narrari potest, eloquens.* Patavinitas ei objecta est ab Asinio Pollione, nimirum delicatum Romani hominis palatum sibi aliquid sentire videbatur, quod non Romanum, sed persgrinum saperet.

4. Extant & A. Hirtii Panfæ (seu Oppii ut defendit Sueton.) libri de bello Africano, Alexandrino, & Hispaniensi. De belli Africi libro hæc Lips. Elect. l. 2. c. 22. *Inter libellos, qui adjuncti Commentariis Julianis, unus est de Bello Africo, qui, me judice, non inter illos tantum eminet, sed inter pleraque Romana scripta. Ita tersa in eo, & ad Comicum morem pura dictio; simplex, coherens, & candida narratio, nihil questu coloris, aut fuci: omnia denique illo ipso Cesare digniora, quam Commentarii illi, qui feruntur. At neglectus tamen jacuit, imò vix lectus is libellus, quem si serio inspicis, fatebere non alium magis esse ad genium prisce ævi. Reliqui duo, duriusculi habentur, militari quodam, & horrido stylo scatentes; ac proinde non ab eodem Patre profecti creduntur. Scaliger tamen, nihil latinius concii-*

concipi posse libello de bello Hispanien-
si, scripti Proleg. in Manl.

5. Cornelii Nepotis Illustrum Viro-
rum vitæ, dignæ insuper quæ legantur; ve-
rùm in illis dubium non est, nonnulla
posterioribus sæculis irrepsisse, ab ævi Au-
gustæi auro remotiora, Æmilii, credo,
Probi operâ, cujus nomen multis sæcu-
lis Libellus Nepotis præscriptum habuit.

6. Varronem, atque Vitruvium non
est quod adolescentes terant: scitent enim
archaïsmis, verbisque novatis; adeo ut in
unicâ Vitruvianâ voce explicandâ pluri-
mi Studiosorum prodierint libri. Præterea
illis elegantiam defuisse monstrat Agellius
l. 20. c. 2.

7. Ex Poëtis hujus temporis principes
sunt Virgilius, Lucretius, Ovidius, Ca-
tullus, Tibullus, Propertius, Cornelius
Gallus, Horatius &c. de quibus omnibus
præclarissima extant eruditorum judicia.
Et quidem Virgilium fuisse Homericæ
perfectionis per omnia imitatore, nul-
lius disciplinæ expertem, omnium Lati-
norum Poëtarum purissimum, atque ele-
gantissimum, non est qui non fateatur:
quare præ manibus hunc semper habere
hortatur Augustinus his verbis: *Virgilium*
Pueri legant, ut Poëta magnus, omniumque
præclarissimus teneris imbibitus annis, non fa-
cile oblivione possit aboleri.

8. Lucretium quidam Virgilio ipsi
prætulere; non tamen meritò. Neque
enim inficias ibo, in illo summam ingenii
vim, & orationis splendorem incredibi-
lem, puritatem, copiam, majestatemque
inesse;

44. *De Latini serm. tempor. Cap. III.*

inesse; sed illum quoque verbis duris, ac planè Ennianis quandoque uti, versufq; quasi solutæ orationi similes effundere, quis neget? Detergunt tamen hanc illius notam summi viri Petrus Crinit. l. 2. c. 19. Jo: Bapt. Pius in præf. ad Lucr. Lambinus, aliique variis rationibus; ac potissimum, quod res tetrica, atque difficilis, quam pertractat, vix sine scoriâ pedestri versibus potuerit includi.

9. Ovidium, ingeniosissimum, copiosissimum, elegiacorumque omnium ferè Principem, cum Romano Philosopho, haud inviti consentientur, quicumque de ingeniorum præstantiâ judicium facere possunt. Versus enim effundit naturâ facillimos, suaves, ac ab omni antiquorum verborum fœce prorsus illimes. Novavit tamen nonnulla; illique duo defuere lima, & fræna linguæ; quapropter non omnia ejus Opera studiosis legenda propono; sed libros, qui de Ponto, & Tristibus inscribuntur, qui etiam inter alios sermonis nitore, gravitate magis excellunt. Si quis tamen se nimium illius lectiōe allectum senserit, poterit ad Fastorum, & Metamorphoseon libros usque excurrere.

10. *Versus Catulli*, ut inquit Crinitus lib. 2. c. 27. *quamvis ut duriusculi notantur (quod uterque Plinius asserit) tamen perelegantes habiti sunt, & sectatores complures in his invenit.*

11. Propertii tanta jucunditas, & amœnitas est, ut ejus carmina dictantibus Musis à Poëta excepta censeas: *Facilis*, ait

De Latini serm. tempor. Cap. III. 45

ait Scaliger Poët. l. 6. c. 7. *verè elegiacus ; tersior tamen, quàm existimatus est à Criticis ; nam & amat quadam, quæ minimè sunt vulgaria. Non amare Musas, qui Propertium non amet, Lipsii effatum est : Neque enim nil nisi mulla, ut Comicus dixit, loqui videtur. Utinam etiam nil nisi honesta, loqui videretur.*

12. De Tibullo accipe quid sentiat Crinitus Lat. Poët. l. 3. c. 40. *Tibullus libros elegiarum composuit, in quibus facile probatur, quàm elegans, & candidum sit ejus carmen, ut ejusmodi coloribus describendis Latinos omnes videatur superasse, cum affectibus exprimendis, tum elegantia, & suavitate ingenii. Jo: Scopa l. 1. cap. 31. Variarum lect. ejus carmina tersa, & emuncta dicit. Sed quanta face scater inhonestatis !*

13. Cornelius Gallus in Elegiâ eximius habitus olim fuit. Duriorem tamen extitisse Fabius protulit. Leguntur ætate nostrâ Elegiarum libri sub nomine Cor. Galli; quâ in re, ut ait Crinitus, facile est imponere imperitis hominibus. Qui autem paulo diligentius antiquitatem observaverunt, nihil minus censebunt, quàm ut hi referendi sint ad Poëtam Gal-
lum.

14. Lyricorum Horatius ferè solum legi dignus, si credimus Fabio l. 10. cap. 1. nam & insurgit aliquando ; & plenus est jucunditatis & gratiæ, & variis figuris, & verbis felicissimè audax. Ejus Elogium transcribam ex Scalig. Poët. lib. 6. c. ult. depromptum : *Quis Horatii stylo putet ul-*
lam

46 De Latini serm. tempor. Cap. III.

lam censuram esse potio- rem? Est enim omnium Latinorum, Græcorumque Poëtarum elaboratissimus. Nam in Lyricis, quem sonum, quos numeros, quam majestatem quæsit, obtinuit. quam puritatem, elegantiam, venustatem appetiit, consecutus est. Carminum libri, vel jucunda inventione, vel puritate sermonis, vel figurarum tum novitate, tum varietate, majores sunt, non solum omni vituperatione, sed etiam laude: neque solo dicendi genere humili contenti, verum etiam sublimi maxime commendandi.

Igitur, qui incorruptè, & candidè loqui velit, ab hujus ævi Scriptoribus non discendat; quod si ad Declinantis quoque Sæculi Auctores deflectere volumus; id tantum lectionis, artisque captandæ causâ fiat; non verò jis tamquam genuini, & verè aurei sermonis magistris, utemur. Sed ad Declinantem veniamus.

V. Sæculum Declinantis sermonis, ab excessu Augusti recensemus. Ejus namque Imperio ad finem vergente, stylus cœpit immutari; ac nobilis ille Romanorum candor, & lepos inquinari; ut ex scriptis eorum, qui tunc vivere, deduci potest. Et ut ex omnibus, unum Senecam seligamus; hic in Controvers. I. hæc habet: Deinde, ut possitis aestimare, in quantum quotidie ingenia decrescant; & nescio qua iniquitate naturæ, eloquentia se retro tulerit; quidquid Romana facundia habet, quod insolenti Græciæ aut opponat, aut præferat, circa Ciceronem effloruit. Omnia ingenia, quæ lucem nostris studiis attulerunt, nunc nata sunt. Scripsere non sine laude primis hisce

scē declinantis sæculi temporibus

1. Q. Curtius, aureā prorsus dignus ætate; adeo verborum est eligens, tersus, atque perspicuus; in sententijs, orationibusque mirè disertus. Tantis præterea veneribus orationem perfundit, ut non mediocriter Lectores, amatoresque suos oblectet.

2. Vellejus Paterculus, cujus dictio verè elegans, atque Romana.

3. Valerius Maximus, qui vix sapit bonum ævum; sermonem enim, ac sententias interdum affectasse dicitur. Est tamen in eo, ex tot historiis, quasi ex tot floribus, grata varietas, brevitās narrationū, acuminibus sententiarum affabre conspersa.

4. Petronius Arbiter, in quo nuda nequitia, nec omnino laudabilis dictio reperitur; argutus tamen, & amœnus.

5. Pomponius Mela, quem elegantissimum dicit Voss. de Script. Lat. l. 3. p. 2. Claudius tamen Verderius aliter sentit à Vossio, sed minus æquè.

6. Asconius Pedianus, in quo nonnulla posteriorum Grammaticorum glossæ palam barbara alicubi irrepserunt.

7. Phædrus, & Hyginus Fabularum Scriptores, elegantia minus studuere; & plebejam loquendi consuetudinem plusculum usurparunt.

8. Senecam Philosophum Agellius, & Quintilianus nonnihil suggillant: sed quàm immerito, omnes viderint. In illo enim multæ, divinæque prorsus sententia,

tix, multaque morum causa in eo legenda. Præterea in eius dictione verba selecta agnosco, quæ semper plus aliquid dicant, quàm dicunt. Brevis tamen est, strictoque dicendi genere utitur.

9. Senecæ Tragici Thebais commendatur, quæ maximè pulchra est. Scriptio alta, docta, grandis: phrasis & verba selecta: sententiarum mira acumina. Quidam & Medeam intrudunt. In cæteris quid non protritum, vulgare, imò & vile? Rectè sane Erasmus, Marmita, Gellius, aliique, qui eas diversorum esse, & scholam redolere censuerunt.

10. Lucano multa opponunt, dictionis inconstantiam, frigiditatem, & id genus alia. Ulteriùs idem bis, aut ter dicere ita illi familiare fuit, ut sibi proprium fecerit.

11. Persii stylus morosus, & ille ineptus, qui cum legi vellet quæ scripsisset, intelligi noluit quæ legerentur. Ostentatorem febriculosæ eruditionis eum vocat Scaliger. Poët. l. 3. c. 98.

His omnibus addi poterunt, Quintilianus, Uterque Plinius, Suetonius, Tacitus, Florus, Justinus, Solinus. Juvenalis, Statius, Valerius Flaccus, Silius Italicus, & Martialis, qui adhuc magis magisque in præceptis literis abeuntibus, aureoque dicendi genere, sub Vespesiano, Tito, Domitiano, Nervâ, Trajano, & Adriano vixere. Hos omnes inter ætatis cæneque Scriptores, cû quibusdâ adscriberem.

12. M. Fabius Quintilianus auream in suis scriptis mediocritatem secutus est; ut
qui

qui neque verborum novitate, atque insolentiâ orationis juveniliter exultat, neque ad plebejum flectitur sermonem. In gravitate ornatus, in ornatu gravis dignoscitur; ut inquit Causinus; plurimumque in judiciis ferendis syncerus.

13. Plinius major etsi totus in res feratur; dicendi tamen granditatem, acumenque servavit; quapropter ad verborum proprietatem, atque energiam erit valde perutilis. Quædam tamen in illo sublimius, alia humiliter dicta invenies.

14. Junior Plinius ad miraculum politus est, suavis & ornatus. Summam adeptus est laudem in Trajani Panegyrico, quem, ultra quàm dici valeat elaboravit. Brevitatem multi in eo desiderant, cum interdum in prolixas orationes, suo nimium indulgens ingenio, excurrat.

15. *Svetonium*, inquit Lips. Elect. l. 2. c. 17. *non injuria commendo sæpe juventuti. Verba vides? tersa, pura, propria; filum orationis breve, nervosum.* Habet nihilominus & suam fœcem, ut vidimus superius, ubi de Turpibus Cap. I. num. VII.

16. In Tacito certat sermonis gravitas cum elegantia. Mirum quod Alciato exciderit, ejus historiam senticeta vocare! Floridior tamen est, uberiorque in Historiarum libris; pressior sicciorque in Annalibus. De illo accipe hæc Lipsii in Not. Polit. *Mirabilis omnino Scriptor, cujus historia est velut hortus, & Seminarium præceptorum &c.*

17. Flori stylus in Epitome Livii nimis concisus; in Epitome autem Rerum
C Roma-

Romanarum declamatoris non Historici proprius. Disertum tamen scias, atque elegantem, & si paucula exceperis, quæ frigidius dicta videntur, verè floridus est.

18. Justinus Trogi Pompeii præceptoris sui abbreviator quantum styli genus patitur disertus, ut Thomæ Dempsteri Scoto videtur. Tersus, & elegans, ut ait Raimundus Lullus à Gerardo Vossio relatus. Multa in eo continentur falsa: multa quæ vobis legantur prorsus indigna.

19. Solini Polyhistoriarum Septuaginta, quæ extant, capita non prorsus contemnenda viri docti sensere; gratâ enim varietate delectant.

20. Juvenalis friget plerumque, & jacet, ac sale plurimum destituitur; quod in Satyricis reprehendendum: unde miror, quod Scaliger illum cum Horatio commiserit. Sed varius hominum palatus.

21. Statius durior, & inconcinnior alicubi nonnullis videtur: præterea non semper sibi similis fuit. Eruditus in Silvis, sublimis in Thebaide, blandus in Achilleide.

22. Silium Italicum scripsisse carmina majori curâ quàm ingenio, Plinius, qui per illa tempora erat in vivis, testatus est l. 3. epist. 7. Plurimum tamen docti viri illi tribuunt, sicuti ex Valerio Flacco.

23. *In Martiali*, verbis utar, judicioque Scaligeri Poët. l. 6. *Multa sunt ejus Epigrammata Divina, in quibus & sermonis castitas, & argumenti species luculenta est. Alia foeda, ne legerim quidem; tantum abest ut ad censuram vocem.*

Se-

Senescente jam magis, atque ad corruptionem proximiori Latino sermone plerique ex Sanctis Patribus, & Ecclesiæ doctoribus florere; in quibus sensus potius, quam stylus, aut verba, legem habent imitationis. Sunt etiam & Ferrei hujus temporis Agellius, Apulejus, Vegetius, Censorinus, Aurelius Victor, Macrobius, Ammianus Marcellinus, Martianus Capella, Julius Firmicius, Frontinus, Severinus Boëthius; Historiæ Augustæ Scriptores, Lampridius, Trebellius Pollio, Julius Capitolinus, Vulcatius, Vopiscus &c. quos omnes semel, atque iterum propter eruditionis varietatem omnino legendi sunt; sed imitatio eorum stoliditatis opinionem conficeret. Fuere & hujus ætatis, sed melioris nominis, ac pretii Poëtæ Prudentius, Ausonius, & Claudianus. Prudentius tolerabilis est, sed aliàs ætatis consuetudini adhæret; prisca verba affectat; & Lucretii imitationi nimium indulget. Ausonius, & Claudianus melioris sæculi digni fuissent. Primum tamen immodestum interdum, ac passim Græcisantem reperiās. In altero contra cultum magnificum, numeros non affectatos, acutè dicta multa, sermonisque gravitatem, atque nitorem.

A Gordiani Imperatoris temporibus initio nempe sæculi quarti post Christum natum penitus extinctæ sunt Latinæ puritatis reliquiæ; & Barbaries undequaque non modò Italiam, sed & Romam ipsam invasit, atque cæteras exinde Romani Imperii Provincias; in quibus utcumque

puritas Latini sermonis hæcenus servata fuerat, florente adhuc Republicâ, atque Imperio. Tunc enim Barbaris hæc pervadentibus, inquit Carolus Du-Fresne in *Gloss. Latino-Barb. Præfat.* non modo Incolæ, verum etiam lingua ipsa, quasi sub jugum missa, servitutem passa est, ita ut vix tantillum sese in aliquot Scriptoribus non prorsus incultis extulerit, conservâritque incolumem, cum in vulgò foeditate Barbaricâ vitiata passim jaceret.

Causas hujusmodi corruptelæ latiùs complexus est Tacitus, in nobili Dialogo de Oratoribus; ex quibus præcipuas facit, desidiam Juventutis, Parentum negligentiam, inscientiam Præceptorum. Quæ per ea secula verè ferrea populos invaserit ignorantia sic Festus notat: *Quæ locutio aded est versa, ut vix ulla ejus pars maneat in notitia.* Gothorum siquidem, Hunnorum, Vandalorum ex variâ fece miscella quædam, & nova lingua sensim generabatur, quæ etsi aliquid latinitatis redoleret, Latina tamen non erat: ut notat Lipsius in Dialogo de rectâ pronunc. L. L. cap. 3. Ea propter jam non Latina lingua cæpit appellari, sed Romanâ: quod Romani, qui in Galliis, & Hispaniis post Septentrionalium nationum irruptiones remanserant, eâ uterentur: ut cum Du-Fresne loquar, loco laudato. Argumentum Lipsio ex narratione, quæ in historiâ miscellâ de rebus gestis sub Mauritio, anno Domini DLXXIX. ad Imperium assumpto; in quâ habetur: *In exercitu cum animans cecidisset, clamante quodam torna,*
torna,

torna, frater, *universas Copias in fugam
conversas, ambiguo illo vocis.* Alterum fir-
mius ab instrumento, quod Lutetiæ in bi-
bliothecâ Regis asservatur. Transactio eo
continetur Stephani tutoris cum Gratia-
no pupillo anno Justinianæi Imperii tri-
gesimo octavo, idest DLXVI. scripta hac
vulgari linguâ: cujus particulam sal-
tem aliquam queror quod ad maiorem
evidentiam non adduxerit. Hæc autem
ipsa lingue, corruptio eandem formam diu
non retinuit; imò in tres linguas divisa est,
Italiam nempe, Gallicam, & Hispanam;
in quibus Latii vestigia clara inspiciun-
tur. Ita sentio cum Lipsio contra Thesau-
rum, qui in Idæâ argutæ, & ingeniosæ
elocutionis cap. 6. Gallicis vocibus Ita-
lam linguam plurimum ait compositam.
Næc tamen per ulla unquam attracta tem-
pora hujusmodi propagata depravatio ef-
fecit, ut L. L. deleteretur usus omnino:
quanquam enim vulgus amplius eam non
loqueretur; tamen intelligebat: quod qui-
dem clarè ex sacris patet Concionibus,
quas tali idiomate scripserunt, & habue-
runt ad populum nedum Itali, sed uni-
versim & Galli, & Hispani, & Africani,
aliarumque regionum celeberrimi Præ-
sules: quas certè publicè plebi non reci-
tassent, nisi ab omnibus potuissent intelli-
gi: quemadmodum observant Lipsius,
atque Du-Fresne laudatis locis: ac eis
nuper adhærens Justus Fontaninus in suis
eruditis Vindiciis antiquorum Diploma-
tum adversus Bartholomæum Germo-
nium. Hoc ergo idem ibi tunc erat, quod

54 De Latini serm. tempor. Cap. III.

& nunc est in Italiâ ipsâ: Romanam enim, ac Etruscam Linguam percipiunt quidem, & cùm delectatione percipiunt nonnullæ Italiæ Nationes; quæ tamen ab eâ tum pronuntiatione, tum multis vocibus longè absunt, ita ut vix à nobis intelligantur.

Quando verò penitus in populis fuerit interempta, quamvis tutum non sit judicare; ego tamen non dubitarem asserere, totale ipsius excidium Caroli Magni temporibus deploratum: ipse enim sub anno DCCXCI. Parisiis Scholas Latinæ Grammaticæ, cæterarumque liberalium, artium aperuit; & aperiendas alibi per sua Regna mandavit: *Et sic tribus, aut quatuor seculis extinctum literariæ sapientiæ lumen in Munde rursus accensus est*, ait Laurent. Beyerlinckh in Magn. Theatr. lit. A. pag. 40.

DE VERBORUM DELECTU.

Cap. IV.

I. **U**T verba in oratione usurpanda Latina esse, atque ab optimi sæculi Scriptoribus petita, superiùs necessarium adstruximus; ita de illis delectum habendum in præsentia affirmamus. Cùm enim in verborum delectu elegantia origo posita sit, ut Cæsar de rat. lat. loq. protulit; hinc est, quod qui castè, copiosèque loqui amat, verba omnia veluti quadam æquitatis trutinâ perpendere debeat; & ex his *Graviora, Sublimiora, Consonantiora, Leniora* seligere. Hoc autem contingere
certè

certè nulli poterit, nisi ei, qui Divinæ illius Ciceronis ætatis attentissimè perlegerit Auctores. Sublimitas enim & magnificentia, gravitas & nitor, atque auctoritas ex illis, tamquam è fontibus, dimanat, cum soli locutionem emendatam, & Latinam originem, quasi solum & fundamentum quoddam eloquentiæ posuerint ! Insequentium autem auctorum lectio, quemadmodum docet Hadrianus, doctrinam quidem diversarum rerum conferre poterit; elegantiam autem, & nitorem verborum non poterit: quin potius mixtura verborum, quibus illi usi postea fuerunt, omnem prope florem incorrupti illius sermonis, quem quis ex optimorum lectione collegerit, brevi quasi de manibus excutiet, barbaramque omnino reddet.

II. Graviora igitur verba legenda; ea scilicet, quæ maiorem vim bonitatis, aut malitiæ ostendunt, quæque magis aut prodesse, aut nocere videntur. Sic Clementia gravius est, quàm lenitas; magnificentia, quàm liberalitas; charitas, & pietas, quàm amor, & benevolentia. Gravius est raptorem dicere, quàm furem; carnificem, quàm Sicarium; parricidam, quàm homicidam; profigatorem, quàm malum. Sic curare gravius est quàm mederi; restituere quàm reducere; opes, & robur, quàm divitiæ, & valetudo; ferire, exterminare, trucidare, cruciare, quàm percutere, eicere, occidere, torquere. Oratoribus lex est, ut cum in simplici voce non est ea, quam adamarent, gravitas, ad Epitheta, & Tropos confugiant.

III. Sublimiora sunt, quæ magnificentius

56 *De Verborum delectu Cap. IV.*

tiùs significant; per quod distinguuntur
gravioribus, quæ tantùm vehementiùs si-
gnificant. Præterea sublimia non turpitu-
dinem, ut interdum gravia, sed splendo-
rem habent. Hujusmodi sunt *Regnator pro*
Rex; *Dominatrix animi cupiditas*, pro *Do-*
mina &c.

IV. *Sonantiora* dicimus, quæ pulchrum
aliquem auribus concentum exhibent, vel
literarum vocalium, quas locutionis ma-
tres vocant Hebræi, consonantiumque
pleniore sono, vel certè spatio, ac tem-
pore syllabarum. Ex quinque autem vo-
calibus elementis; ut in Orthographicis
quoque nostris dictum est; *A* & *O* vastè so-
nant: *I* & *V* exiliter: *E* tenuiter. Com-
posita plerumque solent esse vocaliora,
ut *consceleratissimus*, *permovere*, *extrahere*,
quàm *sceleratissimus*, *movere*, *trahere*.

V. *Leniorum* Verborum nomine illa
veniunt, quæ parum ponderis, & mini-
mum nervorum habent. Talia sunt, quæ
per diminutionem fiunt: ut *homuncio*, *epi-*
stolium, *blandulus* &c. Suavia quoque hu-
jus loci sunt, de quibus hæc Cic. Part.
Orat. *Utendum erit in oratione singulorum*
verborum insignibus, quæ habent plurimum
suavitatis. Suaviùs cadunt *amœnitas*, quàm
pulchritudo; *niveus*, quàm *albus* &c.

VI. Quidam his non contenti verbo-
rum generibus, quorum Delectus haben-
dus est, alia connumerant, nisi ad neces-
sitatem, ad perspicuitatem saltem facien-
tia, & potissimum *propria*; ea nempe pe-
nè nata cum rebus ipsis: quam tamen pro-
prietatem, nisi ex quotidianâ bonorum
scrip-

scriptorum lectione, atque observatione nusquam comparabimus; ubi simul res ipsas discemus, quas qui ignorat propriè loqui non poterit. Quapropter toto calo aberrant, qui quasdam tantummodo loquendi formas quibusdam in libellulis confarcinatas lectitant, & fonte relictâ rivulos consectantur. Ji enim, cum se aliquid profecisse in proprietate sermonis credent, adhuc erunt in limine.

VII. Notandum ultimò restat quod in hoc verborum delectu, aurium quoque iudicio opus sit; quod non arte aliquâ perpenditur, sed quodam velut naturalii sensu, prudentiâque percipitur. Neque enim semper verba gravia, suavia, & nitida sunt apponenda; alioqui nimis elaborata concinnitas lumen eloquentiæ extinguet, non accendet; sed pro ratione argumenti, quod tractamus; itaut humilia humilibus, gravia gravibus conveniant.



PARS SECUNDA

D E

VERBORUM COLLOCATIONE.



QUID SIT VERBORUM COLLOCATIO.

Cap. I.

I.



UAMVIS in arte bene dicendi nulla præceptio tradi queat, à quâ sæpe sæpius recedendum, declinandumque non sit; cum, Tullio teste, bene dicere nullam regionem habeat, cujus septis valeat contineri; sistatque potius in aurium accurato iudicio, quam in angustis præceptorum coarctationibus: nihilominus quia imbecillioris ætatis aures, minus prudentiores sunt, quamut comptos, ac politos Romanæ dictionis modos à vulgari dicendi barbarie secernant, valeantque de conjunctorum verborum euphoniâ ut par est iudicare: hinc est, quod illos nonnullis legibus imbuendos, omnes existiment. Porro hæ non eò traduntur, ut semper observentur arctissimâ religione; sed ut Adolescentes jis suffulti, elegant-

gantiam prout res tulerit & sectentur, & politiores verborum ament numeros; Latiniq; sermonis nitorem à barbarâ, rusticâque turpitudine segregent. Quis enim aut laudet, aut exigit nimiam quamdam, affectatam, superstitiosamque in seligendis verbis sollicitudinem? nam cum esset infinitus, tum puerilis labor; quod in Albutio apud Lucilium exagitavit Scævola: *Quam lepidè lex eis? compositæ ut tessera omnes.*

Arte pavimento, atque emblemate vermiculato.

Quod idem aliquando Persius ironicè quemdam ex Poëtis laudaturus notavit:

Sic claudere versum.

Non secus atque oculo rubrica dirigat uno.

Nolumus igitur minutam hanc constructionem apparere; sed stylum ita exerceri, ut paulatim ad virtutem, receptamque compositionem absque vitio perveniamus; cumque nobis dicendum sit, isto potius, quod præscribitur, quàm alio modo dicamus.

II. Igitur, ut præcepta de Verborum, collocatione, perpetua, quod mox dicebamus, habenda non sunt; ita, non audiendi illi, quæ ea omnino despicienda censuere: ut enim inquit Ludovicus Carben, bona elocutionis pars in Verborum aptâ collocatione, atque concinnitate consistit. Hinc est, quod licet multi latine scribant, cum nullâ voce utantur barbarâ, novatâ, peregrinâ: neque contra Grammaticorum canones peccent; quia collocandi artem ignorant, aut negli-

gunt; eorum scripta cum plausu non excipiuntur; neque inter eruditos accensentur. Ut itaque parum prodest ædium ædificatori habere lapides politos, ac lectos; ligna dolata, & alia cæmenta ad architectandum apposita; si construendi artem non callet: ita qui bonorum verborum delectum habet & copiam, sed quo loco apprime ponenda sint, prorsus ignorat. Et ut ex jisdem tessellis ignarus artifex turpe conficeret monstrum; qui verò artem teneret pulcherrimum quiddam: eodem ferè pacto, qui hoc construendæ orationis artificium ignorat, ex jisdem verbis monstruosam conflaret orationem, ex quibus, qui illud probè tenet, concinnam atque elegantem. Habet ergo rectè componendi doctrina ad exornandam orationem vim præcipuam; quam ob causam antiqui dicendi magistri, quos docebant, eos speciatim in verborum collocatione exercebant. Est præterea peripicuitati admodum consona, nam ut ait Jo: Pontanus dial. in Az. *Evitabuntur obscuritatis vitia, si verba fuerint bene collocata, eaque non rancida, non obsoleta, minimeque ancipitia: cursus non contortus, non verticosus, non lubricus; non concisa, aut quasi in volvulum complicata textura.* &c. Memorabile fertur Caligulæ de Senecæ dictione judicium, quam arenam sine calce sibi videri affirmabat. Tullius quoque nihil utilius ad sermonis venustatem agnovit verborum rectâ collocationem, eamque in hæc verba 3. Orat. commendavit: *Sed tamen hæc collocatio conservanda ver-*

Quid sit Verbor. Collocatio Cap. I. 61

verborum, quæ junctam orationem efficit, quæ coherentem, quæ levem, quæ æquabiliter fluentem &c. Quid autem nomine collocationis Verborum veniat, aut ubi posita sit, videamus.

III. *Verborum Collocatio, ut Georgius Trapezuntius ait, est dictionum numerosa compositio: verborum nempe aptè numerosèque fluentium colligatio. Collocationis siquidem, quemadmodum Cic. 3. de Orat. adnotavit, est componere, & struere verba sic, ut neve asper eorum concursus, neve hiulcus, sed quodammodo coagmentatus, & lavis. Licet autem ex definitione videatur ad rectam collocationem prærequiri numerum, certum scilicet syllabarum tempus, quod Artis Princeps Isocrates instituisse perhibetur, ut inconditam antiquorum dicendi consuetudinem, delectationis, atque aurium causâ (quemadmodum discipulus ejus Neocrates literis testatum reliquit) temperaret; nihilominus nemo hisce legibus, ut mox innuimus, nedum Orator parere debet, qui sententiam verbis ita illigare conabitur, ut non tam arte deducta, quàm sponte nata esse videatur; sive, ut Tullius loquitur, ut verba neque alligata sint, quasi certa aliqua lege versus, neque ita soluta ut vagentur. Sanè per hoc Latini idiomatis peritus, ab imperito ignaroque discernitur; quod ille rudis, inconditè fundit id, quod dicit, scribitve, spiritu, non arte: secùs alter, jis sententiam complectitur verbis, ut numeris simul & adstricta credi possit, & soluta. Neque verò difficile cuiquam videbitur, aut supra vi-*
res

62 *Quid sit Verbor. Collocatio Cap. I.*

res positum arbitrabitur, ita in hoc munus insistere, ut ad optatum finem perveniat. Nam prius assuescere debebunt Adolescentes modò unum, modò alterum, ex præscriptis canonibus ad praxim redigere, sive in elucubrationibus seorsim, domi factis, sive in Scholâ in vertendis dictatis: quo fiet, ut aures sensim germanos, propriosque Latini sermonis ament, insectenturque modos; siquid additum, quod non cohæreat, noscant, tac per se ipsi immutent, ac in melius redigant. Menti enim si res memoratu dignas paulatim infuderis, vasis ad instar, recipiet; sin omnes simul, respuet.

IV. Sed ne pluribus progrediamur, Canones nostri, quos hinc inde à probatis Auctoribus, Rhetoribusque, potissimum à Francisco Silvio collectos proponemus inferius; variis Scriptorum antiquorum Prosâ, & Carmine subinde firmantur sententiis, in quibus Præcepti cujusque praxis elucescit. Antiquitatis enim commemoratio, quod Tullius aiebat, exemplorumque probatio, cum delectatione, & auctoritatem orationi affert, & fidem. Loca, è quibus auctoritates petite sunt, multoties negleximus, auctoris tantùm nomine contenti; tum quia tunc temporis non succurrebant menti, longumque fuisset perquirere; tum maximè quod id ipsum ab aliis præcipui nominis Scriptoribus factum videbamus. Poëtarum etiam exempla non ubique protulimus: cum enim, si Oratores per omnia nec assequi possint, nec debeant, necessitate metri cogente; hinc

hinc est, quod auctoritates ad rem nostram consonas ab his semper excerpere non potuerimus. Plura subinde congestimus exempla, non ut singula memoriae mandentur; sed ut clarius propositum firmemus Præceptum; atque ut adolescens Canonum vim bene percipiat, quam ob rem nonnulla saltem sunt addiscenda ad excolendum ingenium, eaque præsertim, quæ à gravi dicto erunt deducta. Quia verò multa desiderari videbam libello meo Florentiæ primum, inde Romæ, superioribus annis publici juris factio, tum Ordinis, tum majoris Præceptorum quantitatis; idcirco mea referre censui, & meliori formâ ad faciliorem captum, & uberiori Canonum copiâ ad utilitatem, donare. Id futurum sum arbitratus, si quas promiscuè sparseram regulas, ad suas quasque capita revocarem; ac per octo Orationis partes digesta, rursum proponerem. Sed quia, grandiore etiam, quam proposueram Præceptorum accessionem fieri contigit; factum est ut ea veribus claudere, quod summopere volebam, amplius non potuerim; licet antea, eorum paucitate illectus, atque compulsus, clausissem. Sane id ipsum nunc aggredi, Isthmum fuisset perfodere.

DE NOMINUM COLLOCATIONE.

Cap. II.

I. **N** Omnia substantiva adjectivis opportunè sunt exornanda; quæ adjectiva *Epitheta* nuncupantur. Hoc autem
in

64 De Nominum Collocatione Cap. II.

in genere, ut omnibus notum, tantopere excelluit Cicero, ut sint, qui autument, ejus eloquentiam ideo tam admirabilem esse, quod ubique substantiva noverit appositè suis epithetis copulare. Quapropter & Præceptorum erit id ipsum enixè adolēcentes docere; & adolēcentium, quo majori fieri poterit studio ad praxim redigere. Exempla hæc sunt ex ipsomet Tullio lib. II. epist. 28. *Eò minus credebam plurimis, atque optimis artibus ornato tibi &c.* Id. pro L. Manil. *Dicendum de Pompeii singulari, eximiaque virtute.* Et pro Marc. *Tantam mansuetudinem, tam insuetam, inauditamque clementiam.* Ex Poëtis quoque Virg. *Æneid. 6.*

*At pius Æneas arces, quibus altus Apollo
Præsidet, horrendaque procul secreta Sibyllæ
Antrum immane petit.*

Martial. lib. 5. epigr. ultim. ad Gallam

*Fam tristis nucibus puer relictis
Clamose revocatur à Magistro:
Et blando malè perditus fritillo.*

*Arcana modò raptus à popina
Ædilem rogat udus alcator.*

Statius Theb. I.

juvat ire, & visere juxta

*Liventes in morte oculos, uterique nefandam
Proluviem, & crasso squallentia pectora tabo.
Quam verò orationi pariant venustatem
Epitheta, non habet hic pluribus exponere:
Ea enim, ut monuit Aristoteles Rhetoricorum tertio, quotidianum immutant sermonem,
& elocutionem peregrinam faciunt; sed videndum ne sint nimis poëtica,
ne crebra, ne nimis dura, aut longo extre-*

extremorum finium petita principio, ne sint inepta: & in prosâ oratione tunc adhibenda, cum emphasim quandam habent, & energiam; ad rem propositam spectant, seu, ut verbo utar Hieronymi Regii lib. 5. c. 6. Theſ. Rhet. cum epithetum est significativum; quod ipsum prærequiſierat Quintil. lib. 8. c. 6. his verbis: *Ornat Orationem Epitheton. Hoc Poëta, & frequentius, & liberius utuntur. Namque illis satis est convenire verbo cui opponitur; & ita dentes albi, & humida vina in his non reprehenduntur. Apud oratorem, nisi aliquid efficitur, redundat. Tum autem efficitur, si sine illo quod dicitur, minus est: qualia sunt: O scelus abominandum! ô deformem libidinem! Exornatur autem res tota maxime translationibus. Cupiditas effrænata, & insanę substructiones, Et solet fieri aliis adjunctis Epitheton Tropis; ut apud Virgilium: Turpis egestas, & tristis senectus. Verum tamen talis est ratio hujusce virtutis, ut sine appositis nuda sit, & velut incompta oratio. Ne ornetur tamen multis: nam fit longa, & impedita &c.* Fabio subscribunt ferè in eadem verba Trapezuntius Rhet. 5. c. 5. Hermogenes Idearum l. 2. c. 4. Augustinus Sueslanus lib. 1. Scaliger poet. lib. 5. c. 3. Antonius Lullus Rhet. 4. c. 10. aliique. A quibus autem fontibus deduci possint: ista quæ dicuntur *Apposita*, seu *adjectiva*, plurimum omnes, qui de Poëtica scripserunt arte, fusiùs demonstrarunt; quare in hoc non immorandum. Noverint tantum adolescentes, Epitheta verbis adjecta fuisse triplici de causâ; ornandi scilicet, destruendi, aut

66 De Nominum Collocatione Cap. II.

aut indicandi . Ornat epitheton , ut : *Divus Ulysses* , *cultissima civitas* &c. destruit , ut : *consceleratissimi homines* , *insensati belli imperatores* &c. indicat : ut : *Romanus Sulpicius* , *Pellæus Alexander* , *Larissæus Achilles* &c.

II. Venustatem similiter addit Periodo substantivum syllabis multis compactum; si in orationis principio collocetur. Cic. 3. Tuscul. 28. *Præmeditatio futurorum malorum* , lenit eorum adventum , qua venientia longè antè videris. Id. de Orat. *Commemoratio autem antiquitatis* , exemplorumque probatio cum delectatione , & auctoritatem affert orationi , & fidem . Valer. II. cap. II. *Taciturnitas optimum* , atque tutissimum rerum administrandarum vinculum . Lucanus lib. I.

Nobilitas cum plebe perit ; lateque vagatur *Ensis* , & à nullo prævocatum est pectore fer-
rum .

Ovid. *Munera* , crede mihi , placant hominesque , Deosque .

Franciscus Sylvius in suis , quæ in artem Oratoriam inscripsit , Proginasmatibus Centuriâ primâ cap. 23. Canonem hunc summæ utilitatis , & ornatus adstruit in hæc verba : *Venustas orationis multa inderetur* ; si nomen substantivum syllabis multis constans in orationis principio collocetur ; idque præcipuè si id orationi suppositum sit , ut : *Amicitia est quædam quasi cælestis felicitas* , *Dei immortalis munere bonis hominibus concessa* &c.

III. Nomen substantivum pluralis numeri ponitur loco nominis singularis .

Exem-

De Nominum Collocatione Cap. II. 67

Exempla, passim apud Oratores, & Poëtas obvia Cic. pro Balb. *Si auctoritates patronorum in judiciis valerent, ab amplissimis viris L. Cornelii causa defensa est; si usus, a peritissimis; si ingenia, ab eloquentissimis; si studia ab amicissimis.* Id. pro Manil. *Aguntur certissima populi Romani vectigalia, & maxima; quibus amissis, & pacis ornamenta, & subsidia belli frustra requiretis.* Id. in Catilin. 3. *Tabellas proferri jussimus, quæ quoque dicebantur datæ. Primum ostendimus Cethego: signum cognovit: nos linum incidimus: legimus &c.*

Ovidius de Ponto l. i. eleg. 4.

Famque meos vultus ruga senilis aras.

Martial. epig. 56. lib. 6.

Quamvis lassa tuos querebant lumina vultus.

Hæc autem usurpatio pluralis numeri pro singulari; aut contrà singularis pro plurali fit per Synecdochen Tropum, de quâ infrà. Animadvertendum tamen, hoc esse discriminis inter historicos, Oratores, ac Poëtas, quod isti variè, prout necessitas tulerit, Tropum usurpant, ac multoties pluralem numerum pro singulari, multoties, atque frequentius fortasse singularem pro plurali; ut eruditè, pluribusque monstrat exemplis P. Carolus à S. Antonio Patavino ex nostris pag. 232. libri, cui titulum fecit *Antiquorum Scriptorum Latinitas selecta &c.* Erasmus lib. i. de Verborum copiâ cap. 13. Oratores contrà, qui numerosæ elocutioni interviunt, plurali potius voces donare consuecunt. Præterea sciendum, in recto potius frequentandum Canonem hunc, quam in obliquis casibus.

IV.

IV. Nomen substantivum, à quo regitur genitivus, interdum eleganter supprimitur. Cic. 5. de fin. *Venit mihi Platonis in mentem*, .i. recordatio. Id. lib. 7. famil. ep. 3. *Persepe mihi cogitanti de communibus miseriis &c. solet in mentem venire illius temporis, quo proximè fuimus una.* Id. pro Sex. Rosc. *Venit enim mihi in mentem oris tui.* Terent. Adelph. 4. 4.

Ubi ad Dianæ veneris, ito ad dexteram.

Horat. lib. 1. Sat. 9.

Ventum erat ad Veste quarta jam parte diei. Quibus in locis intelligitur substantivum *templum*, aut simile, quæ phrasis Ciceroni etiam placuit; ut videre est lib. 6. ep. 2. ad Atticum pro Mil. Philip. 2. lib. 8. ep. 4. Cælii &c. His affines sunt illæ lib. 9. ep. 10. ejusdem Tullii. *Cum Sophia Septimie, puta filia, Maronis 6. Æn. Deiphobe Glauci, & 3. Heætoris Andromache.* .i. quondam uxor. Tacit. 4. ann. *Per Apicatam Sejani proditus, supple uxorem.* Similiter quando verbum est donatur genitivo, & verbo infinito; quia tunc intelligitur nomen substantivum, officium, res, manus &c. ut 2. de Orat. *Clamare contra quàm deceat, hominis est imprudentis.* Sed de his fusiùs in Grammaticis, ubi de Ellipsi figurâ; quæ quidem orationi non parum venustatis adjiciet, si eam veterum exemplo adhibuerimus.

V. Nomina dignitatis, vel officii; laudis, vel vituperationis, proprio personæ nomini, non sine venustate præponuntur. Flor. 1. 1. cap. 1. *Primus ille Urbis, & Imperii conditor Romulus.* Cic. lib. 12. ep. 22. *Nos hic cum gladiatore homine omnium ne-*
quissi-

De Nominum Collocatione Cap. II. 69

quissimo collega nostro Antonio bellum gerimus. Id. 3. de Leg. Vir magnus ingenio, summaque prudentia Lucius Cotta. Propert. 1. 3. el. 3.

Arma Deus Cesar dites meditatur ad Indos.
Virg. Æneid. lib. 3.

Aut quem tum vates Cassandra moveret?

Sic Cognomina propriis præponenda nominibus, aut inter ipsa aliqua vox admitenda. Cic. 1. de Orat. Phalereus Demetrius, meo judicio, præstitit ceteris. Agellius: Stabant fortè unda in vestibulo palatii fabulantes, Fronto Cornelius, & Festus Posthumus, & Apollinaris Sulpitius. Cic. 2. off. Lucius quidem Crassus, cum esset admodum adolescens. Id. ib. Tiberius autem Gracchus Publii filius &c. Advertant Pueri, ne hoc Canone, nimium fissi, sanos scriptorum locos corrumpant; quod ipsum admonent Aldus ad Cic. ep. 8. l. 2. Vossius de Analogiâ lib. 1. c. 7. neque enim semper cognomina ea putanda sunt quæ præierint; sæpissimè namque gentilitio nomini postponuntur; aut si præponantur, interdum prænomina, non cognomina sunt. Quapropter vel in collaborationem impendere debebunt; ut prænomina à nominibus, cognominibusque fecerant; eritque optimum hac de causâ adire quæ in Orthographicis nostris habentur, ubi facili methodo ea exponuntur. quod etiam facit Carolus Sigonius lib. de Nominibus Romanorum.

VI. In fine periodi maximè nominativus elucet; præsertim quando sit polysyllabus. Cic. 2. de Off. *Fustis autem, & fidis hominibus, idest bonis ita fides habetur, ut*

nulla

70 *De Nominum Collocatione* Cap. II.

nulla sit in his fraudis, injuriæque suspicio.
Id. Catil. 1. Quem ad finem se se effrenata
jaçtabit audacia? *Id. pro Muræn. In mul-*
titudine est varietas, & crebra tamquam tem-
pestatum, sic sententiarum commutatio. *Lu-*
cret. lib. 5.

Subversa jacebit

Pristina majestas soliorum, & sceptræ superba.
Ovid. Met. 10.

Tendit onus matrem, nec habent sua verba
dolores.

Verùm non rectus modò casus, sed obli-
qui quoque concinnè periodum claudunt:

Cic. 1. Offic. Cum juvenes relaxare animos,
& dare se jucunditati volunt; caveant intem-
perantiam, meminerint verecundiæ. *Id. 4.*

Tusc. Error stultis extenuatur die, ut cùm
eadem res maneant, aliter ferant inveterata,
aliter recentia malorum incitamenta. *Clau-*
dian. de Bello Getic.

Si verax narratur fabula, vidit

Minoum rupto puerum prodire sepulchro.
Ovid. Met. 10.

Nec nutrix etiamnum concipit ullum

Mente nefas: aliquemque tamen præsentit
amorem.

VII. Ab aliquis nonnunquam inci-
 pienda periodus. *Cic. Philip. 11. Impe-*
rium Cæsari belli necessitas, fasces Senatus de-
dedit: otioso verò, nihil agenti, obsecro te, L.
Cæsar (cùm perditissimo homine mihi res est)
quando imperium Senatus dedit? *Id. 3. de*
fin. Voluptatem dimittamus, & suis se fini-
bus tenere jubeamus; ne blanditiis ejus, ille-
cebrisque capiatur animi voluptas. *Virgil.*
initio Æneid,

Arma,

De Nominum Collocatione Cap. II. 71

Arma, virumque cano, Troja qui primus ab oris &c.

Claud. de 4. Conf. Honorij.

Auspiciis iterum se se regalibus annus

Induit, & nota fruitur jactantior aula &c.

VIII. Genitivus nonnunquam præponendus substantiuo. Cicer. de Offic. lib. 1.
Omnes enim trahimur, & ducimur ad cognitionis, & scientiæ cupiditatem. Id. ib. Virtutis laus omnis in actione consistit. Id. Cat. 4.
In me omnium vestrum ora, atque oculos esse conversos. Livius lib. 25. Si in occasionis momento, cujus prætervolat opportunitas, cunctatus paullum fueris, nequidquam mox omis- sam querare. Lucanus lib. 8.

Sceptrorum vis tota perit, si pendere iusta Incipit &c.

Claudian. 4. Honor.

Regis ad exemplum totus componitur orbis.

IX. Inter substantivum, & Adjectivum optimè mediat Genitivus, ut. mirum adolescentis ingenium. Cic. Catil. 1. Aggre- dere cum importunâ sceleratorum manu. Tacit. 4. Hist. Maximum discrimen penès quos aurum & opes, præcipue bellorum causæ. Id. Hist. 11. Sublatis studiorum pretiis, etiam studia pereunt. Valer. l. 11. cap. 11. Taciturnitas optimum, atque tutissimum rerum ad- ministrandarum vinculum. Silius l. 4.

Primæ scelerum causæ mortalibus agris Naturam nescire Deum.

X. Inter duos Genetivos alii casus fre- quenter aptantur, ut. hujus amplitudo vi- ri, Romani princeps eloquii &c. Cic. Ca- til. 1. Unius usuram hunc gladiatori isti ad

q.

72 *De Nominum Collocatione Cap. II.*

vivendum non dedissem . Id. pro leg. Manil. Nam , cùm antea per ætatem nondum hujus auctoritatem loci contingere auderem . Imò etiam interferuntur aliæ quævis orationis partes , ac potissimum adverbia . Sic videre est in eâpse Oratione pro Lege Maniliâ , ubi non semel habetur : hujus autem amplitudo viri : istius quidem cause : belli namque hujus &c. Martial. lib. 8. ep. 11.

Liber amicorum dulcissima cura tuorum .

Ovid. l. 8. Metam.

Nil agis , ò frustra meritorum oblite morum .

XI. Nomen rei, loco nominis personæ quandoque eleganter , & graviter collocatur : quapropter nihil frequentius apud Tullium hoc canone; cujus nonnulla in medium profert exempla P. Carolus p. 226, Tale est 1. Offic. Nihil autem magis cavendum est senectuti, quàm ne languori, disidiaque se dedat . i. Senibus . Et 3. de Orat. Cùm Isocrates discipulorum nobilitate floret. i. nobilibus discipulis . Id. 5. Tulc. Dies deficiet , si velim paupertatis causam defendere, hoc est , causam pauperum . Ovid. de Pont. l. 1. eleg. 4:

Aspice in has partes quòd venerit Æsone natus ,

Quam laudem à sera posteritate ferat . i. à posteris .

Horat. lib. 3. od. 6.

Non his juvenus orta parentibus

Infecit aquor sanguine Punico .

Claud. de bell. Getic.

Nos bellorum experts, & luxu mollior ætas

Deficimus queruli &c.

Id,

De Nominum Collocatione Cap. II. 73

Id. de laudib. Stilic.

*Illius ut Phœbus ad limen constitit antri
Occurrit Natura potens; seniorque superbis
Canitiem inclinât radiis.*

XII. Inter duos Accusativos nominativus, aut alia quævis orationis pars aptè adnectitur, ut: *Hunc tu hominem appellas? Custodes profectò vigilantissimos eos dixerim &c.* Cic. pro Domo suâ. *Quem tu tandem populum, nisi tabernis clausis, frequentare non poteras.* Id. pro Leg. Man. *Dico ejus adventu, maximas Mitridatis copias omnibus rebus ornatas, atque instructas, esse deletas.* Id. Catil. 2. *Quem quidem ego hostem.* Ac infrâ: *Quos ego utrosque, Quirites &c.* Virg. Æn. lib. 5.

*Famque ferè mediam cœli nox humida metam
Contigerat &c.*

Seneca Phœniss. act. 4.

Invisa nemo imperia retinuit diu.

Juvenal. Sat. 10.

Duas tantùm res anxius optat,

Panem, & Circenses.

Vocabulis quoque ex duobus integris, aut ferè integris compactis aliquid ad nitorem inferimus, aut patrium ordinem immutamus, ut: *Lucri bodie nihil omnino feci.* Virg. Æneid. l. 1.

Et multum nebula circum Dea fudit amictu.

XIII. Vocativi casus in solutâ oratione post pronomen, aut verbum ferè collocandi. Post pronomen. Cic. 11. Famil. 24. *Cupio jam vigiliam meam, Brute, tibi tradere.* Id. 1. Off. *Licet enim mihi, Marce fili, apud te gloriari, ad quem &c.* Et famil. ep. 29. *Te, mi Cornifici, etiam atque etiam*

D

rogo.

74 *De Nominum Collocatione Cap. II.*

rogo . Atque alibi frequentissimè .

Horat. lib. I. od. 24.

Nulli flebilior, quam tibi, Virgili.

Ovid. Met. lib. 8.

Factaque nuper avis, longum tibi, Dedale, crimen.

Id. de Ponto lib. 3. eleg. 2.

Quam legis à nobis missam tibi, Cotta, salutem, Missa sit ut verè, perveniatque precor.

Lib. 2. el. 11.

Hoc tibi, Rufe, brevi properatum tempore mittit Naso parum faustæ conditor artis opus.

Post verbum. Id. 1. Off. Si ego a te postulo, mi Cicero, ut mihi concedas nihil, præter id, quod honestum sit &c. Id. ad Quir. post red. Quod precatus à Jove Opt. Max. cæterisque Diis immortalibus sum, Quirites. Item pro M. Marcello, in Catilinariis, Philippicis, aliisque libris semel, atque iterum occurret. Virg. Eclog. 3.

Incipe, Damata; tu deinde sequere, Menalca Utriusque habemus exemplum simul apud Ovid. de Pont. 1. 4. el. 1.

Accipe, Pompei, deductum carmen ab illo, Debitor est vite qui tibi, Sexte, tue.

Sed & post alias orationis partes ritè collocari monstrat ipsius exemplum lib. 4. el. 4.

Accipe colloquium gelido Nasonis ab Istro, Attice, judicio non dubitande meo.

Mart. quoque 1. 5. ep. 96.

Esse nihil dicis quicquid petis, improbe Cinna: Si nil, Cinna, petis; nil tibi, Cinna, nego.

Periodi autem initium sumere à Vocativo solius est Vatis: hic autem sanè infrequens non est; ut ex subjectis patet exemplis

De Nominum Collocatione Cap. II. 75

plis. Ovid. Trist. lib. 1. eleg. 1.

Parve (nec invideo) sine me, Liber, ibis in Urbem.

Ibidem eleg. 2.

Dj maris, & cali (quid enim nisi vota supersunt?)

Solvere quassata, parcite membra ratis.

Lib. 3. eleg. 14.

*Cultior, & antistes doctorum sancte virorum,
Quid facis ingenio semper amice meo?*

De Ponto lib. 1. eleg. 2.

*Maxime, qui tanti mensuram nominis implet;
Et geminas animi nobilitate genus.*

Lib. 2. eleg. 3.

*Maxime, qui claris nomen virtutibus aequas:
Nec finis ingenium nobilitate premi.*

Mart. lib. 2. ep. 64.

*Quintiliane, vaga moderator summae juventutis:
Gloria Romana, Quintiliane, togae.*

Id. Martial. lib. 8. ep. 21.

Phosphore redde diem, quid gaudia nostra moraris?

Cesare venturo, Phosphore, redde diem.

XIV. Ablativus absolutè positus, aut ante verbum, aut initio ponendus. Ex Caufino lib. 7. de Elocut. cap. 15. Initio Cic. 4. Tusc. Re intellecta, in verborum usu faciles esse debemus. Seneca de Vit. Beat. cap. 20. Populo spectante fieri credam, quidquid, me conscio, faciam. Florus lib. 1. cap. 3. Peracto Punico bello, sequuta est brevis sane, & quasi ad recipiendum spiritum requies. Ante Verbum. Cic. de finib. Stulti autem malorum memoria torquentur; sapientes bona prae-terita, renovata grata recordatione, delectant. Id. de Clar. Orat. Ego posthac cautius histo-

76 De Nominum Collocatione Cap. II.

riam, te audiente, attingam. Senec. lib. 3. epist. *Acerbum est urî: quanto acerbius, si id, te faciente patiaris?* Placuit tamen Tullio potissimum, periodum ablativo hoc finire, sic 2. de fin. *Maximas verò virtutes jacere omnes, voluptate dominante.* Et pro Quin. *Soleo sæpe mirari eorum impudentiam, qui agunt in scana gestum, spectante Roscio.* Ita quoque Q. Cic. ad Tir. lib. 16. ep. 26. *Non potes effugere hujus culpe pœnam, te patrono.* Verùm hæc, & similia, siqua adduci possunt ex probatis auctoribus exempla, à communiori usu ne te retrahant, aut à pervulgata seducant viâ. Martial. lib. 8. epist. 21.

Cesare venturo, Phosphore, redde diem.

Interponitur etiam venustè aliqua orationis pars: ut id. Mart. lib. 5. ep. 17.

Imitantur hamos dona: namque quis nescit, Avidum vorata decipi escarum musca?

XV. Vox quæ nobilioris est significationis anteponenda est voci minùs nobile significanti. Ita P. Michaël à Visitatione ex nostris in suâ Manuduct. Instit. Rhet. parte 1. c. 3. q. 2. edit. Varsaviensis; cujus hæc sunt verba: *Nobilia vilioribus anteponantur; hoc est ea, quæ rem nobiliorem significant in recensendo debent præponi minùs nobilioris significationis; ut si dicas v. g. In rerum naturâ sunt brutæ animantes, homines, Angeli, Deus. Hic verborum ordo non est bonus, quia in enuntiando præponuntur viliora nobilioribus: Itaque corrigendus hic ordo sic: In rerum naturâ sunt Deus, Angeli, homines, brutæ animantes &c. Similiter, ut monuit Farnabius in Ind. Rhet.*

pag.

De Nominum Collocatione Cap. II. 77

pag. 34. præcedant necesse est, quæ naturâ, vel dignitate priora, & præstantiora sunt: *Dies nocti, vir fœmina, oriens occidens &c.* Cic. Philip. 4. Sed quoniam P. C. gloriæ munus optimis, & fortissimis civibus monumenti honore persolvitur; consolemur eorum proximos, quibus optima est hæc quidem consolatio: Parentibus, quod tanta Reipublicæ præsidia genuerunt: Liberis, quod habebunt domestica exempla virtutis: Conjugibus, quod suis viris carebunt, quos laudare, quàm lugere præstabit: Fratribus, quod in se, ut corporum, sic virtutum similitudinem esse, confident, Virg. Æn. 4.

Luna premit, suadentq; cadentia sidera somnos
Ibidem.

Venatum Æneas, unaque miserrima Dido,
In nemus ire parant &c.

XVI. Verba, quæ per congeriem ponuntur, debent significationem augere; ita, ut consequentia præcedentibus sint efficaciora. Ex eodem P. Michaële. Ut si dicas: *Hunc sacrilegum, hunc parricidam, hunc latronem, furem, refractarium, periculum-tem quis patietur?* Talis ordo malus est; propterea quod, cum crescere debeat oratio, per ineptam verborum collocationem decreascit, quando minus semper dicitur; quàm fuit præmissum. Cic. pro Mil. *Neque verò se populo solum, sed etiam Senatui commisit; nec Senatui modo, sed etiam publicis præditiis, & armis.* Licin. Calvus in Vat. *Non erga pecuniarum magis quàm repetundarum; neque majestatis magis quàm Plancie legis; neque Plancie legis magis, quàm ambitus; neque ambitus magis, quàm omnium legum*

78 De Nominum Collocatione Cap. II.

gum omnia judicia perierunt. Et Cic. ep. 23. 1.2. ad Att. Si has ingrediere; si ingrederis, curre; si curris, advola. Ovid. 3. fast.

Mars videt hanc, visamque cupit, positurque cupitam.

Et Virg. Ecl. 2.

Torva leana lupum sequitur, lupus ipse capellam;

Florentem citysum sequitur lasciva capella.

Porro ordinem hunc majoris significationis in verbis consequentibus retulerunt Rhetores ad Schema Gradationem, aut Congeriem; eo quod oratio veluti per gradus progrediatur, aut coacervatis ritè verbis disposita videatur.

XVII. Nomen loco verbi elegantissimè ponitur. Ex P. Carolo p. 226. Exemplis res clarior fiet. Cic. 1. Off. *Nos autem quantum in utroque profecerimus aliorum sit judicium. Vulgus diceret: judicent alii. Id. 1. 10. ep. 27. Hoc animo scito omnes esse sanos, ut mortem servituti anteponant. i. ut mori malint, quam servire. Id. 3. de Orat. Hæc cum Crassus dixisset, parumper & ipse conticuit, & à cæteris silentium fuit. i. cæteri fluuerunt.*

Hæc eadem loquendi elegantia inest in sequentis generis exemplis. Cic. de Cl. *Opinione ego omnium majorem cæpi dolorem. idest quam omnes opinabantur. Et Virg. 1. Æneid.*

Sic ait, & dicto citiùs tumida æquora placat: Idest. Citiùs, quam dixit. Sic Ovid. 3. Fast. Speque redit citiùs. i. citiùs quam sperabant: Et hæc de substantivorum Nominum collocatione. Nunc de Adjectivis, eorumque

que gradibus videndum.

XVIII. Adjectivum dissyllabum, substantivo plurium syllabarum postponitur elegantius. Ex Caufino. l. 7. de eloc. c. 15. Cic. de Orat. *Quid enim est majus, quam cum tanta sit inter Oratores bonos dissimilitudo, judicare quæ sit optima species, & quasi figura dicendi?* Et I. de Divin. Pythagoreis interdictum putatur, ne faba vescerentur; quæ res habet inflationem magnam. Ovid. 5. Met. *Ora vident, volucresque novas accedere silvis.* Et mox

Nunc quoque in alitibus facundia prisca remansit.

Secus tamen fiet; cum Adjectivum polysyllabum extiterit; tunc enim venustè admodum præcedet substantivum. Cic. pro Mil. *Ea vis, ea est igitur, quæ sepe incredibiles huic urbi felicitates, atque opes attulit.* Et Philip. 11. *Nam extraordinarium semper imperium, populare, atque ventosum est.* Item Phil. 13. *Est omnino fortium virorum, quales vos esse debetis, virtute præstare tantum, ut possint fortune culpam non extimescere.* Verum aliis magis placet, Adjectivum semper præponi substantivo; sive hoc polysyllabum sit, sive dissyllabum; postponi autem, cum adjectivum illustrius fuerit, & præcipui in oratione ponderis; ita ut singularem in animum ingerat apprehensionem.

XIX. Adjectivum ante substantivum, suum ornatè ponatur oportet; præsertim si quid interpositum fuerit, vel propositio, vel genitivus casus, vel aliud simile: tunc enim ornatiùs disponetur in oratione,

80 De Nominum Collocatione Cap. II.

ne, ut : *magnis de rebus: egregia illius virtute*. Ita cenfet Nicolaus Feretti in suo de elegantia Linguae Latinae libello; cujus sunt laudata superius verba. Cic. ad Lentul. *Tanta est enim magnitudo tuorum erga me meritorum*. Id. Catil. 2. *Atque hunc quidem unum hujus belli domestici ducem sine controversia vicimus*. Virg. 6. Æn.

Attonita magna ora domus, & talia fata.

Ovid. Met. 5.

Applicat hinc humeros ad magna saxa columnae.

XX. Neutrum Adjectivi venustè in substantivum quandoque transfertur, ut : *Multum pecuniae, multum humanitatis in me contulisti*. Ex Nicolao Feretti. Liv. Dec. 5. l. 15. *Tantum pecunia coacervatum fuerat*. Et l. lib. 9. *Tantum irarum erat*. Tacit. hist. 3. *Tantum foedarum volucrum supervolitaverat*. Cic. de Senect. *Tantum cibi, ac potionis adhibendum est*. Virg. 1. Æn.

Et multum nebula circum Dea fudit amictu.

Huic omnino affinis est Græcanica illa locutio, cum ponitur Adjectivum ad genus neutrum traductum loco Adverbii. ut apud Horat. l. 2. 19. *Turbidum letatur*. l. 3. 27. *Perfidum ridens*. lib. 1. Sat. 58. *Resonarent tristè, & acutum*. Et l. 1. ode 22. *Dulcè ridentem Lelagen amabo, dulcè loquentem*. Et od. 12. l. 2.

me voluit dicere lucidum

Fulgentes oculos.

Virg. 7. Æn. *Torvumque repente clamat*.

Et alibi *acutum clamat, acutum ludit, pro acute: crudelè micat, durum minari: durum insonnit Silius: suavè rubens hyacinthus &c.*

Etiam

De Nominum Collocatione Cap. II. 85

Etiam prosâ oratione. Tacitus l. 4. hist. Enim verò Tiberius toruus, aut falsum renidens vultu. Et hist. 6. Nunciavere accolæ, Euphratem, nulla imbrium vi, sponte, & immensum attolli. Gellius l. 5. c. 9. Repente in eum magnum inclamavit. Similiter locutus Martianus Capella, & Apulejus non uno loco. Et hæc in numero singulo dicta sunt. in plurali quoque usurpatum Adjectivum pro Adverbio ab Auctoribus; & quidem non in neutro tantum, sed in aliis quoque generibus. Sic Virgil. Multa gemens, crebra ferit, transversa fremunt, sera comantem Narcissum, & alia id genus dixit. Nec abludit, ut eruditè notavit Vossius, hoc Cæcinia ad Cic. l. 6. ep. 7. Cum ignoverit omnibus, qui multa Deos venerati sunt. Et Tac. An. 3. Rea patronos petenti, quisque diversa excusantibus. Diversi generis sunt Horat. l. 1. Sat. 3. Et qui nocturnus Divum sacra legerit. idest noctu.

Et 1. Epist. ad Num.

Navus mane forum, & vespertinus pete testum.
Et l. 3. od. 6.

Quod adest, memento.

Componere equus.

Virg. Georg. 3.

Nec gregibus nocturnus obambulat.

Et Æn. 8.

Nec minus interea se matutinus agebat.

Et Mart. l. 6. ep. 58.

Atque erat in gelido plurimus ore pudens.

Stat. 3. Theb.

Signa feras, levusque tones.

Et hæc sunt per Enallagen figuram, quæ

82 De Nominum Collocatione, Cap. II.

pars orationis una pro alterâ ponitur. Advertendum tamen est, quod Adjectivum hoc pro Adverbio usurpatum gravi afficitur accentu communiter: sunt enim qui negligent. Porro superiùs expositam constructionem Græcanicam esse, atque à Latinis Græcorum more frequentatam, nemo est, qui non noverit: dicitur enim *πότερον*, *πότερ' &* adjectivum nomen pro *utrùm*, *καλὰ* pulchrè, *ὄζυ'* celeritèr, *ταχὺς* velociter &c. Et quoniam in Hellenismos incidimus, cæteros hîc, qui de Nominibus Adjectivis sunt, subjungimus: Maximam enim Tironibus allaturos utilitatem, certò scio.

XXI. Adjectivum neutrum venustè jungitur substantivo masculino, aut fœminino, idque Græcorum more. Cic. de finib. *Bonum liberi*, *miseræ orbitas*; *bonum patria*, *miserum exilium*; *bonum valetudo*, *miserum morbus*. Quintill. *Facultas dicendi si in malos incidit, judicanda est malum*. Gell. *Critolaus Peripateticus & malum esse voluptatem ait*.

Propert. *Nec forma æternum, baud cuiquam est fortuna perennis*.

Ovid. Amor. lib. I. el. 9. vers. 4.

Turpe senex miles, turpe senilis amor.

Idem.

Turpe jacens mulier multo madefacta Lyæo.

Virg. Ecl. 3.

Triste lupus stabulis; maturis frugibus imbre
Dulce satis humor &c.

Et 4. Æneid.

Variam, & mutabile semper

Fœmina.

Hoc

De Nominum Collocatione. Cap. II. 83

Hoc dicendi genus, quidam ad Enallagen, quidam verò, ac melius, ad Ellipsin revocant; intelligitur enim in Græcis vox *ἑνῆμα*, in Latinis *negotium*, *res*, aut *limita*, seu *pronomen*, *quid*, *quiddam*, vel *aliquid*; ita ut sensus sit v. g. *Triste lupus stabulis*: *Triste quid lupus stabulis*; & illud: *Varium & mutabile semper fœmina*, posset sic integrè efferri. *Varium & mutabile quiddam est fœmina*: Par ratio est de sequentibus Græcis exemplis. Demost. *Ἀπιστον ταῖς πολετέῃς ἢ τυραννίδι*. *Infidum Respubl. tyrannis*. Item ejusdem. *Πονηρόν ὁ συκοφάντης*. *Improbum est sycophantes*. Et hujus Homericæ *Iliad. 2.*

Οὐκ ἀγαθὸν πολυκοιρανίᾳ.

Non bonum est multorum dominatus: Quorum omnium exemplorum defectus per verbum *ἑνῆμα* suppleveris, ut dictum est. Sic supplevit Epitectus. *Ἀθάνατον ἑνῆμα ἢ ἀθάνατα ἀέθλια*. *Veritas res est immortalis & sempiterna*.

XXII. Adjectivum apud Græcos substantivè ponitur, & more substantivorum construitur: Adjectivum tamen illud neutrum afficiunt præpositivo articulo *τὸ*; tuncque planè valent idem, quod abstracta. Sic Demosth. *Τὸ τῆ Θεῆ εὐμενὲς ἡμῶν συναγωνίζεται*. *Dei benevolentia nos adjuvat*. ubi *εὐμενὲς* stat pro *εὐμενείᾳ* S. Basil. *Πρέπει πανταχὲ τὰ τραχὺ ἀπωδεῖσθαι*. pro *τῶν τραχυτάτων*. Latini quoque eos imitati sunt; ac præsertim Poætæ. Sic Ovid. *Met. 1.*

*Non illo melior quisquam, nec amantior equi
Vir fuit &c.*

84. De Nominum Collocatione. Cap. II.

Virg. 2. Æneid.

feratissimus equi.

i. *equitiss*: *honestum* pro *honestate*, *pium* pro *pietate*. Hellenismus itidem est, quamvis à Latinis Scriptoribus frequentatus, illa dicendi forma, quâ Adjectivum ponitur in neutro pluralis numeri, & substantivum in Genitivo. Curt. l. 6. *Edita montium*. i. *editi montes*. Tacit. 11. Annal. *Neque suspensiones imbecilles, aut inania fama*. Et apud Livium non semel: *incerta casuum, subita rerum, diversa montium* &c.

Lucret. lib. 1.

Clausula domorum

Transvolitant.

Et l. 6. *Penetrat per rana viarum.*

Virg. Æn. 6. *Per apoca viarum.*

Horat. l. 2. od. 1. *Et cuncta terrarum subacta.*

Id. l. 4. od. 12. *Amaraque curarum.*

Et l. 1. Sat. ult. *Incerta casuum.*

Græci quoque τὰ ἀδῆλα τῶν τυχῶν incerta fortunæ.

XXIII. Eleganter apponitur Adjectivo casus Genitivus, ut: *abstinens pecuniæ, abundans corporis, cæcus futurorum, candidus eloquii, nimius animi*. i. *iracundus*: *nimius imperii, sermonis*. i. *severus, loquax*: *plenus foris, litium, animi, crapule, iræ, somni, timoris* &c. *parcus irarum, aris; reus voti*, idest, *qui debet solvere votum* &c. Exemplorum quia satis abunde est, eaque jamdum cengeſſit Vossius lib. de Construct. c. 10. paucis hic contenti erimus. Sallust. de bel. Cat. *Corpus patiens inedia, algoris, vigiliæ*. Tac. 1. An. *Inviſtus operibus ac laboribus*. Et l. 3. *Impiger militia*. Et 4. *Ferox scelerum*.

De Nominum Collocatione. Cap. II. 85

lerum. Et 6. Trepidus admirationis & metus. Verum his, & similibus parcius utantur Oratores; utpote ad Historicorum, & Poëtarum phrasin accedentibus. Tutiora sunt quæ leguntur apud Tullium, Quintilianum, aliosque, Adjectiva Genitivo casu donata. Ad Att. ii. epist. 2. Tam insuetus contumelia. Quintil. lib. 2. cap. 2. Judex quamprimum certus esse sententia cepit. Et lib. 7. c. 3. Securus tam parvæ observationis. Plin. l. 25. c. 2. Medicinæ peculiariter curiosus. Lucanus l. 6.

Felix, ac libera legum

Roma fores.

Ovid. Met. 5.

Sed tolerare diu cursus ego viribus impar

Non poteram; longi patiens erat ille laboris.

Porro & hæc Græcanica constructio est; eaque nihil frequentius in Græcis Scriptoribus, ibique passim occurrunt exempla, quæ propterea non recito.

XXIV. Adjectivis Græci adjungunt Infinitivum. Hoc imitantur Latini; sed ferè tantum Poëtæ; & primò apponunt Infinitivum Adjectivo; Adjectivum tamen istud voluntatem, aut facultatem significat; Infinitivumque habet vim nominis, & subintelligitur præpositio *ad*. v. g. *bonus canere* dicitur: quod integrè esset, *bonus ad canere, sive ad canendum*. Virgil, *Ecl. 5.*

Boni convenimus ambo

Tu calamos inflare leves, ego dicere versus.

Ovid. 2. Fast.

Silvaque montanas occulere apta feras.

Horat. cui familiarior is sermo, maximè que

86 *De Nominum Collocatione. Cap. II.*

que in odis fuit , ubi mirè Græcissat l. I.
od. 10.

Callidum quidquid placuit jocosò

Condere furto .

Et od. 12.

Blandum & auritas fidibus canoris.

Ducere quercus

Ibid. *Nobilem superare. Od. 15. Præsens tollere.*

Od. 24. Lenis fata recludere . Od. 29. Do-

ctus sagittas condere . Od. 35. Dolosè ferre ju-

gum . Od. 37. Impotens sperare . Et similia

quamplurima in cæteris Odarum, Satyra-

rumque libris . Apud Oratores tantum-

modò infinitivus reperitur junctus cum

Adjectivò *paratus, promptus* , aut simile .

Sic Tull. pro P. Quinctio. *Id quoque para-*

ti sunt facere . Et lib. 15. epist. 4. Subire pa-

ratissimus . Secundò Latini Infinitivum

verbi Passivi , aut Deponentis apponunt

Adjectivo . Ut apud Flaccum in *Arte .*

Cereus in vitium flecti .

Et lib. 1. od. 3.

Audax omnia perpeti .

Ibid. od. 1.

Indocilis pauperiem pati .

Et od. 15.

Et celerem sequi Ajacem .

Lib. 1. epist. 20.

Trasci celerem .

Senec. Herc. Fur.

Et saxa fluctu volvit Acheron invius .

Renavigari .

De Græcis , exempla hæc sunt . *δενδρ*

λεγειν , acer dicere , hoc est in dicendo ;

ὀξύς ὁρᾶν , acutus videre ; *βαθεῖα πρᾶσσαι* ,

profunda transire ; *ἐμπεῖρος ᾄδειν* , peritus

cantare &c. Eupolis Comicus .

Δαλεῖν ἀριστος , ἀδυνατώτατος *λεγειν* .

Loqui optimus , pessimus dicere .

Epicharmus

Act

Δις, ὅς λέγειν ἐκ, ἀλλὰ σιγᾶν ἀδύνατος.

Dicere baud aptus, at tacere non potis.

XXV. Multa Adjectiva, laudem, vituperationem, patriam, gentem, aut partem significantia, Accusativum rugunt apud Græcos; item Participia, & verba, subintellectâ præpositione κατὰ, περί, five secundum, circa, ad. Latinis hoc item cum Græcis commune: ut, cum dicunt, *auctus opes, albus dentes, cætera doctus, pleraque Italus* &c. quæ loca integrè habentur suffectâ aliquâ ex dictis præpositionibus; ut: *auctus secundum opes, albus quoad dentes, doctus circa cætera, Italus secundum pleraque*. Cic. pro Quinct. Sanè cætera paterfamilias, & prudens & attentus. Vellejus Paterc. *Qui vir cætera sanctissimus, immunisque voluptatibus*. Tacit. 6. Ann. *Clari genus*. Gellius l. 9. c. 10. *Annaeus Cornutus, homo sanè pleraque alia non indoctus*. Præterea apud Sallustium, Livium, ac Tacitum Hellenismum hujusmodi non semel reperies. Virg. 4. Æn.

Omnia Mercurio similis, vocemque, coloremq;
Et 5. Æn. *Cressa genus Pholoe*.

Statius 2. Sylv.

Incorrupte fidem, nullosque experte tumultus. Græci, ut superiùs innuimus, Ellipsin Præpositionis suppleant per κατὰ, aut περί; ut: Σύρος ἔξ τῆ νομα, καὶ πατρίδα, *Syrus nomen, & patriam*. Lucianus. Ταῖς θαλάττια σοφός: *callidus res marinas*. Xenophon. Ἀγαθοὶ τὰ πολεμικά: *boni res bellicas*. Herodianus. Εἰκὼνὰ πάντα ὁμοίαν τῷ τελευτηκῷ. *Imaginem omnia similem De-*
functo.

88 De Nominum Collocatione. Cap. II.

Et hæc satis de Græcanicis Adjectivorum Nominum constructionibus, quæ non est satis dicere quantum lucis allaturæ sint, in explicandis potissimum Historicis, atque Poëtis, tum Græcis, tum Latinis, quibus perpetuò placuit ἐναυγίζειν. Nunc denuo ad Collocationem descendamus.

XXVI. Venustatem addit locutioni Adjectivum plurium syllabarum, in fine Periodi collocatum: ut, *Amicum invenire bonum est perdifficile*. Ex Caussino l. 7. c. 15. Cic. de Offic. l. 1. Ex quo intelligi potest, nullum bellum esse justum, nisi quod, aut rebus repetitis geratur, aut denunciatum ante sit, & indictum. Id. pro Milone. Sed ut haberet quod se dicebat ad Praturam gerendam; hoc est ad evertendam Rempubl. plenum annum atque integrum. Horat. l. 2. od. 3. Cum populo, & Duce fraudulento. Virg. 6. Æn.

Unaque Sibillam

Conventus trahit in medios, turbamque servantem.

Lucr. de R. Nat.

Ova parere solet genus pennis condecoratum. parere pro parere.

Nonnunquam etiam Adjectiva dissyllaba claudunt Periodum; sed rariùs admodum.

XXVII. Nomina numerum significantia substantivis postponentur. Ex Francisco Silvio Prog. Cent. 1. c. 4. Cic. 1. Off. *Cari sunt parentes, cari liberi, propinqui, familiares; sed omnes omnium charitates patria una complexa est.* Et 2. de Orat. *Definitio primùm reprehensio verbo uno, aut addito, aut dempto, sæpe extorquetur è manibus.* Plin.

Ho-

De Nominum Collocatione. Cap. II. 89

Homini non ante diem septimum lethalis inedia. Minus profecto fuisset elegantiae dicendo: una patria, uno verbo, septimum diem &c. Sic etiam affabrè locuti Poëtæ.

Ovid. Teneros lædunt juga prima juvencos.

Plautus. Pluris est testis oculatus unus, quam auriti decem.

XXVIII. Numeralia nomina quomodo debeant ordinari, apertè monstrat P. Carolus libri suprà recensiti pag. 236.

1. Quoties à viginti versantur usque ad centum, & conjunctio quædam interponitur, minora majoribus elegantius anteponuntur; ut, *Quartus, & vigesimus; tertius, & sexagesimus.* Sic apud Tullium non semel. *Horum Pater ab hinc duos & viginti annos est mortuus. Cujus à morte, jam tertius & trigessimus est annus. Isocrates quarto & septuagesimo anno eum librum.... scripsisse dicitur.* Liv. lib. 1. *Romulus septem & triginta regnavit annos.* Et alibi sæpius. Minorem quoque majori præpositum sine ullâ conjunctione apud Svetonium, imò & apud Ciceronem habemus: *Periit cum fratre, & filio anno vitæ septimo quinquagesimo. Septimo quinquagesimo die rem confeci.* Hunc præterea usum, quamvis inter Scriptores receptissimum, præponendi scilicet minorem majori numero à viginti ad centum, quidam & primæ notæ respuerunt. Sic Sveton. *Funeratus trigesimo & octavo ætatis anno, pro octavo & trigesimo.* Et alibi *Obiit trigesimo, & quinto ætatis anno.* M. Cic. filius: *Venerunt post diem quadragessimum, & sextum.* Tacitus dialog. de Oratorib. diversos simul effert numerandi modos:

90 De Nominum Collocatione. Cap. II.

modos: *Statue VI. & L. annos*, quibus *mox Divus Augustus Remp. rexit*: adjice *Tiberii tres & viginti*, & *prope quadriennium Caii*, ac *bis quaternos denos Claudii*, & *Neronis annos*, atque ipsum *Galbae*, & *Othonis*, & *Vitellii unum annum*, ac *sexturn jam felicitis hujus principatus stationem*, quā *Vespasianus Remp. fovet*.

2. Post centum minor numerus subsequitur, interpositā conjunctione. Cic. de Senect. *Leontius Gorgias centum*, & *septem implevit annos*. Id. ib. *Octoginta regnavit annos*, *centum*, & *viginti vixit*. Id. i. Off. *Qui, cum centum triginta dierum essent cum hoste pactae induciae &c.* Et l. 6. ep. 4. *Locus est citra Leucadem stadia centum viginti*. Tacit. dialog. de Orat. C. & XX. *anni ab interitu Ciceronis in hunc diem colliguntur*, *unius hominis aetas*.

3. Numeralia usque ad viginti ferē singula sunt; ut, *septem*, *octo*, *duodecim*. *Septem*, & *decem pro septendecim*, M. Cicero dixit. Ille, inquit, *egit septem*, & *decem annos*. Plinius quoque ordine alio. *Decem*, & *septem*, inquit, *millibus passuum ab Urbe secessit*. Vossio placet, quod usque ad decem utamur simplici voce; post decem, usque ad decimum septimum, voce compositā, inquā minor numerus præcedat; ut, *undecim*, *duodecim*, *tredecim*, *quatuordecim*, *quindecim*, *sexdecim*. Post hunc numerum, cum Priscano lib. de Num. numerum majorem præmittit, eique copulam cum minori numero subjicit, hoc pacto: *decem*, & *septem*; *decem*, & *octo*; *decem*, & *novem*. Sed aut codices sunt corrupti, aut,

aut, quod recitet Priscianus, etiam dicere liceat *septendecim*, *octodecim*, *novendecim*; Nam *septendecim* apud Sveton. in Nerone, & Tull. 2. cont. Rull. legas; uti *octodecim*, & *novendecim* in Eutropii breviario. Itaque Linacer autumat; utroque modo dici posse. Sed Elias Vinetus in eâ sententiâ est, ex eo à Prisciano silentio prætermitti, quòd reverâ veteres non ita fuerint locuti, sed usi his notis XVII, XVIII, XIX, quas inde Librarii vocibus integris, at minùs Latinis expresse- rint. Utcumque res se habeat, tutiùs se- quemur Priscianum; præcipuè cùm in- codicibus vetustis sic longè frequentius legatur.

4. Octonarium, aut Novenarium nu- merum expressuri, decadem viciniorem accipimus, illique *unde*, aut *duode* præfi- gimus hac ratione. *octodecim* dicturi *duode viginti* dicimus; *novendecim*, *undeviginti*; quia à viginti vno, aut altero numero de- tracto restant decem & novem, decem & octo. Sic enunciabimus duo de triginta, undetriginta, duo de quinquaginta, ac deinceps consimiliter vsque ad centum. Hacque dicendi formulâ nihil apud op- timos Latini sermonis auctores usitatiùs. Sic Cic. de Cl. Orat. *Is undeviginti annos natus erat eo tempore*. Pro Pomp. *Undequingagesimus*. Plin. l. 7. c. 6. *Undecentum*. Liv. l. 7. *Undetrigesimus*. Et lib. 5. *Undequa- draginta*. Horat. 2. Ser. Sat. 3. *Undeoctogin- ta*. Istum sanè loquendi modum à Græcis profectum docet Festus. Videantur Era- smus de Utrâque Copiâ l. 1. c. 149. Voss. de

92 *De Nominum Collocatione. Cap. II.*
 de Anal. l. 4. c. 9. Alexander Scot in Au-
 ctariis Nicolii hunc Canona his verbis
 complexus est : Unde numeris prepositum ,
 supra decem , unum detrahit à quovis numero ,
 præter undecim , & quæ ab eo deducta sunt :
 sicut duode detrahit duo præterquam in duo-
 decim . Supra centum compositè per Ad-
 jectivum , aut incompōitè per Adverbium
 efferimus ; Ducentos , his centum : trecentos ,
 ter centum ; atque eodem modo usque ad
 mille . Mille multiplicamus vel substan-
 tivè , vel Adjectivè cum Adverbio . Mille
 nummum : mille nummos . Bis mille num-
 mos . Duo millia nummorum . Pergendum-
 que consimili ratione ad mille millia ,
 aut millies mille .

5. Poëtæ in numeris significandis ra-
 rō sequuntur Oratores ; sed frequentius
 vel eos per periphrasim exprimunt , vel
 nominibus cardinalibus indeclinabilibus ,
 seu distributivis utuntur cum adverbis
 bis , ter , quater &c. ut , bis sex , vel bis seni
 pro duodecim ; ter quinque , vel ter quini ,
 pro quindecim &c. Tibul. l. 3. eleg. 5.
Ter quinos languent nunc mea membra dies.
 Ovid. 3. Fast.

Martia ter senos proles adoleverat annos .

Id. in 4. menses duodecim .

Et tribus ante quater mensibus ortus erat.

Et in Ibin. annos quinquaginta .

*Tempus ad hoc lustris mihi jam bis quinque
 peractis .*

Martial. l. 5. ep. 28.

Bis septena tibi non sunt subsellia tanti .

Virgil. Æn. 1. Sunt mihi bis septem &c.

Ter centum nivei tondent dumeta juvenci .

No-

6. Notandum cum Erasmo, quod in conjunctione numeri majoris, & minoris, pro uno, aut primo, licet ponere alterum. Cic. *Literas accepi tuas, quas mihi Cornificius altero, & vigesimo die reddidit.* idest vigesimo primo. Id. pro Mil. *Centesima lux est ab interitu P. Clodii, & opinor, altera.* idest, centesimus primus dies. Item Livius. *Anno trigesimo altero, quam condita Roma erat.* hoc est. trigesimo primo. Quin & citra talem conjunctionem, alterum frequenter pro secundo ponitur. Unum, alterum, tertium annum laxa, quiescebant. Similiter unus, & alter, pro unus, & iterum unus. unus vel alter, pro unus vel duo.

7. Oratores magnum quempiam, indefinitumque numerum dicturi sexcenta dicunt, Poëta fecus mille. Cic. l. 6. epist. 1. *Quid enim delectationis habent sexcenti muli in Clytemnestra?* Id. 2. de Divin. *Sexcenta licet ejusmodi proferre.* Et l. 7. epist. 2. *Venio ad epistolas tuas, quas ego sexcentas uno tempore accepi.* Virg. lib. 7. Æn.

Tibi nomina mille,

Mille nocendi artes

Ovid. *Ecquis non causas mille doloris habet?* Sic Lucan. l. 7. *Mille duces.* Ovid. Met. 4. *Mille greges illi.* Rursum Virgil. *Mille agnæ,* Eclog. 2. Interdum quoque pro mille centum substituunt. Sic centum greges apud Horat. l. 2. od. 16. *Centum puer artium,* apud eundem lib. 4. & centum juvenci apud eund. lib. Epod. Virgil. quoque Æn. 6. *Non mihi si lingue centum sint, oraque centum.*

94 *De Nominum Collocatione. Cap. II.*

8. De ordinalibus nominibus hæc præscribit Vossius lib. de Construct. c. 67. In ordinalibus post duodecimum copula omittitur, si minor numerus præcedat. Ut, *tertiusdecimus, quartusdecimus, quintusdecimus, sextusdecimus, septimusdecimus, octavusdecimus*, qui & *duodevigessimus, nonusdecimus, qui & undevigessimus*. Plinius lib. 10. c. 58. Namque octavodecimo die excludunt, statimque concipiunt. Et si in his ferè numerus per notas numerales exprimi potius soleat, quàm literis universis. Sed si major numerus præeat, copulam addere jubet Priscianus. Ut, *decimus, & septimus; decimus, & octavus*. In vulgaribus tamen, Codd. legas, *decimus tertius, decimus quartus*, & ita deinceps sine copulâ. Sed hîc quoque Vineti judicium est; tutius nos Priscianum sequi, cujus temporibus integrioribus erant codices, quàm nostris. A viginti usque ad centum, si prior sit numerus major, copula omittitur; ut, *viginti octo*, non *viginti & octo*: *trigesimus octavus*, non *trigesimus, & octavus*. At si minor præcedat, conjunctione utimur; itaque dicimus, *primus, & vigesimus*, vel etiam *unus, & uigesimus &c.* Similiter in distributivis dicemus *viceni singuli, triceni bini, sexageni quaterni*: Sed cum copulâ, *singuli, & viceni, bini & triceni, quaterni, & sexageni*. Post centum major numerus præcedit, sequitur minor, nunc cum copulâ, nunc absque illâ. Plin. l. 7. c. 49. Epigenes centum duos annos impleri negavit posse. Berossus centum septendecim. Cic. ad Att. l. 6. epist. 1. Post Leuctricam pugnam die septim-

De Nominum Collocatione. Cap. II. 95

Septingentesimo sexagesimo quinto. Vide furius de his Linacrum in tertio, & Georgium Heneschium lib. de Numerandi ratione.

XXIX. Voces *omnis, nullus, alienum, aliud, alterum, utrumque, solum, ullum, tam, singula*, aliaque hoc genus adjectiva, substantivis postponenda. Cic. 2. Off. *vera gloria radices agit, atque etiam propagatur; fœta omnia tamquam flosculi decidunt* l. lib. 13. ep. 8. *Majus mihi dare beneficium ullum potes.* Etic. 16. ad Att. 3. *Navigatio labor alienus* &c. Item 2. de Div. *Signa alio in loco intuentes lacrymantes intuentur.* De orat. *Id est genus alterum.* Gell. 15. *Nunc autem pœrique partis utriusque vici* &c. Cic. 2. de Div. *Cum in locis solis ares.* Liv. l. 7. *Neque verò Urbis partem am* &c. Gellius. *Multam nos quoque ad Scriptores vêtères locutionum talium commoffendimus.* Tull. 2. Tusc. *Hæc olim vêtis singulis colligebant.* His adjungantur *quodvis, quodlibet, totum, cœtera, reliqua*, &que hujusmodi multitudinem denotia. Ovid. Met. 4.

Scius omnis abest; nutu, signisq; loquuntur. ib. *Commissaque corpore toto.* nullus.

ne ego ab indignis præmia nulla peto. *andum, quod nomina tale, & aliud ineptè tunc præponantur, cum subatur, nihil, nemo, quidquam nullus, ullam in diversis casibus; ut, tale nihil vico nunquam putassem; alium ne de v. r. ale quidquam, quis viderit?* Cic. l. 4. *His verò temporibus habemus aliud nihil*

82 De Nominum Collocatione, Cap. II.

pars orationis una pro alterâ ponitur. Advertendum tamen est, quod Adjectivum hoc pro Adverbio usurpatum gravi afficitur accentu communiter: sunt enim qui negligent. Porro superiùs expositam constructionem Græcanicam esse, atque à Latinis Græcorum more frequentatam, nemo est, qui non noverit: dicitur enim *πότερον*, *πότερ' &* adjectivum nomen pro *utrum*, *καλὰ* pulchrè, *ὄζυ'* celeritèr, *ταχὺς* velociter &c. Et quoniam in Hellenismos incidimus, cæteros hîc, qui de Nominibus Adjectivis sunt, subjungimus: Maximam enim Tironibus allaturos utilitatem, certò scio.

XXI. Adjectivum neutrum venustè jungitur substantivo masculino, aut foeminino, idque Græcorum more. Cic. de finib. *Bonum liberi, misera orbitas; bonum patria, miserum exilium; bonum valetudo, miserum morbus.* Quintill. *Facultas dicendi si in malos incidit, judicanda est malum.* Gell. *Critolaus Peripateticus & malum esse voluptatem ait.*

Propert. *Nec forma æternum, baud cuiquam est fortuna perennis.*

Ovid. Amor. lib. 1. el. 9. vers. 4.

Turpe senex miles, turpe senilis amor.

Idem.

Turpe jacens mulier multo madefacta Lyæo.
Virg. Ecl. 3.

Triste lupus stabulis; maturis frugibus imbres.
Dulce satis humor &c.

Et 4. Æneid.

Variū, & mutabile semper
Fœmina.

Hoc

De Nominum Collocatione. Cap. II. 83

Hoc dicendi genus, quidam ad Enallagen, quidam verò, ac melius, ad Ellipsin revocant; intelligitur enim in Græcis vox *ῥῆμα*, in Latinis *negotium, res, aut finis*, seu pronomen, *quid, quiddam, vel aliquid*; ita ut sensus sit v. g. *Triste lupus stabulis: Triste quid lupus stabulis; & illud: Varium & mutabile semper fœmina*, posset sic integrè efferri. *Varium & mutabile quiddam est fœmina*: Par ratio est de sequentibus Græcis exemplis. Demost. *Ἀπιστον ταῖς πολιτείαις ἢ τυραννίδας*. *Insidum Respubl. tyrannis*. Item ejusdem. *Πονηρόν ὁ συκοφάντης*. *Improbum est sycophantes*. Et hujus Homericæ Iliad. 2.

Οὐκ ἀγαθὸν πολυκοιμῆναι.

Non bonum est multorum dominatus: Quorum omnium exemplorum defectus per verbum ῥῆμα suppleveris, ut dictum est. Sic supplevit Epitectus. Ἀθάνατον ῥῆμα ἢ ἀλῆθεια ἀϊδίον. Veritas res est immortalis & sempiterna.

XXII. Adjectivum apud Græcos substantivè ponitur, & more substantivorum construitur: Adjectivum tamen illud neutrum afficiunt præpositivo articulo τὸ; tuncque planè valent idem, quod abstracta. Sic Demosth. *τὸ τῷ Θεῷ εὐμενὲς ἡμῶν συναγωνίζεται*. *Dei benevolentia nos adjuvat*. ubi *εὐμενὲς* stat pro *εὐμενείᾳ* S. Basil. *Πρέπει πανταχὲ τὰ τραχὺ ἀπωδεῖσθαι*. pro *τῶν τραχύτητα*. Latini quoque eos imitati sunt; ac præsertim Poætæ. Sic Ovid. Met. 1.

Non illo melior quisquam, nec amantior equæ Vir fuit &c.

84. De Nominum Collocatione. Cap. II.

Virg. 2. Æneid.

feratissimus equi.

i. *equitiss*: *honestum* pro *honestate*, *pium* pro *pietate*. Hellenismus itidem est, quamvis à Latinis Scriptoribus frequentatus, illa dicendi forma, quâ Adjectivum ponitur in neutro pluralis numeri, & substantivum in Genitivo. Curt. l. 6. *Edita montium*. i. *editi montes*. Tacit. 11. Annal. *Neque suspensiones imbecilles, aut inania fame*. Et apud Livium non semel: *incerta casuum, subita rerum, diversa montium &c.*

Lucret. lib. 1.

Clausula domorum

Transvolitant.

Et l. 6. *Penetrat per rara viarum.*

Virg. Æn. 6. *Per apoca viarum.*

Horat. l. 2. od. 1. *Et cuncta terrarum subacta.*

Id. l. 4. od. 12. *Amaraque curarum.*

Et l. 1. Sat. ult. *Incerta casuum.*

Græci quoque τὰ ἀδυνα τὸν τύχης incerta fortunæ.

XXIII. Eleganter apponitur Adjectivo casus Genitivus, ut: *abstinens pecuniæ, abundans corporis, cæcus futurorum, candidus eloquii, nimius animi*. i. *iracundus*: *nimius imperii, sermonis*. i. *severus, loquax*: *plenus foris, litium, animi, crapule, iræ, somni, timoris &c. parcus irarum, aris; reus voti, idest, qui debet solvere votum &c.* Exemplorum quia satis abunde est, eaque jamdum congegit Vossius lib. de Construct. c. 10. paucis hic contenti erimus. Sallust. de bel. Cat. *Corpus patiens inedia, algoris, vigiliæ*. Tac. 1. An. *Invidus operis ac laboris*. Et l. 3. *Impiger militia*. Et 4. *Ferox scelerum*.

De Nominum Collocatione. Cap. II. 85

lerum. Et 6. Trepidus admirationis & metus. Verum his, & similibus parcius utantur Oratores; utpote ad Historicorum, & Poëtarum phrasin accedentibus. Tutiora sunt quæ leguntur apud Tullium, Quintilianum, aliosque, Adjectiva Genitivo casu donata. Ad Att. 11. epist. 2. Tam infuetus contumelia. Quintil. lib. 2. cap. 2. Judex quamprimum certus esse sententiæ cepit. Et lib. 7. c. 3. Securus tam parvæ observationis. Plin. l. 25. c. 2. Medicina peculiariter curiosus. Lucanus l. 6.

Felix, ac libera legum

Roma fores.

Ovid. Met. 5.

Sed tolerare diu cursus ego viribus impar

Non poteram; longi patienti erat ille laboris.

Porro & hæc Græcanica constructio est; eaque nihil frequentius in Græcis Scriptoribus, ibique passim occurrunt exempla, quæ propterea non recito.

XXIV. Adjectivis Græci adjungunt Infinitivum. Hoc imitantur Latini; sed ferè tantum Poëtæ; & primò apponunt Infinitivum Adjectivo; Adjectivum tamen istud voluntatem, aut facultatem significat; Infinitivumque habet vim nominis, & subintelligitur præpositio *ad*. v. g. *bonus canere* dicitur: quod integrè esset, *bonus ad canere, sive ad canendum*. Virgil, *Ecl. 5.*

Boni convenimus ambo

Tu calamos inflare leves, ego dicere versus.

Ovid. 2. Fast.

Silvaque montanas occulere apta feras.

*Horat. cui familiarior is sermo, maximè
que*

86 *De Nominum Collocatione. Cap. II.*

que in odis fuit , ubi mirè Græciffat l. i. od. 10.

Callidum quidquid placuit jocosò

Condere furto .

Et od. 12.

Blandum & auritas fidibus canoris

Ducere quercus

Ibid. *Nobilem superare. Od. 15. Præsens tollere.*

Od. 24. Lenis fata recludere . Od. 29. Do-

ctus sagittas condere . Od. 35. Dolosè ferre ju-

gum . Od. 37. Impotens sperare . Et similia

quamplurima in cæteris Odarum, Satyra-

rumque libris . Apud Oratores tantum-

modò infinitivus reperitur junctus cum

Adjectivò *paratus, promptus* , aut simile .

Sic Tull. pro P. Quinctio. *Id quoque para-*

ti sunt facere . Et lib. 15. epist. 4. Subire pa-

ratissimus . Secundò Latini Infinitivum

verbi Passivi , aut Deponentis apponunt

Adjectivo . Ut apud Flaccum in *Arte .*

Cereus in vitium flecti .

Et lib. 1. od. 3.

Audax omnia perpeti .

Ibid. od. 1.

Indocilis pauperiem pati .

Et od. 15.

Et celerem sequi Ajacem .

Lib. 1. epist. 20.

Trasci celerem .

Senec. Herc. Fur.

Et saxa fluctu voluit Acheron invius .

Renavigari .

De Græcis , exempla hæc sunt . *δενδς*

λεγειν , acer dicere , hoc est in dicendo ;

ὄξος ὄρᾶν , acutus videre ; *βαθεῖα πηρασαι* ,

profunda transire ; *ἐμπεῖρος εἶδεν* , peritus

cantare &c. Eupolis Comicus .

Δαλεῖν ἀριστος , ἀδυνατώτατος *λεγειν* .

Loqui optimus , pessimus dicere .

Epicharmus

Δετ

Δι, ος λέγειν ἐκ, ἀλλὰ σιγᾶν ἀδύνατος.

Dicere haud aptus, at tacere non potis.

XXV. Multa Adjectiva, laudem, vituperationem, patriam, gentem, aut partem significantia, Accusativum rugunt apud Græcos; item Participia, & verba, subintellectâ præpositione κατὰ, περὶ, five secundum, circa, ad. Latinis hoc itidem cum Græcis commune: ut, cum dicunt, *auctus opes, albus dentes, cætera doctus, pleraque Italus* &c. quæ loca integrè habentur suffectâ aliquâ ex dictis præpositionibus; ut: *auctus secundum opes, albus quoad dentes, doctus circa cætera, Italus secundum pleraque.* Cic. pro Quinct. Sanè cætera paterfamilias, & prudens & attentus. Vellejus Paterc. *Qui vir cætera sanctissimus, immunisque voluptatibus.* Tacit. 6. Ann. *Clari genus.* Gellius l. 9. c. 10. *Annæus Cornutus, homo sanè pleraque alia non indoctus.* Præterea apud Sallustium, Livium, ac Tacitum Hellenismus hujusmodi non semel reperies. Virg. 4. Æn.

Omnia Mercurio similis, vocemque, coloremq;
Et 5. Æn. *Cressa genus Pholoe.*

Statius 2. Sylv.

Incorrupte fidem, nullosque experte tumultus;
Græci, ut superius innuimus, Ellipsin Præpositionis suppleant per κατὰ, aut περὶ; ut: Σύρος καὶ τὸν ὄνομα, καὶ πατρίδα, *Syrus nomen, & patriam.* Lucianus. Ταῖς θαλάττιαις σοφῶς: *callidus res marinas.* Xenophon. Ἀγαθοὶ τὰ πολεμικά: *boni res bellicas.* Herodianus. Εἰκόνα πάντα ὁμοίαν τῷ τελευτηκῶτι. *Imaginem omnia similem Defuncto.*

88 De Nominum Collocatione. Cap. II.

Et hæc satis de Græcanicis Adjectivorum Nominum constructionibus, quæ non est satis dicere quantum lucis allaturæ sint, in explicandis potissimum Historicis, atque Poëtis, tum Græcis, tum Latinis, quibus perpetuò placuit ἐναυγίζειν. Nunc denuo ad Collocationem descendamus.

XXVI. Venustatem addit locutioni Adjectivum plurium syllabarum, in fine Periodi collocatum: ut, *Amicum invenire bonum est perdifficile*. Ex Caussino l. 7. c. 15. Cic. de Offic. l. 1. Ex quo intelligi potest, nullum bellum esse justum, nisi quod, aut rebus repetitis geratur, aut denunciatum ante sit, & indictum. Id. pro Milone. Sed ut haberet quod se dicebat ad Praturam gerendam; hoc est ad evertendam Rempubl. plenum annum atque integrum. Horat. l. 2. od. 3. Cum populo, & Duce fraudulento. Virg. 6. Æn.

Unaque Sibillam

*Conventus trahit in medios, turbamque ser-
nantem.*

Lucr. de R. Nat.

*Ova parere solet genus penius condecoratum.
parire pro parere.*

Nonnunquam etiam Adjectiva dissyllaba claudunt Periodum; sed rariùs admodum.

XXVII. Nomina numerum significan-
tia substantivis postponentur. Ex Fran-
cisco Silvio Prog. Cent. 1. c. 4. Cic. 1. Off.
*Cari sunt parentes, cari liberi, propinqui, fa-
miliares; sed omnes omnium charitates patria
una complexa est.* Et 2. de Orat. Definitio
primùm reprehensio verbo uno, aut addito, aut
dempto, sæpe extorquetur è manibus. Plin.

Ho-

Homini non ante diem septimum lethalis inedia. Minus profecto fuisset elegantiae dicendo: *una patria, uno verbo, septimum diem &c.* Sic etiam affabre locuti Poetae.

Ovid. *Teneros ledunt juga prima juvencos.*

Plautus. *Pluris est testis oculatus unus, quam auriti decem.*

XXVIII. Numeralia nomina quomodo debeant ordinari, aperte monstrat P. Carolus libri supra recensiti pag. 236.

1. Quoties à viginti versantur usque ad centum, & conjunctio quaedam interponitur, minora majoribus elegantius anteponuntur; ut, *Quartus, & vigesimus; tertius, & sexagesimus.* Sic apud Tullium, non semel. *Horum Pater ab hinc duos & viginti annos est mortuus. Cujus à morte, jam tertius & trigessimus est annus. Isocrates quarto & septuagesimo anno eum librum. . . . scripsisse dicitur.* Liv. lib. 1. *Romulus septem & triginta regnavit annos.* Et alibi saepius. Minorem quoque majori praepositum sine ullâ conjunctione apud Svetonium, imò & apud Ciceronem habemus: *Periit cum fratre, & filio anno vitae septimo quinquagesimo. Septimo quinquagesimo die rem confeci.* Hunc praeterea usum, quamvis inter Scriptores receptissimum, praeponendi scilicet minorem majori numero à viginti ad centum, quidam & primae notae respuerunt. Sic Sveton. *Funeratus trigesimo & octavo aetatis anno, pro octavo & trigesimo.* Et alibi *Obiit trigesimo, & quinto aetatis anno.* M. Cic. filius: *Venerunt post diem quadragessimum, & sextum.* Tacitus dialog. de Oratorib. diversos simul effert numerandi modos:

90 De Nominum Collocatione. Cap. II.

modos: *Statue VI. & L. annos*, quibus mox *Divus Augustus Remp. rexit*: adjice *Tiberii tres & viginti*, & prope quadriennium *Caïi*, ac bis quaternos denos *Claudii*, & *Neronis annos*, atque ipsum *Galbae*, & *Othonis*, & *Vitellii unum annum*, ac sextum jam felicitis hujus principatus stationem, qua *Vespasianus Remp. fovet*.

2. Post centum minor numerus subsequitur, interpositâ conjunctiōe. Cic. de Senect. *Leontius Gorgias centum*, & *septem implevit annos*. Id. ib. *Octoginta regnavit annos*, *centum*, & *viginti vixit*. Id. i. Off. *Qui, cū centum triginta dierum essent cum hoste pactæ induciæ &c.* Et l. 6. ep. 4. *Locus est citra Leucadem stadia centum viginti*. Tacit. dialog. de Orat. C. & XX. anni ab interitu *Ciceronis in hunc diem colliguntur*, *unius hominis ætas*.

3. Numeralia usque ad viginti ferè singula sunt; ut, *septem*, *octo*, *duodecim*. *Septem*, & *decem pro septendecim*, M. Cicero dixit. *Ille, inquit, egit septem*, & *decem annos*. Plinius quoque ordine alio. *Decem*, & *septem*, inquit, *millibus passuum ab Urbe secessit*. Vossio placet, quod usque ad decem utamur simplici voce; post decem, usque ad decimum septimum, voce compositâ, inquâ minor numerus præcedat; ut, *undecim*, *duodecim*, *tredecim*, *quatuordecim*, *quindecim*, *sexdecim*. Post hunc numerum, cum Priscano lib. de Num. numerum majorem præmittit, eique copulam cum minori numero subjicit, hoc pacto: *decem*, & *septem*; *decem*, & *octo*; *decem*, & *novem*. Sed aut codices sunt corrupti, aut,

aut, quod recitet Priscianus, etiam dicere liceat *septendecim*, *octodecim*, *novendecim*; Nam *septendecim* apud Sveton. in Nerone, & Tull. 2. cont. Rull. legas; uti *octodecim*, & *novendecim* in Eutropii breviario. Itaque Linacer autumat; utroque modo dici posse. Sed Elias Vinetus in eâ sententiâ est, ex eo à Prisciano silentio prætermitti, quòd reverâ veteres non ita fuerint locuti, sed usi his notis XVII, XVIII, XIX, quas inde Librarii vocibus integris, at minùs Latinis expresse-
rint. Utcumque res se habeat, tutiùs sequemur Priscianum; præcipuè cùm in codicibus vetustis sic longè frequentius legatur.

4. Octonarium, aut Novenarium numerum expressuri, decadem viciniorem accipimus, illique unde, aut duode præfigimus hac ratione. *octodecim* dicturi *duodeviginti* dicimus; *novendecim*, *undeviginti*; quia à viginti vno, aut altero numero detracto restant decem & novem, decem & octo. Sic enunciabimus duo de triginta, undetriginta, duo de quinquaginta, ac deinceps consimiliter vsque ad centum. Hacque dicendi formulâ nihil apud optimos Latini sermonis auctores usitatiùs. Sic Cic. de Cl. Orat. *Is undeviginti annos natus erat eo tempore*. Pro Pomp. *Undequingagesimus*. Plin. l. 7. c. 6. *Undecentum*. Liv. l. 7. *Undetrigesimus*. Et lib. 5. *Undequadragenta*. Horat. 2. Ser. Sat. 3. *Undeoctoginta*. Istum sanè loquendi modum à Græcis profectum docet Festus. Videantur Erasmus de Utrâque Copiâ l. 1. c. 149. Voss. de

92 *De Nominum Collocatione. Cap. II.*

de Anal. l. 4. c. 9. Alexander Scot in Auctariis Nicolii hunc Canonem his verbis complexus est : Unde numeris prepositum , supra decem , unum detrahit à quovis numero , præter undecim , & quæ ab eo deducta sunt : sicut duode detrahit duo præterquam in duodecim . Supra centum compositè per Adjectivum , aut incompositè per Adverbium efferimus ; Ducentos , his centum : trecentos , ter centum ; atque eodem modo usque ad mille . Mille multiplicamus vel substantivè , vel Adjectivè cum Adverbio . Mille nummum : mille nummos . Bis mille nummos . Duo millia nummorum . Pergendumque consimili ratione ad mille millia , aut millies mille .

5. Poëtæ in numeris significandis raro sequuntur Oratores ; sed frequentius vel eos per periphrasim exprimunt , vel nominibus cardinalibus indeclinabilibus , seu distributivis utuntur cum adverbis bis , ter , quater &c. ut , bis sex , vel bis seni pro duodecim ; ter quinque , vel ter quini , pro quindecim &c. Tibul. l. 3. eleg. 5. Ter quinos languent nunc mea membra dies . Ovid. 3. Fast.

Martia ter senos proles adoleverat annos .

Id. in 4. menses duodecim .

Et tribus ante quater mensibus ortus erat .

Et in Ibin. annos quinquaginta .

Tempus ad hoc lustris mihi jam bis quinque peractis .

Martial. l. 5. ep. 28.

Bis septena tibi non sunt subsellia tanti .

Virgil. Æn. 1. Sunt mihi bis septem &c.

Ter census nivei tendens dumeta juvenci .

No-

6. Notandum cum Erasmo, quod in conjunctione numeri majoris, & minoris, pro uno, aut primo, licet ponere alterum. Cic. *Literas accepi tuas, quas mihi Cornificius altero, & vigesimo die reddidit. idest vigesimo primo. Id. pro Mil. Centesima lux est ab interitu P. Clodii, & opinor, altera. idest, centesimus primus dies. Item Livius. Anno trigesimo altero, quàm condita Roma erat. hoc est. trigesimo primo. Quin & citra talem conjunctionem, alterum frequenter pro secundo ponitur. Unum, alterum, tertium annum laxa, quiescebant. Similiter unus, & alter, pro unus, & iterum unus. unus vel alter, pro unus vel duo.*

7. Oratores magnum quempiam, indefinitumque numerum dicturi sexcenta dicunt, Poëtæ secus mille. Cic. l. 6. epist. 1. *Quid enim delectationis habent sexcenti muli in Clytemnestra? Id. 2. de Divin. Sexcenta licet ejusmodi proferre. Et l. 7. epist. 2. Venio ad epistolas tuas, quas ego sexcentas uno tempore accepi. Virg. lib. 7. Æn.*

Tibi nomina mille,

Mille nocendi artes

Ovid. *Ecquis non causas mille doloris habet?*
Sic Lucan. l. 7. *Mille duces.* Ovid. Met. 4. *Mille greges illi.* Rursum Virgil. *Mille agnæ,* Eclog. 2. Interdum quoque pro mille centum substituunt. Sic centum greges apud Horat. l. 2. od. 16. *Centum puer artium,* apud eundem libr. 4. & centum juveni apud eund. lib. Epod. Virgil. quoque Æn. 6. *Non mihi si lingue centum sint, oraque centum.*

94 *De Nominum Collocatione. Cap. II.*

8. De ordinalibus nominibus hæc præscribit Vossius lib. de Construct. c. 67. In ordinalibus post duodecimum copula omittitur, si minor numerus præcedat. Ut, *tertiusdecimus, quartusdecimus, quintusdecimus, sextusdecimus, septimusdecimus, octavusdecimus*, qui & *duodevigessimus, nonusdecimus*, qui & *undevigessimus*. Plinius lib. 10. c. 58. *Namque octavodecimo die excludunt, statimque concipiunt.* Et si in his ferè numerus per notas numerales exprimi potius soleat, quàm literis universis. Sed si major numerus præeat, copulam addere jubet Priscianus. Ut, *decimus, & septimus; decimus, & octavus*. In vulgaribus tamen Codd. legas, *decimus tertius, decimus quartus*, & ita deinceps sine copulâ. Sed hîc quoque Vineti judicium est; tutius nos Priscianum sequi, cujus temporibus integrioribus erant codices, quàm nostris. A viginti usque ad centum, si prior sit numerus major, copula omittitur; ut, *viginti octo*, non *viginti & octo*: *trigesimus octavus*, non *trigesimus, & octavus*. At si minor præcedat, conjunctione utimur; itaque dicimus, *primus, & vigesimus*, vel etiam *unus, & uigesimus &c.* Similiter in distributivis dicemus *viceni singuli, triceni bini, sexageni quaterni*: Sed cum copulâ, *singuli, & viceni, bini & triceni, quaterni, & sexageni*. Post centum major numerus præcedit, sequitur minor, nunc cum copulâ, nunc absque illâ. Plin. 1. 7. c. 49. *Epigenes centum duos annos impleri negavit posse. Berofus centum septendecim.* Cic. ad Att. 1. 6. epist. 1. *Post Leuſtricam pugnam die septin-*

De Nominum Collocatione. Cap. II. 95

Septingentesimo sexagesimo quinto. Vide fufius de his Linacrum in tertio, & Georgium Henefchium lib. de Numerandi ratione.

XXIX. Voces *omnis, nullus, alienum, aliud, alterum, utrumque, solum, ullum, tale, singula*, aliaque hoc genus adjectiva, substantivis postponenda. Cic. 2. Off. *Vera gloria radices agit, atque etiam propagatur; fœta omnia tamquam flosculi decidunt* Id. lib. 13. ep. 8. *Majus mihi dare beneficium nullum potes.* Etic. 16. ad Att. 3. *Navigatio- nis labor alienus* &c. Item 2. de Div. *Signa alia alio in loco intuentes lacrymantes intuebantur.* De orat. *Id est genus alterum.* Gellius. *Nunc autem pœrique partis utriusque amici* &c. Cic. 2. de Div. *Cum in locis solis errares.* Liv. l. 7. *Neque verò Urbis partem ullam* &c. Gellius. *Multam nos quoque apud Scriptores vêtères locutionum talium copiam offendimus.* Tull. 2. Tusc. *Hæc olim punctis singulis colligebant.* His adjungantur *quodvis, quodlibet, totum, cætera, reliqua*, aliaque hujusmodi multitudinem denotantia. Ovid. Met. 4.

Consciis omnis abest; nutu, signisq; loquuntur. Id. ib. *Commissaque corpore toto.* Catullus.

Neque ego ab indignis præmia nulla peto.

Notandum, quod nomina *tale, & aliud* non ineptè tunc præponantur, cum subsequatur, *nihil, nemo, quidquam nullus, ullus* etiam in diversis casibus; ut, *tale nihil de amico nunquam putassem; alium ne-*

dit; tale quidquam, quis viderit? C. ep. 3. *His verò temporibus habemus*

96 De Nominum Collocatione. Cap. II.

hil in quò acquiescamus . Et 2. Catil. Neque verò isti alia ratione ulla salvi esse possunt . Item. 5. Tuscul. Humanus autem animus , cum nullo alio, nisi cum ipso Deo , comparari potest .

XXX. Comparativum in principio orationis non inusitatè ponitur . Cic. pro Cluent. *Promptiores esse debemus ad nostra pericula , quàm ad communia , & 2. Offic. Propensior benignitas esse debet in calamitosos , nisi forte erunt digni calamitate Plautus Epid. act. 3. 2.*

Versutior es, quàm rota figularis .

Lucan. lib. 9.

Latius est, quoties magno sibi constat honestum. Id. lib. 5.

Tutior interea populis, & tutior omni Rege late &c.

XXXI. Etiam in fine Orationis positum multum habebit elegantia. Cic. 2. off. *A quo expeditior , & celerior remuneratio fortè videtur , in eum ferè est voluptas nostra propensor . Et 1. de Nat. Nihil est enim beneficentia præstantius . Et 3. Tusc. Non est dubium, quin omnia, quæ mala putentur, sint improvisa graviora . Horat. l. 3. od. 6.*

Ætas parentum peior avis , tulit

Nos nequiores , mox daturos

Progeniem vitiosorem .

Et lib. 3. od. 1.

Cur valle permutem Sabina

Divitias operosiores ?

XXXII. Illud quoque Oratoribus usum ; ut , cùm familiari sermone ad multum , aut valde cum positivo utantur, tunc comparativo utantur.

Cic.

De Nominum Collocatione. Cap. II. 97

Cic. de Senect. Sen. *Hus est natura loquacior ; vulgò , multum loquax .* Idem de Orat. *Quamquam hoc videbitur fortasse cuiquam durius ; tamen audeamus imitari Stoicos.* Valer. Max. *Bona mentis usurpationis nullum tristioris fortunæ recidit incursum .*

XXXIII. Adjectiva superlativa , suis substantivis optimè postponuntur ; ut , *honoribus amplissimis .* Ex Caus. loco laudato . Cic. Catil. 3. *Quæ Religio C. Mario viro amplissimo non fuerat .* Et 2. Philip. *Intercessoris iniquissimi beneficio obtinuit .* Lib. quoque 1. epist. 8. *Cum & honoribus amplissimis , & laboribus maximis perfuncti essemus .* Virg. 2. Æn.

Series longissima rerum

Per tot ducta viros .

XXXIV. Superlativum in orationis fronte positum , canorum est ; ut , *optima quidem virtus .* Cic. 13. Fam. 44. *Gratissimum mihi feceris , si intellexero , hanc commendationem magnum apud te pondus habuisse .* Id. 1. off. *Optima hereditas à Parentibus traditur liberis , omnique patrimonio præstantior , gloria virtutis , rerumque gestarum .* Et de Republ. *Plurima beneficia continet patria &c.* Horar. l. 1. Sat. 3.

Maxima pars hominum morbo jactatur eodem .

Catull. c. 50. ad Ciceronem .

Differtissime Romuli Nepotum ,

Quot sunt , quotque fuere , Marce Tulli &c.

XXXV. Etiam orationis finem superlativus obtinebit . Ex Silvio Cent. 1. c. 32. Sallustius in Jugurtham . *Jugurtha hominum , quos terra sustinet , sceleratissimus .*

E

Cic.

98 De Nominum Collocatione. Cap. II.

Cic. pro Dejot. *Profecto ita est, ut id habendum sit antiquissimum, & Deo proximum, quod sit optimum.* Id. ib. *Hæc vobis leviora videntur, quæ sunt gravissima.*

XXXVI. Et hoc usitatissimum, superlativi substantivum in patrio pluralis numeri casu collocare: ut, *Amicorum integerrimus, Imperatorum fortissimus*: vulgus enim diceret *Amicus integerrimus, fortissimus Imperator.* Ex Voss. lib. de Construct. Cic. 4. Ac. *Nisi idem placet gravissimo Stoicorum Panatio.* Et 5. Tusc. *Xenocratem illum gravissimum Philosophorum.* Plin. l. 33. c. 1. *Credo, quoniam ita exterorum honoratissimi intelligebantur.* Gellius, cui hic dicendi modus proprius est: *Protagoras insincerus quidem Philosophus, sed acerrimus Sophistarum fuit.* Et alibi passim. Verum ne superlativis tantum, sed etiam comparativis Canon communis est. Sic legimus apud Quintilianum: *Plures eruditiorum.* *Animalium fortiora* apud Plinium, & alibi *Callaidum pulchriores.* Quandoque etiam Positivis. Sic Plin. l. 8. c. 38. *Nigræ lanarum nullum colorem bibunt.* Et Gell. *Nos neque solæcismum, neque barbarismum apud Græcorum idoneos adhuc invenimus.* Quæ loca omnia suppleri debent hac voce *ex numero*, de numero: ut apud Scriptores idoneos, ex numero Græcorum Scriptorum.

XXXVI. Pro capitis coronide aliqua hic breviter, indiscriminatimque, de substantivis, ac adjectivis Nominibus adnotanda sunt, quæ, licet primario eorum collocationem non spectent; ad venustatem

tem tamen, elegantiamque sermonis non parum conducunt. idcirco à nobis nullatenus prætermittenda; potius enim, cum & vir insignis, ac de Oratoriâ facultate optimè meritus Franciscus Silvius, nonnulla ex his Centuriis suis hinc inde inseruerit. Igitur

1. Contrarii significatûs vocabula prope se erunt collocanda: ut, *doctis indocti jure postponuntur; amicis inimici semper detrabere consuecunt*. Sallust. in Cat. *Neccessitudo etiam timidos fortes facit*.

2. Genitvvs gentium, & loci ornatûs causâ, potius quàm sensûs orationi non rarò adjungitur; quemadmodum verbis, voce, via, tempore, detrahi solet à vocabulis paucis, multis, pluribus, clara, recta, brevi: ut, *quando gentium ad nos redibis? ubinam loci sumus? paucis me expedio; recta venias; brevi una conveniemus*. Cic. de perfecto Or. *Complectar brevi, disseram pluribus*. Et 1. de Nat. *Ubicumque erit gentium à nobis diligetur*.

3. Sermonem eodem, quando duo dicimus, aut duo correspondentia adjungimus, servetur hic ordo, ut priori prius, posteriori posterius respondeat. ut *gratia crescit peragendis optimis operibus, & decrescit negligentia*. Cic. 1. Off. *Quæ pertinent ad veritatem, & ad fidem, ea negare interdum, & non servare fit justum*.

4. Vocabula, quæ licet contraria non sint de eo tamen dici non possunt, juxta ponantur: ut, *uxorem marito parere, servum domino, filium parenti divinitus mandatum est*. Quintil. *Ex judicio præceptoris discipulus pendeat*.

100 De Nominum Collocatione. Cap. II.

5. Collectiva nomina : ut *omnis*, *populus*, *civitas*, *pars*, *manus*, &c. vel partitiva : ut, *quisque*, *uterque*, *aliquis*, *neuter*, & similia, carmine, & prosâ oratione adjectivis, verbisque, in multitudinis numero solent adjungi : ut, *Amicorum quisque jucundi sunt*. *Perniciosa hominum manus è medio tollendæ sunt* &c. Gell. 1. c. 23. *Ad senatum postera die matrum familias cetera lacrymantes atque obsecrantes orant*. Plura exempla habes apud Vofs. lib. de Constr. c. 3. Nisielum Volum. 3. Proginas. 98.

6. Quædam librorum, disciplinarumque nomina elegantius plurali numero, & neutro genere efferuntur : Sic dicas : *Rhetorica publicè enarravi*. *Musicis operam dedit*. *Ut habemus Rhetoricorum quinto* &c. Cic. 5. Tusc. *Musicorum verò perstudiosum accepimus*. Gellius. *Ne Virgilii quidem poterit auctoritate uti, qui in Georgicis ita scripsit*. Porro hoc dicendi genus à Græcis acceptum, illud Arriani argumento est : *Οὗτως Ἑλληνικὸς λέγει ἐν τοῖς αἰγυπτιακοῖς*. Sic Hellanicus dicit in Ægyptianis.

7. Et hoc adjiciam, quosdam evincere, nomina in *a* exeuntia inclinamenti tertii dativum, & ablativum pluralis numeri in *atis* potius quàm *atibus*, finienda esse. Sic *poëmatīs*, *emblematis*, *dogmatis* &c. non *poëmatibus*, *emblematibus* &c. Præceptum, firmat auctoritas Prisciani lib. 7. ubi hæc habet : *In hujusmodi nominibus, idest neutris in a finitis, quæ sunt Græca, frequenter invenimus dativum antiquos, & ablativum plurales in is productam proferentes*. Huic
sub-

De Nominum Collocatione. Cap. II. 101
subscribit Vossius l. 2. de Analog. cap. 15.
ubi multa congerit exempla ex Cicerone,
Floro, Gellio &c.

8. Vulgari sermone cùm loci nomen
ponitur, ejus loco nomen gentis elegan-
ter substituimus; contrà quando vulgò
nomen gentis, ibi loci nomen reponatur.
Ad Italos profectus est. vulgus Italiam dice-
ret. Anglia tyrannidis patiens non est. vul-
gus, Angli tyrannidis patientes non sunt.
Cic. in Verr. *Sicilia tota, si una voce loque-*
retur hoc diceret. Verùm de his fusiùs par-
te 3. cap. 7. ubi de Hypallage seu Meto-
nymia figurâ, sermo habebitur.

9. Nomen *Viri* in laudem semper, *bo-*
minis in vituperationem, & laudem cadit.
Idcirco plus ad laudem hominis cujus-
piam accedet, si eum dixerimus v. g. *Sum-*
mæ constantiæ virum, quàm si, *summæ con-*
stantiæ hominem. Sic Tullius l. 4. epist. 8.
Neque monere te audeo prostanti prudentia
virum.

10. Post Adjectiva, *dignum, promptum,*
idoneum, elegantius ponas finitum ver-
bum, cum pronomine *qui, quæ, quod*, vel
ut particulâ: ut, *Dignus es qui lauderis.*
Idoneum te puto, ut in Imperatorem eligaris.
Cic. 3. de Leg. *Qui modeste paret, videtur*
qui aliquando imperet, dignus esse. Alia quo-
que hoc genus Adjectiva, quæ cum Infi-
nito, aut supino construuntur; ut sunt,
egregius, iustus, honestus, paratus &c. eodem
pactio efferri poterunt.

DE PRONOMINUM COLLOCATIONE. Cap. III.

I. **Q**uid Pronomen, ejusque significationes, habuistis in Grammaticis. Primum itaque Adjectivo Pronomini, substantivum suum præponatur: ut *honor meus, decus illud &c.* Cic. l. i. epist. 9. *Perjucunda mihi fuerunt literæ tuæ.* Quintil. *Etiā si ætatem nostram, non spatio senectutis, sed tempore adolescentiæ metiamur, abunde multos ad discendum annos habent.*

Ovid. Metam. lib. 10.

*Cinnamæque, costumque suam, sudatæq; ligno
Thura ferat.*

Verum Poëtis hoc perpetuum non fuit; imò è contra sæpius Adjectivum pronomen, substantivo suo præponere solent; ut multis exemplis, quæ occurrent legenti, innotescet. Nam eopse libro Ovidius dixit vers. 442 *mea alumna* 68c. *duxit sua præmia victor.* Et alia sexcenta. Imò & Oratores lege hac, se nimium obstringi, passi minimè sunt; ut pluribus ostendit Silvius Prog. i. c. 10.

II. Inter substantivum, Adjectivumque, Pronomini Adjectivo locus erit, & quidem eleganter: ut: *Egregia tua virtus. Dubius quidam sermo.* Cic. 4. Tusc. *Novo quodam amore, veterem amorem, tamquam clavo clavum ejiciendum putant.* Et 1. Off. *Leviora sunt ea, quæ repentino aliquo motu accidunt; quàm ea, quæ meditata, quæ præparata inferuntur.*

Siquid insuper inter pronominale
Adje-

De Pronominum Collocat. Cap. III. 103

Adjectivum, & substantivum posueris, quod cum utroque, aut cum altero conveniat, non parum nitoris sermoni accedet: ut, *magna tui in omnes liberalitas. Incredibile quoddam Adolescentis ingenium. Cic. 7. fam. 6. In omnibus meis epistolis, quas ad Casarem, aut ad Balbum mitto, legitima quaedam est accessio commendationis tue.*

III. Pronomina Primitiva, nomini, verbo infinito, & participio eleganter postponuntur. Ex P. Carolo pag. 254. *Cic. 1. Tuscul. Tempus est, inquit, jam hinc abire me, ut moriar; vos ut vitam agatis. Et 3. Si eorum plaga percussi afflictos se, & stratos esse patiantur. Id. 1. de Orat. Cogitanti mihi, ac memoria vetera repetenti &c. Terent. Egen? qui ab orco mortuum me reducem in lucem feceris.*

IV. Pronomina Primitiva, *mibi, tibi*, interdum gratiæ tantum causâ adduntur in oratione. *Cic. in Pis. Hic mihi etiam gloriabitur, se omnes honores sine repulsa obtinuisse. Et 3. Off. Ecce tibi, qui Rex. Pop. Rom. esse concupierit. Et 3. Acad. Ecce tibi ex adverso Lampfacenus Strato.*

V. Pronomina Possessiva *meus, tuus, noster, vester*, pronominebus primitivis eleganter postponuntur. *Cic. l. 2. ep. 2. Gravi teste privatus sum amoris summi erga te mei. Id. pro Plan. Sunt enim testes, & erunt, sempiterni meritorum erga me tuorum. Hoc tamen dicendi genus apud veteres rarum invenio, ita ut vix alia proferre possim testimonia. Recentioribus tamen, ac præsertim Politiano, usitatissimum fuit.*

104 De Pronominum Collocat. Cap. III.

VI. Eadem Possessiva Pronomina venustè concordata ponuntur cum nomine rei, loco Pronominum Primitivorum, *mei, tui, sui*, quæ juxta vulgarem sermonem, vulgus concordat cum nomine notante personam. Quare elegantius dixeris: *Cæsar suo unius labore Britannos superare meditabatur*, quàm: *Cæsar labore sui unius* &c. Cic. pro Sest. potius dixit, *Non admirer quod meam legem contempseris hominis inimici*, quàm: *quod contempseris legem mei hominis inimici*. Id. pro Mur. *Ex tuo ipsius animo conjecturam feceris*. Et in Pis. *Furavi hanc Urbem mea unius opera esse salvam*.

VII. Observatum est, Politianum non modò, verùm & veteres præcipui nominis Scriptores, pronomen derivatum, tum solum usurpasse, cum sermone domestico cum eo adjungeretur nomen *amicus*, *familiaris*, *socius*, *comes*, *discipulus*, aut simile. Ut: *Horatius meus proficit*. *Libanius tuus venerationi se dedit*. Vulgò enim quis diceret: *Horatius amicus meus*; *Libanius præceptor tuus*. Cic. 6. fam. 18. *Me Romæ tenuit omnino Tullie meæ partus*. Id. *Omnes bonos interitu suorum quàm gravissimè mœrere oportere*.

VIII. Plura Pronomina sine ullo medio posita, sive primitiva sint, sive derivata omnia, orationem venustiore reddunt; ut: *Tu tibi ipse vivis*. *Venio a Patre tuo*; *is se tibi commendat*. Cic. Fam. 33. 37. *Promitto tibi, te ex ejus amicitia magnam voluptatem esse capturum*. Ibid. *Mibi, tu, tui, tua omnia maxima cura sunt, & dum vivam, erunt*.

IX.

IX. Pronomen Relativum, suo antecedenti interdum non sine venustate præponitur, ut: *Quas ad me misisti literas. Cic. pro Arch. Quare, quorum ingeniis hæc feruntur, ab his populi Rom. fama celebratur. Id. ibid. Quare in qua Urbe Imperatores propè armati Poëtarum nomen, & Musarum delubra coluerunt; in ea non debent rogati Judices à Musarum honore, & à Poëtarum salute abhorrere. Item Tusc. l. 1. Quam quisque norit artem, in hac se exerceat. Ovid. Trist. lib. 5. Eleg. 7.*

Quam legis, ex illa tibi venit epistola terra. Martial. l. 6. epig. 25. In raucum Poëtam. Qui recitat lana fauces, & colla revinctus, Hic se posse loqui, posse tacere negat. Idest; negat, se posse loqui, & posse tacere, cum sit raucus, & tamen recitare velit. Plautus.

Quod mihi prædicat vitium, id tibi est. Genitivi cujus, & quorum, Præpositioni, vel substantivo Nomini aptè præponuntur. Multi alii adventant, quorum paupertas obscurat nomina. Cic. de Orat. Perf. Cujus ex epistolis intelligi licet, quam frequens fuerit Platonis auditor. Virg. 11. Æn. Cujus ob auspiciū infaustum, moresq; sinistros.

X. Sed hunc etiam Canona ad elegantem sermonis adjiciamus. Cum sermone domestico utimur particulam secundam cum pronomine derivativo, & substantivo nomine; tunc pro particulam Relativum, qui, quæ, quod usurpabimus: v. g. *propugnaculum hoc, quæ tua virtus est, ita everisti &c. dixisset vulgus: propugnaculum hoc, secundum tuam virtutem, ita everisti &c.*

106 *De Pronominum Collocat. Cap. III.*

Cic. 7. fam. 2. *Si mihi permisisses (qui meus amor in te est) confecissem cum cohæredibus .*
 Id. ib. 13. *Moriar , ni (quæ tua gloria est) puto , te malle a Casare consuli , quam inaurari .* Quintil. *Si potuisset redimere oculos matris (qua pietate fuit) vicarios suos dedisset .* Ex latis exemplis colliges, Parenthesin per qui, quæ, quod tripliciter, atque eleganter effici posse; ipso scilicet nomine posito, vel casu primo, vel secundo, vel sexto; quibus iisdem casibus variatur Parenthesis, per is, ea, id, pro tali: ut: *Neminem dari posse crediderim, Livi studiofissime, qui te (ea est modestia tua) vel (ejus est modestia) vel (ea es modestia) summis non prosequatur encomiis .*

XI. *Qui ablativum pro quo, aut quomodo, non iniuste dixeris: ut: qui vales? qui scis mihi tempus non defuisse? Quintil. Dubiis probari dubia qui possunt? Cic. 2. fin. Qui igitur convenit ab alia voluptate dicere naturam proficisci, in alia &c. Id. de Senect. Qui cum amantissime, & conjunctissime vivebat. Terent.*

Qui ille poterit esse in tuto? i. quomodo .

Idem .

Ille olim habuit ignem, qui signum daret. i. quo .

XII. Pro Capitis coronide, quædam notanda sunt, secundario ad collocationem, potissimum verò ad elegantiam sermonis spectantia .

I. Quod Pronomen is, ea, id, usitate dicitur pro relativo, qui, quæ, quod: *Nuper tuas accepi litteras; his profecto supra fidem delectatus sum; pro quibus. Cic. 9. fam. 22. Socratem fidibus docuit nobilissimus fidi-*

De Pronominum Collocat. Cap. III. 107

fidicien : is Conus vocatus est . i . qui .

2. Testatum reliquit Silvius usitatè dici id quod , pro vulgari illo quæ res , quod est : ut : *Immeritis honos , id quod a Tullio damnatum , quandoque rependitur . pro , quæ res a Tullio &c. Cic. 2. Orat. At si nos , id quod maximè debet , nostra Patria delectat &c.*

3. Cùm rem priùs dictam innuere intendimus , pronomen illud usurpabimus ; si quid ad posteriorem referri volumus , pronomine hoc utemur : ut : *Literis magis , quam otio opera danda ; hoc animum corrum-
pimus , illis excolimus . Cic. 2. de Orat. Cùm duo sint genera facetiarum , alterum aquabi-
liter in omni sermone fusum , alterum peracu-
tum , & breve : illa a veteribus superior ca-
villatio , hac altera dicacitas nominata est .*

4. Primitivum Pronomen *Ipse* , læpif-
simè , atque admodùm venustè postponi-
tur ab Auctoribus primæ notæ pronomi-
bus *mibi* , vel *me* , *sibi* , vel *se* &c. *Cic. I. 12.
fam. 1. Mibi ipse nunquam satisfacio . Et de
Senect. Me ipse consolabar , existimans &c.*

DE COLLOCATIONE , QUAE EST IN VERBIS STRICTE SUMPTIS .

Cap. IV.

I. **V** Erbum finitum post infinitum ferè
usurpantur . ut : *Si die , nocteque li-
teris operam darem , meliores fortasse hujus æ-
vi aequare possem Scriptores . Cic. 1. Off. Il-
lud autem optimum est , in quo me invadi so-
lere ab improbis , & invidis audio . Item in
Paradox. Mors terribilis est his , quorum cum
vita omnia extinguuntur ; non his , quorum*

108 De Collocatione in Verbis. Cap. IV.

laus emori non potest . Virg. 6. Æn.

Non mihi si linguæ centum sint , oraque centum &c.

Omnia pœnarum percurrere nomina possem .

Seneca Oedip. Act. 3. v. 70. 3.

Odia qui nimium times

Regnare nescit .

Verum hæc lex postponendi infinito finitum verbum, non ita perpetua fuit Oratoribus , ut quandoque ab eâ non declinaverint , ut auribus inservirent . Sanè Poëtis hac in parte nulla lex, ut observo; cum aliis metri legibus inservire teneantur . Exempla non profero ; erunt enim legenti passim obvia .

II. Verbum finitum polysyllabum aptè aperit , & vicissim claudit periodum . Aperit , ut in hoc Tull . 1. Off. *Expetuntur autem divitiæ , tum ad usus vitæ necessarios , tum ad perfruendas voluptates . Ib. Delectant enim magnifici apparatus , vitæque cultus cum elegantia , & copia .* Claudit periodum . . ut : Cic. 1. Att. 14. *Vera quidem laude probitatis , neque me tibi , neque quemquam antepono .* Et 16. fam. 8. *Imitatio virtutis æmulatio dicitur .* Horat l. 1. od. 21 .

Narratur prisca Catonis

Sæpe mero caluisse virtus .

Propert. *Nec citò desisto , nec temere incipio .*

III. Verba primaria locantur in fine periodi. Cic. 3. Offic. *Illud quidem natura non patitur , ut aliorum spoliis nostras facultates , copias , opes , augeamus .* Et epist. 5. l. 1. *Id enim & vetustas nostri amoris , & mea consuetudo in meos , & tua multa erga me officia postularint .*

IV. Cum

IV. Cùm Gerundio utimur, sive Gerundivo, sæpiùs illud initio periodi collocare solemus; ut: *Invisenda matris gratia buc veni. Cic. 1. Off. Expetenda quidem magis decet nendi ratio, quam decerandi fortitudo. Et 3. Tollendum est igitur in rebus contrabendis omne mendacium. Et ad Att. Plorando defessus sum. Ovid. 3. de Pon. el. 7. Curando fieri quædam majora videmus Vulnera, quæ melius non tetigisse fuit.*

Plautus Capt. 4. 1.

Nominandi tibi istorum magis erit, quàm edundi copia.

Attamen non initio tantùm periodi, verùm & in fine optimè sedent, præsertim si quandam necessitatem significant. ut: *Leviora Typographorum menda, quidam putarunt toleranda. Cic. 1. Offic. Ornanda est dignitas domo, non ex domo dignitas tota querenda. Id. ib. Meminerimus autem, & adversus infimos justitiam esse servandam. Et alibi. Breve tempus ætatis, satis longum ad bene, honesteque vivendum. Virg. 11. Æn. Pacem Trojano à Rege petendum.*

V. De Verborum Collocatione, generale quoddam præceptum scriptis mandavit P. Carolus p. 394. Ea scilicet Nominibus postponenda plurimùm esse; quo pacto fiet, ut elegantiorẽ efforment orationem, magisque à vulgi consuetudine recedentem: is nominibus verba præponere communiter solet. Exempla non estur afferamus; cùm se se passim offerant.

VI. Verbum *Sum* variè in periodo collocatum; itaut omnes illi sedes competere videatur. Et quidem primò concinnè
in

110 De Collocatione in Verbis. Cap. IV.

in principio orationis. Cic. 3. Tuscul. *Est profectò animi medicina Philosophia. Et*
1. Off. Sunt autem multi cupidi splendoris, &
gloriæ; qui eripiunt ab aliis, quod aliis lar-
giantur. Virg. Æn. l. 1. v. 72.

Sunt mihi bis septem præstanti corpore
Nympha

Propert.

Sunt apud infernos tot millia formosarum.
Secundò ponitur eleganter in orationis
fine, præsertim si post nomen adjectivum,
sivè positivum sit, sivè comparativum,
aut superlativum. Cic. 2. Tusc. *Nullum*
theatrum virtuti conscientia majus est. Et de
Senect. Conscientia bene actæ vitæ, multo-
rumque benefactorum recordatio, jucundissima
est. Senec. Theb.

In servitutem cadere de Regno, grave est.

Lucan. 5. *Quidquid multis peccatur*

Inultum est.

Item si præcesserit substantivum nomen,
optimè claudet substantivum Verbum.

Cic. 1. Off. *Ineuntis ætatis inscitia, senum*
constituenda, & regenda prudentia est.

Tacit. 4. Annal. *Arduum semper eodem lo-*
ci potentiam, & concordiam esse. Seneca

Oedip.

Ineris malorum remedium ignorantia est.

Id Agam.

Capienda rebus in malis præcepta viæ est.

Tertiò in orationis medio ante substanti-

vum, Adjectivumque cujuscumque sit
gradus facile reperitur. Cic. 2. de Orat.

Tardi ingenii est rivulos consecrari. F. 6.

fam. 4. De futuris rebus, & si semper difficile

est dicere, tamen &c. Id 2. de Div. Ignora-

De Collocatione in Verbis. Cap. IV. 111

tio futurorum malorum, utilior est, quam scientia. Catil. apud Sall. Semper in proelio is maximum est periculum &c. Tibull.

Non tua majorum contenta est gloria fama.

Ovidius epist. 1. 3.

Res est solliciti plena timoris amor.

Plaut. Epid. 3. 2.

Versutior es, quam rota figularis.

Quartò observatum est, verbum sum rectius postponi vocabulis nemo, nihil, nullus, quam præponi. Cic. 3. Off. nulla est enim nobis cum tyrannis societas. Et 1. de

Orat. Oratio, aut nulla sit necesse est, aut omnium irrisione laudatur. Et 1. Tusc. Nemo omnium tam est immanis, qui &c. Horat.

Nihil est ab omni parte beatum Terent.

Nalla est tam facilis res, quin difficilis fiet, cum invitus facis.

Propert. Eleg. 1. 2. v. 1271.

Expertus dico: nemo est in amore fidelis.

Ultimò tandem notandum, Ciceroni frequentissimum esse periodum claudere his verbis, Esse videatur. quâ orationis clausulâ, quæ gravitatem mirum in modum, præfert, uti quandòque poterimus; non tamen in cujuscumque periodi calce, illorum in morem, quos irridet Quintilianus; qui se Tullium expressisse dictitabant, ubi in clausulâ posuissent esse videatur.

VII. Addam, & Græcicam quamdam constructionem, à Latinis præsertim Poëtis, receptam; cùm scilicet verbum aliquod motum ad locum exprimens, jungitur infinitivo. Plaut. Bacch. 4. 3.

Parasitus modo venerat aurum petere.

Virg. 1. Æn.

Non

112 De Collocatione in Verbis. Cap. IV.

*Non nos aut ferro Libycos populare penates.
Venimus; aut raptas ad littora vertere pradas.
Quandoque etiam junguntur & verba motum non connotantia. Cic. l. i. ad Lent. ep. i. De Regia causa tantum habeo polliceri. Svet. in Aug. Quid habeo aliud Deos immortales precari, quam &c. Horatius quoque. Amat dici; gaudet aspici; annuit capi &c.*

Insuper verba admirandi, amandi, privandi, consequendi, participandi, aberrandi, incipiendi, dominandi, abstinendi &c. Latini, Græcorum more, jungunt Genitivo. Græcum enim est dicere. *Τῷ δαυμάζῳ* cum Xenoph. *miror vestri*; *Καίμην ἀπέχεσθαι* abstinere fabarum cum Pythag. &c. Gellius lib. 9. c. 13. *Manu significare cæpit, ut quiescerent pugne.* Apulejus in Apologiâ: *Et abstinens nominum &c.* Virg. II. *Æneid.*

Iustitia ne prius mirer, bellive laborum?
Horat. l. 2. od. 9.

Desine mollium; Tandem querelarum.
Et lib. 3. od. 27. *Abstineto,*
Dixit irarum, calidaque rixæ.

Porrò de aliis Hellenismis verba spectantibus, consulantur Grammatici, Vossius, Despauterius &c. nonnulla nobis ad elegantiam magis conducentia, indicasse sufficiat.

VIII. Notat Ferettus, Infinitivum modum in fine clausulæ rarò admodum ponendum; ante verbum verò sæpius; ut: *virtutem tibi semper placuisse, intellexi*: non tamen dicendum: *intellexi virtutem tibi semper placuisse.* Præterea advertit, subjunctivum modum pro indicativo, ornatiùs

natiùs cadere; ut *velim* pro *volo*; *gratum* *feceris*, pro *facies*°. In oratione, quã fabula, aliave narratio exponitur; vice temporis præteriti, Indicativi præsentem usurpabimus. Sic Cic. 3. Off. *Invitat Cannius postera die familiares suos; venit ipse maturè. Scalmum nullum videt, quærit ex proximo vicino &c.* Interdum quoque ponuntur verba, tempore præterito perfectò modi Indicativi, loco temporis Imperfecti ejusdem modi. Cic. 14. ad Att. 9. *Mori millies præstitit, quam hoc pati, idest, præstabat.* Et de Senect. *Cujus a me corpus crematum est, quod contra decuit, pro decebat.* Quandoque etiam, vice futuri modi Conjunctivi, Indicativi præteritum perfectum, eleganter frequentatur. Cic. 3. in Verr. *Unum ostende in tabulis, aut tuis, aut patris tui emptum, & vicisti, pro viceris.* Quintil. *Dimitte tantum, & evocasti, idest, evocaveris.*

IX. Alia nonnulla præcepta ad venustam verborum in oratione immutationem tradunt Silvius, & P. Carolus locis toties laudatis, & quæ hîc inferere non longè ab instituto nostro visum fuit. Itaque

1. Verba temporis præteriti perfecti Modi Indicativi, aliæque, cujuscumque temporis, & modi illa sint, eleganter usurpantur terminata potius in RE, quàm in KUNT, vel RIS. Sic Sallust. initio hist. de conjurat. Catil. *Huic ab adolescentia, bella intestina, cades, rapina, discordia civilis, grata fuere.* Et infra: *Urbem Romanam, sicut ego accepi, condidere, atque habere initio Trojani.*

2. Ver-

214 De Collocatione in Verbis Cap. IV.

2. Verba ponuntur interdum eleganter præfenti tempore modi Coniunctivi, vice temporis imperfecti ejusdem modi. Cic. Ep. 4. l. 1. famil. *Qui si vitam pro sua dignitate profundam, nullam partem videar tuorum meritorum assecutus; id est si proponderem, viderer.* Poëtis similiter hoc frequentissimum est. Exempla brevitas ergo relinquo.

3. Nec minorem ornatum præfere oratio, cum loco temporis præteriti imperfecti, aut plusquam perfecti modi Coniunctivi, utimur præterito perfecto ejusdem modi; ut: *hoc tenuit Origenes; verum ego non ita docuerim.* i. *non ita docerem, seu non ita docuisssem.* Cic. 1. Tuscul. *Ego ipse sum eodem ipso non invitatus erraverim.* Et 1. de leg. *Ego verò libenter audierim.*

4. Præteritum modi Infinitivi tempus à Poëtis communiter, pro præfente ejusdem modi effertur. Virg. 6. Æn.

Extremos pudeat redjisse. i. *redire.*

Propert. 1. 2. eleg. 16.

Non potuit saxo vitam posuisse Cerauno.

Et Martial. 1. 1. epig. 130.

Condere victuras tentem per secula curas

Et nomen flammis eripuisse meum.

5. Verba per Eclipsin Grammaticalem figuram aptè interdum supprimuntur in Orationis decursu; verum ne id sæpius fiat necesse est (de quo reprehenditur Sallustius) neque principale verbum erit, cujus defectu manca reddatur periodus; sed tale, quod facile intelligi possit; uti verbum cœpit, puto, aut simile. Sallust. *Invidia ex opulentia nascitur. Igitur Reges,*
popu-

De Collocatione in Verbis. Cap. IV. 115

populique finitimi bello tentare; pauci ex amicis auxilio esse. intellige, coeperunt. Horat. Satyr. 8. l. 1.

At illæ currere in Urbem. intel. coeperunt.

Sed de hisce, similibusque loquendi formulis alibi fortasse fusiùs sermo erit.

6. Verbum tandem cohærebit ornatius cum viciniore recto in numero, & in personâ, quotiescumque diversa nomina, vel pronomina pluralis, aut singularis numeri connectuntur; ut: *hic illius arma, hic currus fuit*: Item: *sunt nobis mitia poma, castaneæ molles, & pressi copia lactis*. Eadem est in diversis generibus observatio; ut magis vicino, sive masculinum sit, sive fæmininum, respondeamus. ut: *vir, & mulier magna ad me venit*; nam si plurali numero uti velimus, ad masculinum transeamus, necesse est, ut: *vir, & mulier magni ad me venerunt*.

7. Loco Imperativi, venustè usurpamus præsens conjunctivi tempus; ut: *valeas, valeatis, pro vale, valete*. Quandoque etiam futurum Indicativi, & in quibusdam subjunctivi, ut: *valebis, valebitis, memineris, memineritis, pro memento, mementote*. Cic. 15. fam. 8. *Valebis igitur, meque &c.* Et 15. ad Att. 25. *Varroni memineris excusare tarditatem literarum mearum*. Columell. 1. 12. c. 36. *Id mixtum conicies in amphoram novam, & implebis ad summum; tum adjicies ramos rosis marini &c.* Terent. Eun. act. 2. 3.

Si certum est facere, facias.

Priscianus in 18., docet Græcos pro Imperativo Infinitivum adhibere solitos per Eclipsin figuram.

8. Pau-

116 De Collocatione in Verbis. Cap. IV.

8. Paulus Manutius in explanatione ep. 9. famil. monet, nec Ciceronem, nec Terentium, nec omnino quemquam Republicæ temporibus verbum *Inquam* usurpavisse, nisi aliquod verbum præfuisset: *quod non attigissem*, inquit, *nisi peccare in hoc sæpè non obscuri nominis homines animadverterem*, Cic. 7. in Verr. *Crux, crux, inquam misero comparabitur*. Et 2. off. *Utinam*, inquit, *C. Pontius Samnis &c.* Id. ep. 18. l. 15. fam. *Ubi igitur*, inquires, *Philosophia sua?* Et alibi pluries.

DE PARTICIPIORUM, PRAEPOSITIO- NUMQUE COLLOCATIONE.

Cap. V.

I. **Q**Uoniam quæ de Nominibus dicta superius sunt, magnâ ex parte Participiorum quoque Collocatione congruere possunt, idcirco minùs nobis hic immorandum superest; cùm actum agere nullo modo velimus; sed tantùm quæ ommissa sunt indicare. Primùm itaque Participium futuri in RUS aliquando in principio, & quandoque in fine ornatè collocabitur; ut: *non existimabam, te de hac re, ne verbum quidem esse dicturum. Futurum credideram, hostes Charidemum interempturos, si &c.* Cic. ad Curionem. *Tibi polliceor, te majoris animi, gravitatis, constantiaeque, neminem esse habiturum*. Et de Orat. *Hac ingressio mea aut reprehensionis aliquid, aut certe admirationis habitura est*. Ovid.

Emendaturus, si licuisset, etiam.

II. Par-

De Particip. & Prap. Colloc. Cap. V. 117

II. Participia in TUS desinentia elegantè à Poëtis usurpantur cum Accusativo, præpositione *circum* suppressâ. Plurimum autem Accusativus ille Partis est; ut liquidò in sequentibus exemplis apparebit. Virg. 3. Æn.

Vittis, & sacra redimitus tempora lauro.

Ovid. 6. fast.

Bacche, racemiferos bedera redimite capillos.

Horat. l. i. od. 7. *Coronatus nitentes*

Malobathro Syrio capillos.

Et Propert. l. 4.

Puniceo canas stamine vineta comas.

Alii quoque Poëtæ passim, Græcorum vestigia sequuti, qui itidem supprimunt Præpositionem *κατά*, aut *ἐν*.

III. Eadem Participia in TUS ornatè vindicant sibi locum, ante verba, *cupio, curo, oportet, opus est, volo, nolo* &c. ut *detrimētum ullum tibi allatum, nolo*. Cic. l. i. in Catil. Hoc, quod jampridem factum esse oportuit, certa de causa nondum adducor ut faciam. Idem Parad. Mibi quæsito opus est. Plaut.

Sed etiam est, paucis quod vos monites voluerim.
Et Terent.

Adolescenti morem gestum oportuit.

IV. Participia in DUS desinentia ponuntur aptè vice Conjunctivi, cum verbo *curo*, more Ciceronis, cui hoc frequentissimum; ut: *Literas ad te mittendas curavi*. Cic. 4. Fã. 2. *Funus ei satis amplum faciendum curavi* Et 8. ad Att. 5. *Eò ad te scripsi; ut epistolam tibi referendam curares*. Præterea optimè semper sodebit hujusmodi Participium ante verba modi finiti. Cic. Verr. 5. *Ornatiores,*

118 De Particip. & Prap. Colloc. Cap. V.
tiores, tuo iudicio, ad testimonia dicenda ve-
nerunt: Et pro Cæcinnâ: Cum ad vim facien-
dam veniretur. Tibull. l. 1. el. 2.

Cum fletu nox vigilanda venit.

V. Venio ad Præpositiones, de qua-
rum Collocatione varius inter Poëtas,
Orateresque mos, quibuscum qui congre-
diatur, casui modò præpositas, modò post-
positas inveniat. Cum tamen de illis ali-
quid præcipiendum sit, dico, *tenus, usque,*
& *versus* semper casui, aut ferè semper
postponendas; ut: *capulo tenus abdidit en-
sem. Romam usque pervenit. Mutinam versus*
profugit. Cic. pro Dejot. Antiochus à Sci-
pione devictus, Tauro tenus regnare jussus est.
Id 2. de Nat. Aspera Arteria ad pulmones us-
que pertinet. Et 11. fam. 27. Cum Brundu-
sum versus ires ad Casarem. Virg. 3. Georg.
Et crurum tenus a mento palearia pendent.
Terent. Adelph. 4. 5. Miletum usque.
Plaut.

Ego portum versus eam, & perquiram &c.
Dixi superius, laudatas præpositiones
semper, aut ferè semper postponendas.
De *tenus* certissimum est; nam eruditiores
Grammatici contendunt Anastrophen fu-
turam, si quandoque præposita reperietur.
De *versus*, & *usque* non ita perpetuum est
quod postponantur; ut multis Scriptorum
veterum testimoniis confirmatur; ubi sem-
per præeunt casum. Cæterum fortassis hu-
jusce varietatis causa erit; quod re verà
præpositiones non sint (quod pluribus
convincit Vossius l. 4. de Analogiâ c. 22.)
& cum à plurimi credantur, frequentius
postponantur.

VI. In Carmine dissyllabæ Præpositiones sæpiùs postponuntur; ut ex infrapponendis exemplis apparet. Virg. 1. Æn. *Carthago Italiam contra*. Idem ibidem. *His accensa super* &c.

Plaut.

Omnia sunt bona, quem penès est virtus.

Terent.

Te ipsum purgare ipsis coram, placabilius est.

Horat. lib. Epod. 11.

Ubi hæc severus te palam laudaveram.

Virg. Æn. 4.

Te propter Libyæ gentes, Nomadumque tyranni.

Propert.

Me sinè, quem semper voluit fortuna jacere.

Virg. 1. Æn.

Errabant acti fati maria omnia circum.

Et alii alia quamplurima idgenus extulere, quæ ad satietatem usque proferre possem. Verùm, non Poëtarum modò est dissyllabas Præpositiones postponere; sed Historicorum simul, ac Oratorum. Legimus enim præsertim apud Tacitum *Danubium ultra. Rhenum juxta. Urbem extra. Praturam intra. Amnes inter. Quos super. Senatu coram* &c. Sallust. 1. Hist. *Quos inter maximè* &c. Et Tull. de Amic. *Quæ si quos inter amicitia, aut est, aut fuit* &c. Et de perf. Orat. *Consequeris tamen, ut eos ipsos, quos contra statuas, æquos, placatosque dimittas.* Et 4. Tusc. *Adhibent modum, quem ultra progredi non oporteat.*

III. Præpositio cum adornatum multoties postponitur Pronomini qui, quæ, quod; ut: *quo cum, quibuscum pro cum quo, cum quibus* &c. Cic. 2. off. *Maximeque curandum*

randum est, ut eos, quibuscum sermonem conferemus, & vereri, & diligere videamur.

Id. ib. Quid dulcius, quam habere quo cum omnia audias, sic loqui ut tecum? Et 12. fam. Nihil mihi tam deesse scito, quam qui cum his familiariter, doctèque videam. Et alibi sapius. Plaut.

En testis, ampliter quo cum venio.

Terent. Essem una qui cum cupiebam.

Idem. Cogitato quo cum tibi res est.

VII. Præpositiones uni tantum syllabæ certam sedem non habent; sed modò præeunt, modò subsequuntur casum. Observa tamen, sapissimè inter Adjectivum, & Substantivum, non sine ornatu mediare: ut: multis de causis, summo in loco constitutus. Cic. de Inv. Nostra consuetudine multis de causis fit &c. Et Catil. l. i. Quanta in voluptate bacchabere. Virg. Æn. 3.

Dira bellum cum gente gerendum.

Et alibi.

Hæcoreum ad tumultum. Diversa per æquora.

Nec solùm inter Adjectivum, & Substantivum optimè sedent; verum & inter Pronomen, & Substantivum; ut: Suos ob amicos: nostris è sedibus: qua de re. Cic. 3. Tuscul. Quem spectabant; cujus ob os Graii ora obvertebant sua. Plaut. Pœn. 1. 2.

AN. Nimia nos socordia hodie tenuit.

AD. Qua de re obsecro.

VIII. Si dentur duo Substantiva, quorum unum ad patrium casum sit deductum; huic Præpositio præponitur, ut: de Fabii eloquentia. Ad palatii fores pertractus. Ob æris inopiam mendicare coactus. Idem dicendum, cùm substantivi illius, vices

vices gesserit Relativum Pronomen ; ut :
*ob cuius defectum . De illorum audacia nec
 verbum quidem faciam . Cic. de Natur. Ho-
 merus, qui recens ab illorum ætate fuit. Et pro
 Sex. Rosc. De amicorum scientia Roscius
 Romanam confugit . Et 3. fam. 4. Ex illius ser-
 mone ad te scribam plura . Id. pro S. Rosc.
 Ex juris peritorum consilio , & auctoritate re-
 stipulari ab aliquo .*

IX. *Apud casui semper , aut plurimum
 præest . ut : hoc habui apud te , cum apud
 Sempronium moram facerem . Cic. 8. Att. 20.
 Caesar apud Cornificium castra posuit. Et 5. 17.
 Si me amas , apud me cum tuis maneat . Ca-
 tull. carm. 13.*

*Cœnabis bene , mi Fabulle , apud me
 Paucis , si tibi Dis favent , diebus .
 Terent. in And.*

Apud forum modò de Dato audiui

X. Delectat etiam , si inter Præposi-
 tionem , & casum , quem ipsa postulat ,
 vox aliqua interponatur. Cic. pro L. Ma-
 nil. *Eorum qui se ex ejus Regno collegerant .
 Pro Publ. Sext. Fuerat ille annus in Rei-
 publ. magno metu, & multorum timore . Ibid.
 At ille nefarius ex omnium sceleratorum col-
 luvione natus &c. Virg. 3. Æn.*

In medios telum torisisti primus Achivos .

Idem 1. Æn. ~

*Pygmalion scelere ante alios immanior omnes .
 Martial. lib. 10. ep. 59.*

*Per veneranda mihi musarum sacra, per omnes
 Juro Deos &c.*

XI. Poëtæ ad elegantiam quandoque
 Præpositionem verbo adnexam, cum casu
 repetunt , ut ; *accedo ad Urbem, de spe deci-*

di &c. Oratores etiam hanc dicendi formam non omnino aspernati sunt; nam, apud Cic. l. 11. ep. 16. ad familiares, legimus. *Qui ad nos intempestivè adeunt. Et de Orat. Nihil non consideratum exibat ex ore. Idem Tuscul. Quomodo igitur jucunda vita potest esse, à qua absit prudentia, absit moderatio?* Sic decedere de Provincia in Ligar. Svet. in Cæs. & Fabius l. 4. *decedere de via.* Pro Balbo. *De sententia decedere.* 2. de Legge Agr. *De possessione decedere.* Ad Brutum: *Ab hoc parumper abeamus.* Et alibi sæpiùs. Plaut. *Vox mihi ad aures advolavit.*

Terent. *Et cura ex corde excessit.*

Id. eun. 5. 4. *Ne impunè in nos illuseris.* Et alibi.

Haud multum abs me aberit infortunium.

Porro in his, similibusve exemplis Pleonasmum esse, nemo non videt. Interdum quoque Poëtæ non geminant Præpositionem, sed suppleant verbo Præpositione affecto. Sic Virg. Ecl. 9.

Sed argutos interstrepere anser olores.

Et Eclogâ 1.

Quamvis multa meis exiret victima septis.

Et 1. Æn.

Atque rotis summas levibus perlabitur undas.

Horat. 6. 1. od. 7. *Interrem*

Nuda Leones

Et alibi od. 2. l. 1. od. 5. l. 4. od. 16. Epod.

Defuso pateris. Circumgemit ovile &c.

XI. Nonnulla etiam lubet adnotare, ad Præpositionum elegantiam, magis quàm locationem, facientia.

1. Præter tritas significationes præpositio *A*, vel *Ab* usurpatur pro *post*, ut *a pran-*

De Particip. Prap. & Colloc. Cap. V. 123

prandio, à cena. Cic. de Senect. Cujus à morte jam tertius, & tricesimus est annus, idest post ejus mortem. pro Cluen. Ab illo tempore. Et de orat. Qui annus ei primus ab honorum perfunctione fuit. Item pro ante, ut Cic. de clar. Orat: Proximus à postremo. i. Ante postremum. Pro ultrò. Id. de Orat. Non ego hac à me prompsi; de fortuito incidi in hunc sermonem. Item per se; ut idem, Cic. Ib. A se aliquid facere. i. per se. Interdum per cum declaratur, servitque tempori significando, ut: A puero te novi. i. cum adhuc esses puer. Cic. 4. acad. quæst. A puero audiui. Ovid. de Pont. 1.2. Eleg. 2. Ille domus vestra primis venerator ab annis.

Italicè: Fino da fanciullo.

Interdum etiam ministerium per circuitionem designat, ut à secretis, ab epistolis. Cicer. ad Attic. Pollucem servum à pedibus meum Romam misi. Ità dicimus à concionibus, à consiliis, à confessionibus &c. alia plura in Ciceronis Thesaurò. Sumitur etiam vice pro, ut Cic. in Brut. Ut nemo contra Civium perditorum popularem, turbulentamque dementiam à Senatu, & à bonorum causa steterit constantius.

Pro quoad, vel quantum ad Cic. ad Attic. lib. 7. ep. 14. Sumus flagitiosè imparati cum à militibus, tum à pecunia. i. quantum, vel quoad militias, & pecunias. Pro intervallo, ut Cæs. lib. 2. Belli Gall. Oportuno, atque occulto loco à millibus passuum circiter duobus Romanorum adventum expectabant, pro intervallo duorum millium passuum.

2. In pro Inter non raro effertur, præcipuè cum in familiari sermone exprime-

124 De Particip. & Præp. Colloc. Cap V.

re intendimus nel numero, ut: In tuis familiaribus me, quaeso, habeas: vulgò enim quis diceret. Inter tuos familiares &c. Cic. 1. Off. 65. Hic in magnis viris non est habendus. 1. inter &c. Pro S. Rosc. Capito, qui in decem Legatis erat. Et de Clar. Fannius in medicis oratoribus habitus est.

3. Præ ornatè quandoque stat pro propter. Cic. 1. Tusc. Id. 9. Att. 14. Non hercle præ lacrymis possum reliqua scribere.

4. Pro interdum ante significat. Cic. pro Mil. Illa præsidia, quæ pro templis omnibus cernitis. i. ante templa omnia. Id. 2 Phil. Pro æde Jovis Statoris hasta posita.

5. Præpositione Ad utimur eleganter ad indicandum alicujus officium. Cic. 3. de Orat. Licinium servum sibi Gracchus habuit ad manum. h. e. Scribam. Terent. in Andr. Canes ad venandum. pro canibus venaticis.

Virg. 9. Æn.

Armiger ante fuit, fidusque ad limina custos. Propert. 1. 4. el. 9.

Lygdamus ad cyathos - i. pincerna.

Interdum quoque effertur dicta Præpositio, pro juxta, aut secundum, ut Cic. 2. de Orat. Ad Græcorum consuetudinem disputare. Id. de Amic. Omnia ad voluntatem loqui, & nihil ad veritatem. i. secundum veritatem.

6. Sed ne longiùs evagemur, ultimò tandem advertemus, quasdam præpositiones nominibus, verbisve præfixas augere significationem; ut: infringo, incanus, incurvus &c. Perfidelis, perjurus &c. Prædives, præpotens, prævalidus &c. Ad probè, adamo &c.

De Particip. & Præp. Colloc. Cap. V. 125
Et c. Exclamo, ex postulo Et c. h. e. valdè fran-
go, valdè fidelis, valdè dives, valdè amo, valdè
postulo. Quapropter Oratores, Historici, ac
non semel Potæ, hisce usi sunt ad empha-
sin, ad Periodi concinnitatem &c. prout
loci ratio exigere videbatur.

DE ADVERBIORUM, INTERIECTIO-
NUM, CONIUNCTIONUM QUE
COLLOCATIONE.

Cap. VI.

I. **A**Dverbium, ut ipsummet nomen,
indicat, verbis amat præesse; non
tamen semper; nam id nominis sortitum
est, non ex eo quod semper, sed quod
plurimum fit, & cujus causâ primum est
inventum. Quare in reprehensionem in-
cidit, ut reor, Scaliger, qui hujusmodi
damnat appellationem, ex hoc tantum,
quod Adverbii non sit semper præponi. At
si hæc ratio idonea esset; Præpositio No-
men perpetuò antecederet; cum vocis e-
tymon illud importet; quod tamen, e-
tiam ex ipsius sententiâ, falsum est: &
nisi veteres omnes, audacter erroris dam-
nare velinus, id ipsum omnes fateamur,
necesse est.

Præponitur, inquam, verbis. Cic. i. off.
*Hæc præscripta servantem, licet magnificè,
graviter, animosèque vivere. Id. de Senect.
Pares autem cum paribus veteri proverbio fa-
cillimè congregantur. Et pro Lege Agr.
Quæ cum ego non solum suspicarer, sed planè
cernerem; neque enim obscure gerebatur Et c.*

Catullus ep. 51. *Multùm lusimus in meis tabellis*. Ter. Eun. 2. 2. *Ne post conferas culpam in nos*. Lucan. l. 1.

Nobilitas cum plebe perit, lateque vagatur Ensis &c.

Senec. Oedip. *Dubia plus torquent mala*.

II. Adverbium quod factum est ex nomine nomini adjectivo eleganter postponitur. Sic Cic. *Durum admodùm mihi videbatur*. Id. 1. de Orat. *Est enim finitimus Oratori Poëta, numeris adstrictior paulò*. Ulteriùs Adverbium factum ex nomine Adjectivo, eleganter cum unius vocis, sive plurium interpositione, ante, vel post Comparativum collocatur. Cic de Orat. *Multò tamen pauciores Oratores, quàm Poëtae boni reperiuntur*. Id. 1, Catil. *Intelliges, multò me vigilare acriùs ad salutem, quàm te ad perniciem Reipublicæ*. Et 2. de Inv. *Postea aliquantò ipsos quoque tempestas vehementius jactare coepit*.

III. Adverbia comparativa, aut superlativa perinde ut nomina affabrè casum regunt. Ea autem potissimùm sunt loci, aut temporis; Genitivosque certos regunt. v. g. *Omniùm te diligo amantissimè*. *Quod ad me misisti munus omniùm diligentissimè asservabo*. *Nemo te vivit justius*. *Huc dementiè pervenit*. *Ubique gentiùm* &c. Cic. 4. Tuscul. *Maximè verò omniùm flagrasse amore Rheginum Ibicum apparet ex scriptis*. Id. *Quod quidem tu minimè omniùm ignoras*. Apulejus 5. Met. *Longè parentum exulantes*. Et alibi. *Ubique itineris, alibi gentiùm, nusquam gentiùm* &c. Cic. ad Att. lib. 3. *Tui autem abes longè gentiùm*. Plautus.

Om-

Omniū primū Alemea geminos peperit filios .

Terent. Adelph. 1. 2. *Fratrem nusquam invenio gentium .*

Id. Eun. 1. 2. *Interea loci .*

IV. Nonnulla Adverbia , quamvis interdum Periodi initio apposita repariantur; tamen optimum erit post aliquas voces locare exemplo meliorum : sicque fiet , ut sonantior magis evadat oratio . Ejus notæ sunt certè , *profectò* , *quippe* , *videlicet* , *planè* &c. Nam quamvis dici queat , v. g. *Certè si illum à proposito revocasset . Videlicet hoc fuit semper in veterum more positum . Quippe non rebar eo insanie devenisse Licinium* &c. Quis tamen negaverit non ornatiùs futurum efferre , *Illum certè , si à proposito revocasset . Hoc videlicet* &c. Non rebar quippe eo &c. Cic. pro Mil. *Movet me quippe lumen curiæ* . Id. de Nat. 1. *Alterum fieri profectò potest , ut earum nulla : alterum certè non potest , ut plus una vera sit . Et 3. fam. 10. Illud planè molestè tuli , quòd videbam* &c.

V. Adverbia Adjectivis nominibus , aut adverbiiis ex adjectivis nominibus factis postponuntur ; aut si præponantur , in medio aliquid non ineleganter ponitur . Ex Caussino . ut : *stylus intermissione paulum admodum de celeritate perdit . Verum hic cum præcedenti numero 2. cojnecidit , meo judicio ; quare exempla inibi legito . Tantum admoneo , Adverbia vagari posse , prout opus fuerit , in Oratione ; atque eorum quidem magis canora , & ex multis syllabis compacta initium periodi ferè*

solent amare; alia verò exilioris soni medietatem occupare. Sic Tullius sæpe sæpius Orationes hisce polyssyllabis adverbiiis aperuit, ut Philip. 8. *Confusius hesternæ die acta res C. Pansa.* Pro Syllâ. *Maximè vellem, judices &c.* Phil. 3. *Serius omnino P.C. &c.* Et alibi, ut apud ipsum videre est.

VI. Quoad Interjectiones, nihil est quod præcipiam, cum & ipsæ quemlibet in Periodo locum tenere queant; ibi enim interjiciuntur, ubi declarare intendimus animi affectum. Cic. de Senect. *O miserum senem! qui mortem contemnendam esse in tam longa ætate non viderit.* Id. 3. de Orat. *O fallacem hominum spem, fragilemque fortunam, & inanes nostras contentiones, quæ medio in spatio sæpè franguntur, & corruunt!* Et 2. de Orat. *Proh Dii immortales, quæ fuit illa, quanta vis!* Id. 3. Att. 15. *Atque utinam ipse Varro incumbat in causam.* Et 13. ib. 46. *Quod utinam, iterum autem utinam, tuo tamen commodo.* Idem judicium de cæteris esto. Poëtis quoque nulla certa lex: modò namque præeunt, modò subsequuntur; sed plurimùm præeunt, ut egomet observavi, & ex sequentibus erui potest auctoritatibus. Virg. 2. *Æn.*

Heu, nihil invitis fas quemquam credere Divis.

Et 1. *Georg.*

O fortunatos nimium, sua si bona norint.

Mart. 1. 4. *epig.* 46.

Ohe jam satis est, ohe libelle.

Et 1. 5. *ep.* 34. *Væ tibi, Causidice.*

Terent. *Eun.* 4. 4.

Au, ne comparandus hic quidem ad illum est.

Sic

Sic in Phorm. *Eheu me miserum*. Plaut. Mil. *Heu mihi*. Virgil. 2. *Ænid. Hei mihi*. Et 7. *Heu stirpem invisam*. Ter. Andr. 1. 5. *Ab, tantanme* &c. Sed exemplorum abunde erit Poëseos studioso: quare jis modum impono, & ad Conjunctiones descendendo.

VII. Conjunctiones eum sibi locum in Oratione vindicant, quem illarum ordo, & natura exposcunt. Quædam enim communes sunt, quæ possunt præponi, aut postponi; quædam Præpositivæ, quæ semper ferè præeunt; aliæ demum Postpositivæ, quæ subsequuntur. De omnibus hic singillatim agendum: ac primò Postpositivæ sunt; *enim, autem, quoque, quidem, verò*, Enclitice *que, ne, ve*. Has in Capite Periodi nusquam aut pones, aut reperies; nisi rancidum quemdam Comicorum usum sequi mavis, qui ornatui minime student. Et sanè, ut cæteras omittam, *Enim* non semel præposuerunt Plautus, atque Terentius: hic enim Phorm. 5. 8. dixit: *Enim negeo solus*: ille Epid. 5. 2. *Enim iste captio est*. Item Aulul. 35. *Casina* 2. 6. 5. 2. Milit. 4. 2. Pseud. 1. 1. Perf. 2. 2. 5. 2. & alibi. Ex Oratoribus verò quinquam proferri possunt? Nulli profectò. Nam Cic. 1. De Nat. *Terra enim profectò pars mundi est*, postponendo, dixit; & 4. Ver. *Attendite enim* 12. Att. 9. *Adest enim dies*. 3. de Orat. *Faciles enim dies*. Et alibi singulis quibusque, ut ita loquar, versibus. De reliquis Conjunctionibus prænotatis idem sentiendum; & ne ab eloquentiæ Principe recedamus, 1. de Orat. habet:

Salve magnorum proles , genitorque Deorum .

Lucan. lib. 2.

Amplexus fines, saltus, nemorosaque tesqua .

Claud. l. i. in Eutrop.

Famque oblita sui, nec sobria divitiis mens .

Id. ibid. *Ægyptia jactat*

Somnia, prostratosque canit se vate tyrannos .

Hic obiter observa particulam disjunctivam *ve* multâ cum venustate ab antiquis

geminari . Cic. in Orat. *Ut neve asper eorum concursus, neve hiulcus sit ; sed quodammodo coagmmtatus .* Id. ib. *Ut neve aspere concurrant, neve vastius deducantur .* Particula *ne* requirit post se *an* , non *aut* , ut

quidam indoctè sensere . Cic. fam. l. 2. ep. 15. *Unum nescio, gratuler ne tibi , an timeam .* Potest tamen interdum *an* omitti , præsertim cum evidentior erit interrogatio , ut :

Isti ne sacrorum Cœtuum mores ? istane fides, sanctitas , Religio ? Virg. l. 1. *Æn. Qui teneant (nam inculta videt) homines-ne feræ-ne .* Quærere constituit Post verba , *caveo, studeo, curo, facio &c.* particula *ne* eleganter negligitur , ut : *Cave suspiceris .*

IX. Præpositivæ Conjunctiones sunt , *quare, nam, ac, at, ast, nec, quin, nisi, sin, live, seu &c.* Cic. 13. fam. 71. *Quare sic eum tibi commendo, ut &c.* Et 14. 1. *Nam quid ego de Cicerone dicam? qui &c.* Id. de Cl. *Nisi quid de Epaminonda suspicari libet &c.* His adde, *etsi, quamquam, quamvis, quoniam, quamobrem, &* id genus alias , quæ periodum , imò orationem universam perbellè aperire solent ; ut apud Tullium videre est .

132 *De Adverbior. Interject. &c. Cap. VI.*

Pro L. Manil. *Quamquam mihi semper frequens conspectus vester multo jucundissimus.*
Et Phil. 12. *Etsi minimè decere videtur* P. C.
Martial. 11. epig. 33.

Nec puer, aut senior, nulla est ancilla, nec infans.

Ovid. *Sive quis Antilochum narrabat ab Hecore victum.*

Nemo tamen, dictis Conjunctionibus perpetuum existimet esse præponi, ex eo, quod inter Præpositivas recensuerim; nam licèt Postpositivæ rarò, aut nunquam præcedant; Præpositivæ, si ratio id exigat, queunt postponi; ut ex multis Scriptorum testimoniis, quæ lubens missa facio, perspicui potest.

X. Communes sunt *Ergo, igitur, itaque, tamen &c.* *Igitur, & tamen* ex meliorum sententiâ, magis postpositiva sunt; & quidem initio Periodi *tamen* non recorder legisse, sed ejus loco *attamen*, sicuti etiam vice *quidem, equidem, vice enim, etenim.* Cic. 2. de Inv. *Ergo is qui scriptum defendet &c.* 1. Tuscul. *Nemo ergo non miser, prorsus nemo.* Id. pro Lig. *Habes igitur Tubero.* Et 4. Acad. *Ordiamur igitur à sensibus.* Id. de Amic. *Itaque ipse mea legerit* Et 3. de Orat. *Omnis itaque oratio conficitur ex verbis.* Id. ib. *Quæ tamen ipsa membra sunt numeris vincienda.* Ad famil. 7. 26. *Attamen ne mirere, unde hoc acciderit &c.* Id. 3. Orat. *Etenim sicut ille suspicatur &c.* Et 6. Att. 3. *Equidem doleo, non me his literis certiorem fieri &c.* ubi nota, *equidem* compositum esse ex pronomine *ego*, & ex adverbio: quare primâ tantum cum personâ jungendum, licet

licet aliter inveniatur interdum . Terent.

Eun. 2. 3. *Itaque ergo amantur .*

Martial. l. 9. epig. 27.

Sed tamen & parva nonnulla est gratia Musæ .

Id. l. 9. ep. 55.

Non ergo est manus ista , sed statera ;

Virg. *Ergo age chare Pater &c.*

Terent. And. 4. 1. *Attamen ubi fides est &c.*

XI. Conjunctio conditionalis *si* multam habet elegantiam , si in oratione secundâ (in unâ enim oratione sententia non terminatur, ubi particula hæc adhibetur) aut si non in principio primæ, sed proximè verbum ponatur . Ex Silvio Cent. 3. c. 82. ut : *Amantem te si negligis , spera fore ut quem ames , ab eo contemnere .* Cic. de Amic. *Nulla est excusatio peccati, si amici causa peccaveris .* Id. in ep. *Id si feceris , erit mihi vehementissimè gratum .* Propert. l. 2.

Vivam, si viveret: sic cadet illa, cadam .

Plaut. *Bono si quid malefacias, etatem expetit .*

Præterea eadem particula , pro futuro

modi Indicativi, sibi asciscit futurum mo-

di Conjunctivi; undè Cic. de Orat. *In quo*

vereor ne si id, quod vis, effecero, pro efficiam .

Et alibi. *Id ille si fecerit, spes est pacis .* Ele-

ganter etiam postponitur , præcipuè Prc-

nominibus . Cic. pro Quinct. *Pecuniam si*

cuipiam ademit . Et in Orat. *Hoc nos si facere*

velimus . Interdum prorsus omittitur .

Philip. 13. *Recenseris ; undique omnes inse-*

quentur ; manseris habebis &c.

Virg. l. 6. Æn. *Tu quoque magnum*

Patrem opere in tanto , sineret dolor , Icare

lateralis .

id est :

ideft : *ſi ſineret dolor* .

XII. *Tum* , & *tum* dicimus quando ſententiæ ſunt pares . Cic. 9. Att. 4. *Scriptiſti epiſtolam ad me plenam conſilii , ſummæque tum benevolentia , tum etiam prudentia* . Id. ib. *Diſſero in utramque partem tum Græcè , tum Latine* . Quando verò aliquid gravius ponetur, *Cum* in primo loco, & cum re generali, aut minoris pretii locabitur ; *Tum* in ſecundâ parte graviore , & magis ſpeciali ; cui etiam addi poterunt particulae, *certè , etiam , maxime , præcipuè præterea , in primis , verò &c* . Cic. 3. Off. *Plena exemplorum eſt noſtra Reſpublica , cum ſapè alias , tum maxime bello Punico ſecundo* . Et ad Q. Fr. 1. 1. *Servos cum omnibus in locis , tum præcipuè in Provinciis regere debemus* . Item 1. famil. 7. *Lentulum noſtrum cum cæteris artibus , tum in primis imitatione tui , fac erudias* .

XIII. Particula *Cum* in orationis medio a primè congruit ; at id moris ſemper obſervari ne contendas : ut : *Amicarum , proximorumque vitia , cum noveris , ea nemini aperta feceris* . Cic. de Senect. *Curia ad focum ſedenti , magnum auri pondus Samnites cum attuliſſent , repudiati ab eo ſunt* . Varro de R. R. *Admota aſpis cum pupugerit , ſi non occidat ; ſcias , ex Pſyllorum ſtirpe eſſe* .

Eadem particula non ineleganter ſubjungitur tempori loco relativi *qui , quæ , quod* . Cic. pro Plan. *Nunquam oblivifcar noctis illius ; cum tibi vigilantibus pollicebar , ideſt , quæ* . Et 3. fam. 3. *Utinam diem illum videam , cum tibi gratias agam* . i. quo . Utriusque canonis Poëtica exempla hæc ſunt . Plaut.

Ple-

Plerique homines, cum nihil refert, pudent &c
Et alibi:

Jam aderit tempus, cum se se etiam ipse ode-
rit. id. quo.

Terent. And. 2. 1.

Facile omnes, cum valeamus, recta consilia
egrotis damus.

Tibul. l. 1. eleg. 4.

Vidi jam juvenem, premeret cum senior atas,
Mœrentem stultos præterjisse dies.

Tandem eadem particula quandoque ve-
nustè exorditur Orationem; ut Cic. pro
Plan. Cum propter elegiam, & singularem
Cn. Plancii, Judices, in mea salute custodien-
da fidem &c. Pro L. Valerio Flacco. Cum
in maximis periculis hujus Urbis, atque im-
perii &c.

XIV. Ut Conjunctio causativa, in
orationis medio, ac proximè verbum
ponitur sæpius, ut: Negotium hoc ut con-
ficias, totis viribus allaborandum est. Cic. 5.
fam. 16. Est etiam consolatio pervulgata qui-
dem illa maximè, quam semper in ore, atque a-
nimo habere debemus, homines nos ut esse me-
minerimus, ea lege natos, ut omnibus telis for-
tunæ proposita sit vita nostra. Et 3. de Orat.
Quæ sic ab illo acta esse constabat oculis, voce,
gestu; inimici lacrymas ut tenere non possint.
Terent. And. 3. 4. v. 9.

Ea gratia simulavi, vos ut pertentarem.

Idem.

Omnibus nobis, ut res dant sese, ita magni,
atque humiles sumus.

Supponitur eleganter particula Ut post
verba necesse est, oportet, volo, nolo, malo, pe-
to, rogo, precor: item post verba curo, cer-
sco,

seo, provideo, caveo, nuncio, suadeo, facio
 &c. ut: *Malo venias, quam scribas. Ubi*
sis, peto, Afranium certiores facias. Fac me
semper habeas in amoribus. Cic. 5. fam. 6.
Tu ad me velim literas crebrius mitras. Et 1.
de Orat. Nunc enim te jam exorcemus necesse
est. Et 10. fam. 15. Fac valeas, meque mu-
tuo diligas. Propert.

Multa prius Domina delicta queraris oportet.
 Catull.

Velim Cæcilio, Papyre, dicas, Veronam veniat.

XV. Particula *Ac*, vel *Atque*, usitatiùs
 quàm *Et* ponuntur inter polysyllaba vo-
 cabula; & quidem ita, ut *Atque* vocalibus,
Ac consonantibus (exceptis Q. C.) præ-
 fit. v. g. *Liberalitatem, ac magnanimitatem*
tuam, amici, atque inimici admirantur simul,
& colunt. Cic. 1. Tuscul. Exacta etas ho-
nestè, ac splendide, tantam fert consolatio-
nem; ut eos, qui ita vixerunt, aut non tan-
gat aegritudo, aut leviter pungat animi do-
lor. Id. pro Flac. Gravissimo, atque acer-
bissimo Reipublicæ casu, socio, atque adju-
toe consiliorum &c. Reperitur etiam Con-
junctio Et media inter polysyllabas vo-
ces, sed rariùs. Sciendum præterea, di-
ctas particulas in principio periodi bel-
lissimè interdum positas à Cicerone: ut
pro se Manil. Ac primùm quanta innocentia
debent esse Imperatores? Et alibi. Atque, ut
omnes intelligant &c. quæ passim inve-
niantur.

DE VITIOSA VERBORUM
COLLOCATIONE.

Cap. VII.

I. **A**B Orationis virtutibus ad vitia devenimus. Attamen quia ex vitiis virtutes interdum creari solent, ut inquit Socrates apud Platonem: hac re adducor, ut ex his quæ, vitanda sunt nonnulla (neque enim possunt omnia) breviter hic differamus. Et Primò sermonis venustatem valdè coinquinat longarum vocum series, ut: *Indoctorum, imperitorumque execrabilem negligentiam populorum vehementer aspernabantur*. Talis est notæ vulgatum illud Distichon, quamvis ob metri difficultatem laudatum.

*Conturbabuntur Constantinopolitani
Innumerabilibus sollicitudinibus.*

Quæ carminis genera Poëtæ *μακροῦνλα*, i. longimembra dicunt. Nec tamen semper improbanda hujusmodi vocum longitudo, nam quandoque appositè Periodo immiscentur; præcipuè cùm grave aliquid, aut grande exprimere volumus. Nam, ut inquit Sinesius epist. 4. *Opus mihi est tumentibus quoque nominibus, ne magna narrem abjectius*. Hinc est, quod Poëtæ Spondaicis interdum usi sint; hisque in voce tetrasyllabâ desinentibus, ut rei granditatem monstrarent; ut vides in his ex Virg. Eclogâ 4.

Clara Deum joboles, magnum Jovis incrementum.

Item Georg. 2.

M

Muneribus tibi pampineo gravidus autumnus : Præterea ut inquit Phalereus 45. Efficiunt longitudines membrorum magnitudinem . Celeriter enim reticere in membrum breve contrit orationis granditatem ; etiam si sententia , quæ subest , magnifica fuerit , & eodem pacto verba .

II. Exadversò pariter breves voces , atque monosyllabicae , orationi officiant , ubi nimium frequentes sint ; (In his enim , & similibus , non qualitas , sed quantitas improbat :) Nam exilem admodum efficiunt texturam , enervemque reddunt periodum . Necessè est enim quod compositio multis clausulis concisa subsultet ; & ideo brevium verborum , ac nominum vitanda est continuatio . Quare hæc ne dixeris : *Et cum eo clam tu te subduxisti mihi . Neque illud laudaveris :*

Bene citus ego pede celere ago numeros .

Quod itidem carmen Hyporcherma appellatur , quasi saltatorium ; cujus exitit auctor Princeps Thales . Multò minus irrepant in Oratione monosyllabicae dictiones coacervatim positæ : offendunt enim aures , ac sonum emittunt penè puerilium crepitaculorum . *Fragosis enim offendimur , aiebat Ferettus ; contortis excitamur ; claudis deprehendimur : redundantia , & nimia fastidiunt ; lenia verò mulcent ; & stabilia probant .* Aliquando tamen penitus injucundus hujusmodi concursus non est : ut videmus apud Ovidium de Pont. lib. 2. Eleg. pr.

*Jam nunc hæc à me , Iuvenum belloque , togaque
Maxime .*

Col.

Collega pariter meus C. V. Pater Joannes Chrysostomus à S. Paulo contra talem Observationem monosyllabas voces miro artificio contexuit lib. i. de Interpretatione sermonum, quem typis parat: *O mens, in me ne sis, si vis, vis sit ut in te: I de te: vis est hic, & in hoc, & ab hoc. Scis quid in hoc sit? Pax. An plus? & ab hoc id es abs te,*

Ut des cui jus est, ut sit Is; ac sat Is est. Miscendæ itaque breves longis vocibus, & longæ brevibus, ut optimæ notæ Scriptores præstiterent. Sic Tullius: *Et si vereor, Judices, ne turpe sit, pro fortissimo dicere incipientem timere.* Et pro Marcello: *Diuturni silentii P. C. quo fueram his temporibus usus &c.* Et ita ubique semper sibi similis.

III. Vitiosa est ejusdem literæ crebra repetitio, quæ accidere solet, cum plura verba ab eâdem literâ ducunt initium. Si Cappacismus vitabimus, nimiam scilicet literæ C frequentationem, qualis esset: *Cujus convivii causam curabis citius conquerere.* Jotacismus, ut: *Juno, Jovi jure irascitur.* Lambdacismus, ut: *Sol, & Luna luce lucent longè clariori.* Myotacismus, ut illud Poëtæ cujusdam apud Ciceronem 3. de Oratore.

Impius hortatur me frater, ut meos malis miser Manderem natos. Et aliud ibi,

Iterum jam aggreditur me, & quietum excuscat

Major mihi moles, majus miscendum est malum.

Hanc certè literam evitavit antiquitas, cum alias, tum præsertim si proxima vox

à vo-

à vocali inciperet. Et Cato Censorius literâ *m* detractâ *die banc pro diem banc*, & similia, teste Fabio, dixit. Eâdem de causâ apud Poëtas Comicos potissimum, sæpè invenias *optimus est : ferendus est : videndus est*, pro *videndum est : ferendum est : optimum est* : Est enim compositio mala, inquit Silvius Prog. centuria secunda cap. prim. cum vocalis in principio verbi posterioris cum litera *m* in fine prioris jungitur. Id quod cum usu venit *m* parum, ut Quintilianus ait, exprimitur; ut : multum ille, quantum erat, adeo ut penè cujusdam novæ literæ sonum reddat. Neque enim eximitur, sed obscuratur; & tantum aliqua inter duas vocales velut nota est, ne coëant. Polyigma itidem orationem deturpat, ut : *singulari solatio Sempronio Statices studia sunt*. Porro nec tantum *S*, sed etiam *T* & *R* repetita sæpius euphoniæ inimica sunt; quapropter illud Ennii reprehenditur num. 297.

O Tite, tute Tati tibi tanta tyranne tulisti ?
Idipsum de aliis sentias.

IV. Magis insuper deturparetur sermo, ubi dictio in *S* desinens ab aliâ exciperetur, cujus eadem litera initium foret. Item si prior per *R*, *X*, aut duplicem consonam terminaret; ac sequens per easdem literas, aut consonas inchoaret. Sicque malè sonant *Ars studiosorum; Error Romuli; Rex Xerxes; Dux Xanthippus*, suus sermo &c. Et quidem quantum ad *S*, adeo stridet, ut ex antiquis non defuerint, qui vitio adscriberent, *S* in fine vocis collocari, quando dictio posterior à consonante inchoaret. Quæ causa fuit Servio, ut Quintilianus

nus ait, subtrahendæ S literæ, quoties ultima esset, aliâque consonante susciperetur. *Ita enim loquebamur* (Verba sunt Cic. de perfecto Orat.)

Qui est omnibu' princeps. non omnibus princeps; &

Vitâ illâ dignu', locoque. 'non dignus.

Quod si indocta consuetudo tam est artifex suavitatis, quid ab ipsa tandem arte, & doctrina postulari putamus? Arte quoque factum putant à Virgilio, ut in his versibus S detraheret, ad evitandam concursus asperitatem:

Sed tamen iste Deus qui sit da Tityre nobis. pro quis.

Despectus tibi sum; nec qui sim queris, Alexi. Post ens (inquit Trapezuntius Rhet. 5.) *so inferre durissimum est; tum vocalium diversa prolatione, tum consonantium cumulo, tum S literæ, quæ ferum quid, & silvestre sonat, conduplicatione: & post tum sa inducere non jucundum est. Hæc vir eruditissimus. Male tandem cohærent R initio sequentis, & S in fine præcedentis vocis; R enim canina litera dicitur, rabiemque præferebat. Itaque ne dixeris: scimus rationes: nummos redde, vices repende &c. Cùm rabiem tamen, aut arma, iraque frementem aliquem expresseris, talis concursus aptissimus. v. g. Hinc rabidus ruens Quintus Roscius, extorsit ardentes oculos, rugisque frontem crispans rigidis, horrendis verbis rimatus est veritatem. Propterea laudatur hoc Virgilii, quo stridulum sonum apprimè depinxit:*

Convulsam remis, rectisque stridentibus aquor:

Et

Et alibi ubi latratum canis exhibuit, caninam literam tribus versibus ter adhibuit supra decem. Sannazarus quoque Maronis imitator lib.1. Part. Virg.

Tergemini canis adverso qui carceris antro &c.
Vida insuper lib. Carm. ad Leonem X, horrorem armorum, rixanti hoc elemento perbellè repræsentavit hoc pacto :

Juuet me

Horridas audire, juuet ruentes

Jam gravem ferri strepitum, tubasque &c.

V. Frequens vocalium concursus absit ab Oratione, ut jucundior, & minùs hiulca fiat. Hiulca esset si diceres v. g.

Multa tibi ante aras nostra cadet hostia dextra.

Sanè Theopompus ita eum concursum, fugit, ut in reprehensionem, teste Tull. de perf. Orat. incurrerit ; & qui ex Isocratis disciplinâ exiere, si Phalereo 261. credendum, similiter omni studio idipsum evitarunt; utpote non accommodum Orationi vehementi. Latini quoque Poëtæ, ne hiare cogerentur, finalæpham, collisionemque reppererunt. Quidam tamen defendunt, plures insimul coherere posse vocales, Græcorum, Latinorumque, freti auctoritate, atque consuetudine ; & quidem Thucydidem, atque Platonem, in his sermonibus, qui dialogi dicuntur, ac in popularibus orationibus, quibus mos erat Athenis laudari interfectos in præliis, adhibuisse, tradit idemmet Cicero loco laudato. Indicant insuper orationes illæ ipsæ horridæ Catonis. Indicant non pauci Homeri versus, alteriusve Græci,

Pe-

De Vitiosâ Verbor. Colloc. Cap. V II. 143
Petrusque Victorius observat Iliad. 16.
v. 358. geminos adhibuisse vocalium con-
cursus, eoque propinquos, & quod ma-
jorem adhuc hiatum facit, non ex simpli-
cibus literis, sed ex diphthongis. Restant
adhuc Nevii fragmenta, ubi talis voca-
lium concursus inspicitur:

*Vos qui accolitis Hisrum fluvium, atque Al-
gidam*

Et ibidem.

*Quam numquam vobis Graii, atque Bar-
bari.*

Dicendum igitur, vocalium concursionem
nec semper frequentandam, nec perpetuò
vitandam. Frequentabimus exemplo ve-
terum; ubi scilicet grande quid exprimi-
mus, grave, concitum, & id genus. Sic
Virg. 1. Æn.

*Sævus ubi Æacide telo jacet Hector; ubi in-
gelis*

Sarpedon.

Et alibi.

*Insula Jonio in magna. Sub Ilio alto. Pugna
aspera surgit &c.*

Pater Joannes Chrysostomus à Sancto
Paulo nuper laudatus, undarum fluctus
sefe invicem decurrendo absorbentes de-
picturus, ita cecinit:

*Additur unda undæ; atque undam fugat unda
volantem.*

Vitabimus, cùm sermonis suavitati offi-
cient; nimiamque exilitatem præferent;
quod maximè accideret si eâdem longius
vocali uteremur. v. g. *Nihilominus si jisset,*
tionis inopina illico pœnituisset. Si tamen
hac in parte minùs religiosos nos esse in-
tendi-

144 *De Vitiosâ Verbor. Colloc. Cap. VII.*
tendimus, saltem vocales commisceamus;
quod fecit Tullius artis Magister, cum
inquit: *Ego omni officio, ac potius pietate
ceteris satisfacio omnibus &c.* Profectò Græ-
ci Demosthene posteriores, hosce voca-
lîum hiatus diligentius à suis scriptis a-
movere; Græciæque universæ semper fuit
in more positum, adjectivas quasdam li-
teras inferere dictionum extremo per
vocalem desinenti, quando sequens à vo-
cali itidem inchoasset.

VI. Nocet etiam elegantix, quando
capitur initium ab his literis, quæ præce-
dentis vocis erant ultimæ, aut ultimis fi-
nitimæ, v.g. *Nonnulli literati Attico more si-
bila lambebant.* Similiter Cacophaton il-
lud evitare curabimus, quod obscœnum,
facit intellectum. Quare non multum
laudatur illud Maronis *Æn. 3. Casus Cas-
sandra canebat.* Longè injucundior erit
oratio, teste Fabio, si plures syllabæ ver-
bi prioris sint primæ sequentis, quod Ci-
ceroni excidit, ubi inquit: *Res mihi invi-
sa vise.* Et in decantatissimo illo

O fortunatam, natam me consule Romam.

Ubi Echûs prorsus repercussionem ex-
pressit abs re. Similiter cavendum à nimia
ejusdem verbi frequentatione, ut; *Cujus
rationis ratio non extat, ei rationi non est ra-
tio fidem adhibere.* Neque hic excludere
animus est aut Allusionem, aut Tradu-
ctionem, crebram scilicet ejusdem dictio-
nis repetitionem; sed cum casuum aut
modorum varietate, aut mutatione in-
sensu, qualis hæc esset: *Qui nihil habet in
vita jucundius vita, cum virtute vitam non
potest.*

potest colere. Interdum quoque ejusdem dictionis repetitio, seu conglobatio, virtutis quid habet in oratione; nam vehementiam quamdam repræsentat: ut in illâ Didonis imprecatione 4. *Æn.*

*Littora littoribus contraria, fluctibus undas
Imprecor, arma armis; pugnent ipsiq; nepotes.*

VII. Cadentia, vel desinentia, & eodem modo declinata, malè junguntur, ut: *optimorum fortunatorum Imperatorum. vel sententia virorum Italarum, Græcorum, Germanorum &c.* Ideo videndum, ne verba verbis, aut nomina nominibus, similiaque his continuari videantur; sed quando plures casus pari pacto cadentes occurrent; poterit quid inter illos inferi. Cicero, quamvis pro viribus tales vitavit desinentias; tamen pro Milone neglexit, inquiens: *Scutorum, gladiatorum, frenorum, spatorum, pilorumque etiam multitudo*. At fortasse datâ operâ id factum, ut in verbis ipsis similiter cadentibus strepitum, atque sonoritatem exprimeret. Neque verò hac nostrâ præceptione quis abutatur, Homæoptota, aut Homæoteleuta ab oratione amovendo, cadentiam scilicet similem vocum; nam hæc si suis tempore, locisque adhibeatur, maximo sunt ornamento; atque ideo ab Oratoribus interschemata Rhetorices relata fuere. Præterea illa fiunt plurimum in commatibus, aut coli sine; nosque hîc reprehendimus solum proximarum vocum similem desinentiam, quæ fastidium parit.

VIII. Postremò trajectionem verborum, & inconcinnas transpositiones vi-

tabimus; quo in vitio est Lucilius Poëta, ut in plerisque, tum in hoc versiculo:

Hæ res ad te scriptas Luci misimus Æli.

Nec mirum si stans pede in uno trecentos versus similes effundebat. Hujusmodi censetur & illud Virgilii.

*Famque ibat dicto parens, & dona Cupido,
Regia portabat Tyriis, duce letus Achate,*
quæ per Chiasmum, hoc est decussationem hoc pacto declarantur:

*Famque ibat parens dicto duce letus Achate
Regia portabat Tyriis, & dona Cupido.*

Generatim loquendo hyperbata ubi frequentia fuerint, obscuritatem pariunt, atque duritiem; ut monet Quintil. lib. 8. c. 2. Quibus adhuc peior est mixtura verborum, qualis in illo versu:

Saxa vocant Itali, mediis quæ in fluctibus, aras.
Etiam interjectione, cum medio sermone aliquem inserunt sensum, impediri solet intellectus: nisi quod interponitur breve est: Nam Virgilius cum dixisset:

Nec vanos horret strepitus
compluribus insertis aliâ figurâ, quinto demum versu reddit:

*Tum si qua sonum procul arma dedere,
Stare loco nescit &c.*

Hujusmodi Interjectionibus, Hyperbatisque, quibus utebatur frequenter, Apostoli epistolæ, obscuræ prædicantur ab Ireneo l. 3. c. 7. Benedicto Justiniano in Proleg. ad ep. disp. 2. c. 4. aliisque Interpretibus.

IX. Ultimò tandem Amphibologiam, ambiguitatemque in oratione caveamus; non eam solum, quæ incertum intellectum facit, ut: *Sempronium audieram interem-*

psisse

*psisse Demagoram; sed illam quoque, quæ etiam si sensum nequit turbare, in idem, tamen verborum vitium incidit; ut si quis dicat; visum à se hominem scribentem librum. Quamvis enim librum ab homine scribi manifestum sit; malè tamen composuerat, feceratque, quantum in ipso erat, sermonem ambiguum. Inanium quoque verborum amputanda luxuries: necessariaque brevitatis ergò ne omittantur in oratione; ut Fabius suadet his verbis ex lib. 8. c. 2. Est etiam in quibusdam turba inanium verborum, qui dum communem loquendi morem reformidant, ducti specie nitoris circummeunt omnia copiosa loquacitate, quæ dicere volunt: ipsam deinde illam seriem cum alia simili jungentes, miscentesque ultra quam ullus spiritus durare possit, extendunt. Apud T. Livium invenio, fuisse præceptorem aliquem, qui discipulos obscurare quæ dicerent juberet. Et mox: Alii brevitatis æmuli necessaria quoque orationi subtrahunt verba; & velut satis sit scire ipsos quæ dicere velint, quantum ad alios pertineat, nihil putant. Verùm, quia de his & in I. parte actum est, & alibi magis ad rem erit sermo; ulteriùs ne progrediamur. Tantùm animadvertant Titones, varian-
dam semper esse formã inchoandi, & claudendi Periodum: non autem Emistichiis Elegiaci, aut Heroici carminis; de quo improbatur Sallustius, qui Orat. 2. ad Cæs. de Republicâ ordinandâ finem ita imposuit: Multaq; in pectore volvit. Quandoq; tamen sed perrarò negligi potest; præsertim si minus apertæ sint metri leges: quod fecit & Cicero pluribus in locis.*

PARS TERTIA.

D E

ORNATU TROPORUM;

Qui in Verbo consistunt.

*Ad Sermonis Ornatum introductio.**Duplex ejus species. De Tropis
generatim.*

*Ars ubi sermonis partes, qua lege liganda,
Edocuit: jugis quò vos Imitatio ducat:
Dummodo nulla dies vobis exercita desit:
Nunc, Juvenes, ornare Tropis, augere Figuris
Non pigeat, monumenta magis concinna
datturos.*

I.



*Mendatè quidem, ac dilucidè
dicentium tenue præmium
est; magisque vitiis carere,
quàm ut aliquam magnam
virtutem adeptus esse videa-
ris, ait Quintil. l. 8. cap. 3.*

Postquàm ergo de puritate, atque perspi-
cuitate Verborum, quæ elegantem reddit
sermonem, pro vestro captu jam satis ege-
rim; de ipso sermone exornando aliquid
superaddere, operæ precium existimavi;
ut ita paulatim Elocutionis Virtutibus

vos

vos informem, quibus ad veram Eloquentiam parari possitis . Ita prorsus Picturæ Magistri nuda membra docent antè delineare : deinde ipsa vestire . nemo enim effigiem sat bene exornaret ; nisi calleret nudam antè formare . Quid autem gratius juventuti sit ornamentis ?

II. Nemo verò ad Artis huc usque traditæ acquisitionem perveniet , ut aliàs monui , nisi qui assiduâ bonorum Authorum imitatione exerceatur : ut facilè , promptèque quod doctus fuerit , ad praxim reducat . Atque ideo , ne laudabili huic æmulationi materia desit , quæ jucundiores in dies laborem reddant , ministro .

III. Sermonis Ornatus universus consistit aut in Verbo , aut in Sententiâ : seù Verbum translatum sit, & dicitur *Tropus* : seù proprium, & dicitur *Figura*. quamvis nonnulli illum ab istâ negaverint discrepare .

Est Tropus à proprio similis translatio sensu .

Ista vel ex una tantummodo voce resuliet :

Integra sive ipsam nobis sententiâ formet .

IV. Tropus græca vox τροπή mutacionem, vel conversionem significans, definitur à Quintiliano l. 8. c. 6. *Verbi , vel sermonis à propria significatione in aliam cum virtute mutatio .* quibus ex verbis colligitur , Tropum duplicis esse speciei , Verbi scilicet, & Sermonis , seù sententiæ . Nunc de Verbi Tropis agemus , quos sex numeramus , subtiliori quorundam divisione neglectâ, quæ ad praxim non facit : scilicet

150 *De Ornatu Torporum .*
Metaphora, Synecdoche, Metonymia ,
Antonomasia, Catachresis, Metalepsis .

DE METAPHORA .

Cap. I.

Nominis, aut Verbi variat Translatio sensum.
Impropriis docuit voces formare necesse .
Invaluit verò, quòd fortiùs exprimit, usus :
Inde voluptatis causa , qua ornata ministrat .

I. **M**etaphora Græcum verbum μεταφορά antonomastice Translatio , Troporum omnium Princeps cum frequentatissimus , tum longè pulcherrimus, est *Nominis, aut Verbi cum virtute translatio*, ex eo nempe loco , in quo proprium est , in eum , in quo aut proprium deest , aut translatum proprio melius est . Cic. lib. 3. de Orat. *Ut vestis frigoris depellendi causa reperta primò; post adhiberi cœpta est ad ornatum etiam corporis , & dignitatem : sic verbi translatio , instituta est inopiæ causa , frequentata delectationis .* quibus ex verbis aperte patet, Metaphoræ duplicem esse causam à Tullio assignatam , *necessitatem* , ac *delectationem* : hæc autem ex eo oritur delectatio, quod verbum translatum proprio sive est significantius , sive decentius .

II. *Necessitate* Rustici, quoniam propriam non habebant vocem , quâ significarent id, quod est in vite gemmare , luxuriari in herbâ; sitire in segete ; languere in floribus ; in fructibus laborare ; ad metaphoram confugerunt . *Necessitate nos du-*

rum

rum hominem, asperum, aut mollem dicimus: non enim proprium erat, quod daremus his affectionibus nomen. Ea igitur transferri oportet: quemadmodum ait Cic. 3. de Orat. *quæ clariorem faciunt rem*: ut illa omnia Pacuvii,

Inhorrescit mare.

Tenebræ conduplicantur, noctisque & nimbium occæcat nigror;

Flamma inter nubeis coruscat: cælum tonitru contremittit:

Grando mista imbri largifluo subita præcipitans cadit:

Undique omnes venti erumpunt: sævi existunt turbines:

Fervet æstu pelagus. Omnia ferè quo essent clariora, translatis per similitudinem verbis dicta sunt. Cic. de Finib. *Homo asper, & durus oratione & moribus.* Id. de Or. *Orator nulla in re tiro, ac rudis esse debet.* Juven. Sat. II. *Tunc rudis, & Grajas mirari nescius artes.* Virg. I. *Æneid. aspera Juno.* Terent. Eun. *Ejiciunda herclè hæc mollities animi est.* Ovid. de Pont.

Artibus ingenuis, quarum tibi maxima cura est,

Pectora mollescent, asperitasque fugit.

III. *Ad vehementiùs significandum, & quemadmodum ait Cic. 3. de Orat. quo significetur magis res tota, sive facti alicujus, sive consilii: ut ille qui occultantem rem consultò, ne id, quod ageretur intelligi posset, duobus translatis verbis similiter ne ipsâ indicat.*

Quandoquidem iste circumvestit dictis, sepiè sedulo.

Talis etiam notæ: *Vive, Uliſſes, dum licet. Oculis poſtremum lumen radicatum ræpe*. Non dixit, cape, non pete; ut idem notat Cic. haberet enim moram ſperantis diutius eſſe ſeſe victurum: ſed *ræpe*. hoc verbum eſt ad id aptatum, quod antè dixerat, *dum licet*.

Hac ratione dicimus aliquem *incenſum irâ; inflammatum cupiditate; lapſum errore; mente obtuſum, acutum &c.* nihil enim horum ſuis verbis, quàm his arceſſitis, melius exprimeretur: ut cum Cic. de Orat. *indotatam* artem dixit: *dote* verborum locupletare, & *ornare*. Id. ibidem. *Inflammatio animi, & quidem afflatus quaſi furoris*. Id. pro Rab. *Satis eſt homines imprudentia lapſos non erigere: urgere verò jacentes certè eſt inhumanum*. Virg. Æn. lib. 2. *Invadunt Urbem ſomno, vinoque ſepultam*. Claudianus plura ſimul excellentis metaphoriæ nobis ſuppeditat exempla in Ruſſ. ubi de providentiâ & pœnis ſceleſtorum:

*Sapè mihi dubiam traxit ſententia mentem,
Curarent ſuperi terras; an nullus ineſſet
Reſtor, & incerto fluerent mortalia caſu.*

Et poſt pauca:

*Abſtulit hunc tandem Ruſſini pœna tumultum.
Abſolvitque Deos. jam non ad culmina rerum
Injuſtos creviſſe queror. Tolluntur in altum,
Ut lapſu graviore ruant.*

Virg. Æn. 6. *Quiſque juos patimur manes.
Què imitatus Auſon. de malâ conſcientiâ:*

*Tormenta que ſæva gehennæ
Anticipat, patiturq; ſuos mens conſcia manes.*

IV. Ornatus cauſa dicimus lumen orationis: generis claritatem: ſplendorem nominis,

minis, familiæ, virtutis: infortuniorum procellas, ac tempestates. Cic. in Paradox. Nihil tam horridum, tam incultum, quod non splendet oratione, & tanquam excolatur. Id. de Orat. Nam qui locus quietis, & tranquillitatis plenissimus fore videbatur, in eo maxima molestiarum, & turbulentissima tempestates extiterunt. Id. pro Plan. Qui hac populi tempestate jactamur, & fluctibus. Apollodor. latine redditus. Magna fortunæ dona non sine metu sunt; Et splendor eximius periculo non vacat.

METAPHORAE FONTES.

Cap. II.

Quadruplicat proprias Verbi translatio formas. Sive animata vices, sive his contraria præsent.

I. **Q**Uatuor præcipuè fontes assignantur, ex quibus cum virtute desumi potest Metaphora: qui sunt.

Ab animato ad animatum.

Ab inanimato ad inanimatum.

Ab animato ad inanimatum.

Ab inanimato ad animatum.

Ita communiter Rhetores, inter quos Beda qui lib. de Tropis hæc habet: Metaphora fit modis quatuor. Ab animali ad animale, ut. Typhito aurigam celeres facere carinæ. Et. Si sumpsero pennas meas. Nam & homines animam habent. Ab inanimati ad inanimale, ut. Pelagus tenuere rates: nam & Pelagus, & rates animam non habent. Simile est illud. Aperi Libane portas tuas. Et. Qui perambulant semitas maris. Translatio est enim a Civitate ad montem, &

à terra ad mare, quorum nullum animam habet. Ab Animali ad animale, ut :

*Atlantis cinctum assidue cum nubibus atris
Penniferumq; caput vento quassatur & imbri ;
Nix humeros infusa tegit , tum flumina mento
Præcipitant senis, & glacie riget horrida barba.
Nam, ut hæc animalis sunt; ita mons animam
non habet, cui membra hominis adscribuntur .
Ab animali ad animale , ut : Auferam à
vobis cor Lapideum ; non enim lapis , sed
populus animam habet .*

II. *Quum itaque (ut ait Mintur. de Poët.
l. 6.) res omnes, vel inanimæ sint, vel anima-
les ; interdum ejusdem generis alia pro alia
ponitur. Primus igitur fons, quo aliquid pro-
prium alicujus animalis transfertur ad aliud
animal. S. August. in psalm. 91. de Diabo-
lo ait. Latrare potest, sollicitare potest, mordere
omnino non potest, nisi volentem . Cic. de cl.
Orat. Latrant enim jam quidem Oratores, non
loquuntur . Id alibi . Quid latras ? furem vi-
deo . Id. Tuscul. 4. Morderi est optimum
conscientia post commissum facinus . Hort. 1.
epist. 1. Ira brevis, furor est , animum regat ,
qui nisi paret imperat. Hunc frœnis , hunc tu
compesce catenis. Virg. Æn. 4. It nigrum cam-
pis agmen , quum de formicis Poëta loque-
retur. pars agmina cogunt Æn. 6. Animas ille
evocat orco Pallentes : alias sub tristia Tartara
mittit . Item 7. Lamentis , gemituque , &
scemineo ululatu , Ibid. Ac alia tremulis ulu-
latibus æthera complent . Martial. libr. 12.
Epigr. 31.*

*Si vitare velis acerba quædam ,
Et tristes animi cavere morsus ;
Nulli te facias nimis sodalem .*

III. Secundus fons primo oppositus est, quo *ex inanimi ad aliud inanime significandum verbum transfertur*. Sic dicimus Argumentorum congeriem, *silvam*: laudum *segetem*: virtutum *culmen*: *fructum* laborum: *dulces lacrymas*: *lumen veritatis*: *aureos mores*: *pignus amoris*: *semen verbi*: *sedem sapientiæ*: *Radices virtutis amarae*, *fructus verò sapidi*. Ecclesiast. c. 7. *Fili, non semines mala in sulcis injustitiæ*. Ezech. 50. *Libavit de sanguine uva*. Cic. de Orat. *Primum sylva rerum, & sententiarum comparanda est*. Id. pro Mil. *Quid enim odisset Clodium Milo, segetem ac materiam sua gloriæ?* Sic Virgilio *ferrea seges telorum*; *Clypeata seges virorum*. Æn. 7. *atraque latè horrescit strictis seges ensibus*: cum seges propriè frugum sit. Et Georg. 2. *Nec galeis, densisque virum, seges horruit hastis*. Plinius: *Principium culmenque omnium rerum precii margaritæ tenent*. Cic. in Pis. *Gloria est fructus Virtutis*. Catul. *Quæ dulcem curis miscet amaritatem*. Virgilio dicitur *purpureum lumen juventæ*; Livio *dura legis conditio*. Curtius: *Nullum erga me benevolentia pignus, atque indicium omisistis*. Cic. Philipp. 2. *Hujus luctuosissimi belli semen tu fuisti*. Id. de Orat. *Neque verba sedem habere possunt, si rem subtraxeris*. Pulchrè Virgil. Æneid. 6. *Classique immittit habenas*. Catull. *Ubi iste post faselus, antea fuit comata silva*. Prudentius de S. Cassiano Martyre.

Doctor amarus enim discenti semper ephēbo:

Nec dulcis ulla disciplina infantie est.

IV. Tertius fons est, quo pro rebus animalibus inanima ponimus, id est animatis

156 *Metaphoræ fontes Cap. II.*

rebus tribuimus, quæ inanimis propria. Sic de Christi discipulis habemus in sacris Literis: Vos estis sal terræ. Vos estis lux Mundi. Christi bonus odor sumus &c. Sic dicimus hominem durum, asperum, ferreum, sylvestrem &c. In Evangel. apud Luc. c. 21. Arescentibus hominibus præ timore. Cic. ad Attic. Res fluit ad interregnum, & est nonnullus odor Dictatoris. Idem de clar. Orat. Vir ut vita, sic oratione durus, incultus, horridus. Id. Catilinam pestem Reip. appellavit. Æn. 7. Urgeri volucrum raucarum ad littera nubem pro denso avium grege, quarum volatu aër opacari videbatur Virg. Æn. libr. 6. Duo fulmina belli Scipiadas. Id. Georg. & cæco carpitur igni. Horat. Contemptæ dominus splendidior rei? Palingenius l. 6. de fragil. hum. Quid sumus, ô miseri, nisi pulvis motus ab aura. Ex verbis passivis, vel intransitivis scaturit sæpè fons iste. Cœlius Cic. l. 8. ep. 37. Id postquam rescit, & excanduit. Martialis ab hoc fonte egregium habet Epigr. quod est 76. lib. 9.

*Rumpitur invidia quidam, carissime Juli,
Quod me Roma legit, rumpitur invidia.*

V. Ex quo factum est (ait laudatus Mintur.) ut audacius vel sensu vacantibus affectum quandam tribuamus: undè quartus oritur fons Demetrio acceptissimus, quo rebus sensu carentibus, ac inanimis actum quandam, & animum damus. Ita dicimus ridentia prata: natantes campos: fluminaripas mordentia: tempestates frementes: portum naves amplectentem: caveas sinu ferventes: incendium sidera lambens: Ætnam

fluat

flammas eructantem : sic mentientem vulum dicimus : luxuriosa frumenta : spumantia pocula pelagus laceffere : telum manu fugere : lenire, exasperare, mederi vulnera Reip. Bella undique latrantia, Claudianus. Cic. pro Lig. Quid tuus ille, Tubero, districtus in acie Pharsalica gladius agebat? cujus latus ille mucro petebat? qui sensus erat armorum tuorum? Id. 3. Offic. Nullum vinculum ad stringendam fidem jurejurando majores artius esse voluerunt. Ad Attic. Valde memorderunt epistolæ tuæ. Tuscul. 4. Morderi est optimum conscientia post commissum facinus. Ibidem Fœcunditas Orationis in adolescente optanda. Ad Quint. Fr. Natura, frons, oculi persæpè mentiuntur. Mordere herba sapore acri dicitur à Plinio. Vinum tunc esse optimū dicitur, cum blandè mordet. Egregium est illud Virgil. allatum à Quintiliano : pontem indignatus Araxes : ejusmodi est illud Æn. 1. de Ventis. Illi indignantes magno cum murmure montis circum claustra fremunt cum indignari, & fremere animalium sit. latrantem stomachum; lib. 2. Satyr. 2. dixit Horat. qui felicissimè in metaphoris audax ab eodem dicitur Quintil. & satyr. ult. jusdem libr. Quæ prima iratum ventrem placaverit esca. Vulgatum illud : Auro loquente, nihil potest quævis actio. Virg. Georgicorum ab hac Metaph. initium sumit: Quid faciat latas segetes. Id. 1. 3.

labor omnia vincit

*Improbis, & duris urgens in rebus egestas,
Item. Alitur vitium, vivitque tegendo. &
Currus agitare volantes. &*

158 *Metaphoræ fontes Cap. II.*

Georg. 3. *tractuque gementem*

Ferre rotam , & stabulo frænos audire sonantes .

Æn. 1. *Quando hæc te cura remordet.*

Id. 5.

Sed non iccirco flammæ, atque incendia vires

Indomitas posuere : udo sub robore vivit

Stupa vomens tardum fumum: lentusq; carinas

Est vapor : & toto descendit corpore pestis .

Ovid. de Pont. l. 1. Eleg. 5.

Nec tenet incertas alea blanda manus .

Silius . *Currit mortalibus ævum .* Val. Flac.

Spumea subsequitur fugientis semita clavi .

Eoban. Idyll. 14. *Semper abundantes pariunt*

fastidia mensæ. Catul. Exedit cura medullas.

Stat. *Domare æra dixit : idest malleis tundendo mollire. Auson.*

Quàm longa una dies , ætas tam longa rosarum ;

Quas pubescentes iuncta senectæ premit .

In Psal. etiam habemus . *Zelus domus tuæ*

comedit me . Benedicite omnia opera Domini

Domino : laudate , & superexaltate eum in

secula &c. Enigmaticæ præsertim locutiones

hoc metaphoræ fonte plurimùm,

utuntur : ut suo loco notabitur. Notandum

hic demum est , brevitatem etiam,

nonnunquam hac translatione mirabiliter

confici cum maxima expressione: ut in

hac : Telum manu fugit : imprudentia

enim emissi teli brevius , atque significan-

tius propriis verbis exponi non potuit,

quàm est uno significata translato.

ALIA METAPHORARUM PARTITIO .

Cap. III.

*Præterea Cælum dicenti , Elementaque cuncta
Et Meteora simul, quæ mixtis orta Elementis;
Quodlibet & præstat nobis translata metallum.
Quin sensus ipsi, queis dat natura vigere ,
Quælibet atq; Artes hæc ornamenta ministrant.*

I. **P**lacuit Ciceroni l. 3. de Orat. alia.
Metaphoræ partitio : sed quemad-
modum omnia flumina intrant in mare ;
ita omnia ista capita comprehenduntur in
illis, & ad ea reducuntur . Attamen ne
aliquid , quod è re sit , præterijisse videa-
mur, hanc pariter exponemus. Et primo à
Cælo , & rebus Divinis dicimus *Justitiæ*
Solem servatorem nostrum *Jesum Chri-*
stum : *Stellam matutinam* , & *Auroram* ejus-
dem *Virginem Matrem* : *Stellas* etiam , &
lucem Ecclesiæ *Doctores* &c. Sic etiam
Splendorem, & *Divinitatem* ingenio tribui-
mus &c. Cic. de Orat. 2. *Homo divinus in*
dicendo . Ad *Quirit.* *Divina quedam* , &
inaudita auctoritas atque virtus. Ad *Brut.* *Res*
à te gesta est memorabilis, & *pœnè cœlestis* . In
Catil. *Hæc Urbs lux Orbis terrarum.* Id. *Te-*
rentiæ . *Hem mea lux , meum desiderium* .

II. Ab *Elementis* : & primo ab igne
cujus sunt splendor , ardor , flamma , in-
cendia , fuligo , fumus &c. Hinc dicimus
splendere virtutem : *molestiis uri* : *exardē-*
scere amore , *irâ* : *inflammari cupiditate* :
incendi ad laborem : *fuliginem dubitatio-*
num, *fumum adulatorum* &c.

Virg. Georg. *Cæco carpitur igni* .

En.

160 *Alia Metaphor. patritio. Cap. III.*

Æn. Igneus est ollis vigor, & celestis origo. Uritur infelix Dido, flammamque fatetur. Cic. de Legib. Tanta est corruptela male consuetudinis; ut ab ea tanquam igniculi extinguantur à natura dati. De clar. Orat. Ardor animi non semper adest: idque quum consedit, omnis illa vis & quasi flamma orationis extinguitur. Ibid. Magno ardore inflammatum esse in patriam. In Pison. Non extingtor, sed auctor incendii. De Orat. Motus animorum inflammare, & extinguere. In Verr. 3. Communi presidio talis improbitas, tanquam aliquod incendium, restinguenda est. Epist. lib. 11. Caesar à Crasso in me est incensus. De offic. 1. Inflammatus cupiditate vincendi. Suet. Urebant anxiam mentem varia undique convitia. Quintil. lib. 11. Fuligo lucubrationum bibenda. Horat. lib. 3. od. 29.

Omitte mirari beate

Fumum, & opes, strepitumque Roma.

II. Ab aëre, qui serenus, clarus, tranquillus, nubilus, obscurus, tenebrosus, caliginosus, ventosus, &c. Hinc serenam mentem, tranquillos appetitus, præclarum ducem, nubilum animum, obscurum scriptorem, ventosum aulicum dicimus &c. Auctor ad Heren. *Falsi amici sereno vitæ tempore præsto sunt. Cic. 3. Tusc. Frons tranquilla, & serena. De senect. Virtus clara, & insignis. In Pison. Frontis tuæ nubeculam pertimescerem. Pro Dom. sua. Nubes Reip. Ibid. Quæ tu in illis Reipubl. tenebris, cæcisque nubibus, & procellis constituisti. In Verr. Obscurat magnitudinem periculi lucrum. 1. Tuscul. Et hæc indoctorum animis offusa caligo est.*

Cic.

Cic. In primis rogo te ad hominem ventosissimum, Lepidum mittas. Horat. lib. 3. od. 25.

Prudens futuri temporis exitum

Caliginosa nocte premit Deus.

Ovid. Trist. lib. 1. eleg. 1.

Carmina proveniunt animo deducta sereno :

Nubila sunt subitis tempora nostra malis.

III. Ab *Aqua*, cujus sunt mare, fontes, flumina, rivi, lacus, putei, pluvia, inundationes, voragines, vortices, fluctus, procellæ, scopuli, syrenes, naves, littora, portus &c. Hinc in vitæ navigatione dicemus *Oceanum* Divinæ Misericordiæ: fontem regenerationis: rivos lacrymarum: coelestium gratiarum flumina: lacus miseriæ: puteos ignorantia: pluvias calamitatum: tentationum inundationes: malarum occasionum voragines: vortices insidiarum: morborum fluctus: ærumnarum procellas: scopulos difficultatum: syrenes illecebrarum: navim Sacramentorum: littora consiliorum: portum salutis &c. *Cic. de Orat. l. 2. Rerum fontes non videre, & rivulos confectari, tardi ingenii est. Idem. Flumen orationis, & varietas. Id. pro Planc. Campus & undæ illæ Comitiorum. In Verr. Immensa aliqua vorago, aut gurges vitiorum. de Invent. 1. Sedatis fluctibus, & tempestate commutata. Pro Dom. Patriæ procella, turbo, ac tempestas pacis. Pro Rabir. Nec tuas unquam rationes ad eos scopulos appulisses, ad quos Sex. Titii afflictam navem, & in quibus C. Deciani naufragium fortunarum videres. De orat. 3. Oratores autem in inferum hoc Tuscum, & barbarum, scopulosum atque infestum laberentur, in quo etiam*
Uliſſes

Ulysses errasset. Tusc. Q. 1. Paratum nobis portum, & perfugium mortem putemus. Virg. Vomens calidum de pectore flumen. Id. lib. 12. Tempestas telorum, & ferreus ingruit imber. Ovid. de Pont. l. 2. eleg. 5.

Distat opus nostrum, sed fontibus exit ab iisdem. Idem.

Spargebat tepido flebilis imbre genas.

IV. A Terra in quâ viæ, semitæ, campi, prata, montes, colles, planities, vales &c. Hinc dicimus *viam* mandatorum currere: per campos deliciarum expatiarî: *prata* luxuriæ vitare: *montem* contemplationis ascendere: *planas*, ac *tritas* consuetudines amare: *lacrymarum* è *valle* discedere. Dicimus etiam *foecundari* mentem, *ingenium* *sterilescere*: nil nisi *terram* sapere &c. In sacris literis: *Vias* peccatorum disperdet. Omnis mons, & collis humiliabitur. *Viam* mandatorum cucurri cum dilatasti cor meum. Ego sum *via*, de se ait Christus. Sanctus Gregorius homilia 33. in Luc. 12. *Aperta est vobis lectio recitata: sed ne aliquibus ipsa ejus planities alta fortasse videatur, eam sub brevitate transcurrimus. Cic. de clar. Orat. Ut eam laudis viam rectissimam esse duceret, quam majores ejus ei tritam reliquissent. In Verr. Jam intelligetis, hanc pecuniam, qua via modo visa est exire ab isto, eadem semita revertisse. Acad. quæ. Cum sit enim campus, in quo possit exultare oratio. Philip. Magnus est in Rep. campus, ut sapienter dicere solebat Crassus; multis aptus cursus ad laudem. Virg. 1. Æneid. Præruptus aquæ mons. Catul. Alarum vallis: Eobanus;*

Difficiles sunt namque viæ , durique labores Musarum .

Habet præterea tellus tribulos, spinas, rubos , foenum, herbas , germina , frutices , arbores, vites, flores , fructus &c. Sic dicimus aliquem in *tribulis* , ac *spinis* tribulationum jacere : *foenum* humanæ gloriæ , ac felicitatis brevi arefcere : mundanos homines *herbam* esse, ac nisi *evellantur* per mortem à terra separari non posse : *arbores comatos* , ac *infructiferos* esse ambitiosos : *palmites* à Christo separatos , qui *Vitis* est , esse hæreticos : *florem* juventutis brevi marcescere : *fructum* sibi ipsi virtutem esse &c. Cic. de finib. lib. 4. *Panæsius nec acerbiter sententiarum , nec differendi spinas probans .* Ezech. *Et erunt in Cedrum magnam .* Psal. 7. *Posuerunt Jerusalem in pomorum custodiam .* Eccles. 24. *Flores mei fructus honoris , & honestatis . Sapi autem suam spinis &c.*

V. A *Meteoris* , idest mixtis imperfectis, quæ , ut docet Aristoteles , in aëre generantur per exalationem ex terrâ, aut aquis . Horum alia *ignita* sunt , alia *humida*, *mixta* , & *aquosa* . Ignita sunt tonitrua, fulmina, stellæ crinitæ , & cadentes, titiones, candelæ , capræ saltantes , Cometes &c. De his Lucanus lib. 1.

Ignota obscuræ viderunt sydera noctes ,
Ardentemque polum flammis , cœloque volantes

Obliquas per inane faces, trinemq; timendi
Syderis, & terris mutantem regna cometem .
Aquosa verò sunt ros, pruina, nix , grandio, nebula, caligo &c. Sic dicimus oculos
cali-

caligare : mentem , aut frontem *obnubilari* :
imbre , *nimbo* verborum obruere : verbe-
rum , vulnerum *grandine* opprimere : *ni-*
veum corde pudorem fervare : teneram
juventutem libidinis *pruina* peruri, & con-
sumi : *rorem* eloquii emittere : cœlestis gra-
tiæ *rore* nutriri . Ita pariter dici possunt
Capræ saltantes Reip. inquieti , & novita-
tis amici : *Candele* qui bonis ipsam illu-
strant operibus : *titiones* , qui ad aliud uti-
les non sunt , quàm ad excitanda incen-
dia seditionum : *crinitæ stellæ* , qui ingenium
in Reip. damnum occupant : *cadentes* , qui
post plura bona aliquod enorme patra-
runt facinus : *fulmina* , qui velociter & qua-
si ictu oculi res sibi commissas expediunt :
tonitrua , qui multum rumoris faciunt , ti-
moremque incutiunt . In Orat. *Pericles ab*
Aristophane Poëta fulgurare , *tonare* , permis-
cere *Graciam dictus est* . Philipp. *Quæ porro il-*
la tonitrua ? quæ tempestas ? Ad Attic. 4.
Fulmen Litterarum : pro Cornel. Imperii
nostri duo *fulmina* Cn. & P. Scipiones . pro
Domo sua . *Quæ tu in illis Reip. tenebris* ,
cæcisque nubibus , & *procellis constitui* .
Tuscul. Quæst. lib. 5. *Hæc indoctorum ani-*
mis offusa caligo est . Ovid. *Oculis quoque pu-*
pula duplex Fulminat , & *geminum lumen in*
orbe manet . Scribunt enim naturales , no-
xii visus esse , qui *geminâ pupillâ præditi*
sunt .

VI. *A Metallis* , quæ numerantur *au-*
rum , *argentum* , *es* , *ferrum* , *plumbum* , *ar-*
gentum vivum : his adjacet *electrum* , quod
ex auri , & argenti permistione coalescit ;
stannum verò quid medium argenti , &
plum;

plumbi naturâ putatur. Nota, incensâ Corintho, aurum, argentum, æs in unum fluxisse: undè ea emerfit mixtura, quam *es Corinthium* vocarunt.

1. Ab auro Cic. *aureum genus*. Virg. *au-rea secula*. Catull. *aurea horæ*. Virg. *Æn. 8. Aurea cesaries illis, atque aurea vestis*. ubi *vestem* dixisse vatem pro *barba*, affirmat Servius, Germanus, Gifanius, & docti quique: ut notat Ludovic. de la Cerda. Cic. Acad. quæst. *Flumen orationis aureum fundens Aristoteles*. id. ad Octav. *Aureus par-tus*. De natur. Deor. *Illo aureo genere, ut poëta loquuntur: ibidem Aureola oratiuncu-la*. Acad. quæst. *Aureolus libellus*. Lucret. *Floriferis ut apes in saltibus omnia libant; Omnia nos itidem depascimus aurea dicta: Aurea perpetua semper dignissima vita*. Calphurnius. *Aurea securâ cum pace rena-scitur etas*.

2. Ab argento Cic. *argenteum flumen*. Sic vocem *argenteam*, pro clarâ, & sono-râ: *argenteos crines*, pro canis dicimus. Virg. *Æn. 8.*

Atque hic auratis volitans argenteus anser Porticibus.

Propert. lib. 4. eleg. 4. *Argentea lilia*.

4. A ferro Virg. Georg. 2. *ferrea vox*. Cic. in Pison. *ferreum os* dixit pro impu-dente. Epist. fam. 15. *Ferreus essem, si te non amarem*. Virg. Eclog. 4. de Octaviano Augusto.

Tu modò nascenti puero, quo ferrea primùm Desinet, ac toto surget gens aurea mundo, Casta fave Lucina.

Tibull. lib. 1. eleg.

*Quis fuit, horrendos primus qui protulit enses?
Quàm ferus, & verè ferreus ille fuit !*

3. *Ab ære Horat. lib. 1. od. 3.*

Illi robur, & æs triplex

Circa pectus erat, qui fragilem truci

*Commisit pelago ratem Primus : idest ille
erat animo penè æneo, aut ferreo (æs enim
pro quocumque etiam accipitur metallo)
atque adversus omnes terrores maximè
communito, qui primus navigare ausus
est : ut explicat Lambinus.*

5. *A plumbo plumbeus homo apud Te-
rent. idest hebes, rudis, obtusus. sic plum-
beum ingenium. plumbeum esse in nego-
tiis. plumbea facies, idest livida. Plautus
plumbatas iras dixit, graves, & quæ faci-
lè uon obliterantur. Hor. auster plumbeus,
idest gravis. Cic. 4. de finib. O plumbeum
pugionem ! idest argumentum frigidum.
Id. ad Actic. Quum illum plumbeo gladio
jugulatum iri tamen diceret. De finib. 4.
In animi autem cognitione dubitare non pos-
sumus; nisi planè in physicis plumbei simus.*

VII. *A sensibus qui sunt visus, audi-
tus, gustus, odoratus, & tactus. & primò
à visu, ad quem pertinent oculi, pupilla,
lux, lumen, tenebræ, colores omnes, cer-
nere, discernere, pulchrum, turpe, defor-
me, horrendum &c. Hinc pupilla oculo-
rum pro dilectissimo: vox turpis: turpes mo-
res: turpe genium: mens cæca: deformis
conscientia: animæ pulchritudo: alicujus
voluntatem videre: futura prospicere &c.
Psalm. Oculi mei semper ad Dominum,
idest mens, & animus. Cic. in Oratore:
Aspera, tristis, horrida oratio. In Catil.*

Cerno

Alia Metaphor. patritjo. Cap. III. 167

Cerno animo sepultam patriam. Item in Orat. Horridè, incultè dicere, vel vivere. Offic. 1. Luxuria verò tum omni etati turpis, tum senectuti fœdissima est. Pro Font. Vita turpis, & infamis. De Orat. Deformata ignominia imago. Euripid. in Troade. Gloria non turpis urbi fortiter perjisse. Virg. 6. Æneid.

Et metus, & malè suada fames, & turpis egestas.

Item. Nec auras

Respiciunt clausæ, tenebris, & carere caco.

2. *Ab auditu, cujus est vox, sonus, loquela, cantus, murmur, rumor, fremitus, clangor, strepitus, stridor, musica, melodia, cantus, concentus, harmonia. Item Orphæus, musici, musæ, carmina. Item tubæ tympani, organa, tybiæ, arundines, lyræ, cytharæ, cymbala, sambucæ, testudines, nervi, plectra, fides &c. Cic. de nat. Deor. Aër nobiscum videt: nobiscum audit: nobiscum sonat. De offic. Sic vivendum est, in vita ne fortè quid discrepet: vel multò etiam magis, quo major, & melior actionum, quàm sonorum concentus est. Ibidem lib. 3. Honestate igitur dirigenda utilitas est: & quidem sic, ut hæc duo verba inter se discrepare, re unum sonare videantur. Aratus.*

Nec metuant canos minitanti murmure fluctus,

Virg. Æneid. 8.

Et rauco strepuerunt cornua cantu.

3. *Agustu, ad quem spectat gustare, edere, deglutire, exorbere, vorare, devorare, inebriari, vomere. Item cibus, potus,*

rus, vinum, aqua : sapidum, insipidum, dulce, amarum, acerbum, maturum, asperum, acre : appetentia, inappetentia, fames, sitis, jejunium, voracitas, sobrietas, ingluvies. In sacris Litteris : *Gustate, & videte, quoniam suavis est Dominus. Beati qui esuriunt, & sitiunt iustitiam; quoniam ipsi saturabuntur*, ait Christus Dominus in Euang. *Dulce lignum, dulces clavos, dulce pondus sustinuit, de Cruce canit Ecclesia. Cic. Philipp. 2. Gustaras civilem sanguinem, vel potius exsorbueras. De Orat. Dulcedo orationis. In partit. Suavitatis multa praecepta orationem obscuram, aut minùs probabilem reddunt. In Pison. Ille gurgis, atque heluo natus abdomini suo, non laudi, atque gloriae. Item Pompejus non gustarat istam tuam philosophiam. Virg. Aeneid. 3.*

*Quid non mortalia pectora cogis,
Auri sacra fames?* Ecl. 3. *Quisquis amores.
Aut metuet dulces, aut expietur amaros.*

Georg. 3.

Et dulces animas plena ad praesepia ducunt.

Aen. 1. Longumque bibebant amorem.

4. Ab odoratu, à quo habemus nares, odorem, odorari, subodorari, olere, putere, fetere, olfacere: ad hoc unguenta, balsama, opobalsama, aromata &c. In Sacris : *Christi bonus odor sumus. In odorem ungentorum tuorum currimus &c. Cic. de Orat. Odor urbanitatis. Item. Odoror quam sagacissimè possum, quid sentiant iudices. Item. Odore aliquo legum recreatus. Pro Rosc. Nonne ipsum caput, & supercilia illa penitus abrasa olere malitiam, & clamitare calliditatem*

tatem videntem? In Pis. Hic autem jacebat in suo Græcorum fœtore, & vino. Ad Attic. lib. 6. Illud præterea muscoteron ad te scribam: tu sagaciùs odorabere. Horat. lib. 1. Satyr. 4. Emunctæ naris, vocavit Lucilium Satyræ inventorem: idest sagacem, & acri judicio hominû mores, & vitia odoranté. Id. Sat. 3. Minus aptus acutis Naribus horum hominum. Id. lib. 1. Epistolas. Sed nimis arcta premunt olida convivia capræ. ubi capra pro inhonestâ muliere.

2. *Atactu, ad quem spectat tangere, attingere, palpare, premere, durum, lene, molle, asperum, rude. Item portare, sustinere, trahere pondus, onus, jugum, grave, leve, &c. hinc dicitur palpare pro adulari: asperi mores, aspera lingua, dura cervix. Alligant enim onera gravia, & importabilia, & imponunt in humeros hominum: digito autem suo nolunt ea movere: ait Christus de Pharisæis. Cic. de Orat. Mollitudo humanitatis. Item. Neque ulla est temperatior oratio, quàm illa, in qua asperitas contentionis Oratoris ipsius humanitate conditur. Apud Lucilium de gladiatorum magistro:*

Quamvis bonus ipse

Samnis in ludo, ac rudibus civis satis asper.
Virg. 1. Æneid.

Aspera tum postis mitescent sæcula bellis.
Marull.

Ut rudibus pueris monstratur litera primum.
Mantuanus.

Currere in ætatis gravia infortunia nostra.
Ovid.

Molle meum levibus cor est violabile telis.
Horat. lib. 2. Satyr. 1. de Cæsare.

H

Cui

Cui male si palpare recalcitrat undiq; tutus .
 Idest blanditias , & assentationem aspernatur, ac respuit : translatione etiam desumptâ ab equis calcitrosis . Idem lib. I, Satyr. 7.

Durus homo , atque odio qui posset vincere Regem .

VIII. Ab *Artibus* tum liberalibus, quæ hoc versu continentur :

Lingua, tropus, ratio, numerus, sonus, angulus , astra .

Tum *Mechanicis*, quæ sequenti :

Rus, nemus, arma, rates, & vulnera , lana , faberque

Hinc dicitur ex liberalibus , nempè ex Grammatic. *nomen* bonum pro bonâ fama : habent & Cæli *linguam* suam . ex Rethor. oculorum *suadela* : lacrymarum *facundia* : auri *eloquentia* . ex Logic. telorum *argumenta* : illecebrarum *fallacie* . ex Poët. *numeris omnibus* absolutum dicimus perfectum virum : Continere omnes *numeros* virtutis . In *quadrum numerum* sententias redigere . ex Music. *Virtutum concentus* : legum *harmonia* : *harmonicum* corpus . i. pulchrum juxta mentem Platonis , qui pulchritudinem proportionem esse membrorum dixit . ex Mathem. *Centrum* hominis Deus est . *Lineam* transilire pro peccare : lapis *angularis* dictus est Christus . *quadratus* homo idem ac perfectus . Ex Astronom. *apogeeum* dignitatum conscendere : virtutum *eclipticam* percurrere : sanguinis , ac virtutis nitore *splendescere* : virtutum *radios* immittere : *eclipsim* pati : intelligentiæ, vel activitatis *spheram* prætergredi &c.

Ex

Alia Metaphor. partitio. Cap. III. 141

Ex mechanicis, quæ uberiolem, ac faciliorem ad translationes materiem præstant, & primò ab agriculturâ dicimus *incultam* juventutem : ingenium, & artes colere : vitiorum *radices evellere* : hostes *extirpare* : amorem animo *inserere*. In Sacris : *Qui seminant in lacrymis in exultatione metent*. *Messis quidem multa; operarii autem pauci* &c. Cic. de clar. Orat. *Animi non omnes culti fructum ferunt*. pro Arch. Ego verò omnia, quæ gerebam, jam tum in gerendo spargere me, ac disseminare arbitrabar in Orbis terræ memoriam sempiternam. Tusc. 4. *Perturbationes extirpandas putamus*. de amic. *Nisi ex ejus animo extirpatam humanitatem arbitremur*. Virg. 3. Æneid.

Polydorus ego. hic confixum ferrea texit

Telorum seges.

Ovid. de Pont. 1. 2. el. 5.

Artis & ingenue cultor uterque sumus.

A venatoria, aucupio, & piscatu. Laudes venari: aucupari incommoditates: *laqueum injicere*: *retia parare*: *difficultates expiscari*. In sacris. *Arcum tetendit, & paravit illum*. Auth. ad Heren. *Venari laudem modestiæ*. De nat. Deor. 1. *Venator, speculatorque naturæ physicus*. In Verr. 6. *Mirandum in modum Canes venaticos eos diceret: ita odorabantur omnia, & pervestigabant*. Plaut. milit. 10. *Venator adest nostris consiliis, cum auritis plagis*. ubi idem *Venator*, ac explorator, & insidiator. Idem in Bacchid. 1. *Piscatus meo animo hic tibi boæ evenit bonus*. A militari. *studiorum concertationes inire*: *verbis digladiari*: *obsequiorum obsidione vinci*: *animum expugnare* &c.

172 *Alia Metaphor. partitio. Cap. III.*

Cic. de finib. lib. 1. *Concertationes in disputando pertinaces indignæ philosophia. Tusc. quæst. 1. 1. Cum eorum vita mirabiliter pugnat oratio. Virg. 1. Æneid. Longum per valles pascitur agmen.*

Et parum infra.

Nec prius abhsit, quam septem ingentia victor Corpora fundat humi, & Æn. 12.

Tum demum movet arma Leo.

A nauticâ. ad virtutem velis, remisque contendere: portum solitudinis optare: difficultatum scopulos declinare: justitiæ clavum regere &c. Cic. ad Papyrium Pætum l. 9. 15. Sedebamus in puppi, clavumque tenebamus: nunc autem vix est in sentina locus. de Senect. Ille autem clavum tenens quietus sedeat in puppi. Pro Sestio: Quos repentina aliqua vis, & tempestas, perculit popularis. in Cat. Quanta tempestas invidia impendeat. pro Domo sua: Tu procella patriæ, turbo, & tempestas pacis.

Incidit in Scyllam cupiens vitare Charybdim. Ovid. de Pont. l. 2. eleg. 7.

Capta tene quæso, nec in æquore desere navem: Meque simul serva, iudiciumque iuum.

Catull. Absortus vortice amoris.

A medicâ cōscientiæ, patriæ, reip. vulnera curare, fovere, lenire refricare exasperare. Cic. famil. lib. 15. 22. Vulnus injuriæ, sanandum: pro Cælit. Vulnus in moribus, aut natura. ad Att. 5. 33. Vulnus imponere provincie. ad eund. 12. 19. Quæ res forsitan sit sit refricatura vulnus meum. In Pison. Major hæc est vita, fama, salutis suæ vulneratio. Virg. Eclog. 8.

Talis amor teneat, nec sit mihi cura mederi.

1. Æneid.

I. *Æn. Cum Juno æternum servans sub pectore vulnus.*

& 12. *Exsuperat magis, egrescitq; medendo.*

A *Textoriâ. Orationis telam ordiri: Historiam texere: mendacia verbis vestire &c. iniquitatis hypocrisis velo tegere. Cic. ad Att. 4. 50. Paulus in medio foro basilicam jam penè texuit jisdem antiquis columnis. ad Pætum 1.9.48. Epistolas verò quotidianis verbis texere solemus. de Orat. Inventa vestire, atque ornare. In Verr. Triumphi nomine tegere, & velare cupiditatem suam. ad Q. frat.*

II. *Multis enim simulationum involucris tegitur. Flor. de Camp. Neap. Hic amicti vitibus montes Gaurus, Falernus, Massicus, & pulcherrimus omnium Vesuvius Ætna ignis imitator. Virg. Georg. 2.*

Atque olea magnum vestire Taburnum.

Claud. de raptu.

Itur in æterno vestitor gramine campos.

A *Fabrefactoria. dolos machinari: conjurationem moliri: imposturas architectari: moribus edificare: pravas consuetudines destruere: verbis edificare; exemplis verò destruere: orationem limare: actiones ad rationis limam revocare. Cic. Volumnio 1.7. Opus est hic limatulo, & polito tuo judicio. i. terfo, & subtili. pro leg. Manil. Qui postea quam maximas edificasset, ornassetque Classes. pro Arch. An cum statuas, & imagines, non animorum simulacra, sed corporum, studiosè multi summi homines reliquerint: consiliorum relinquere, ac virtutum nostrarum effigiem nonne multò malle debemus summis ingeniis expressam, & politam? idem de clar. Orat. Habuit a natura genus quod-*

174 *Alia Metaphor. partitio. Cap. III.*

dam acuminis, quod etiam arte limaverat. 4. Acad. Nihil est clarius energia, ut Græci: perspicuitatem, aut evidentiam nos, si placet, nominemus: fabricemurque, si opus erit, verba. 1. de Orat. Orationis faciendæ, & poliendæ ignarus. 1. de Finib. Non satis politus bonis artibus. Quintil. 1. 2. Multum indè decoquent anni; multum ratio limabit. Horat. 1. 1. satyr. 10. de Lucilio.

Fuerit limator idem

Quam rudis. Ovid. 1. de Pont.

Scilicet incipiam lima mordaciùs uti:

Ut sub iudicium singula verba vocem?

IX. Nihil tandem est in rerum naturâ: ut ait Cic. lib. 1. de Orat. cujus nos non in aliis rebus possimus uti vocabulo, & nomine: undè enim simile duci potest (potest autem ex omnibus) indidem verbum unum quod similitudinem continet, translatum, lumen afferet orationi: quo quidem modo in singulis verbis nullus est florentior: ut eodem libro idem affirmat Cicero.

Notat Minuturnus, Metaphoram interdum duplicari: ut apud Virg. *Æn. 9. Ferrumque armare veneno. & 10. calamos armare veneno.* neque enim propriè ferrum, calamosque armari dicimus, neque etiam veneno. Talis etiam apud Claud. lib. 2. de raptu.

Ter cardine verso

Præfagæ cecinere fores: ter conscia fati

Flebile terrificis gemuit mugitibus Æthna.

quibus in locis videre facile est quantum expressionis augeat duplicata translatio.

AD-

A D M O N I T I O .

*Pleraque laudandus translata reciprocatur usus;
Cœlorum flores, pratorum sidera, dicens.*

Non tamen hæc semper poteris mutare vicissim.

Reciprocâ verborum translatione stellas dicimus Cœli flores, & flores Terræ *Stellas*: gemmantem floribus hortum, & florentia littora gemmis. In omnibus tamen talis non est proportio, quâ converti possit metaphora. Itaq; si Virg. *Æn.* 6. dixit *semina flammæ*; quis audeat dicere *flammam seminis*? Sic linguam *flabellum seditionis* dixit Cicero pro Flac. non tamen æquè benè *seditio* dici potest *flabellum linguae*. Virg. in Buc. *Florida quum tellus gemmantem picta per herbas*. Id. *Georg.* 1. *Ac prius ignotum ferro quam scindimus æquor*: idest terram à planitie; quod propriè dicitur de mari. *Quid tam planum, quam mare?* ex quo etiam *æquor* illud poëtæ vocant, ait Cic. in Acad. quæst. *Cœli æquora* etiam apud poëtâs habemus.

METAPHORÆ VITIA.

Cap. IV.

Necessitas ex carentiâ proprii vocabuli, vis rem significantius exprimendi, & exornatio, ut supra dixi, sunt causæ translationis. Quum ergo nihil horum præstabit, inutilis, ac vitiosa est habenda; & orationem potiùs deturpat, quàm ornet. Ea propter quatuor prima-

ria vitia, virtutibus hisce contraria, metro, ex instituto, hic expressa.

Sensu dura nimis, nimiumque remota caveto.

Ne nimio majus nostram noletur in artem;

Quod fœdum sapiat, sapiat quod vile, repelle.

I. Primum Metaphoræ vitium est, si dura sit, & violenta: propter dissimilitudinem, quam Cic. ubique, ac præsertim 3. de Orat. detestatur: ut *cœli ingentes fornices Ennii*: quamvis enim sphaeram in scenam, ut dicitur, attulerit; tamen in sphaera fornicis similitudo non potest inesse. Tale est Plauti *lippire dentes famelicos*, ab oculis lippitudinem transferentis. Durum est *rostram* pro ore fluminis dicere: durū *capitis vellera* pro capillis; & his similia. Hujus vitii Demosthenem Aeschines incusat, eum ait non verba effundere, sed portenta. Attamen duritiem hanc Epithetis, vel aliis adjunctis, emollire poterimus: Si vereare, ait Cic. lib. 3. de Orat. ne paullo durior translatio esse videatur: mollienda est præposito sæpè verbo: ut si olim M. Catone mortuo, pupillum Senatū quis relictum diceret, paullo durius: sin, ut ita dicam, pupillum, aliquanto mitius est. Etenim verecunda debet esse translatio, ut deducta esse in aliorum locum, non irruisse: atque ut precario, non vi, venisse videatur. Durum est Tonitruum Tubam appellare? dicamus salutarem; vel cœlestem Dei tubam: & benè audientium animis insonabit. Dicamus Evangelicam tubam, & Sacros Oratores notabit. Durum est, & obscurum Mundum per translationem canticum dicere?

cere? Sed si cum Augustino Mundum *Dei canticum* nuncupabimus; mirabilem, & supra omnem symphoniam suavem rerum omnium concentum statim percipiet auditor. De Mundi sonitu ita Cic. in Somn. Scip. 19. *Sonitus totius Mundi in citatissima conversione tantus est; ut eum aures hominum capere non possint.*

II. Vitium secundum est, si longius quam par est, ducatur similitudo. Hinc Cic. 3. de Orat. patrimonii scopulum potius, quam *Charybdim* vult prodigum dici: cuius ratio est, quod

Segnius irritant animos demissa per aures; Quam quæ sunt oculis subjecta fidelibus. Syrtim & Charybdim pauci noverunt: scopulos & voragines multi. A longinquo ducta esset, si diceres *magnum librorum, scelerum lapidum populum*; quamvis enim, qui hominum est proprius *populus*, de brutis dici queat, ut piscium *aquaticus*, avium *aëreus*, apium *mellistius populus*; id tamen non valet de inanimis. *Persium* longè petita metaphoræ obscurum fecerunt, inquit Anton. Lull. Orat. lib. 6. c. 14. In eadem navi fuit Lucret. teste Turnebo lib. 6. c. 24. ubi *Glaciem aris*, dixit audaciâ in loquendo penè temerariâ, pro soliditate. Longè quodque petita translatio à Martiali ubi l. 8. ep. 80. *Sacula cana* dixit; ab Ennio similiter ubi *Irarum quadrigas*; ab Horatio, cum ventos equitare undas scripsit. Et illo *Juppiter hybernas cana nive conspuat alpes.*

III. Tertium vitium, si per translationem plus nimio exprimamus, aut certè, quod sæpius accidit, minus, quam res posulet.

Debet enim esse conveniens rei, quam significamus, &, ut inquit Cicero, verecunda; nam translata nimis audacia, repudiantur ab auribus. Tale esset, si *commessionis* diceres *tempestatem*: tempestas enim multo amplior res est, quam exigat commessatio. Oppositum vitium esset, si diceres *Tempestatis commessionem*: debet enim metaphora plus valere eo, pro quo ponitur; ut docet Quintilianus: & ex Demetrii sententiâ, magnitudinem & voluptatem orationi debet afferre: hæc autem deprimat. Neque angustius debet esse translatum verbum, quam proprium: ut illud Accii ex Atræo: *Quidnam est, obsecro? quod te adiri abnutas. melius esset, vetas, prohibes, absterres.*

IV. Quartum vitium est, si quid turpe, ac sordidum representet. Non enim, quia Cicero rectè *sentinam Reip.* dixit, foeditatem hominum significans; idcirco probandum est vetus illud: *Persecuisti Reip. vomicas.* Undè Cic. lib. 3. de Orat. *Nolo, morte dici Africani castratam esse Remp. Nolo stercus curiæ dici Glauciam.* quamvis sit simile, tamen est in utroque deformis cogitatio similitudinis.

Hac de re ità idem Quintil. lib. 8. cap. 3. *Vel hoc vitium sit, quod Cacophaton vocatur: sive mala consuetudine in obscenum intellectum sermo detortus est: ut patrare bellum apud Sallustium, dictum sanctè, & antiquè, ridetur à nobis: quam culpam non scribentium quidem iudicio, sed legentium: quatenus verba honesta moribus perdidimus: & evincen-
tibus etiam vitiis cedendum est, Modestix, ac
honesti-*

honestatis monita christiani ab ethnic^o scriptore ne dedignemur excipere . De hoc ipso vitio à D. Hieronymo notatus fuit Rufinus, cum scripsit : *Et indignaris, si putide te loqui arguam ; quum comœdiarum turpitudines, amatorumque, ludicra Ecclesiasticus scriptor assumas .* Quod turpe , id inornatum censent ; ideòque cum cogimur minus honesta significare , circuitione uti debemus .

VITIA CIRCA USUM METAPHORÆ .

Cap. V.

Translato à verbo nomen ne discrepet unquam .
Ursus immodicus nobis fugiendus, at usus .

Orator ne sibi, quæ sunt concessa Poëtis . (mento .
Sumat, & Historicus ? Vitium hoc vitare me-
Quodlibet audendi Vati datur ampla potestas :
At reliquis æquè scriptoribus ista negatur .

I. **C**UM translatione aliquâ uti cœpi-
 mus , verbum nomini , nomen
 verbo aptè accomodemus : ac tandiu per-
 sistamus in ipsâ metaphorâ , donec sen-
 tentia aptè concludatur . Ita tradit Fa-
 bius l. 8. c. ultimo in hæc verba . *Id in pri-*
mis est custodiendum , ut quo ex genere cœpe-
ris translationis , hoc desinas . Multi enim
cum initium à tempestate sumpserunt ; incen-
dio, aut ruina finiunt , quæ est inconsequentia
rerum fœdissima . Id ipsum habet Muretus
 Catullum . *Aiunt, inquit , vitiosum esse se-*
mel susceptam metaphoram non perducere ad
extremum, neque in ea insistere , sed ab una
ad aliam transilire . Metaphoræ non infi-

180 *Vitia circa usum Metaphor. Cap. V.*

seret v. g. si quis diceret: *Magnis fluctibus agitatur Resp. Vos, quibus ipsa commissa est, his fluctibus mederi debetis, aut hos fluctus extinguere*; vitiosus esset usus translationis: debuit dicere: *hos fluctus sedare debetis*. Videmus tamen id non semper servatum. Hannardus Gomerius.

Testis erit Cicero, magnæ lux maxima Romæ.

Qui bonus orator Græcis è fontibus haust

Eloquii dulcem suadentis cuncta medullam.

Sed & idem Cicero tali usus est interdum libertate: quæ tamen vobis adhuc usurpanda non est.

II. Cópia quoque Metaphoræ modum egressa vitiosa est, præcipuè in eadem specie. Ut modicus enim, atque opportunus illius usus illustrat Orationem; ita frequens & obscurat, & tædio complet: continuus verò in Allegoriam, & ænigma transit. Frequentior ergo si fuerit, dithyrambos scribemus, non orationes, ut ait Caussin. lib. 7. cap. 19. Porcius latro de hac nimia frequentia sic ait: *Summa est dementia detorquere orationem, cui rectam esse licet*. Verum hac de re infra, cum de allegoria.

III. Cæterum pessimus error est, cum convenire prosæ putamus, quæ permittuntur poëtis, qui & omnia ad voluptatem referunt, & plurima vertere etiam metri necessitate coguntur. Nam prosa, ut *mucronem* pro *gladio*, & *tectum* pro *domo* recipiet, ita non *puppim* pro *navi*; nec *abjetem* pro *tabellis*; & rursus ut pro *gladio*, *ferrum*; ita non pro *equo quadrupedem*. Non debet ergo solutâ oratione scribentibus esse nimis audax metaphora: quâ in re pluri-

plurimi peccant, qui ingenio pollent, sed non judicio. Hujus tamen erroris præceptores culpandos censemus, qui poetico potius genio indulgentes, quam oratoriarum artis præceptis, auditores talibus imbuunt ideis, à quibus postea recedere non facile sit. Quemadmodum ergo quælibet personarum ætas, & quælibet conditio proprios habitus, propriosque ornatus habet, ita quodlibet scribendi, ac dicendi genus.

IV. Peccatur etiam circa usum Metaphoræ ratione improprietatis: ut si quis Solem *candelam* dicat. Aliæ translationes vitiosæ censentur ratione materiæ: ut sunt illæ desumptæ à rebus sordidis, Aliæ ratione obscuritatis, quæ provenit. Primò quia supponat cognitionem alicujus qualitatis minùs notæ: ut si quis instabilem, quempiam *Cycladam* dicat: Cycladas enim Insulas motari, non omnibus in confesso est. Si quid ergo hujusmodi lubeat proferre, ex antecedentibus, aut consequentibus adducenda Metaphoræ, claritas. Contra hujusmodi claritatem peccasse Paulum Tertium asserit Aloysius Juglares in suo libello, cui titulus: Ariadne Rhetorum, observ. 26. Mediolanum siquidem Pontifex ille dixerat Helenam esse Italiæ; innuens tot bellorum inter Cæsarem, & Gallos fuisse originem: quod rejicit laudatus Auctor dicens: translationem à proprietate in re minùs cognitâ deductam: cum Helena formæ venustate, quàm origine belli, sit notior. Verùm pace tuâ dixerim, Vir disertissime; nonne Romanæ Princeps eloquentiæ Philippicâ secun-

secundâ Helenam bellorum originem adstruxit his verbis ? *Ut Helena Trojanis , sic iste huic Reip. causa belli, causa pestis , atque exitii fuit.* Secundò ex eo insuper obscuritas oritur , quod multæ conglobentur Metaphoræ , quæ demum se invicem obruant. Neque etiam laudabo Metaphoras illas, quæ res tenues aliquando supra Hyperbolem evehunt : quod meritò deplorant nonnulli in quibusdam nostri sæculi Oratoribus , qui nihil se existimant præstitisse; nisi rem, de quâ dicunt supra Cælum, & Stellas, imò (quod magis ridendum dicam ne, an horrendum ?) supra Divinitatem ipsam collocaverint . quâ de re alibi differendum .

Satis circa Metaphoram copiosi fuimus: nec abs re, quum ea sit Troporum princeps; immo apud Aristotelem , & Emmanuelem Thesaurum, qui ipsum illustravit, metaphoræ nomine Tropi omnes veniant: sed verè Aristoteles ideo non divisit; quoniam reliquis ornamentis nomen adhuc inditum non erat .

DE SYNECHDOCHE . Cap. VI.

*Partem pro toto; totum pro parte vicissim :
Materiem, de qua totum consurgit, & extat :
Pro numero numerum verbo Intellectio signat .*

I. **S**Ynechoche *συνεχὸς* latinè dicitur *conceptio*, sive, ut placet Auctori ad Heren. *intellectio* : quia per unum aliud intelligitur eleganti quadam mutatione . Hæc autem tripliciter fit : aut enim *pars pro*

pro toto : aut totum pro parte : aut numerus pro numero ponitur .

II. Partem pro toto usurpamus interdum : ex insigniori nempe aliquâ partem totam intelligimus sic *caput* pro homine sumitur . *puppis*, vel *prora* pro navi . *Limen*, *testum*, *lares* pro domo &c. In sacris *Anima*, quæ peccabit ipsa morietur : id est homo, qui peccabit, ipse morietur . Vulgatum illud : *Quot capita, tot sententia* . Cic. in Catil. *Vos in vestra testâ discedite* . Id. de lege agrar. *Resipere aliquem testis*, ac *sedibus suis* . Id. *Credere se testis alicujus* . Liv. 1. ab Urb. Romanus passim publica, privataque testâ omnia adæquat solo . Horat. 1. epist. 10.

Licet sub paupere testâ

Reges, & Regum vitata præcurrere amicos .
Virg. 2. Georg.

Penetrant aulâs, & limina Regum .

Æneid. 1.

*Tertia dum Latio regnantem viderit æstas :
Ternaq; transferint Rutilis hyberna subactis.* &c

Nam te jam septima portat

Omnibus errantem terris, & fluctibus æstas

1.2. *Non ante domuere decem, non mille carinæ.*

Item 6. *Littora curvæ prætexunt puppes.* & 9.

Quot prius æratæ steterant in littore puppes .

Horat. 1.2. ode 13.

Vivitur parvo bene cui paternum

Splendet in mensa tenui salinum .

Huc reducitur species, quam Cicero formam vocat, pro genere : id est minus universale loco magis universalis . Sic *Abies* pro ligno : *Eurus* pro vento . *Massicum* pro vino : *parricidium* pro hominis cujusque occi-

occisione . *Iustitia* pro qualibet virtute .
Sacrilegium pro quocumque scelere &c.
 Virg. Georg.

Gens effræna virum ripheo tunditur Euro .
 Et I. *Æneid.*

Vix septem convulsæ undis , Euroque super-
sunt .

Id. I. *Æn.* quum antea dixerit :

Una Euræusque Notusque ruunt, creberque pro-
cellis Africus .

Virg. *Æneid.* I.

Heus, inquit, juvenes, monstrate , mearum .
Vidistis si quam hic errantem fortè sororem ,
Succinctam faretra , & maculosæ regmine
Lyncis .

Aut spumantis Apri . ubi ferinâ pelle indu-
 tam, ni fallor, intellexit Poëta .

* III. Totum è contra pro parte accepimus, quum quod est totius parti applicatur . ità dicimus *flumen* , ac *fontem* pro aquâ : *silvam* pro ligno &c. Virg. *Eclog.* I.
Aut Ararim Paribus bibet ; aut Germania

Tygrim .

Idem *Æneid.* 3.

Quam multæ glomerantur aves , ubi frigidus
annus

Trans pontem fugat , frigidus annus . I.
Hyems .

Item 12. *Fontemque ignemque ferebant .*

Lucan. lib. 3.

Hauferuntque suo permixtum sanguine pon-
tum .

Talis etiam est in illo Terentii :

Quis est hic senex , quem video in ultima pla-
tea ? idest in ultimâ parte plateæ . Ità in
 illo Virg.

Imas obsedere fores . &

*In foribus pugnant auro . solidiori elephanto ,
nempè Ebore , & in illo Ciceronis : ex
ultima Urbe . i. parte Urbis : Horat. l. 3.
od. 10. Extremam Tanaim si biberes, Lyce .
Ejusmodi erit Synecdoche , si genus pro
specie ponamus : ut Sydus pro Sirio , sive
Caniculâ : astrum pro Sole . Bellua pro
Leone : Ales pro Aquilâ : Olus pro Bras-
sicâ : scelus pro inhonestate . Martial. in
Amphit. epig. 7.*

Affiduam nimio pectore pavit avem .

i. Aquilam .

ubi moles pro Civitate , à Didone nuper
constructa, quæ ob vastitatem, ac majesta-
tem nova Carthago nuper à vate dicta .

IV. Ex materiâ pariter rem totam
concipimus : ut trabem , vel abjetem pro
navi : aurum vel argentum pro pecuniâ vel
vase : ferrum pro gladio : buxus pro tubâ ,
vel tibiâ buxeâ : æs pro tormento bellico
&c. Cic. pro Cec. *Homines instructi , &
certis locis cum ferro collocati .* Pro Sext.
Rosc. *Quis tibi non est vulneratus ferro Phry-
gio ?* Horat. Od. 1. *Nunquam dimoveas , ut
trabe Cypria Myrtorum pavidus nauta secet
mare .* Apud eundem *ferta legere* pro flores
colligere , quibus fertum componitur .
Virg. Æn. l. 1. *Frugesque receptas
Et torrere parant flammis , & frangere saxo .*
idest molâ .

Ibidem. Clam ferro incautum superat . idest
ficâ . & 2.

Inutile ferrum cingitur . i. ensis :

Item . *Naves, quæ fortè paratæ ,
Corripiunt, onerantque auro .*

&

& lib. 8. *tum lactea colla auro innectantur* :
 Ubi Poëta pro auro torquem intelligit: ut
 notat de la Cerda .

Ovid. 14. Met. *Inflati murmur buxi* .

Senec. *Ferrum tæuetur Principem : melius fides* . Virg. *Æn. 2. es pro armis posuit : Arden-
 tes clypeos , atque æra micantia cerno* . Id. 6.
*Excudunt alii spirantia mollius æra pro sta-
 tuis* . Unca æra pro hamis dixit Ovid. lib. 1.
 de Ponto .

*Qui semel est læsus fallaci piscis ab hamo ,
 Omnibus unca cibus æra subesse putat* .

Apud Virgil. *Eclog. 5. Grandia sæpè qui-
 bus mandavimus ordea , iulcis ; Infelix lo-
 lium , & steriles dominantur avenæ* . Ubi
 per ordeum, quod species est, genus, id-
 est frumenta significat . Per Lolium iti-
 dem, & avenam inutiles herbas quascum-
 que .

V. Item numerus pro numero ponitur:
 idest *singularis* pro plurali: *pluralis* pro
 singulari: *definitus* pro indefinito, seu
certus pro incerto .

1. Singularis pro plurali, quando
 unum exprimimus, plura significamus:
 quod quidem majoris nescio quid effica-
 ciæ, ac expressionis habet in se: plus enim
 significat illud Horatii lib. 3. Ode 6. *Fæ-
 cunda culpa sæcula*, quam si dixisset *culpa-
 rum* plus illud Virg. *Hostis habet muros ,
 quàm hostes* . Ennius: *Romanus homo tametsi
 res benè gesta est : corde suo trepidat* . Hac
 frequenter historici utuntur: Tacit. *Ann-
 al. 1. 3. Turonii Legionario milite , quem
 Visellius Varro inferioris Germaniæ legatus
 miserat, oppressi* . Tit. Liv. 1. 8. *Camillus læ-*

tum

tum militem victoria Tribuni, letum tam presentibus, ac secundis Diis, ire in praelium jubet . . . ostensansque insignem spoliis Tribunum: hunc imitare, miles, ajebat: & circa jacentem Ducem sterne Gallorum catervas. & ita passim.

2. E contra pluralis ponitur pro singulari, & plura exprimimus, dum unum significamus; quod majestatem orationi asferre videtur. Cic. pro Arch. *Nam quas res nps in Consulatu nostro vobiscum simul pro salute hujus Urbis, atque Imperii, & pro vita Civium, proque universa Rep. gessimus, attigit hic versibus, atque incobavit. pro Dom. sua: At vide quid intersit inter illum iniquissimum patristui casum, & hanc fortunam, conditionemque nostram. item: Cui populo duces Lentidios, Lollios, Sergios praefeceras. i. Lentidium &c.*

Virg. Aen. 1. *Punica Regna vides.*

Item. *Inhumati venit imago*

Conjugis, ora modis attollens pallida miris.

Crudeles aras, trajectaque pectora ferro

Nudavit. Item.

3. Numerus certus pro incerto pariter adhibetur. Cic. 2. Philippica: *Centies facta syngrapha. Ad Attic. Mori millies praestitit, quam hoc pati. pro Sextio: Millies revocatum est. Virg. Georg. 2.*

Non mihi si linguae centum sint, oraq; centum.

Aen. 1. *O terque quaterque beati. &*

Centumque Sabao

Thure calent ara.

Catuli.

Omne eum tribus explicare charis. Mart:

Sexcenti canant a te, Justine, vocati.

Aen. 7.

188 De Synechdoche . Cap. VI.

Æn. 7. Tibi nomina mille .

*Mille nocendi artes. & Per medias flammæ ,
& mille sequentia tela .*

*Horat. Mille sunt usus arborum . item .
curarum millia . Centum greges .*

Juvenal.

Atque vetus Thebe centum jaces obruta portis.

Ad copiam sermonis, elegantiam, & ornatum, tam in poëtica, quàm in solutâ oratione plurimum valet hic Tropus: habet enim nescio quid singulare, ac peregrinum quamvis Cicero dicat 3. de Oratore hunc esse minùs ornatum, quàm Hypallage, de quomodo agemus.

DE METONYMIA , SEU POTIUS
HYPALLAGE. Cap. VII.

I. **Q**UAM Metonymiam *μετονυμία* Grammatici vocant, quòd nomina transferuntur, ut ait Cic. in Orat. hanc Hypallagen Rhetores, quia quasi summutantur verba pro verbis. Tropus hic, latinè denominatio, sive transnominatio, qui à propinquis, & finitimis rebus trahit vocem ad rem significandam, proprio vocabulo non appellatam, est, ut definit Fabius lib. 8. cap. 6. *Nominis pro nomine positio .* Quatuor ejus sunt fontes:
Causa pro effectu, & contra .

Continens pro re contenta , & contra .

Possessor pro re possessa .

Signum pro re signata .

Quæ ita metro ligavimus :

Pro effectu causam rerum , contraq; reponi ,

Pro re contenta pariter quod continet illam ;

Et

Et Domini nomen pro re, quæ subjacet ipsi :
Pro re signata quoque signum Hypallage
amavit .

II. *Caussa pro effectu* est in plerisque
Bibliorum locis ; ut *iram Domini portabo*
pro *pœnam* , quæ ab ira proficiscitur .
Anima quæ peccaverit , feret suam iniquita-
tem . *Opus Mercennarii tui non pernoctabit*
tecum , idest *merces* , quam statim solves ,
Peccata populi mei comedent , idest *hostias*
pro delictis oblatas . Huc etiam refertur ,
cum per *manum* , & *brachium Dei* poten-
tiam intelligimus : per *oculum* providen-
tiam : per *iram* , & *furorem* pœnam inti-
matam , sive illatam . Ita in Psal. *Ecce*
oculi Domini super metuentes eum . *Dextera*
Domini fecit virtutem : *dextera Domini*
exaltavit me . *Misericordia Domini plena est*
terra . Eadem ratione sumitur *inventor*
pro re, ab ipso inventa : *præses pro re* ,
cui præest : *auctor pro ejus opere* . *Inven-*
tor pro re inventa est Bacchus pro Vino ,
Ceres pro frumento &c. *Florus de Campa-*
nia Neapolit. *Nihil uberius solo : ideoque Libe-*
ri, & Cereis certamen dicitur .

Virg. I. *Æneid.*

Tum Cererem corruptam undis , Cerealiaque
arma

Expediunt. & Implentur veteris Bacchi .

Æneid. lib. 8. Onerantque canistris

Dona laboratæ Cereris, Bacchumq; ministrant.
Ibidem.

Cui tolerare colo vitam, tenuiq; Minerva .

Præses pro re, cui præses, est Neptunus ,
Nereus, Doris, Thetis pro mari : Vulca-
nus pro igne: Mars pro bello: Jupiter pro
aëre

aëre : *Lucina* pro parte : *Minerva* pro la-
nificio &c. Horat. in Art. receptus *Terra*
Neptunus classes *Aquilonibus* arcet . Virg. 2.
Æneid. *Dedit ampla ruinam* , *Vulcano* supe-
rante, domus . Item Horat. Od. 1. l. 1. *Ma-*
net sub Jove frigido Venator . *Acheloum*
pro aquâ dixit Virg. 1. Georg.

Poculaque inventis acheloia miscuit uvis .

Liv. *Aliquandiu ibi Marte incerto* , *varia vi-*
ctoria pugnatum fuit .

Auctor pro *Opere* , isque qui efficit , pro
eo, quod efficitur , est ex. gr. *Livius* pro
ejus historiâ ; *Virgilius* pro *Virgilii* Car-
mine ; *Martialis* pro ejus Epigrammati-
bus &c. Ad hunc locum spectat *Lingua* ,
Hæbreæ , *Græcæ* , *Latina* pro idiomate , &
sermone : item pro obtreptione, cum di-
cimus linguas vitare : item pro eloquen-
tia; quo sensu Apostolus ait : *Si linguis ho-*
minum loquar , & *Angelorum* . In Act. Apost.
Audivimus eos loquentes linguis nostris . Hu-
jus etiam est loci Gen. 25. *Due gentes sunt*
in uero tuo , idest Gentium duarum patres,
duces, & auctores. 3. Reg. 4. *Mors in olla* ;
idest venenum .

E converso etiam effectus pro causa signi-
ficatur , ut cum scelus dicimus pro ho-
mine scelesto , quod frequens est apud
Comicos . *Sacrilegium* deprehensum
pro sacrilego ; armorum scientiam ha-
bere pro artis militaris . Horat. libr. 2.
Satyr. 2.

nos expulit ille

Illum aut nequities , *aut vafri inscitia juris* .
Huc pertinet quum effectus rei efficienti
accomodatur; ut cum dicimus *pigrum fri-*
gus ,

gus, gelidum timorem, tristem senectam, pallentem morbum, & mortem: quoniam frigus pigritiæ; gelu timoris; tristitia senectus; morbus & mors palloris sunt causa. Sic etiam canities morosa appellatur; cupiditas furiosa &c. Ovid.

Creverunt & opes, & opum furiosa cupido. Virg. Æneid. 6.

Pallentesq; habitant morbi, tristisq; senectus.

Horat. Pallida mors æquo pulsat pede

Pauperum tabernas, Regumque turres.

Id. lib. 2. Carm. Dura valetudo inciderit, seu tarda senectus. Manil. Lambensque dies

vite, tremulamque senectam. Sabell. Canities veneranda genis. Virg. 4. Æneid. Et

quum frigida mors anima seduxeris artus.

Georg. 3. Cæci stimulos avertere amoris;

quia cæcos facit.

III. *Continens pro re, quæ in ipso continetur, est, quando per cælum exultans, cœlites intelligimus; per Romam triumphantem, Romanos; per Bisantium subactum, Bisantinos; per Galliam victricem, Gallos &c. Cic. 3. de Orat. citans hoc carmen.*

Africa terribili tremit horrida terra tumultu.

Pro Afris, inquit, est sumpta Africa: neque factum verbum est, ut mare saxifragis

undis: neque translatum, ut, mollitur mare:

sed ornandi causa proprium proprio commutatum.

Sic patera spumans pro vino

ponitur. Sic foram, rostra, Curiam frequen-

tare dicitur, qui judicia, & orationes frequen-

tat. Hujus etiam est loci, si dicatur

cor pro cupiditate, cerebrum pro cogita-

tione: quoniam primum affectuum sedes;

rum intellectus putatur. *Frons* quoque, & *vultus* pro pudore, vel audacia ponuntur: quod in ipsis appareant. In sacris *Jerusalem, Jerusalem*, quæ occidis Prophetas. Pro leg. Manil. Testis est *Italia*, quam ille ipse victor *L. Sulla* hujus virtute, & consilio confessus est liberatam. Testis est *Sicilia*, quam multis undique cinctam periculis, non terrore belli, sed celeritate consilii explicavit &c. Virg. *Æneid.* 1. Nunc pateras libare *Jovi*. Id. *Georg.* 3. & pocula lati *Fermento*, atq; acidis imitantur vitea sorbis. Plaut. Psalm. Dii istam perdant: quam cata est, & callida: Habet cor, quàm dicit quod opu' st. Persius. Lunai portum est operæ cognoscere, cives. Cor jubet hoc *Enn*i postquam desterruit esse. *Meonides*. Virg. *Furgia* sunt circi, cuneati hinc lata theatri seditio.

Id. 3. Heu fuge crudeles terras: fuge littus avarum.

Vel pro eo quod continet, id quod continetur: ut vinum pro paterâ. Virg. 1. *Aen.* Crateras magnos statunt & vina coronant.

Id. 2. *Georg.* segetem dixit pro agro.

*Ill*a seges demum votis respondet avari *Agricolæ*, bis quæ solem, bis frigora sensit.

Cic. de Orat. Segetes fecundæ herbas effundunt inimicissimas frugibus. *Plin.* Segetes, quæ interquievere. Rarò autem audendum nisi à Poëtis.

IV. Possessor pro re ipsa, quam possidet Virg. 2. *Æneid.* Jam proximus ardet *Ucal*egon: idest domus *Ucalogentis*. Sic dicimus sanguinem fugere, hominem devorare, cujus patrimonium consumitur. Undè originem habuit *Actæon*is fabula, cui proprii

prii canes cutem, & ossa devorarunt: quâ de re dixit Varro: *Crede mihi; plures Dominos cervi comedere, quam canes*; quod si Actæon occupasset, & prius suos comedisset canes, non nugæ saltatoribus in theatro fieret; ubi cervorum nomine *servos*; canum verò *parasitos*, & *adulatores* intelligit. Hujus est generis, cum Ducem pro exercitu ponimus: ut ab Annibale cœsa apud Cannas sexaginta millia; quod Oratoribus, historicis, & poëtis perquam familiare est. Cicer. pro leg. Manil. *Ab eodem Imperatore classem magnam, & ornata, quæ ducibus Sertorianis ad Italiam studio inflammato raperetur, superatam esse, atque depressam: magnas hostium præterea copias multis præliis esse deletas*. Liv. lib. 39. *Omnes Æmilius subegit, armaque ademit*.

V. Signum ponitur pro re, cujus est signum; ut toga pro pace, sagum pro bello, fasces pro magistratu, sceptrum pro Imperio, purpura pro Rege, vel Cardinali, insula pro Episcopo &c. Plin. *Ut dubium sit, toga ne, an bello præstantior fuerit*. Martial. *Lis nunquam, toga rara, mens quieta*. Vulgatum est illud Cic. *Cedant arma togæ, concedant laurea lingue*. Idem pro Dom. *Fasces sunt fasces; idest magistratus est onus*. Seneca in Oedipo.

*Qui sceptra duro sævus imperio regit
Timet timentes: metus in auctorem redit*.

Martial. lib. 8. epig. 66.

*Gaudenti superest adhuc quod optet
Felix purpura, tertiusque consul*.

Huc revocamus quod Quintilianus, &

aliqui recentiores Synechdochi tribuunt : cum nempè ex antecedentibus sequentia intelliguntur, & contra ; quia verè à finitimis rebus ducitur oratio ; quod est proprium hypallagis . Pastor Virg. ecl. 2. in describendâ nocte. *Aspice , aratra jugo referunt suspensa juvenci. 5. Æneid. Novamque serena Auroram Phatontis equi jam luce vebant.* Hor. *Ne finas Medos equitare inultos, Te Duce , Cesar .*

Sensus est, ne finas illos arma movere inultos: ne permittas impunè , more suo equitantes, eos pugnare . Consequens pro antecedente est in illo Virg. *Æn. I. En Priamus: sunt hic etiam sua premia laudi.* ubi laus pro virtute .

VI. Observandum autem est , in Tropi hujus licentiâ non idem Oratori, ac Poëtæ convenire ; poëtæ enim libertas major, quàm Oratori datur . Itaq; non adeò liberum erit in solutâ oratione ponere Cererem, & Bacchum pro frumento & vino; licet Mars pro bello sæpè apud Historicos occurrat . Et quamvis Quintilianus Vulcanum pro igne vulgò dici asserat ; ego poëticorum verborum potius inferam classi .

Effectus pro caussa potest etiâ cautè ab Oratore usurpari . Quis enim unquam refugiat dicere *gelidum* timorem , *precipitem* iram , *bilarem* adolescentiam , *segne* otium, *jucundos* calices, ac *facundos* ?

VII. Sunt qui putent non dari hunc Tropum in verbis, quoniam dicitur nominis pro nomine positio : sed nos in definiendo Dialecticorum rigorem non sequimur. *Perf. intus Pal-*

Palleat infelix quod proxima nesciat uxor .

Palleat pro *tineat* : quia timor est causa palloris . Horat. *pueris omnis pater , & matercula pallet* ; idest pro filiis timet . Sic & *mirari* dixit Terentius in Andr. pro ignorare . *Miror undè sit* ; quia , ut Donatus ibi , admiratio ex ignorantia procedit . Plaut.

Si quis miretur , qui sim , paucis alloquar .

VIII. Gentilium more Deos locorum præfides pro locis ipsis ponere , vix alterius est quàm poëtæ : ut *in faucibus Orci* ; ubi Orcus , qui est Pluto , pro inferis . Nevius etiam : *Coquus edit Neptunum , Venerem , & Cererem* ; idest pisces , olera , & panem : quia Neptunus præest mari ; Venus hortis oleribusque ; Ceres frumento , cujus inventrix dicitur : quod tamen nimis audax , & parum jucundum .

DE ANTONOMASIA . Cap. VIII.

Si taceas hominis nomen , vice nominis artem

Qua nituit . mores : vim : aut quo sanguine natus :

Arte notes : notum sic . Significatio reddet .

I. **A**ΝΤΟΝΟΜΑΣΙΑ, antonomasia, latinè significatio, livè pronominatio ; juxta Quintil. l. 8. cap. 6. aliquid pro nomine ponit : hoc loco vox aliquid de patronomycis , vel aliis etiam epithetis intelligenda est : nomen autem de proprio nomine cujuscunque aliquà in re magnoperè excellentis , seu famosi . Triplici ex fonte Antonomasiā haurire possumus : Primum , ex

196 De Antonomafia . Cap. VIII.

is, quæ in quocumque maxime excellunt ; & peculiari digna sunt notâ . hæc autem aut animi sunt, aut corporis, aut fortune. Secundò ex insigniori aliquo facinore, quo persona valde sit celebris . Tertiò à patronymicis ; nempe à patriâ, & majoribus .

II. Ex jis, quæ præcipuè excellunt in animo dicitur sapiens pro Salomone : Patientissimus pro Jobo : Castus pro Josepho : Justus pro Davide : Casta pro Susanna ex Sacris, Lucretia ex prophanis : Vanus Absalon : Ambitiosus Amanus : ignarus Mida : Dolosus Sinon : Gulosus Sardanapalus : Luxoriosus Heliogabalus : Sævus Nero : Avarus Tantalus : Maledicus Diogenes &c. & hoc est quod Quintilianus dicit fieri per Epitheton, idest appositum , sive sequens : quia detracto eo, cui apponitur, valet pro nomine; ut Regius Psalter pro Davide : Doctor maximus pro D. Hieronymo : Mellifluus pro D. Bernardo : Angelicus pro Divo Thoma Aquinate : Seraphicus pro D. Bonaventura : Subtilis pro Jo: Duns Scoto . Solemnis pro Henrico Gandavenfi &c. Item Attica Musa pro Xenophonte à suavitatem sermonis : Divinus Philosophus pro Platone : Divinus Vates apud Etruscos pro Danthe, aut Vates Theologus &c.

E converso pariter proprium nomen pro appellativo per Antonomafiam ponemus : & ita sapientem quempiam appellabimus Salomonem : patientem, Jobum : castum, Josephum ; & sic de reliquis.

III. Ex jis, quæ præsertim excellunt in corpore : nempe ex pulchritudine, integritate proceritate, robore , & his con-

tra-

trariis, dicitur *pulcher* pro Absalone, & è converso *Absalon* pro quocunque pulchro: *elegans forma* pro Narciso; & *Narcisus* pro eleganti: *statura procerus* pro Goliath, sive Atlante, aut Encelado; & *Goliath* pro aliquo magnæ structuræ homine: *fortis*, & *robustus* in Sacris Samson, in profanis Milo Crotoniates: in poëticis *Hercules*: & *Samson*, seu *Milo* pro quovis forti: quemadmodum Maximus Imperator ob insigne corporis robur *Milo* sui seculi dictus est. Sic etiam antonomasticè *Thersites*, *Æsopus* pro deformi. *Vulcanus* pro claudo, ac deformi. *Pholiphemus* pro Strabone, & lusco. *Battus* pro balbo &c.

IV. Ex bonis fortunæ, vel gratiæ, idest temporalibus, sive spiritualibus: nempe nobilitate, divitiis, amicitiiis, dignitatibus. Item donis supernaturalibus orationis, contemplationis, prophetiæ, miraculorum &c. Ita in Sacris pro *Propheta* intelligitur David; pro *Præcurso*re Jo: Baptista. Ita pro *Maria Virgine* dicitur *Deipara*. *Virgo parens*. *Virginitatis honor*. *Sponsa*, *Templum Spiritus Sancti*. *Novi fœderis arca*, & alia sexcenta, quæ de ejus excellentiâ canit Ecclesia, scribunt Doctores. Ita pariter Jesus Christus dicitur ab hoc fonte *humani generis redemptor*, *reparator*, *servator*, *victor*, atque *destructor mortis*. *Dux*, *auctor certæ*, ac *eternæ salutis*. *Spes miseris*. *Novus Adam*. *Mundi melioris origo*. *Magister vitæ* &c. *Dominam Virg. Mariam*. Per *Christi discipulam Mariam Magdalenam* per *discipulum dilectum Jo: Evangelistam*. Per *Apostolum*,

198 *De Antonomafia . Cap. VIII.*

aut *Ecclesie Doctorem Paulum* . Per *Anglia Apostolum Gregorium Magnum &c.* E contra *Paulum* accipiemus pro insigni concionatore, sive *Crysostrum* . *Taumaturgum* pro miraculorum operatore &c. In prophanis per *eversorem Carthagini* & *Nu-mantie* Scipio intelligitur: per *Cythara inventorem* Mercurius &c. *Hesiodum* , qui primus *Agriculturae* praecepta tradidit *Ovid. lib. 6. Fastrorum praeceptorem arandi* per *antonomafiam* appellat .

Ecce Deas vidi: non quas praeceptor arandi.

Et lib. 4. de Pont. *Agricolam* .

Ausa est Agricola musa docere senis :

Horat. lib. 1. Ode 3. in Virgilium Athenas proficiscentem :

Sic te Diva potens Cypri ,

Sic fratres Helena, lucida sidera ,

Ventorumque regat pater ,

Obstrictis aliis , praefer Japiga .

E contra *Archimedis* nomine laudabimus *Architectum* : *Apellis pictorem* : *Pbidia sculptorem* &c. Recentioribus quoque seculis meritam laudem dantes *Titianum* pariter dicimus pro pictore : *Bonarrotum* pro excellenti in triplici facultate picturae, sculpturae, & architecturae . *Americum* sive *Columbum* pro cosmographicae, & hydrographicae artis peritissimo, *Galileum* pro excellenti mathematico, vel astronomo. Idem *Horat. lib. 2. Satyr. 1.*

Nam Laelius, aut qui

Duxit ab oppressa meritum Kariagine nomen
Ingenio offensi ?

Perillum pariter nuncupabimus eum , qui pravi alicujus inventi poenas luat : &

Pba-

Phalaridem crudelitate qui excellat .

V. A patronymicis , quibus dicimus *Vatem ascreum* pro Hesiodo . *Stagyritam* pro Aristotele . *Mantuanum* pro Virgilio . *Arpinatem* pro Cicerone . *Patavinum historicum* pro Livio . *Bilbilitanum Vatem* pro Martiali . Item *Græcum Oratorem* pro Demostene : *Romanum* pro Cicerone : *Græcum Vatem* pro Homero : *Latinum* pro Virgilio : *Etruscum* pro Danthe :

Sidon . *Arpinas* , *Patavine* , *Mantuane* . Ita *Tyrides* dictus *Diomedes Tidei* filius . *Achilles* dictus *Pelides* à *Pelio* patre : vel *Chironis alumnus* à *Chirone Tessalo* ejus educatore . A matre *Latona* sic *Diana* dicta est *Latonia* : & sic alii , quibus omnia plena . Virg. *Æneid.* i.

O Danaum fortissime gentis

Tydide . *Æneid.* ii.

Alma tibi hanc nemorum custos Latonia Virgo .

Stat. *Quò rapis ingentem Chironis Alumnus ?*

Juven. *Unus Pellæo Juveni non sufficit orbis* .

Ovid. *Fastor.* 6.

Nec quas (Deas) Priamides in aquosa vallibus

Idæ . Contulit . i. *Parides* , qui de pulchriori judicium tulit . Id. 2. *Trist* .

Solus ad egressus missus septemplex Isfri ,

Parrhasiæ gelido Virginis axe premer .

In sacris verò , *Galilæa* , *Palestina* , *Davidica* ,

Jesseia Virgo , idest *Deipara* . *Vera Dei*

Soboles . *Æterni Patris unica proles* . *Magno*

æquæva Parenti progenies . *Virginis intactæ*

Proles . *Nazareus flos* . *Domiti vastator Averni* .

Criminis humani reparator &c. idest

Christus . Ita *Naxianzenus* pro Gregorio

Episcopo . *Siridonienſis Doctor* pro Hiero-

200 *De Antonomafia . Cap. VIII.*

*nymo . Hypponensis Præful pro Augustino .
Aquinas pro Thomâ , Patavinus Heros pro
Antonio Lusitano &c. Petrarc. de B.V.*

*Se quoque permixtam Virgo Galilæa ministris.
Mantuanus .*

*Sancta Palestina repetens exordia Nymphæ .
Idem .*

*Cum cœtu comitata gravi Davidica Virgo .
Idem de S. Hieron.*

*Hic Stridone satus loquitur Pater ore trilingui.
Et de S. August.*

*Hic sedem Pater Hypponis Carthagine natus .
Circa Antonomafiam hæc animadvertenda sunt . Primùm ne denominatio fiat à
re, seu personâ ignotâ. Deindè hujus Tro-
pi usum liberius Poëtis , quàm Oratori-
bus concedi; his enim non conceditur de-
nominatio à Parentibus , à nominibus
possessivis sumpta , aliæ tamen permit-
tuntur .*

DE CATACHRESI , ET METALEPSI .
Cap. IX.

*Voce carens propria mendicat Abusio nomen
Proxima significans; longè Trasumptio verbum
Sumit; quodq; sequens hæc eminus indicat arte.*

I. **C**Atachresis κατάρχησις , Latine *Abu-
sio nominis* redditur . Fit autem
cum rebus nomine destitutis , illud quod in
proximo est , ut ait Fabius , accomodatur .
Sic equum dicimus , qui ex materiâ ar-
tefactus est , à vero equo translata voce .
Differt autem à metaphora ex eo, quod il-
la habenti vocabulum proprium largi-
tur

tur aliud ; hæc verò quia non habet proprium, utitur alieno. Virg. Æn.l.1.

Fronte sub adversa scopulis pendentibus antrum .

Idem lib.2. *Equum Divina Palladis arte
Ædificant .*

Sic. *Faciemque simillima lauro . &*

Nunc una ambo , junctisque feruntur

Frontibus, & longa sulcant vada salsa carina.

Cùm frons, & facies tantùm animalium , & hominum sint; si Poëta per Catachresim frontem non apposuisset Navi , quid proprium eidem parti tribueret , non habebat; ut notat Isid. lib.1. c.36.

II. Tullius tamen non adeo restringit limites Catachresis in Oratore;cùm dicat: *Abutimur verbis propinquis , si opus est ; vel quod delectat , vel decet .* Quod verò frequentari possit , docet iterum 3. de Orat. *Abutimur sæpe etiam verbo non tam eleganter quàm in transferendo; sed etiam licentius; tamen interdum non impudenter .* Sine ullâ quidem necessitate ista invecta fuere: *Vires hominis breves . grandis oratio . minutus animus , longum consilium . paucus sermo &c.* nam hisce in locis, intellectu facile est, finitima verba rerum dissimilium ratione Abusionis esse traducta . Dicendum itaque cum nonnullis , duplicem esse Catachresin; propriam nempe , idest necessitatis, cùm non habemus nomen proprium ; ut si dicam *montis pedem* : *impropriam* idest arbitrii, cùm habemus quidem ; sed abuti propinquo verbo vel delectat , vel decet . Quando propriâ necesse sit uti ; vocum , scilicet defectu; advertendum , ut vocem

illam perquiramus, quæ majorem affinitatem cum re, quam explicare intendimus, habeat v. g. *frigus opacum, aura suavis* &c. Impropriam ab ipsâ Metaphora audaci vix distingui, cum Aristotele affirmare non dubitaverim. Hujus generis creditur illa Persii:

Certare credas Pegasejum nectar.

pro quo aliis placet *melos*; sed *nectar* legendum defendit Capella. *Post hos, inquit, honoratior fontigenarum Virginum chorus Pegaseæ vocis nectare diffuebat.* Tale est etiam illud:

Leo pariet, & pater est.

Catullus per Catachresin pretium dixit pro *pœna*.

Magno cum pretio, atque malo.

Propertius è contra *pœnam* posuit pro pretio ubi inquit.

At postquam sera captivæ est reddita pœna.

Plurimum dixit Virgilius 3. Georg. pro longo, & crasso. *Cui plurima cervix.* Æn. 1. de Colle. *Quil plurimus imbrî imminet.* Item *culpam* pro morbo. *Continud culpam ferro compesce*; de pecude, ait, infirmâ. Horat. lib. 1. od. 7.

Quid fies, Asterie, quam tibi candidi

Primo restituent vere Favonii?

Ubi candidos dixit pro lætis, & jucundis; quemadmodum nigra omnia mœsta sunt: unde idem lib. 1. Sat. 9. pro die infaussto, & inauspicato dixit:

Huncine solem

Tam nigrum surrexe mihi?

Catullus quoque candidos pro lætis usurpavit:

Ful-

Fulsere quondam candidi mihi soles.

Sexcenta alia id genus sparsim apud auctores, præcipuè Vates, videre est: his autem Catachresi frequentius licet uti metri ergò; Oratoribus autem nimia frequentatio vitio verteretur. In hoc itidem animadvertendum, duritiem modum excedere non debere; si verò durior aliquando excidit Catachresis, aliquà mollienda particulâ est: quod fecit Cic. I. de Leg. dicens: *Nec arboris, nec equi virtus, quæ dicitur (in quo abutimur nomine) in opinione sita est, sed in natura.*

III. Metalepsis *μεταληψις*, quam latine Transumptionem, transpositionem dixeris, *ex alio in aliud velut viam præstat*, ut inquit Quintil. Ex se enim nihil significat, sed ad aliquid intelligendum gradum facit. Talis est Virg. *Æneid. lib. I. Spumas salis ære ruebant.* idest spumans mare rostris navium ære armatis secabant; ait Min. illius. præsertim ergo in ære durior est Metalepsis: ex ære nempe prora ære armata, ex prorâ navis, ex navi integra, classis intelligenda.

Inque manus chartæ, nodosæque venit arundo.
Nam per manum verba, per arundinem, literæ significatæ sunt, ut sentit Beda de Trop. S. Scripturæ. Virgil. de Apibus.
*Sæpe etiam effossis, si vera est fama, latebris
Sub terra fodere larem.*

Larem pro domo, domum verò pro alveari posuit. Item Eclog. I.

Post aliquot mea regna videns mirabor aristas:
Ubi per aristas segetes, per segetes ætates, per ætates anni significantur, Hora-

tius quoque lib. i. od. 6.

Scriberis vario fortis, & hostium

Victor Mæonii carminis alite.

Ab alite calamus, à calamo scriptor &c.
Claudian. de Bel. Gild.

Fam solis habenæ

Bis senos torquent hyemes.

Profectò hìc Tropus non est ita rarus, ut aliqui autumant: à sacris enim Scriptoribus pluribus in locis usurpatur, sicuti etiam à Græcis, ut notat Carbon de Elocut. i. At verò apud Oratores rarior est, quàm apud Poëtas, cum sit obscurior, & intellectu difficilior; & ita potius cognoscendus, quàm in oratione adhibendus est. Quod si quispiam eo uti voluerit, obscuritatem devitet; qualem agnosceres hoc in loco apud Horat. lib. i. od. i.

*Sunt, quos curriculo pulverem Olympicum
Collegisse juvat.*

h. e. quos ludus Olympicus delectat. Secus est Virg. ista ex i. Æneid.

Speluncis abdidit atris.

Optimè enim, & apertè: Nam, inquit Erasmus, *nigræ intelliguntur; ex nigris obscure; & per hoc demum in præcepta profunda.*

DE ONOMATOPOEIA. Cap. X.

EXclusimus à Troporum serie Onomatopœjam, quoniam in merâ vocis fictione sine ullâ verbi translatione consistit. Cum itaque illi nullatenus Troporum definitio competat, meritò eorum numero meliores secuti, ejicendam putavimus. Quia tamen ad orationem
exor-

exornandam conducere potest , prætermittendam omnino non duximus , ideoq; mutatâ tantùm sede hic reposuimus .

*Nomina fingendi dederat jus Græcia quondam .
Hoc Latium sequitur , nimis ampla licentia nulli .*

Concedenda tamen , vocis nisi cogat egestas .

II. Onomatopœia *ὀνοματοποιία* , latine *Nominatio* , ut Auctor ad Heren. 4. vel juxta Fab. *Fictio nominis* redditur , τὸ *nomen* latè sumpto loco *vocis* . Addunt aliqui . *rei alicujus novæ* , ut fingendi nominis causam exponant , quæ est rerum novarum inventio ; sed nihil hac additione opus est , cùm interdum rerum etiam existentium fingantur nomina . Fluit autem Onomatopœia ex his ferme locis .

Ab animalium vocibus .

A rerum inanimatarum collisione :

Ab hominum , & bestiarum moribus .

A deductione .

1. Ab animalium vocibus . Sic fictis nominibus dicimus *coaxare* , *mugire* , *barrire* , *rugire* , *miagulare* , *balare* &c. Virgil. 4. *Æneid.*

Mugire videbis

Sub pedibus terram :

Et Discessu mugire boves ?

Et Quinque illi greges balantum .

Horum nominum ab animalium vocibus confictorum , luculentam copiam exhibet incertus Auctor Elegiacis carminibus , quæ Ovidio indocti adscripsere ; atque ideo inter ejus Operum fragmenta reposuere . Sed num toto cœlo aberrarint , eruditorum esto judicium . Placet nonnul-

la hic subtexere, utpote instituto valdè conducibilia.

Dum turdus trutilat, sturnus tunc pifitat ore,

Sed quod mane canunt, vespere non recolunt.

*Cacabat hinc perdix, hinc gratilat improbus
anser*

Et castus turtur atque columba gemunt.

Plausitat arborea clamans de fronde palumbes

In fluviisque natans forte tetrinit anas.

*Grus gruit, inque glomis cycni prope flumina
drenfant*

Accipiter pipat, milvus hiansque lipit.

Cucurrere solet gallus, gallina gracillat,

Pupillat pavo, trinsat hirundo vaga.

*Dum clangunt Aquila, vultur pulpares pro-
batur.*

Et crocitat corvus, graculus ac frigulat.

Glotorat immenso de turre ciconia rostro

Pessimus at passer tristitia flendo pipit.

Psitacus humanas depromit voce loquelas &c.

Reliqua videantur loco suprâ laudato.

*Carmini autem titulus est Philomela. Tali-
bus verbis ipse quondam infectatus sum.*

Aulicum quemdam maledicum hoc pacto:

*Quid baubas, ganniisque, canis rabidissime in
aulam?*

Quid nimia, nequam, garrulitate teris?

Regia non peccat: sed si quo candida peccat;

Quod non te batuet Regia crimen habet.

Porrigit ingrato quod nutrimenta molosso,

*Qui latrat in Dominum, Regia crimen
habet.*

Sunt autem & nomina, quæ sonum qui-
dem ex animantium vocibus exprimunt,
sed in se nihil significant. Tale est apud
Aristophanem in Ranis

Bre-

Brececcecex, Brececcecex, coax, coax.

Plautus in *Perſa*.

Tax, tax, tergo meo erit.

Marcus Bettinus in ſuâ *Hilaro-Tragœdiâ Satyro-paſtorali*, *Lufcinia* cantum his vocibus perbellè imitatus eſt:

Tiùu, tiùu, tiùu, tiùu, tiùu;

Qz pè, tiù, xqua;

Quorrror pipi

tiò, tiò, tiò, tiò, tix;

utid, quid, quid, quid.

Zquò, xquò, xquò, xquò

xi xi xi xi xi xi xi xi

Quorrròr tiù xqua pipiqui.

Sic Plautus voracem Ballionem illudic fictis condimentorum vocibus:

Nam ego cicilendrum quando in patina ſcindidi; Aut polindrum, aut meacidem, aut ſanè raptidem,

Æa ipſæ ſeſe patinae fervefaciunt illico.

Hæc ad Neptuni pecudes condimenta ſunt.

Terreſtres pecudes cicimandro condio;

Aut Happalopſide, aut catacætria.

Plures etiam ſunt interjectiones, per quas aut riſum, aut fletum, vel aliud quempiam affectum exprimere voluerunt recentiores, ac præſertim Comici. Hæ verò cum paſſim legenti occurrant, non eſt cur in medium proferamus.

2. A rerum inanimatarum collifione effingitur nomen, ut: *ſinnire, ſibilare, ſtridere*. Virg. 1. *Æn.*

Foribus cardo ſtridebat abenis.

Et 2. *Æneid.*

Exoritur clamorque virum, clangorque tubarum.

In

In sacris nonnulla exempla itidem habemus ; ut *Cymbalum tinniens* . Et. *Nunquid circumdabis collum equi hinnitum*, Ex voce animalium nomine facto . Item *Rugitus Leonis* &c.

3. Ab hominum , & bestiarum moribus, quorum imitationem significant, ut *Platonissare*, *Patrissare* &c. Sed in his fictionibus Græci longè sunt Latinis feliciores. Nobis tamen nonnihil audendum cenfeo; præsertim in carmine, & in vertendis Græcis auctoribus . Certè quæ reperiuntur apud idoneos Scriptores, ea sunt audacter usurpanda .


4. A Deductione , hoc est cùm per Paragogen, seu inflexionem ex quadam analogia , & congruâ similitudine novorum verborum fit derivatio : Ut , quemadmodum dicimus *syllaturire* , pro eo quod est Syllæ mores imitari velle, *miſturire* , *esurire* &c. quid vetat quominus juxta Analogiam dicamus , *dormiturire* , *scripturire* , *proscripturire* , *dicturire* , *bellaturire* , *nupturire* ? Et quemadmodum dicimus *græcari* ; cur non itidem dicemus *juvenari* , *poëtari* , *cornicari* , *rhetoricari* , *philosophari* , *theologari* ? Cùm dicamus *nummati* , *scutati* ; quare non itidem *pileati* , *larvati* , *personati* , & si quæ sunt similia ? referres diminutiva , ut *vilium* à vino , *ocellus* ab oculo . Similiter & derivativa , atque frequentativa , quæ non habentur in usu, sed recens formata videntur .

III. In Onomatopœiâ hæc spectanda esse, observat Ludovicus Carbon l. 1. de *Eloquio* Primùm, quod nemo in fingendis de

de novo nominibus majorem sibi licentiam fumat, quàm necessitas præbet. Secundò quod rarus sit verborum novatorum usus, maximè in oratione solutâ, in quâ si rarò, & suis locis, novato utantur vocabulo, reddatur illustris. Hanc tamen nominis fictionem apud Græcos inter maximas habitam esse virtutes, Fabius protulit cap. 6. l. 8. quod quidem meritò factum est; acris enim ingenii, purgatiquæ judicii est ex affectibus novam vocem adinvenire rerum naturæ consentaneam, idque frequentissimè factum asserit his verbis: *Plurima itaque posita ab his, qui sermonem primi fecerunt, aptantes affectibus vocem; idque non alia libertate, quam qua rebus appellationes dederant. Suâ verò tempestate, nova nomina effingere prorsus fuisse interdictum, monstrat sequentibus: Deinde quasi consummata sint omnia, nihil generare audemus ipsi, cum multa quotidie ab antiquis ficta moriantur.*

Fuisset hic, Verborum innovandorum aperiendi fontes, locus. Ne tamen actum agamus cessandum est. Aperuimus enim primâ Parte, ubi de Verbis Novatis.

Notandum tantùm hîc superest per Onomatopejam non solum fingi vocem, sed modum etiam exprimi, quo sit res.



PARS QUARTA.

D E

ORNATU TROPORUM,

Qui in Sententiâ consistunt.



X ipsâ denominationis fronte liquidò apparet, quodnam discriminis sit inter Tropos hucusque explicatos, & eos, de quibus in præsentia sermonem sumus habituri. Ji siquidem uno, vel paucis circumcluduntur verbis; hi verò totam, per sententiam spatiantes, periodum, imò periodos complent. Quatuor autem communiter tum à Græcis, tum à Latinis Scriptoribus recenseri solent Tropi, qui in Sententiâ, suntque

*Allegoria.**Periphrasis.**Hyperbaton.**Hyperbole.*

De singulis specialiter suis capitibus agemus, simulque de Fabulâ, Adagiis, & Ænigmatibus, quæ Allegoriæ nomine veniunt, nonnulla instituemus. Sit itaque

D E

DE ALLEGORIA . Cap. I.

*Significas occulta quidem, sed dicis aperte ;
Cum diversa refert sensus Inversio verba .
Solùm ex translatis, propriis vel mixta loquelis
Hæc coepta à flammis, caveas ne desinat undis.*

I. **A**llegoria ἀλληγορία, à Latinis *Inversio* dicitur, sive, ut Scaligero placet, *Allusio*, quâ pluribus Metaphoricis verbis, cùm aliquid dicatur, aliud simile est intelligendum. Juxta Cic. 3. de Orat. Quintil. l. 8. c. 6. *Est continuata metaphora*. Sed secum pugnare Fabium observo, cùm alibi Allegoriam ex propriis fieri verbis affirmet. Sic enim non esset Tropus, neque Metaphoræ continuatio. Scaliger verò l. 3. cap. 53. Alteram comparisonis partem Inversionem appellat. Comparisonis enim duæ sunt partes, puta, quæ de Mezentio, & quæ de Leone dicuntur. Si hæc sola ponatur, non autem prima, Allegoria resultat. Comparisonis itaque pars est, non ea scilicet, quæ ipsam comparisonem componit; sed quæ per se ipsam posita alio modo rem digerit. Si Mezentium non describam, ejus tamen robur, & animos indicare velim, ad hunc potissimum modum dicam per Allegoriam: *Leo impastus inter armenta sævit: omnia prostrernit, totus fit cruentus suadente fame*. En sermo quomodo aliud explicat quam Mezentium, quem tamen designat. talis est apud Virgil. Ecl. 3. & Georg. 2. *Et jam tempus equum spumantia solvere colla.*
Clau-

Claudite jam rivos pueri sat prata bibere .

h. e. Satis jam dictum est , tempus est carmen finiri . Verum & istud reponam , esse nonnullos doctissimos viros , qui constanter inficias eunt , Allegoriam non solis fieri verbis per Metaphoram translatis ; volunt enim esse Tropum ex aliorum Troporum frequentatione factum ; adducuntque , ut ratam faciant sententiam , exempla nonnulla ; quæ inter hoc Tullii ex Catil. I. *Nulla me modo posse ejusdem parietibus tuto esse tecum , quod ejusdem mœnibus contineremur .* Ubi parietes pro Domo , mœnia pro Urbe , ajunt intelligi . Ego fanè , ut verum fatear , in allato exemplo , vix Allegoriæ vestigium agnoscerem .

II. Dividi autem solet Allegoria in *Puram* , & *Mixtam* . Pura dicitur , quæ ex solis verbis translatis conflatur ; quales mox laudatæ ex Marone ; seu Pura dicitur , quæ totam occupat orationem . Hujusmodi sunt , quæ sequuntur . Senec. ad Polybium c. 28. *In hoc tam procelloso , & ad omnes tempestates exposito mari , navigantibus nullus portus nisi mortis est .* Cic. ad Q. Cornificium l. 12. de libertate Rom. agens Reip. *Quamobrem , mi Quinde , ait , conscende nobiscum , & quidem ad puppim : Una navis est jam bonorum omnium . quam quidem nos damus operam , ut rectam teneamus : utinam prospero cursu , sed quicumque venti erunt , ars nostra certè non deerit .* Item Lentulo l. 1. *Tenere portum si nequeas navigando , tempestati obsequi artis est .* Item ad Attic. l. 4. ep. 54. *Hæc enim una ex hoc naufragio tabula me delectat . idest , hoc unicum subsidium*

fidium calamitatis : hæ amicitiarum r. li-
quix : ut explicat Carolus Stephanus .
Sophocl. apud eundem ad Att. l. II. ep. 7.
Cupio istorum naufragia ex terra intueri. Ca-
til. apud Salust. *Incendium meum ruina re-
stinguam.* Lucret. lib. 4.

*Suave mari magno turbantibus æquora ventis
E terra magnum alterius spectare laborem .*

Virg. 3. Georg.

*Tu quos ad studium , atque usum formabis a-
grestem*

*Jam vitulos hortare, viamque insiste domandi;
Dum faciles animi juvenum, dum mobilis ætas.*

Præ omnibus tamen celeberrima est Ho-
ratii Allegoria l. I. od. 14. ad M. Brutum ,
in propugnandâ , ac defendendâ Rom.
Rep. Cassii Collegam . Invictissimi siqui-
dem hi duo Cives Rom. Populum à ty-
rannide vindicare conabantur in liberta-
tem. Defuncto Cassio, profligatoque Rei-
publ. exercitu, M. Brutus Romanæ gentis
imperterritus vindex , de libertate rursus
decernere meditatur, exercitum reparan-
do. Dissuadet Flaccus hac Ode, quam pla-
cet subnectere, ubi ex Quintiliani senten-
tiâ (quam contra Turnebum cum Lambi-
no sequor) *navim* pro M. Bruto, *mare* pro
Bello, *fluctus* pro Civilibus discordiis pe-
riculo plenis, *portum* pro pace prorsus
intelligit .

O Navis referent in mare te novi

Fluctus ? ò quid agis ? fortiter occupa

Portum . nonne vides ut

Nudum remigio latus ,

Et malus celeri saucius Africo

Antemnaeque gemant ? ac sine funibus

Vix

Vix durare carinæ

Possint imperiosius

Æquor ? non tibi sunt integra lintea

Non dii quos iterum pressa voces malo .

Quamvis Pontica pinus

Sylvæ filia nobilis

Fastes & genus, & nomen inutile .

Nil pictis timidus navita puppibus

Fidit . tu, nisi ventis

Debes ludibrium, cave .

Nuper sollicitum quæ mihi tedium ,

Nunc desiderium , curaquæ non levis ,

Interfusa nitentes

Vites æquora Cycladas .

Juxta Lambinum aliquot locos ad majorem rei claritatem breviter explicabimus.

Nonne vides ut nudum remigio latus . Nonne

vides **Cassium** Collegam tuum interiisse ?

exercitum tuum , acceptâ clade , in Phi-

lippis perfractum esse ? animos supersti-

tum militum, metu perculsos concidisse ?

Durare, idest perferre significat actionem .

Imperio jus *Æquor* tempestatem & fluctus

belli civilis, vim & potentiam adversario-

rum. *Non tibi sunt integra lintea*. idest , in-

tegræ vires, exercitu diminuto . *Non Dii* .

i. Præsides & custodes navis, quos antiqui

in puppi locabant; & tutela , & insigne

navis dicebatur. *Quamvis Pontica pinus* &c.

Quamvis generis nobilitate, & antiquita-

te glories; milites ex hoc nihil sunt ad

pugnam alacriores : *Nil pictis timidus na-*

uita puppibus fidit &c. pingere navium,

puppes nos etiam solemus, quod nihil

valere ait auctor nautis roborandis ; no-

stris tamen virtute fidei multum roboris

præ-

præstare possunt, cùm Sacras imagines in ipsis pingimus ad tutelam, à quibus navis nomen desumi solet. *Tu nisi ventis debes ludibrium*. i. nisi tu velis, aut fato quasi cogaris tuarum fortunarum, libertatis, ac vitæ naufragium facere, cave ne amplius tentes belli fortunam. *Nuper sollicitum quæ mihi tædium, nunc desiderium*. Tu, Brute, qui mihi militum tribuno, Remp. te duce defendenti magno tædio fuisti, nunc me absentem desiderio afficis, curâque recuperandæ libertatis torques. *Interfusa nitentes &c.* vites æquora scopulis, & naufragiis infesta, unde te explicare non facilè possis. Videtis, quàm optimè omnia quadrent Bruto, qui & ipse fractus, & occisus est; quemadmodum præviderat Horatius

III. *Mixta Allegoria* ea est, in quâ translatis propria commiscentur verba, ut si dicas: *Nubem jusscepti belli, Divini Solis virtute evanuisse. Splendidam animorum lucem, densa vitiorum caligine obscuratam. Tetras insipientis intellectus tenebras, receptis scientiarum luminibus expulsas.* Frequentissimè hoc Allegoriæ genus usurpatur; quoniam claritatem, & gratiam addit Orationi. Talis est Cic. pro Milone, quam recenset Fabius: *Equidem ceteras tempestates & procellas in illis dumtaxat fluctibus concionum, semper Miloni putavi esse subeundas.* Miscetur Allegoria cùm dicitur in illis *fluctibus concionum*. Aliud exemplum mixtæ recitat Carbon ex sacris Literis desumptum: *Cujus ventilabrum in manu ipsius, & purgabit aream suam, & colliget triticum*
in

*in horreum suum , pateas autem igni combures
inextinguibili. Permissetur Allegoria , in-*
quit Auctor , cùm dicitur igni inextingui-
bili. Minturnus Poët.6. hoc addit :

*Sed omnes una manet nox ;
Et calcanda semel via lethi .*

Totum enim unius esset modi , nisi seque-
retur . *Calcanda semel &c.* Mixta quoque
censetur hæc Lucani de Virgilio ad Piso-
nem , :

*Ipse per Ausonias Æneïa carmina gentes
Qui sonat, ingenti qui nomine pulsat Olympum
Mæoniumque senem Romano provocat ore ;
Forſitan illius nemoris latuiſſet in umbra,
Quod canit, & ſterili tantùm cantaffet avena
Ignotus populis, ſi Mæcenate careret .*

Talis etiam Decimi Liberii Romani Equi-
tis responſio Cæſari , ut mimum in ſcenâ
ageret, poſtulantî .

*Si tibi erat libitum literarum laudibus
Floris cacumen noſtræ famę frangere ;
Cur, cùm vigebam membris præviridantibus
Satisfacere populo, ac tali cùm poteram viro
Non flexibilem me conſervaffi ut carperes ;
Quo in genere & ſpecies ex arceſſitis ver-
bis venit, & intellectus ex propriis : ut
ait Quintilianus .*

IV. Illud verò ſpecioſiſſimum genus
orationis, in quo trium permixta eſt gra-
tia, Similitudinis, Allegoriæ , & Translato-
nis. Tale eſt Cic. illud pro Murena , quod
à Fabio commendatur : *Quod fretum, quem
Euripum , tot motus, tantas , tam varias ha-
bere putatis agitationes , commutationes , flu-
ctus, quantas perturbationes, & quantos æſtus
habet ratio comitiorm? Dies intermiſſus unus,*

am

aut nox in. erposita, sæpe perturbat omnia ; & totam opinionem prava nonnunquam commutat aura rumoris . Similis formæ est Virgilianum illud ex 4. Georg.

Protinus aërei mellis cœlestia dona

Exequar: hanc etiam, Mæcenâs, aspice partem:

Admiranda tibi levium spectacula rerum ,

Magnanimosq; duces, totiusq, ordine gentis

Mores, & studia, & populos, & prælia dicam.

Et paullo post

Ut cùm prima novi ducent examina Reges

Vere suo, ludetque favis emissa Juventus ;

Vicina invitet decedere ripa calori ,

Obviaque hospitiiis teneat frondentibus arbor :

In medium seu stabis iners, seu profluet humor,

Transversas salices, & grandia coniice saxa :

Pontibus ut crebris possint consistere , & alas

Pandere ad æstivum Solem , si fortè morantes

Sparserit , aut præceptis Neptuno immerserit

Eurus .

V. Id autem in primis est custodiendum ; ut quo genere cœperis translationes, eodem desinas ; ne Horatianum illud Poët. cani possit :

Et cùm amphora cœpit institui , cur urceus exit ?

Multi enim , cùm initium à tempestate sumplerint ; incendio, & ruina finiunt. Secundò etiam animadvertendum, ne nimis crebræ sint Allegoriæ , ne orationem obscuram , adeoque fastidiosam reddant . Postremo & illud admoneo , crebrius frequentari Tropum hunc posse in Proverbiis, seu sententiis Proverbialibus ; cuiusmodi ingentem copiam legere est in sacris libris ; ac præsertim iis, qui Proverbia , &

Ecclesiasticus inscribuntur . Cæterum Allegoriam aut puram , aut mixtam perpetuam esse in Eclogis Virgilianis , imò ferme , & in Georgicorum libris , multi observant . Sæculo quoque adeo placuerunt nostro Allegoria , ut Orationum pariter argumenta per Allegoriam efferrent . Verè tamen usus Deo dante , plerumque evanuit ; & graviores Propositiones succedere . Sed de hoc alibi . Nunc de Allegoriæ speciebus nonnulla dicamus . Has hoc disticho clauferam .

*Fabula vulgaris, pariterq; Paræmia, & Ænos
Sunt Allegoriæ quæcumque , & singula proles .*

DE FABULA , PRIMA ALLEGORIAE SPECIE . Cap. II.

I. **F**abula à *fando* dicta est , ut sentit Varro de LL. E. fabulis aliæ sunt quæ *Logi* , seu *Apologi* dicuntur , Græcè *λογoi* , & *ἀπολογία* : aliæ , quæ *Mythi* *μῦθοι* vocantur , sive Fabulæ simpliciter . Mythi , cùm argumenta Comœdiarum , ac Tragoœdiarum complectantur , & omnem vim denique Poëseos , quæ fit per imitationem , communi nomine Poëticas etiam continet fictiones . Hujusmodi sunt Homeri infinitæ fabulæ circa Deorum Prolem , cognomina , honores , diversa artificia , & figuras . Hinc Hesiodi Ascraei Poëtæ Theogonia , hoc est Deorum generatio . Hinc fabularum liber ab Hygino Augusti Liberto ad Poëtarum ipsorum intelligentiam conscriptus , & Palæphati Stoici de fabulosis narrationibus liber alter . Item ejusdem ,
Hygi-

Hygini Astronomia Poëtica, & Arati Phænomena, idest apparentia, quæ omnia, & quidem selectiora XV. Metamorphoseon libris latinè Ovidius complexus est. Fulgentius pariter Carthagenensis Episcopus Mythologiarum tres libros conscripsit, ex quibus Natalis Comes Opus suum digessit. Memoriam quoque prodit Eusebius Porphyrium libros composuisse, in quibus fabulosas Deorum Genealogias ad naturæ rationem, & opificium perducere conatus est. Porro universim Hermogenes d. Form. l. 2. c. 10, mentiendi genera h. e. Fabularum quator facit. Primum, continet Fabulas circa ea omnia, quæ de Diis more humano dicuntur; quæ propterea vocat probabilia. Alterum est, quod continet transmutationes hominum in alias animalium formas; ut Cadmi in draconem; & marium mutationes in foeminas, ut Tiresie; vel foeminarum in mares, ut Cænei; vel in diversas diversarum animantium figuras, ut Centaurorum, Cyclopum. Tertium genus est, in quo exprimuntur irrationalia, aut inanimata, aliquid rationalium atque inanimantium proprium peragentia; ut si dixerimus bovem locutum, equum cecinisse, aut simile. Quantum genus est per Hyperbolen; qualia sunt illa Homerica, Achillem tam longè insiliisse, & Ajacem, aut Hectorem tam ingentis magnitudinis lapidem facile projecisse. Primum, secundum, ac quartum Fabularum genus Epici Poëtæ sibi ascivere; tertium Oratoribus, atq; Philosophis magis proprium fuit. Quid

verò hisce figmentis intendere voluerit Antiquitas, in confesso est; moralis nempe Philosophiæ præcepta populo tradere. Undè scribit Dionysius Halicarnas. Comediam sub ludricâ larvâ philosophari. Et sanè quid sibi vult Danaes auro deceptæ fabula, nisi quod & Flaccus interpretatur: nihil tam esse munitum, quod non expugnetur pecuniâ; nihil tam incorruptum, quod muneribus non vitietur? Quid Herculis labores; nisi sudoribus, ac juandis aliis famam immortalem parari? Quid Midæ votum; nisi avaros, & insatiabiles suis ipsorum opibus præfocari? Quid Bacchus à fulmine flagrans in Nympharum aquas injectus; nisi vini ardorem, sobrio elemento restringendum, esse? Quid Sirenum cantus; nisi assentationem, ut rem omnium blandissimam, ita & pestilentissimam? Quid Ulysses, qui solus peculò epoto, virgâque monitricâ percussus; non est mutatus; nisi firmum illum, & constantem sapientis habitum, qui nec frangi terroribus, neq̃ ullis affectuum illecebris ab honesto potest abduci? Quid tandem innuit (ut ejusmodi sexcenta prætermittam) Circes fabula, veneficiis homines vertentis in feras? nisi eos, qui nequaquam rationis ductum sequuntur, sed totos se se turpibus dediderunt affectibus jam præter hominis vocabulum, nihil hominis habere; sed ad pecudum degenerasse naturam? His, & similibus figmentis intendebant Poëtæ, quod meliori eventu inde Oratoribus contigit; populorum scilicet mores instituere. Sed

ex fabulatorum malitiâ decursu temporis factum est, ut undè medelam inde virus incauti homines asportarent. Verùm ut ad rem redeamus.

II. Apologus, seu simplex Fabula, de quâ hîc potissimùm nobis sermo est, nomenclaturam sortita est diversam ex Inventorum ratione; nam modò Sybaritica, modò Cylix, modò Cypria dicta est. Attamen consuetudo obtinuit, ut omnes Æsopicae dicerentur, cæteris Inventoribus silentio obvolutis: eæ siquidem, utpotè Auctoris ingeniosissimi præ cunctis primas habere, quemadmodum disertè innuit Apollonius Tyanæus apud Philostrat. lib. 5. cap. 5. his verbis: *Ego verò Fabulas Æsopi ad sapientiam accomodatiores, quàm cæterorum esse censeo. Quæ enim de Heroibus confictæ sunt, de quibus tota materia Poëtarum, audientium aures corrumpunt, illicitos, ac nefandos eorum amores referentes; ceu fratrum, vel sororum nuptias, & in Deos calumniam, atque illiberales astus, & mutuas altercationes. Hæc cùm veluti gesta à Poëtis proferuntur, homines ad amorem, & zelotypiam inducunt; & divitiarum, regnique cupiditatem, ad quæ fabulæ incitant; Æsopus verò &c.* Sanè Æsopum haud immeritò Sapientem esse existimatum, Gellius l. 2. cap. pen. Rhodiginus l. 15. c. 25. Erasmus, aliique innumeri scribunt; cùm quæ utilia admonitu, suasuque erant, & non severe, imperiosè præceperit, & censuerit; qui Philosophis mos erat; sed festivos commentus Apologos, ac delectabiles res salubriter, & prospicienter animadversas,

in mentes, animosque hominum cum audiendi quadam illecebrâ induxerit. *Nuda enim illa, ut eruditè Julius Pollux Onomast. c. 1. docendi præcipiendique ratio molestiam hominibus, ac satietatem affert, quapropter temperamento opus erat, quo mordax illud verum, quo teneriores animi facile offenduntur, dulcedine leniretur; quo scilicet gratiora subirent animos præcepta virtutis. Non aliter quàm (Lucretii simile usurpabo ex lib. 1.)*

Pueris absinthia terra medentes

*Cùm dare conantur, prius oras pocula circum
Contingunt mellis dulci flavoque liquore*

Ut puerorum ætas improvida ludifcetur

Labrorum tenus: interea perpotet amarum

Absinthi laticem, deceptaque non capiatur,

Sed potius tali factò recreata vale scat.

III. Ex his facillimè Apologorum finis potest deduci. Phœdrus Augusti libertus, qui Jambicis versibus nonnullas Fabularum Æsopicarum digessit, & sermone quidem latino ac puro, in quo plurima antiquæ elegantiae apparent vestigia lib. 2. Apologorum scopum detexit, ubi inquit:

Nec aliud quidquam per Fabellas queritur;

Quàm corrigatur error ut mortalium;

Acutaque se se diligens industria.

Cælius duplicem finem constituit lib. 9

c. 21. Lect. Antiq. Fabulas, ait, quarum no-

men falsæ professionem indicat, aut tantum;

conciliandæ auribus voluptatis, aut adhorta-

tionis ad bonam frugem gratia, repertas esse

legimus. In eâdem prorsus sententiâ fuit

Cunradus Rittershusius Phœdri Scholia-

stes,

fles, cujus hæc ferè sunt in epistolâ præliminari. Hanc igitur ob rem Apologi, & narrationes fabulosæ repertæ sunt, quibus exempla virtutum ad imitandam, & vitiorum ad fugiendam sub imaginibus alienarum personarum, vel etiam Brutorum animalium, nonnunquam, & rerum animâ carentiam proponerentur; & hominum, quibuscum sermo esset, vitia rectè reprehenderentur; qui fortasse resiliunt, & averfarentur monitorem, ejusque salutarem medicinam respuerent, phreneticorum instar, si quis sine circuitione cum ipsis agere vellet.

IV. Sciscitabitur quispiam fortasse, quisnam Apologorum hujusmodi Inventor extiterit? Svidas, Hesiodum primum omnium Fabulas conscripsisse testatum reliquit; qui Poëta annis tribus supra centum superior Æsopo fuit. Idem sentire videntur Quintil. Rhodig. & alii. Primus lib. 5. c. 11. his sensum suum protulit: *Fabulae, quæ etiam si ab Æsopo originem non acceperunt (nam videtur earum primus Auctor Hesiodus) nomine tamen Æsopi maxime celebrantur.* Alter l. 15. c. 26. hæc recitat: *In hoc verò commonendi sumus, Fabularum, quæ Æsopæ dicuntur, originem ab Æsopo non dimanasse, quando earum videtur primus auctor Hesiodus.* Isidorus verò l. 1. c. 39. Alemonem Crotoniensem Inventorem putari dicit. At Decimator damnatæ memoriæ Scriptor in Thesauro Linguarum, Fabularum quæ tribuuntur Æsopo, auctores addit Hesiodum, Xenophontem, Plutarchum, & alios Græcos Scriptores: Maxi-

mum verò Planudem eas congelisse putat; ac Philosophicam vitam, sub ficto Æsopi nomine esse commentum; Æsapumque nullum extitisse. Verùm nos, est quod altius rem petamus. Cùm enim in Sacris Literis Apologi quandoque occurrant, Joahan scilicet, Nathan, & Joas, jique stylo simplici, ac familiari propositi, quales Æsopici; dicendum eos Fabulam primùm invexisse. Joathas enim, qui circa annum à creatione mundi 2927. floruit, teste Genebrardo, fuitque Hesiodo quatuor ferè sæculis anterior; fabulam lignorum, sibi Regem postulantium reperit ad reprehendendos Sichimitas; legiturque judicium, c. 9. Nathan quoque Propheta prudenter quasi per cuniculos Regem suum Davidem aggressus est 2. Reg. 12. cùm is duplici se scelere obstrinxisset, proposito Apologo de Paupere unius oviculæ Domino, quâ ipsum dives quidam spoliavit; ipsum Davidem fecit judicem, ejusque deinde sententiã condemnatum, atque constriatum tenet; suoque jugulat quasi gladio. Joas demum Rex Israël, Fabulam de Cedro, & Carduo scripsit eodem calamo lib. 4. Reg. c. 14. Nec Hesiodus morales Fabulas tali formâ reliquit (unam excipe de Accipitre, & Luscinia) sed carmine, ut supra dicebamus, Deorum Generationem, ac insuper Poëmata duo, quarum primum *Opera, ac Dies*; alterum *Scutum Herculis* inscripsit. De Alcomone, sive, ut scribit Genebrardus, Alcmaëone, de Xenophonte & Plutarcho, nihil ad nos: primus enim post Hesiodum plusquàm duo-

duobus, u. laudatus Chronographus affirmat, alter quatuor, tertius demum octo ferme sæculis vixit.

V. His ad Studioforum eruditionem delibatis, rem propinquius attingamus necesse est. Fabula itaque, seu Apologus definiti communiter solet: *Sermo fictus veritatem effingens*. Non tamen, ut notat Vossius in Etymol. L. L. nomine Fabulæ res ficta semper importatur. Nam Hieronym. ad Castrutium verum quidpiam proponens, Fabulæ nomine vocat, inquit: *Et, ne veteres replicando historias longum faciam, & excedam mensuram epistolæ, brevem tibi fabulam referam, quæ infantia mea temporibus accidit*: Si accidit quomodo fabula? Eodem sensu tale nomen frequentârunt Tertullianus in Apologetico, Orosius sub finem lib. 2. Symmachus, Sidonius, rursus Hieron. ep. ad Philemonem, alique innumeri. Nomine etiam fabulæ minimè comprehensas volo nugas illas, quas mulierculæ pueris ad otium recitare consueſcunt; sed

Fabula dicitur nobis oratio ficta,

Qua prodesse volunt, & delectare Poetæ;

Aut jucunda simul, præstantiaque dicere vite.

Porro Fabulæ tria sunt genera. *Rationale.*

Morale. Mixtum. In rationali, hominem

quidpiam facientem, aut dicentem effingimus.

In Ethico Brutorum fingimus mores: vel inanima introducimus.

In mixto rationale, & irrationale copulamus.

Attexi autem Apologis plerumque documentum affolet, quo figmenti enustioris revelatur utilitas. Id *exemplum* Græci

nuncupant, *affabulationem* Latini: quod si documentum præfigatur Fabulæ *quædam* appellabitur rectius; latinèque *Præfabulationem* dixeris. Cujuscumque generis Fabularum exempla subnecto Prosâ & carmine: Carmine quidem ex Phœdro, Prosâ meo ex marte.

Exemplum Fabulæ Rationalis.

Phœd. l.3. num. 44.

Æsopus, & Petulans.

Successus ad perniciem multos devocat?

*Æsopo quidam petulans lapidem impeggerat,
Tanto, inquit, melior. assensum deinde illi dedit
Sic prosecutus: plus non habeo mehercule;
Sed unde accipere possis monstrabo tibi:
Venit ecce dives & potens: huic similiter
Impinge lapidem, & dignum accipies premium.
Persuasus ille, fecit quod monitus fuit;
Sed spes fefellit impudentem audaciam.
Comprehensus namque pœnas persolvit cruce.*

Figulus, & Sculptor.

Sculptorem Figulus de tarditate operum increpabat. Ille verò: Tu quidem coquinis testas, at ego templis, aulis, & theatris statuas, & trophæa ad æternitatem effingo.

Exemplum Fabulæ moralis.

Ex Phœd. l.1. num. 20.

*Stultum consilium non modo effectus caret;
Sed ad perniciem quoque mortales devocat.
Corium depressum in fluvio viderunt canes;
Id ut comesse extractum possent facilius,
Aquam cœpere bibere, sed rupti prius
Ibi pericre, quam quod petierant contingerent.*

Serra, & Lignum.

Cum lignum in asseres secaretur, acriter de serra conquestum est, quod taliter per ipsam

ipsam torqueretur. At illa: gratias mihi referre debes; quoniam labore me ipsâ destruo, quo te silvestre, pabulum ignis in talem formam redigam, quâ ad Urbium ornamentum disponaris.

Exemplum Fabulæ mixtæ.

Ex Phœd. l. i. num. 15.

Asinus ad Senem Pastorem.

In Principatu commutando sapius

Nihil præter Domini mores mutant pauperes.

Id esse verum parva hæc fabella indicat.

Asellum in prato timidus pascebat senex

Is hostium clamore subito territus

Suadebat Asino fugere, ne posset capi.

At ille lentus: quæso num binas mihi

Clitellas impositurum victorem putas?

Senex negavit: Ergo quid refert mea,

Cui serviam? clitellas dum portem meas.

Homo, & Lutum.

Homo quidam cum per cœnosa viam incederet, ejusque vestes insiliente luto inquinarentur, contra lutum indignatus: Te, inquit, non utique coinquinassem, nisi me pessundasses.

Sed ne videamur inopes à copiâ facti in tantâ fabularum multiplicitate, nonnulla rursus exempla apponamus, eaque ex probatis Auctoribus petita.

Aliud Rationalis Fabulæ exemplum

Ex Gabrio, seu Ignatio Diacono.

Eques, & Agricola.

Leporem petenti militi, Agricola exhibet.

Attollit ille, lustrat, & pretium rogat.

Post incitato equo fugit. Tum rusticus:

Properare soli; munus hoc dono tibi.

Servare quod nequis vel ultro id abne.

Argutus, & Princeps
Ex bernardino Baldo.

Argutus quidam Principem interrogavit; cur adeo liberalem se in scurras & blaterones præstaret. Cui ille. Quoniam ejusmodi homines liberalitatis famam evulgant. Utique, respondit alter, sanè, si vitium in virtutem verteretur, ac mala in bonam famam.

Ex Aphonii Progymnasmatibus.
Medicus.

Ægrotum curabat Medicus. Ægroto è vivis sublato, ille efferentibus dicebat: Homo hic, si vino abstinuisset, & clysteribus fuisset usus, non interjisset. Ad ea respondit quidam. Quorsum ista, cum nulla amplius esse possit utilitas? tunc admonere decebat, cum ægrotus his uti poterat. Fabula significat, oportere auxilium præsentaneum esse.

Aliud Moralis Fabulæ exemplum

Ex Horat. epist. I. ad Mæcen.

Vulpes, & Leo.

*Quod sime populus Romanus fortè roget, cur
Non, ut porticibus, sic judiciis fruam jisdem;
Non sequar ac fugiam quæ diligit ipse, vel odit;
Olim quod Vulpes ægroto cauta Leoni
Respondit, referam; quia me vestigia terrent
Omnia readversum spectantia, nulla retrorsum.
Bellva multorum es caput.*

Idem de Vulpe, & Mustellâ.

*Forte per angustam tenuis vulpecula rimam
Repserat in cameram frumenti, pastaque rursus
Ire foras pleno tendebat corpore frustra.
Cui mustella procul: si vis, ait, effugere istinc,
Macra eavum repeies arctum, quem macra
subisti.*

Hac

*Hac ego si compellar imagine cuncta resigno ;
Nec somnum plebis laudo satur altitium, nec
Otia divitiis, Arabum liberrima muto .*

Joathæ de Lignis . Ex Judic. 9.

Jerunt ligna, ut ungerent super se Regem; dixeruntque olivæ: impera nobis: quæ respondit . nunquid possum deferere pinguedinem meam, quâ & Dii utuntur & homines, & venire ut inter ligna promover? Dixeruntque ligna ad arborem ficum: veni, & super nos regnum accipe, quæ respondit eis: Nunquid possum deferere dulcedinem meam, & fructus suavissimos, & venire, ut inter ligna promover? Locutaque sunt ligna ad vitem: veni, & impera nobis: quæ respondit eis: Nunquid possum deferere vinum meum, quod lætificat Deum, & homines, & inter cætera ligna promoveri? Dixeruntque omnia ligna ad rhamnum; veni, & impera super nos: qui respondit eis: Si verè me Regem vobis constituitis, venite & sub umbra meâ requiescite; si autem non vultis, egrediatur ignis de Rhamno, & devoret Cedros Libani . Legite totum caput, ubi Fabulæ explicatio ex funestissimâ historiâ colligitur .

Joæ de Carduo . Ex 4. Reg. 14.

Carduus Libani misit ad Cedrum, quæ est in Libano, dicens: da filiam tuam filio meo uxorem: transferuntque bestię saltus, quæ sunt in Libano, & conculcaverunt Carduum . Percutiens invalvisi super Edom, & sublimavit te cor tuum . Contentus esto gloriâ, & sede in Domo tuâ . Quare procuras malum, ut cadas tu & Judas tecum?

Aliud

Aliudmixtæ fabulæ specimen

Ex Gabrio, sive Ignatio Diacono;

Puer, & Scorpio.

*Puer locustas cepèrat : mox Scorpio**Manum propinquat : ceterum is caveas, monet :**Me si tetigeris, inquit, aetutum gemens**Veras locustas è sinu projeceris .**Haud cum malignis tuta conversatio est .*

Ex Demosthene .

Pastores , & Lupi .

Lupi suaserunt Pastoribus ut in amicitiam convenirent; cumque hoc Pastoribus placuisset, rogarunt Lupi ut prima sibi vice securitatis canes obsides darent, quibus jurgiorum causa imputabatur. Quo facto Lupi, Canibus neci datis, omni demptâ formidine, gregem universum non solum pro satietate, verum & pro libidine lacerare. Fabula docet, Urbes ac Populos Custodibus non temere spoliandos; ne ab hostibus facilè opprimantur. Verùm Exemplorum satis.

VI. Restat nunc studiosos admonere, trifariam (quidquid dicant alii) exponi, seu proponi Fabulam posse. Primò stricim, & simpliciter; cum summam Apologi paucis exponimus stylo plano, & æquo. Hujusmodi sunt quæ hucusque in exempla protulimus, sicuti etiam Æsopicæ omnes. Secundò concisè, cum ad fabulam obiter tantum alludimus: ut, si dixerò: *Si tua scripta lacerant, ac damnant imperiti; noli laborare; certè doctissimo cuique maximè probantur. Quid enim mirum, si gemmam aspernatur Gallus Æsopicus?* Aut si quis dicat: *Nullus hostis quantumlibet im-*
potens

potens, humilisque negligendus, cum nec Scà
 rabæum impune contempserit Aquila *Æsopi*
ca. Vel hoc pacto: Tuis ipsius benefactis ni
 tere, non majorum splendore; ne tibi usu ve
 niat quod *Æsopi corniculæ*. Hac etiam ratio
 ne fiet allusio: ut, si de maledico seipsum
 contentionibus lædente, dixerò: *Musella*
Æsopica limam lambit. Tertiò demum ex
 poni poterit Fabula diffusè cum præfa
 tione commendationis; quemadmodum
 in Rhetorices Proginasmatis habetur.
 Specimen exhibet Gellius lib. 2. cap. 29.
 Noct. Att. in explicando Cassitæ Apolo
 go: *Æsopus ille è Phrygia fabulator* &c.
 nam locus in promptu est. Commendari
 autem poterit tum Auctor ipse, tum Apo
 logorum genus. Deinde in describendis
 animantium aut rerum formis, ac naturis
 longiùs immorabimur. Quandoquidem
 hoc jam ipsum, & cum voluptate accipi
 tur, & ad ernditionem liberalem pertinet;
 veluti, si Aquilam dixeris regnum in a
 vium genus obtinere; armigeram esse Jo
 vis; non offendi fulmine; non connivere
 ad ardentissimos Solis radios; perniciosis
 simo volatu ultra nubes ferri: denique
 quæcumque ad Aquilæ generositatem at
 tollendam pertineat. Item producemus
 si quid animanti cuiquam fabulis Poëta
 rum est attributum. quod genus è Lycao
 ne natos Lupos, ex adolescente perdi
 cem, cygnum Apollini sacrum esse, & sub
 fatalem horam suavissimè canere; corvum
 ejusdem fuisse nuncium, & ob cessationem
 ex albo nigrum factum. Aut si quid pro
 ditum est historiis insigniter ab his factum.

Cum

Cùm autem ad ipsum Apologum ventum erit; fusiùs, ac latiùs narrare licebit; sed citra tædium. Id assequeremur si facetà quadam imitatione, quod est in hominum vitâ ad fabulæ mores accommodabimus. Præterea si ad eandem rationem, sermones, sententias, dictaque effingemus. Quia verò Adolescentibus potissimùm hæc scribo, qui magis protritam terere amant viam; optimum fortasse erit accuratiùs quoque nonnulla capita præscribere, quibus Fabula dilatari possit; indeque etiam exemplum subnectere. Capita hæc poterunt esse.

1. Exordium Auctoris laudem complectens, vel Fabulæ utilitatem atque delectationem.
2. Præfabulatio.
3. Narratio ipsius fabulæ à natura animalis, seu rerum in eâ complexarum, cum sermocinatione per prosopopæjam.
4. Similitudo, seu collatio ejusdem rei cum alterâ, vel fabulâ, vel exemplo.
5. Contrario.
6. Epilogo brevi complectente quod ex totius exercitationis processu volumus effici.

E X E M P L U M.

Exord. Quidquid delectationis melle conspersum exhibetur, gratissimum quidem est hominibus, qui voluptate mirum in modum capiuntur; efficiturque ut ejusdem desiderio allekti, cum ipsâ bonos etiam

tiam ebibant mores, & bene vivendi iter instituant. Id ex Apologorum oblectamento aucupamur; Aliorum enim labe illimes facti, alienisque eruditi impensis, omnem vitiorum turpitudinem pro viribus evitamus; jisque haudquaquam capi patimur rerum illecebris, quibus incauti fascinari plerumque solent, ac decipi.

Præfab. Sanè hoc ipsum quopiam doce-
mur commento; rerum scilicet species mi-
nimè prosequi; proprioque penu conten-
tos nos quiescere oportere; ne melioris
boni fuco allecti, alieno simul privemur,
ac proprio.

Narrat. Quemadmodum Æsopico acci-
disse, legimus, cani. Hic flumen trajiciens
carnis frustum ore portabat; cumque se se
acclinasset; ingentiùs carnis frustum in-
trospexit; umbram nempè illius, quod
ore gestabat. Cupiditate invitatus, ac
specie, ore dehiscens arripere dum ten-
tat; umbram venatus, carnem amisit.

A natura animalis. Cani enim aviditas
natura competit, & prædam augendi cu-
pido semper inolefcit; quare venationi
sedulus incumbit; & bene, cum venatori-
bus insatietas, proprietas sit; unde Ovi-
dius

Venator sequitur fugientia, capta relinquit:

Semper & inventis ulteriora petit.

Verùm canibus non modò, venatoribus-
que proprium est, nescire modum; sed
cuique etiam hominum, veluti à naturâ
inditam cupiditatem aspicimus, qui cum
ea habeant, quæ ad usum vitæ necessaria

Cre-

credantur, attamen novis semper conatibus. i. requietâ mente perpetuò feruntur in meliora. Quid inde? Irrito plurimum conatu, aut summo domesticarum rerum dispendio: Cùmque grandiorum inhiant acquisitioni, fit, ut jam antea adeptis destituantur.

Ab exemplo. Idipsum Camelo evenisse, proditum est, qui cùm aures sibi met abscidisset, ut cornua, quæ amabat, reponeret; utroque carere adactus fuit ornamento. idipsum Cræso Lydiæ Regi, qui cùm Cyri Persarum Regis affectaret imperium; & suo, & alieno privatus est Regno.

A contr. Quàm saniori mente se præstiterè, qui suâ sorte contenti cupiditates veluti fræno moderati sunt; ne earum ductum secuti in maxima versarentur discrimina!

Epilog. Infatiabiles enim sunt, ut optimè Aristoteles, improborum cupiditates; qui fortunæ melioris avidi, sæpe præsentia bona amittunt; aliosque suo docent experimento; modum in rebus servandum esse.

VII. Demum intelligant Pueri, non licere cuiquam pro libito fabulas effingere; quod monuit etiam in Rhetoricis Philosophus: ut enim aptè confingantur, cùm ingenio valeamus oportet, tum animantium naturas (sunt autem infinitæ varietatis) penitus animadversas habeamus, necesse est: Insulsum enim esset, firmitatem arundini, timiditatem Leoni, Lepori magnanimitatem tribuere. Denique Personæ etiam ratio habenda est. Multa

in

in hac re à gravibus viris prudentiæ sale temperata placuerunt, quæ si ab adolescentibus dicta fuissent in opinionem venissent scurrilitatis. Hinc vetustas venerata est Mencii Agrippæ Apologum, quo plebem Romanam à seditione liberavit; de corporis scilicet membris adversus ventrem conspirantibus; hac potissimum de causâ, quod tanti viri sit, ac tempori maximè consentaneum. Pari laude exceptæ sunt à doctis Themistoclis altera, de Vulpe muscis obsitâ; quâ Atheniensibus persuasit, ne novarent Magistratus: Gregorii Nazianzeni ad Celusum de cygnis, & hirundinibus, Gerson tr. 8. in Magn. de Vulpe, palumbis, & passere. Similiter magno in pretio habitæ sunt centum, quæ extant, fabellæ Bernardini Baldi Urbinatis, generis nobilitate, vitæ innocentia, doctrinæ, ac eruditionis multiplicitate clarissimi, maternâ dialecto conscriptæ, ac Veneriis 1582. editæ, quas quidem omnes Latio donare optimum foret. Ex his unicum protulimus superiùs numero V. cunctas Etruscum in carmen candidè versas Romæ nuper edidit nobilis Vates Maceratenfis Joannes Marius Crescimbeni nostræ Arcadiæ Custos vigilantissimus; à quo ipsius etiam, summi Viri vitam eruditissimè scriptam publici juris fieri propediem expectamus Pompejus demum Vigiliensis Episcopus decem supra centum fabulis Bestiarum, scholam instituit ad homines erudiendos, eamque Cesenæ apud Receputum 1680. publicam fecit. Et hæc de Apologis dicta sufficiant.

PAROEMIA SIVE PROVERBIUM, SECUN-
DA ALLEGORIAR SPECIES. Cap. III.

*Est mihi vulgatum, scitumq; Paræmia dictum,
Quam traslata decent, & dictio strictior ornat.*

I. **F** Abulæ, de quâ satis egimus, affinis est Paroemia *παροιμία*, quæ, teste Quintil. l. 5. c. 11. *Est velut fabellâ brevior, & per allegoriam accipitur.* Hanc Latini, *Proverbium*, & *Adagium*, sive *Adagionem* dixere; verum Proverbii voce magis delectatus est Cicero, Adagii Varro. Græca vox Paroemia, non à *via* quasi sit trita, & Parodica sententia; sed à *verbo* dictam, censeo cum melioribus; itaut *ὀψος* undè originatur, potius *verbum*, quam *viam* significet. Adagium autem appellatur quasi *ambagium*, ex Varr. l. 6. L. L. sententiâ quòd ambiat orationem, neque in unâ aliquâ re consistat: sive quasi *circumagium*, quòd passim per hominum ora vagetur, ut credit Scotus. Proverbium verò, dicitur quasi omnibus commune verbum, h. e. sententia; id enim hic *verbum* significat, teste Vossio.

II. Nihil magis controversum, ac proindè varium Paroemiæ definitione. Multi pro libito, aut sententiâ multas effingere studuere; non tamen omnes æquè probandas. Talis est illa Donati. *Paræmia est, inquit, accomodatus rebus, temporibusque proverbium.* Quæ descriptio non minus inepta est, atque esset ista, quâ *ἄνθρωπος* i. homo definiretur: *ἄνθρωπος est ratione*
utens

utens homo. Nec etiam arridet Carboni Diomedis altera, quâ Parœmiam definit: *Proverbii usurpationem*; nam per ipsum Diomedem Parœmia non erit Proverbium; sed Proverbii usus; ut si definiens *ἵππov* i. equum dixero: *Hippus est equi usurpatio*. Græcorum finitiones hæ recitantur: *Proverbium est sermo ad vitæ rationem conducibilis, moderata quadam obscuritate multum in se continens utilitatis*. Sive. *Proverbium est sermo rem manifestam obscuritate regens*. Sed ne longius evagemur, Erasmus damnatæ memoriæ Scriptor, qui rem hanc fusè tractavit, in Prolegom. ad suas Chiliadas, hoc pacto definit: *Est celebre dictum scita quampiam novitate insigne*. In quâ definitione dictum tenet locum generis: *celebre*, differentiæ; *scita quampiam* &c. proprii vicem obtinet. Verum & in hac definitione requirunt nonnulli utilitatem, ut quæ ad rationem Adagii videtur pertinere. Scaliger l.3. c.84. *Est oratio vulgata allegorica, seu ad aliud alludens*. D. Basilius init. Prov. Salom. Triviale à Sacrà Parœmiâ secernetis; Primam vult definiri *Verbum viate vulgi usu tritum, quod a paucis ad plura sit idoneum transferri*. Alterum sic: *Sermo utilis moderata cum obscuritate prolatus, multum in se continens utilitatis, multum etiam in recessu intelligentiæ recondens*. Nos sic exprimimus: *Parœmia est dictum, scitum, vulgatum, metaphoricum*. Triâ quippe requiruntur, ut ipse innuit Erasmus ad Parœmiam constituendam

Brevitas, Sententia, Figura.

Brevitas, ut quasi aliquo Laconismo distinctin-

stinguatur à sermone communi; & ideo *Dictum* quod propriè brevitate includit.

Sententia, & ideo *scitum*, quod aliquod scilicet documentum contineat, quod ad plura transferri commodè queat. *vulgatum* denique, idest vulgo notum, ac celebre.

Figura, per quam Tropum aliquem hîc intelligi volumus; sed quoniam metaphora Troporum omnium mater, ac fons; ideo diximus metaphoricum. Verum hæc pars non semper Paræmiæ conjuncta est; permultæ enim occurrent apud summæ auctoritatis Scriptores, quæ nulla metaphora teguntur. Prædicta omnia placet hîc duobus exemplis confirmare. Primum Adagium est Ciceronis ad Atticum l. 5. Non nostrum onus. *bos clitellas?* Bovi enim clitellas imponere, quæ sellæ sunt dorsuariæ, bestiis imponi solitæ ad onera faciliùs gestanda, significat provinciam alicui demandare minus idoneæ; sicuti bos ad clitellas minime aptus est; hoc autem pluribus posset accomodari. Alterum exemplum eruitur ex Danaïdum fabulâ, quæ ob sponso interfectos, has apud inferos dare pœnas dicuntur, ut fitulis perstillantibus aquam hauriant, atque in dolium item perfundant, gravi nimirum, sed inutili labore; *Pertusum dolium*, vel *inexplebile*. Ejus autem varius esse potest usus: quadrat enim vel edaci, vel oblivioso, vel bibacitate inexplebili viro; avaris itidem, ingratis &c.

III. Multiplicem verò fontem habere possunt

possunt celebriora Proverbia .

1. Ex oraculis peti possunt , quod genus est illud : *Neque tertii , neque quarti .*

2. A Sapientum dictis , quæ Oraculorum instar antiquitas celebravit ; ut : *Ardua quæ pulchra .*

3. A vetustis Poëtis , ut Pindaricum , illud : *Contra stimulum calcitrare .* Homericum alterum . *Rem factam etiam stultus intelligit .*

4. Ex Tragœdiis , & Comoediis , quæ mutuo quodam commercio & usurpat pleraque jactata , vulgo , & gignit , traditque vulgo jactanda ; ut illud Senarii Pratinæ Trag. Poëtæ apud Ath. 14. *Medium sequere .*

5. Ex fabulis , ut : *Orci galea . Gygis Annulus .*

6. Ex Apologis , ut : *Non videmus mantica quod in tergo est ;* desumptum est hujusmodi adagium ab Æsopico Apologo , quo fingitur , quemlibet mortalium binas habere manticas . ante pectus unam , è tergo alteram ; sed in priori aliena , in posteriori vitia nostra immittere .

7. Ex Historiis ; ut illud *Romanus sedendo vincit .* Item aliud . *Pisarum suppetia ,* seu *post bellum suppetia ,* in eos qui periclitantibus opportunè non tulere subsidium .

8. Ex moribus & ingenio , sive hominis alicujus sive etiam animantis , ut : *Scri contra Phœnices . Cornix Scorpionum* in eos qui alios lædunt , & à quibus æquè læduntur . *Crocodilli lacryma* &c.

9. Ex rei vi quapiam insigni , ac vulgo nota ,

240 *Paræmia sive Proverb. Cap. III.*

nota, ut : *Lutum luto purgare*; idest, non sordes tollere; sed immutare; aut potius augere.

IV. Habet suas magis peculiare figuras Adagium : Hyperbolen puta, Repetitionem, Metaphoram, seu Allegoriam.

1. Hyperbole sumitur interdum vel ab ipsâmet re : si hominem scelestum *scelus* dicam; *dedecorosum*, *dedecus*; *impurum*, *sterquilinum* &c. quorum unumquodque per comparisonem efferri potest, ut : *deformitate deformior ipsa siti siticulosior*.

2. Trahitur à rebus similibus, ut : *melle dulcior*; *pice nigrior* : *auro purior* ; *nive candidior* : *vitro fragilior* : *pluma levior* : *oleo tranquillior* &c.

3. Ab animantibus, ut : *passere salacior* : *vipera virulentior* : *lepore timidior* : *phœnice rarior* : *echino asperior* : *limace tardior* &c.

4. A Personis Deorum, ut : *Diana javantior* : *Venere formosior* : *Mercurio facundior* : *ipsis Charitibus humanior* &c.

5. A Personis fabulosis, ut : *Tantalositientior* : *Oreste insanior* : *Ino pauperior* : *Penelope castior* : *Glanco stupidior* &c.

6. A Personis Comœdiarum, ut : *Parasito edacior* : *Phormione confidentior* ; *Euclyone tenacior* : *Gnathone adulantior* &c.

7. A Personis Historiarum, ut : *Phalaride crudelior* : *Polycrate fortunatior* : *Cræso ditior* : *Cræso nummatior* : *Cariene obliuiosior* &c.

8. A Gentibus, ut : *Scythia asperior* : *Parthis fugacior* : *Arcade stolidior* : *Pœno perfidior* : *Sybarita fastuosior* &c.

9. Ab Officiis, ut : *Areopagita tristior* : *Carni-*

Carnifice immanior : Cinædo mellior : Milite gloriosior &c.

Repetitio interdum occurrit, sed minùs frequenter, ejusdem, aut similis iteratione vocis, vel contrariarum contextu: ut si dixerò: *Perdam te malum malè : Mali corui malum ovum : Alumnus sapientis sapiens: Ma-lo malus; Amici amicus &c. Et justa & in-justa: probè, & improbè: volentibus, & nolentibus: infelix felicitas &c.*

Metaphora, & Allegoria magis propriæ sunt Adagiis, præcipuè quæ sumuntur à rebus insignibus, & vulgò celebratis, ut à navigatione, à bello v.g. *Secundis navigare ventis: naufragium facere: vertere vela: tenere clavum &c. bellicum canere: versis gla-diis pugnare: cominus, atque eminus pugna-re: conferere manus; conferre pedem &c.* quæ si paulò longius traducantur abeunt in Parœmiæ formam. Item quæ ducuntur à rebus notis, ac vehementer quotidiano sensui familiaribus: ut, quoties corporis gestus ad animi rem transferuntur: ut, *premere pollicem, pro favere: corrugare frontem, pro molestè ferre: ringi pro indi-gnari: exparrigere frantem, pro hilaresce-re.* Præterea quæ trahuntur à sensibus corporis, velut: *olfacere pro resciscere; degustare pro experiri.* Proverbii pariter faciem ferè habent quæ sunt artium pecu-liaria vocabula, quoties per metaphoram aliò detorquentur, ut: *bis per omnia à Mu-sicis: sesquipedalia verba à Mathematicis, Incudi reddere à fabris ærariis: ad amussim à fabris lapidariis: nullam lineam duxi, à Pictoribus: extremum actum adjungere à*

242 *Parœmia sive Proverb. Cap. III.*

Scœnis &c. Tandem quæcumque translatum sensum præferunt ad Parœmiæ speciem possunt accedere.

V. Hujus loci existimo admonere excludi à Parœmiis quædam affinia, ut sunt *ὑπόμνητα*, quas Latini sententias dicunt; habentque simplicem, & apertam significationem; &, ut sentit Fabius l. 8. c. 5. similes sunt consiliis, & decretis. Hujusmodi fuerit illa, quæ ut Oracula in Apollinis Delphici templo appensa fuere aureis literis, Chiloni adscripta, ex Plin. l. 7. c. 32. nempe. *Nosce teipsum. Nequid nimis. Comes alieni eris, atque litis, miseria.* Item Platonica illa. *Sponde, præsto noxa est.* Et illud aureum Senecæ: *Qui notus nimis omnibus, ignotus moritur sibi &c.* Consulantur Gnomologia Strobæi, Schrevelii &c. Apophthegmata itidem à Parœmiâ secluduntur, à quâ eodem discrimine dissident, ac sententiæ. Est autem Apophthegma, ut placet Tullio r. off. facere dictum, non tamen cujuslibet, sed Ducum, Philosophorum, Legatorum &c. Iuxta illud Simonidis ad quendam in convivio tacentem: *Siquidem stultus es, sapientem rem facis; si vero sapiens, stultam.* Decet Cæsaris uxorem non solum crimine, verum criminis suspitione vacare &c. Observandum tamen est, dari etiam posse, ut sententiâ cum Parœmiâ jungatur; aut etiam ab illâ secernatur; non aliter quam album ab homine. Ut enim non statim album quod homo, neque protinus homo quod album; nihil tamen vetat, id album esse, quod sit homo; ita prorsus interdum fit, sed non perpetuò, ut

Parœ-

Parœmiam sententia complectatur, vel sententia Parœmiam, ut: *Avaro tam deest quod habet, quam quod non habet*: & illud: *Pascitur in vivis livor, post fata quiescit*. quæ quidem sententiæ sunt, adagia non sunt. E contra *In portu navigo*, Proverbium est, non sententia: ac tandem: *no puero gladium*, Adagium simul est, & sententia. Idem dicendum de scommate, ut: *Soles duabus sedere sellis*, simul & Proverbium, & scomma est. Secus *Ad molas sunt*, scomma est, non Adagium. Sunt autem in hoc genere adeo commodè dicta, ut facile possint in Adagiorum ordinem asciisci; ut illud: *Amicus usque ad aras*; Adest enim brevitatis, unâ cum sententia, & translata locutione.

VI. His, ut arbitror, scitu dignis, breviter adnotatis, restat ut de Proverbiorum dignitate, atque utilitate paucula delibemus. Dignitas hinc conjici valet, quod præcipui nominis auctores non indignum duxere, ut de iis vel integra conscriberent volumina. Extat adhuc potentissimi, atque sapientissimi Salomonis liber, qui Proverbiorum inscribitur; ut Prophetæ, aliique Ecclesiastici Scriptores ea passim suis scriptis inseruere. Ex Ethnicis, Aristoteles, Laërtio teste, unicum; item Chrysippus duos Parœmiarum libros conscripsit. Extant & nonnulla Plutarchi collectanea Proverbiorum. citantur item ab Athenæo Parœmiographi permulti, quos hic recensere longum foret. Sacras porro Parœmias ex Catholicis Polydorus, & quidam alii colligere ceperunt. Ante

illos Erasmus eruditissimum opus Adagiorum evulgavit, doctum quidem, & elaboratum, sed erroribus fidei candori summoperè nocuis hinc inde conspersum; quæ propter Sacrosancti Tridentini Concilii Patres ritè sanxere, ut notis explanatum, ac per gravissimos Theologos expurgatum, à Paulo Manutio typis iterum mandaretur illime. Erasmianis Chiliadibus auctarium fecerat Adagiorum, ex Hebræis, Arabis, Græcis, ac Latinis excerptum; Jacobus Grynæus Francof. 1670. quod cum sit ejusdem Erasmi farina, meritè prohibitum est. Extant & Jo: Sartorii Adagiorum Chiliades tres Lugd. Batav. 1656. Martini quoque del-Rio Adagialia sacra Bibliorum &c. Et hæc quoad Parœmiæ dignitatem; modò quæ ad utilitatem. Et primum. Conducit Parœmia ad persuadendum: quid enim adferri potest probabilius, quàm quod ab omnibus vulgò receptum est; quodque tot ætatum, tot nationum consensus, & velut idem suffragium comprobavit? Fit autem quandoque ut sententia proverbio quasi vibrata ferasiat percellatque acrius auditoris animū, & aculeos quosdam cogitationum relinquat infixos. Secundo. Valet Parœmia ad orationis ornatum. Antiquitas enim majestatem conciliat orationi, & acuta brevitās, sermoque figuratus, ac facetus multū gratiæ, & amenitatis aspergit. Conducit demum ad auctores quosquē etiam vetustissimos intelligendos Adagiorum cognitio. In illis enim ut plurima alia, ita & hæc depravatissima sunt; propterea quod

quod verè ænigmaticum quiddam habeant, quod etiam à mediocriter eruditis non intelligatur: tum quod plerumque velut ex abrupto interferuntur; nonnunquam etiam mutilatim; aliquoties unico verbo notantur, vel ad illa tacitè fit allusio. Itaque si prouerbiū nos fugerit, non intelligetur sententia; & quamvis intellecta videatur; tamen magna voluptatis pars deerit, ignoratâ Parœmiâ. Porro difficultas circa Proverbiorum intelligentiam eadem prorsus est, quam notat vir Cl. Beyerlinck circa Parabolas: ex temporum enim, & locorum distantia, quibus habuere ortum, nobis præcipuè procedit: nam res illæ, quæ aliis temporibus, aliisque in regionibus à nostris longe distantibus, lippis patebant, atque consoribus, nunc nisi historicus, aut alius quispiam Scriptor retulerit, jacent in tenebris.

VII. Diximus de Parœmiæ dignitate, atque utilitate; nunc nonnulla de illius usu dicenda. Jis itaque utemur (quod de epithetis olim præcepit Aristotiles in Rhet., non tamquam cibus, sed veluti condimentis; idest non ad satietatem; sed ad venustatem, & gratiam; ac proinde ne sint nimis crebra, nec temerè, ac per vim intrusa, sed velut sua spontè nata; ne obscuriora, & cum res exiget, festiva accedere poterit interpretatio: quemadmodum ridiculum foret, si quibusdam locis gemmam alligaveris; itidem absurdum, si non suo loco adhibuerimus Adagium. Sed ne pluribus rem prosequamur; de Parœmiæ usu idem prorsus præcipi po-

246 *Parœmia sive Proverb. Cap. III.*

test, quod Fabius l. 8. Instit. Orat. de Sententiis usurpandis præcepit. Primum, quemadmodum diximus, ne nimis crebræ occurrant; densitas enim earum obstat invicem, quò minùs eluceant. Sicuti nec pictura, in qua nihil circumlitum est, eminet; ideoque artifices, cùm plures simul, ac diversas res congerunt, spatiis distinguunt, ne umbræ in corpora cadant. Subsistit enim omnis Parœmia; ideoque post eam utique aliud est initium; undè soluta ferè oratio est, & è singulis non membris, sed frustis collata, structurâ caret. Porro ut adfert lumen clauus purpuræ debito loco insertus; ita certè neminem deceat intertexta pluribus notis vestis. Accedit hoc quoque incommodi, quod crebras captanti Parœmias, nonnullas necesse est admiscere vel frigidas, vel coactas; non enim potest esse delectus ubi de numero laboratur. Præterea gratiam amittit quidquid aut immodicum est, aut intempestivum. Demum Parœmiæ usus plurimum valet in familiaribus colloquiis, & in epistolis, quibus nonnihil venustatis, ac voluptatis affert; modò aptè, & suo loco adhibeantur; ut mox dicebamus. Quod si Parœmia minus apta videatur, mollienda erit; quemadmodum Fabius de verbis novatis, aut durius translatis fieri præcipit, & nos Parte Primâ. Recepit enim hoc genus & metaphoras quantumlibet duras, & novationes vocum licentiosas, & hyperbolas parum prudentes. In hunc autem ferè modum præmoliri poterit. *Juxta proverbium; ut ajunt; quod*

quod dicitur; quod dici solet; ut dicimus proverbio; ut fert adagium; ut est in veteri proverbio; juxta vulgo tritum sermonem; quemadmodum vulgo dici consuevit; adagio dictum est; quod proverbio fuit; verè hoc dicunt &c.

Contra huc usq; præscriptas leges festivum quippè, jucundum, & ad hilaritatem compositum extat Poëma Italicum proverbiiis compaginatum cui titulus *Il Malmansile racquistato*: Laurentii Lippi Pictoris Florentini sub ficto nomine Perlonis Zipoli, quod Paulus Minucci notis eruditissimis illustravit, sub simulato pariter nomine Pucci Lamoni.

VIII. Claudam igitur hoc de Paræmiâ institutum caput; si tamen prius illud admonuero, Adagium per Ironiam, ad contrarium sensum deflecti quandoque cum venustate posse; ut si de mendacissimo quopiam dicas: *Audi de Tripode dictum!* Poteest item inverti hoc pacto: *Contra tritum Græcorum Proverbium, expectatis carbonibus, thesaurum reperi.* Et: *Commutavimus non aurea arcibus, sed arcus aureis.* Possumus tandem quocumque modo pro libito variare, aut mutilum proponere; prout ad rem nostram facit; sed judicio opus est; quod enim Quintilianus scripsit de risu, nihil affectari periculosius; idem prorsus de Proverbio dicendum; & in hoc enim, quod evenire solet in musicis, nisi summum præstiteris artificium, ridiculus fies; & cum laudem excitasse credideris; irrisiones captasse comperies.

Et hæc de Proverbiis dicta sufficiant; quæ quidem ex parte abbreviavimus ab

Erasmo, non ita tamen, ut non perutilia præcepta, aliaque scitu digna hinc inde per nos interposuerimus.

ÆNOS, GRIPHUS, SIVE ÆNIGMA,
TERTIA ALLEGORIAE SPECIES.

cap. IV.

*Obscuris Ænos testata est sententia verbis;
Qui simul & Griphus Græcis, Ænigmaq; dictus.*

I. **A** Enos αἶνος interdum pro Parœmiâ, ut apud Theocritum in Idil. Theonic. interdum pro Fabulâ, ut in Apostolii Joniâ, & apud Ammonium, accipi olim consuevit: propriè tamen, meliorumque judicio idem cum Gripho, & Ænigmatē est; sermonemque implicitum significat, obscuram rationem, obscurè dictum, & involucrū. Ænum ab exhilarando dictum censet idem Ammonius, κατὰ τὸ ἱαλόν, quoniâ plurimùm lætemur hujus generis narratione. Griphis γρίφοις nomen indictū à piscatorum retibus. Ænigma αἰνίγμα dicitur ab αἰνίσσεται obscurè loquor. Scirpos etiam appellarunt Latini Ænigmata, ut monstrat Gellius his verbis l. 12. c. 6. *Quæ Græci Ænigmata, Latini Scirpos appellaverunt; tales etiam Græcis itidem Griphi vocitantur.* Sunt qui pro Scirpos, reponant *Scrupos*, aut *Sirpos*. Crinitus, qui Rhodiginum, & Alciatum in suam pertraxit sententiam, autumat pro Scirpos, vel Sirpos legendum *Scrupos*. Vossius *Scrupum* pro Ænigmatē nullo pacto dici posse contendit, sed *Scirpum* aut *Sirpum*, innixus Mossellano, vetustoque Ennii Proverbio *nodum*

dum in Scirpo quærere . Porro *Scirpus* aut *Sirpus* à vimineo piscatorum vase, quod nassam dicunt, vocem trahit. Convivalem quæstionem appellarunt itidem *Ænigma*, quoniam, teste Plutarcho, Jul. Polluce, Athenæo, aliisque, à Regibus in Conviviis proponi solerent, propositâ solventibus pro præmio carnis portione. non solventibus verò pro poenâ muriæ poculo, idest aquæ salis, quem haurire sine respiratione cogebantur; idque alienâ manu transfusum, manibusque post terga cancellatis; ut conjicio ex his Antiphanes versibus: *Est opus manus post terga cum*

Contraxeris, bibisse flatibus sine .

Hunc itidem morem non obscure Clearchus innuit, ubi apud Athen. l. 10. c. 17. sic Griphum definivit. *Griphus est ludicrum problema, seu jocosæ quæstio, qua jubentur convivæ mentis acie perscrutari, & invenire sensum rei propositæ, honoris, aut mûltæ gratiæ* . Ob id autem frequentari cœpit hoc problematum genus; quod, ut censet D. Ambrosius, cum in conviviiis homines interdum bene poti dicaciùs loqui solerent, & intemperantiùs alios proscindere, quæ res in jurgia sæpe sæpius, & rixas erumpebat; id ut averterent graves viri, *Ænigmata* proponere instituere; colloquiis periculosis omittis, & animo converso ad rei explicationem, & sensum. Griphum ab *Ænigmate* quidam secernunt; quos inter Pollux à Scaligero allatus; voluntque ut *Ænigmatis* materia sint joci, ac sales; Griphî verò res seriæ, & quæ studium requirunt. Cælius quoque distinxit hæc

proferens : *Symptotica fuerunt Ænigma , & Griphus . Illud lusum habebat ; Griphus verò etiam studium , & curam .* Alii demum Ænigmata dixere cum de re fieret sermo ; Griphum ubi de voce , ac nomine quopiam . Sed hæc nedum controversiam promerentur ; & nos certè indiscriminatim confundimus , atque ex hoc solùm Ænigmatis voce utemur , utpote cæteris magis receptâ .

II. Quod definitionem spectat , Fabius l. 8. c. 6. Allegoriam obscuriorem dixit Ænigmata ; ex eo fortassis , quod Tullius l. 2. ad Atticum scribat : *Si erunt plura ad te scribenda ; allegorias obscurabo .* Eodem pacto definit Augustinus l. 15. de Trinit. c. 9. Et in Psal. 48. *Ænigma est obscura parabola , quæ difficilè intelligitur .* D. Hieron. Commentar. in Prov. l. 1. c. 1. *Ænigma est quæstio obscura , quæ difficilè intelligitur nisi aperiatur .* Ven. Beda de Tropis Sac. Scrip. *Ænigma est obscura sententia per occultam similitudinem rerum .* Clariùs tamen Scaliger l. 3. c. 84. *Ænigma est oratio obscura rem notam , quam significat , ambagibus tegens .* Tullisse punctum quidam rentur Caramuellem , ubi in Logicâ Vocali art. 24. sic aut definivit , aut descripsit Ænigma : *Est obscura quædam , sed exacta descriptio , quæ proprietates , & accidentia descriptæ rei enumerat ; quorum singula seorsim aliis competere possunt , & solent ; omnia simul non possunt .* Convenit quidem nonnihil in obscuritate cum allegoriæ alterâ specie , Parœmiâ ; sicut etiam in re , quam significat , quæ nota esse debet ; non habet tamen , ut illa , de
essen-

essentiâ Laconismum . Quidam ab Ænigmati proscribunt Samsonis illud Judic. c. 13. *De comedente exivit cibus , & de forti egressa est duicedo ;* quæ de Leone intelliguntur per ipsum occiso ; in cujus ore postmodo mellificantes apes reperit . Hujus verò proscriptionis causam faciunt , quod de re minùs notâ sit , Philistæis ipsis . Idipsum sentiunt de Piscatorum responso illo Homero , ut credit Herodotus , factò , qui in Insulâ pediculos à se excusserant . interroganti enim *quoniam cepissent ?* responderunt oblique : *Eos , quos capimus , non habemus : habemus verò quos nondum capimus .* Ille de piscibus sciscitabatur ; hi de pediculis dedere responsum ; quod sanè factum notum , apertumque esse non poterat . Ænigma perdifficile , ac scitum , Sphingem monstrum illud , apud Thebas prætereuntibus proposuisse scribitur , referturque à Myrleano Asclepiade ab Athen. cit. hoc pacto :

*Est bipes , & quadrupes in terris , solaq ; vox huic ,
Atque tripes . mutat vocem solum omnia campis
Inter quæ serpunt , quæ cælo , & fluctibus errant .
Ast ubi contendit pedibus jam pluribus , illi
Deficiunt vires , & lentis robera nervis .*

Alii sic retulere : Quodnam animal mane quadrupes , meridie bipes , vespere tripes esset .
Ænigmati nodum Oedipus ita dissolvit , ut hominem esse diceret , qui in infantiâ manibus , ac pedibus repens veriùs quàm incedens quadrupes est . Factus vir , ut qui nullo alio , quàm pedum adminiculo nititur , bipes . ingravescentibus autem annis , assumpto Scipione , tripes .

III. Porro *Ænigma* vel in *verbo*, vel in *sententia* consistit. Illud in *verbo* multipliciter absolvitur; ut apprimè notat ex nostris Jo: Chrysostomus à S. Jo: Baptistâ Græcæ, ac Latinae professor eloquentiæ, in suo Manuscripto, quod mihi amicè communicavit; nempe in expositione

1. *Literarum*, 2. *Syllabarum*, 3. *Dictionis*. Clearchus ab Athenæo relatus *Ænigmatum* species omnes septem fecit; quæ quidem magnâ ex parte cum nostris congruunt. Verùm ne tenebras hîc pro luce inducamus, missas facere optimum fuerit, clariori methodo jam donati.

IV. *Expositio* itaque *Literarum* fit
1. *Explicando*. 2. *Auferendo*. 3. *Addendo*
voci literas *initiales*, *medias*, aut *finales*.

I. Ex initiali explicandâ literâ habetur oraculum Julii Cæsaris, cujus dictionis elementa Græca prima sunt I quod denarii numeri nota est, K quod vicenarii. Carmina latinè sic sonant:

*Primus erit Regum, cujus capitalis habebit
Litera bis decies; poterit qui plurima bello,
Et numeri formam primam denarii habebit.*
Huic affine est aliud de Augusto, cujus prima litera est A.
*Proximus hunc Princeps sequitur, quem litera
signat*

Prima elementorum.

Plena sunt similibus involucris Sybillina oracula, dum Imperatores prædicant. Hunc etiam primum *Ænigmati*s fontem agnovit mox laudatus Clearchus ubi ait:
*Un̄ litera quidem (habetur Ænigma) ut
cùm dicimus ab Anomen esse piscis, aut
planta.*

Ex

2. Ex detractiōne literæ initio vocis est illud, quo quidam amico militi ensē mittit cum disticho

*Quod tibi vincendos toties mihi scripseris hostes;
Unum mitto tibi, resces modo millia Mensē.
Ablatā siquidem M, apud Romanos mil-
lenarii numeri notā, mittit ensē. Et illud
de navi:*

Res est, quæ dempto capite volat .

ex voce navis caput amputa, restat avis.
Ex detractiōne literæ in medio dictionis est illud scomma, quo superbiens quidam perstringitur:

*Tu magnus Paulus solo es, tu musica, virtusq;
Unica si medio litera dempta petit .*

Detractis quippe mediis literis, in vituperationem laus cadet hoc modo:

*Tu magus, palus solo es, tu musca, virusque .
Ex detractiōne partim in fine, partim
initio procedit Distichon in sagam ve-
tulam:*

*Mensa tibi nulla est sine cauda: tu quoque sa-
gax,*

Aique ferax pariter, sed sine fronte manus

Dicitur Manus sine fronte, hoc est anus;
demptis elementis à vocibus mensa, sagax,
ferax, anum dementem, sagam, ac feram si-
gnat .

3. Ex additione lepidum est illud Co-
mici fortunam suam ridentis, & se men-
dicum ænigmaticè pronunciantis:
Sum ego una litera plusquam Medicus .
Possunt etiam formari ænigmata in ea-
dem dictione multipliciter addendo, ve-
detrahendo literas, ut illud de Ala:

Res volitat. P. junge fodit: M. jungito mândic
Pri-

Primam deme , canit : ultima sola gemit .
 Si enim huic voci *Ala*, addas P, fiet *Pala*
 si M *Mala*. i. gena : si detrahas primum
 elementum , remanet *La* nota musicalis .
 Sola ultima demum A , est aspiratio ge-
 mentis. Ex hoc fonte procedit etiam aliud
 consimile distichon :

Integra dat pastum; truncato vertice, mel!a

Fundit, si collum denique tollis, abit .

Fundatur in hac dictione *Dapes*. *Integra*,
 pascit : ablato D fit *Apes* : demptâ priori
 syllaba, restat *Pes* . Ad hoc artificii genus
 etiam illud spectat de hac dictione *mu-*
scatum :

Sume caput, curro : ventrem conjunge, volabo :

Adde pedes, redolet : sed sine ventre bibes .

Prima syllaba est *mus*, curret . Si addatur
 media erit *musca* , volabit . Si ultimâ *mu-*
scatum, redolebit . Si media amputetur ,
mustum, potabitur . Et hunc adde de *musica* :
Mus, musa, musca, mica, sica .

Musica dulçe canit totum; sed ventre reciso

Musca fridet; simul & musa perenne viget.

Mus rodit solido capite; hoc sine sica trucidat :

Auferet hac homini sæpius illa caput .

Usus dimidium sibi tollitur, inde quod extas

In reliquo remanet corpore mica salis .

V. Fit etiam ænigma attingendo , vel
 circumscribendo literas vocem compo-
 nentes : ut apparet in hoc decantatissimo
 de hac voce *Vale* .

Mitto tibi frontem Veneris (v) ventremque
Diane (a)

Anteriora lupi (l) posteriora lane (e)

Ex sequenti itidem de hac dictione *Cor*,
 quod a Deo expeti significatur .

Dimi-

*Dimidium sphaeræ (C) sphaeram (O) cum prin-
cipe Romæ (r)*

Postulat à nobis summi regnator Olympi .

*Huc spectat & illud Junii de SS. Nomine
JESU , & nostri Jo: Chrysostomi suprà
laudati , de SS. Nomine MARIE .*

*Dicito quale putes nomen , quod recta columna
Inchoas (I) inde tridens fuscina nectis
idem . (E)*

*Flexus utrinque uncus secat , (S) hinc biviis
nota claudit , (V)*

Inde uncus medio qui stetit ante loco . (S)

*Dic mihi quod nomen credas , cui mille dedere
Principium , (M) proprium cui caput addit
Amor . (A)*

*Hinc Romæ sequitur Princeps , (R) hinc recta
columna , (I)*

Cui caput apponit denique rursus Amor . (A)

*His similia sunt nonnulla ab Athenæo re-
lata lib. 10. c. 17. in quibus per circuitio-
nem Thesei exprimitur nomen. Placet hic
adnectere . Primum hoc Euripidis est in
Theseo .*

Cum literarum non peritus ipse sim ;

Dicam figuras , signaque evidentia .

Est circulus torno velut factus bene

*Signumque habens in ventre , quod clarè pa-
tet (Θ)*

Binas secunda forma lineas tenet :

Dispersit has medio incidens mox altera (H)

Circinnus inde tortus ipsa tertia . (Σ)

Subit figura quarta recta linea

Tres incidentes dividunt hanc linea (E)

Quintam minus promptum fit ipsam dicere .

Sunt differentes lineæ inter se due

Quæ

Quæ conveniunt omnes simul in unam basim (Y)

Extrema differt nil figura tertia (Σ)

Secundum est Agathonis Tragici in Telepho itidem de Thesei nomine.

Est circulus pictus prior mesomphalus,

Due jugata quem sequuntur lineæ.

Arcus Scytharum uti figura tertia est.

Obliquus adjacet tridens quarto loco.

Junguntur inde binæ in una lineæ

Extrema forma est hinc fuit quæ tertia.

Theodectes demum Phaselites rusticum, quendam inducens literarum imperitum, idipsum nomen sic depinxit.

Ocellus est figura prima in circulo;

Binaque sunt hinc lineæ pares simul,

Transversa quas mox incidens ligat altera.

Cincinnus ut contortus est hinc tertia:

Obliquus apparebat hinc velut tridens:

Tum virgulæ nascuntur ex quinta due,

Currunt in unam quæ basim ambæ simul.

At sexta, sicuti prius, cincinnus est.

VI. Formantur denique ænigmata literalia per Achrostichidem; quando nempe ita disponuntur literæ initiales, mediæ, aut finales carminum, ut simul connexæ alicujus rei nomen exhibeant.

1. Initiales in sequenti exemplo, modo connectantur, ænigma solvunt. Resultat enim hæc dictio *Manus*.

*M*e genitrix junctam peperit cum fratre sororem.

A litera nata simul soror est, simul edita partu.

*N*on vivo si frater obit, vita unica utrique est.

*V*ivit at ipse tamen, quamvis ego mortua desim.

Sir-

Singula prima simul confer ; sic nomen habebis .

Hac arte ludit Plautus aliquot argumenta Comœdiarum suarum; quæ primis literis Fabulæ nomen exprimunt; qualia sunt argumenta *Amphitruonis, Cassina, Aulularie, Epici*. Extant quoque celeberrima sybillina Oracula de Christo Jesu simili pacto elaborata; quæ legere est apud Eusebium in vitâ Constantini, Augustinum l. 18. de Civ. Dei c. 15. aliosque innumeros. Leguntur itidem D. Jo: Damasceni Jambi Pentastichi, de Christi Domini Nativitate, de Epiphaniâ, de Pentecoste, quorum priores literæ collectim sumptæ duo rursus, disticha efformant. Si quis amet legere, consulat Corpus Poëtarum Græcorum. Hic sanè longum esset afferre. Plurima etiam hujus generis exhibet P. Laurentius à S. Xisto ex nostris.

Unicum subjungam ex Epigrammatis Hispanorum de B. Theresiâ mortem cupiente :

*Teresam clypeo Damon munitus, & ense
Evastare ferox vi, insidiisque cupit .*

*Respuit haud pugnam; non effera bella Teresa
Extimet; at clamat : palma erit ense mori .*

*Sævus Arabs pacto cum Demone fœdere Chri-
stum*

Armis ætheria trudere sede cupit .

*Christe dato auxilium : imbelli dato robora, &
ardens*

Votum fac semper me urere Martyrii .

*Ingnantes sicque ipsa duos , Arabemque Sisy-
gemque*

Impigra sustineam . quid, nisi tela, ferunt ?

Tela

*Tela ferunt? patiar. moriendi sunt mihi vota
Numine pro celso; sunt stabilesque preces.*

*En tibi, Christus ait, voti mercede, precumq;
Cælum, etsi cedis non patiare vices.*

*Ense flagrat Teresa mori: Christum cupis ar-
dens,*

Martyriique ferunt vota, precesque vicem.

Minus verò hîc laudandus est Vates, qui rectam sprevit orthographiam in Theresiæ nomine; quod maximè cavendum est; ne ubi laudem quærimus, risum inveniamus, ac spretum.

2. Achrostichidos aliud est genus, cùm idem nomen exprimitur, aut diversum, in principio, & fine carminis. Tale est vulgatum illud S. Damasi P. O. M. de sanctis. JESUS nomine:

In rebus tantis trina conjunctio Mund I

E rigit humanum sensum laudare vetust E

S ola salus nobis, & Mundi summa potesta S

V enit peccati nodum dissolvere fruct V

S umma salus cunctis vivit per secula terri S.

Tale etiam hoc

J esu Parentis optim I

E t Virginis castissima E

S aboles, tege, ac tuere no S.

U t cernis à quo vis fit U

S epimur hinc & hinc mali S

Nomen exprimit diversum initio & fine exemplum hoc in Ludovicam Saracenam Virginem hebraicè, græcè, ac latinè doctam:

*Limpidus exhaustis cum fontibus ante Lema-
nu S.*

Undisona Rodani destituetur aqua A

Dulce priùs tristis mulsam dicetur amaro R.

Orta

*Orta nec extabit vere nitente ros A
Verbaque (sint utinam nullo sine pondere)
que nun C*

*Ipsa legis , vera sunt caritura fid E
Corde tuum nostro quam possit cadere Nome N
Aut tua de facie migret Imago me A .*

3. Alterum Achrostichidos specimen est, quando initio, medio, & fine carminis nomen quodpiam exprimitur, ut hic vides :

*I nter cuncta micans I gniti sydera cœl I
E xpellit tenebras E toto Phœbus ut orb E
S ic cæcas renovan S fesus, caliginis umbra S
V ivificansque simul V ero præcordia mot U
S olem Justitiæ S e se probat esse Beati S .*

Exemplum, in quo initiales, mediæ, & finales literæ diuersum effingunt nomen, scilicet *Mater Dei in terris nascitur*, exhibuimus in Poëticis .

4. Verum quis singulas Achrostichidôn complectatur formas ? Sane ingenia adeo in hoc sibi indulgere, ut innumeras ferè invexerint . Interdum enim quælibet versûs dictio initiali suâ Nomen exprimit . v. g.

*Scripturæ A d Normam Cam T apta V o-
lumina S cribam*

*Th eologos Omnes M etior, Atque Sophos.
Hinc si singulas vocum initiales literas colliges, resultabit Sanctus Thomas .* Interdum loco literarum, integras dictiones in versuum initiis ponunt, vel singulis literis nominis alicujus, singula junguntur epitheta; donec versus compleatur. Exempla longû esset hic adducere; hæc carptim attingimus tantum, utpotè instituto

nostro nō absōna. Extant lusus id genus, Abrahami Bemmii Pentachroston Regi Christianissimo Ludovico XIII. & Andree Frusii in pessimum Martin. Lutherum. Quandoque ita efformant Poëma, ut unus versus alterum nedum literā excedat, imo præter nomen quod initio, medio, & fine resultat directè, alia erunt transversim nomina, aut etiam carmina. Hac arte elaboratum habes operosissimum illud Publii Optatiani Porphyrii quod si illegas in directum habebis initio, medio, & fine hunc versum.

Sancte tui vatis Cæsar miserere serenus.

Si accipias singulam quamque literam quinti versus in qualibet area, & septem sequentium resultat Hexametrum

Aurea sic mundo disponis secula tota.

Est aliud ejusdem Optatiani ad Constantinum, cujus omnium versuum tricenæ quinæ sunt literæ, & per omnes partes laterum. Videtur, & hic expressum, sanctissimum nomen, CHRISTUS.

A primâ literâ primi versûs ad novissimam ultimi per obliquum descendit versus Hexameter

Alme saluari nunc hæc tibi pagina signo.

Rursus à primâ literâ ultimi versûs ad ultimam primi decussatim seu per obliquum ascendendo, legitur hic Pentameter

Scripta micæ resonans nominibus Domini.

Qui duo versus figuram X exprimunt.

Rursus à 18. literâ octavi versûs per mediam literam X & viginti sequentium virgula

gula descendit , quæ habet inflexuram ad modum Græci P , quæ virgula hanc sententiam oratione solutâ completur :

Sit victoria comes Aug. & Natis ejus .

Vide laborem , quod citius admirere quam imitare. Sunt etiam qui pro libito Achrosticis figurent Columnas , Cruces , Rosas , Fontes , Labyrinthos , Aras , & id genus sexcenta. Extant ex nostris Jo: Petri à S. Nicolao pro utilitate laboris *Labyrinthus*, & *Anuli* Infœcundorum in Academia Theate expositi . Dominici à S. Francisco in Caramuelem *Linteus* , qui Operum fronti Lugduni impressus est . Francisci Mariæ à S. Joseph , in Geographica Italiæ Academia, de Vesevo monte, *Rosa*; de Labyrintho Clusiaco *Labyrinthus*. Stephani à S. Paulo Venetiæ in formam *ularum* . Nicolai à Nomine Mariæ , *Rosa* pro Virgine Annunciata ; pro sacra Synagoga *Linteus* ; ac pro Virgine Lauretanâ *Labyrinthus* . Joannis Joseph à S. Francisco pro I. C. Cruci affixi imagine Siroliana, *Pons* ; pro columnâ ex agro Romano Myram à S. Nicolao transmissâ , *Columna* ; pro Insulâ Militenâ *Crux Melitenfis* ; & *Ensis* pro Bononiâ . Taliâ hîc non inferimus quamvis jucunda, & ad imitationem valdè conducibilia , quoniam libelli hujus forma non capit . Uberrimam talium artificiorum segetem habetis in Metametricâ doctissimi Præsulis Jo: Caramuelis , quam consulite . Neque hîc admonere prætermittam , ex prædictis lusibus apud Homerum ipsum nonnullos haberi , quos

reçu-

retulit, observavitque Athenæus in *Dip-
nosoph*.

VII. Ænigmata syllabarum ejusdem
omnino sunt artificii, ac literarum; hoc
tantum discrimine, quod in istis ex colle-
ctione ultimorum elementorum resultat
nomen; in illis ex collectione integrarum
syllabarum. Exemplum adduxisse suffi-
ciat unicum:

URania cælo nequeat offundere nubEM;
HERoi nequeat tanto se ostendere duRAM
FAtorum Dea magna, potens, quæque omnia
vinCIT

MAjestas velit huic faciem præbere beni-
GNAM;

SUMmittatq; Viro fasces, cui sessio priMA,
VIRgaque prima data est, & quo responsa Se-
naTUS

SUMpturus, meliora negat ab Apolline proMI
VIRibus huic totis faveat, stabiliq; vi-
deRI

Syllabas priores carminum ubi junxeris
extremis, hæc resultabunt. Urbem Heram
facit magnam summa virtus summi viri &c.

VIII. Veniunt Ænigmata Dictionis, &
sunt, vel cum voces ordine retrogrado
legendas damus; vel cum eas ita sententiæ
accomodamus, ut dempto, aut appposito
commate diversum omnino exhibeant sen-
sum. Primi modi est illud de Urbe Romæ,
expressâ in dictione retrograda *Amor*.
Cunctis bella tulit; fœdavi sanguine mundum:

Voce tamen versa dat mihi nomen Amor.
Insigne est hoc Epig. D. Caroli Bossii de
variis dictionibus à Roma deductis

Roma, amor, armo, maro, mera, ramo, orma,
oram.

Orbis

*Orbis ego princeps, armisq; togaque coruscans;
A bellante meum numine duco genus.
Sors mihi diversa est; vel stringo federe a-
mantes;
Vel, rupto armatas federe, jungo manus.
Charior aut Musis heroas carmine laudo.
Aut fessis adsum saepe vocata quies.
Grata avibus, quibus & sedem mea bra-
chia pandunt:*

*Dein tacito certas indice monstro vias.
Et mihi dum totus peragranti subditur orbis;
Hospitio gaudent cuncta animata meo.
Secundi modi, exemplum esse possunt,
tum tritum illud Ibis redibis non morieris in-
bello; tum alterum hoc Thesauri de quo-
dam milite: Hic jacet Miles strenuus parum
jactabundus multum vigil nunquam fugax
semper diligens in mensa parcus in acie me-
tuendus amicis amicus vitiis carens virtute
summa Dei providentia mortuum pro meritis
remuneret. Vides, quod si comma apponas
post non, affirmatio vergit in negationem
redibis non. Itidem si præponas ante stre-
nuus, laus in vituperationem declinat. v. g.
Hic jacet Miles, strenuus parum, jactabun-
dus multum &c.*

IX. Veniendum modò est ad alterum
Ænigmatum genus in Sententiâ positum:
quod sanè magis lepidum, atque ingenio-
sum dicendum est; fundaturque in re ipsâ
variis ambagibus circumscriptâ. Hoc ge-
nus intendit Aristoteles, ubi in Art. Poët.
c. 21. ait; Formam Ænigmatis esse oratio-
nem, quæ ex se minimè congruentibus
constat. Averroës verò, esse orationem
comprehendentem lententias; quarum
con-

connexio impossibilis videtur ; eoque difficile redigitur ad aliquem certum sensum naturæ consentaneum . Huic tamen asserto non omnino subscribimus ; neque enim hoc Ænigmati perpetuum est : ut ex seq. Virgilii locis colligere liquidò est . Ecl. 3. v. 104.

*Dic quibus in terris, et eris mihi magnus Apollo,
Tres pateat Cœli spatium, non amplius, ulnas.*
quod de puteo aliqui interpretantur . Et aliud. ib. v. 106.

*Dic quibus in terris inscripti nomina Regum
Nascantur flores .*

quod de Hyacintho flore intelligunt ferè omnes ; licèt Servius opponat , talem florem ubique nasci . Aufonius verò

*Aut adsit interpres tuus ,
Ænigmatum qui cognitor
Fuit meorum ; cùm tibi
Cadmi nigellas filias
Mellonis albam paginam ,
Notasque furvæ sepia
Cnidusque nodos prodidit :
Nunc adsit , & certè modò
Præsul creatus literis
Enucleabit protinus
Quod militantes sribimus .*

Hoc in exemplo per Cadmi filias intellexit literas, quos Cadmus è Phœniciâ in Græciam invexit . Mello idem est ac Nilus, ubi papyrus nascitur . Atramentum ex furvæ sepia succo conficiebatur ; & inter scriptorios calamos Cnidiani erant præstantiores . Nonne in his est sola circumlocutio ? Ænigma itaque facies (ut idem Aristot. loco cit. subjungit) si translationes congeras :
quod

quod planè apparet & in hoc exemplo :
Vidi carnem humanam in campo ligneo offi-
bis ludentem . Ubi caro humana pro manu ,
campus ligneus pro alveolo , ossa pro cubis ,
 seu tessellis ossibus materiam ponunt pro
 re confectâ .

X. Optimum autem erit *Ænigma* ,
 quod metaphoras contineat ab opposito :
 ut observat Philosophus ; ac si tres in se
 virtutes contineat, quas Emmanuel The-
 saurus doctus ipsius elucidator assignat ;
 nempe

Unitatem in diversitate .

Claritatem in obscuritate .

Deceptionem in expectatione .

Unitas quidem esse debet . quamvis enim
 diversa translationum mixtio quasi chy-
 mæram componat ; omnia tamen vel sic di-
 sparata in unum propositum debent col-
 limare : quemadmodum ex adducendis in-
 fra exemplis constabit .

Obscuritas , ea debet esse , ut cum tibi
 solvendum *Ænigma* propositum sit , adeò
 implexum , ac intellectu difficile videatur ,
 ut enodationem facile desperes ; ubi verò
 inveneris rem ; statim vel ipse fatearis ,
 omnia , quæ dicta sunt , fuisse propria .

Deceptio est , quæ non modo obtegit ve-
 rum ; sed omne aliud excogitandum indu-
 cit , præter quod est . Hæc quidem mirum
 in modum intellectum delectat , quando
 seipsum deprehendit deceptum ; plausum-
 que excitat in auctorem , ubi ipsemet ani-
 mus dicit : Ita quidem est .

Porro *Ænigma* talibus virtutibus dona-
 tum , componit vel

Affirmationem cum negatione .

Affirmationem cum affirmatione .

Negationem cum affirmatione .

Negationem cum negatione .

I. Affirmatio cum negatione componit illud Thesauri de Echo , quod nos hîc latinè reponimus: *Anima inanimis est , muta simul & eloquens quæ fatur elinguis . Homo non homo , sine flatu vocalis . Sine figura imago , in aère voces absque colore depingens . Licet illam genueris , filia tibi non est . Ipsam non vides & audis , ipsa te non audit , tamen tibi respondet . Est nihilum loquax , loqui nescius cum loquatur , ignorans tamen quid protulerit . Græcia , aut Latio non studuit , Græcè tamen fatur , atque Latine &c .* Tale est etiam illud Clearchi de Eunucho relatum ab Athen. l. 10. c. 17. *Vir non vir , videns non videns , avem non avem , sedentem non sedentem , super arbore non arbore , lapide non lapide , percussit non percussit .* Numeris illud sic quidam ligavit .

Vir non vir , ut fertur vetusto Ænigmate ,

Avem sedentem non avem , lignum super

Superque non lignum , videns & non videns

Ferit , lapillo non lapillo , & non ferit .

Hoc est (inquit Ludovicus Vives in l. 8.

c. 25. D. August. de Civ. Dei) Eunuchus

luscus percussit pumice vespertilionem super sambuco . Marsilius Ficinus in 5. Dial. Plat.

de Rep. *avem non avem* interpretatur alam

vespertilionis . Arcæus verò in Logicâ c. 7.

agens de negationibus *percussit non percussit* ,

sic intelligit ; ut ille pumice non vesperti-

lionem , sed sambucum tetigerit , & ramus

iacus avem excusserit , & excideiit . Simi-

le huic ex parte videtur & illud de *Aceto* ,
quod ex vino conficitur .

Sublatum nihil est , nihil est extrinsecus au-
ctum .

Quod fuerat non est ; cœpit , quod non erat ,
esse ;

Nec tamen invenit quidquid prius esse reliquit.

2. *Affirmatio cum affirmatione elucet*
in hoc ejusdem Emmanuelis , itidem de
Echo . Aëris Nympha est ; petra loquax , anima-
tus scopulus , spiritus filia . Degit in sylvis , om-
niumque eloquitur linguam . Agrestis Sybilla in
antris promens oracula . Adulatrix simul &
spernens ; si rideas , ridet ; plorat ubi ploraveris ;
ubi cecineris , canit ; modò vituperes , vitupe-
rabit laudabit cum ipse laudaveris . Tandiu
vivit , quamdiu loquaris : tuum spiritum spi-
rat ; lingua tua loquitur ; tua vita vivit Unus
vivit cum duo loquantur ; Unus loquitur , sibi-
que ipse respondet . A te quid aliud nec est . te-
cum discedet ; tecum reuertetur ; tecum obibit
&c . Ex affirmationibus pariter conflatur
illud de speculo ex Italo Vate ; quod sic
solutæ orationi donari posset . Rem novi
non vivam ; quæ tamen ubi illi te obtuleris , vi-
vet : ubi scripseris , & ipsam scribere , ubi ce-
cineris , & ipsam canere credas . Si babeas in
prospectu , navos quoscumque tibi deteges : Si
tergum indignabundus obveras , ipsam tecum
evanuisse comperies . Iterum converas &c ,
ipsam simul tecum conversam admiraberis .

3. *Negationem affirmationi conjun-*
ctam habemus in decantatissimâ illâ Bo-
noniensi Inscriptione , tamdiù examinatâ ,
quam alii de Niobe interpretati sunt , aliâ
de pluvîâ , de Lunâ alii ; quidam etiam de

lapide Philosophico . Noster Jo: Chry-
stomus à S. Jo: Bapt. aliàs laudatus , de
Prophano Amore putat intelligendam .

Ælia Lalia Crispis

*Nec vir, nec mulier, nec Androgyna ,
Sed omnia .*

*Nec puella, nec juvenis, nec anus ,
Nec casta, nec meretrix , nec pudica ,
Sed omnia .*

*Sublata nec fame, nec ferro, nec veneno ,
Sed omnibus .*

*Nec cælo, nec aquis, nec terris ,
Sed ubique jacet .*

Lucius Agatho Crispus

*Nec maritus, nec amator, nec necessarius ,
Neque mærens, neque gaudens, neque flens ,
Hanc*

*Nec molem, nec pyramidem, nec sepulchrum
Sed omnia .*

Scit, & nescit cui posuerit .

*Hoc est sepulchrum intus cadaver non habens
Hoc est cadaver sepulchrum extra non habens,
Sed cadaver idem est, & sepulchrum sibi .*

Porro, qui de prophano Amore Inscryp-
tionem interpretatus est , album proxi-
mius attigisse , hoc ipsum argumento est ,
quod apud Athen. Diogenem 13.
c 5. Alexis testetur, pictores, & qui statuas
amoris effingunt, id imperitè facere ; cùm
probè non teneant quis ille sit .

Neque

*Mas est Deus, neque rursus est is fœmina .
Nec est Deus, nec homo : nec est demens, neque
Prudens. Sed coagmentatus ex omnibus .*

Una figura plurimas cùm proferat .

Audacia est illi virilis : est timor

Mulie-

Muliebris; ac stultum facit dementia:

Prudentis est ratio, feræ acrimonia:

Laborque adamantis; ambitio sed Dæmonis.

Vides hîc affinitatem dictionum; sententiarumque similitudinem cum præfatâ Inscriptione; quam quidem possem per partes expendere, ut clariùs eluceret consonam esse interpretationem nostram; sed esset parergon instituere.

4. Solis ex negationibus resultat illud Thesauri de Echo: *Homo non est neque bestia: loqui aut tacere nescit: nec verax, neque mendax est, sine lingua, & silentio: non clauditur, & tamen ex abitaculo exire non valet. Ipsam non vides; te ipsa non audit &c.* Huic respondet Symposii Ænigma de Gurgulione num. 24. quod ex solis negationibus constat.

Non bonus agricolis, non frugibus utilis bo-spes;

Non magnus forma, non recto nomine dictus;

Non gratus Cereî; non parvam sumo saginam.

Simile quoque est Scaligeri illud: *Non vir, non mulier &c.*

5. Ex oppositis mixtis est illud Italicum Petrarchæ cui initium. *Pace non trovo &c.* quod Hexametris versibus donavit Thesaurus, hoc pacto:

Nec mihi pax ulla est, ullus neque militat hostis.

Et spero, & trepido; gelidus me sauciat ardor:

Astra peto, defixus humi: nil donique stringens

Immensum cupidis cingo complexibus orbem.

Nec cohibet, nec laxat iter, qui carcere septum

Ade tenet. Haud vinclis adigit, nec vincla resolvit.

*Nec perimit, nec sanat Amor. Mibi perfidus
annos*

*Demetit, atq; annis finem non destinat ullum.
Eloquor elinguis, lumen sine lumine cerno;
Mors placet, ac vitam rogitō; ferus urgeo cæcis
Me me odiis, adamoque feram.. Mibi sola vo-
luptas*

*Est dolor, & mixto fundens suspiria risu:
En, inquam, pro te, qualis mibi vita relicta est.
In hanc quoque classem redigerem illud
de prophano Amore:*

*Lex exlex: lux atra: via in via: serva potestas:
Irrequieta quies; & malefida fides:*

*Turpis honos; pietasque ferox; odiosa voluptas:
Pax discors; status mobilis: ægra salus.*

*Lusus ab hoc ipso fonte in amoribus fue-
re doctis quibusque viris. Quamplurima
leges hujusmodi formæ artificia apud Em-
manuelem hincinde in suis operibus spar-
sa. Ego quoque olim Inscriptionem de
atramento, id genus elaboravi.*

*Niger Papius, Meronis, & Galla filius, diu
vixi, diutius vivam; quoniam gummi infe-
ctus, vitreum mare perosus, vitreum nitorem
præmefero. Chartaginenses campos percurrent,
quamquam Limax non sim; vestigia quacum-
que pergā relinquo. Apostolus non sum; attā-
men linguarum dorso dilatus, nullum abhorrens
omnium voluntati, voluptati, necessitati obse-
cutus. Licet quaecumque subsistant ex me; nihil
mibi tribuens, fidelis aliorum opera asservo;
neque Catholicus, neque Hæreticus, sed uter-
que, scitorum sententias, ac stultorum ineptias
æquè teneo. Quamvis obscuris ortus natalibus:
pro merito, Scriptores quosque tenebris meis
illustro.*

Placet

Placet hîc rursus apponere aliud
Thesauri exemplum de Phœnice , in quo
præter Ænigmaticè opposita , etiam con-
cinnitas , & laconismus elucent . *Cerne
fecundissimam virginem Avem , sui genitri-
cem , ac sobolem ; altricem , & alumnam ; sibi-
quetantum similem , quæ vitalis interitus , læ-
tissimique lethi cupiditate capta ; delicias in
funere , sepulchrum in deliciis , cunabula in
sepulchro-experitur . ubi rediuvivi cadaveris
sui Præfica , & pronuba , odoratum thalamum
in tumultu jucundis myrrhæ lacrymis perfusum
parat , tum funereas à vivaci sole mutuata fa-
ces ; alarum flabro diventilans ; sese parit , dum
perit . Simul fœta , & adulta ; prisca , & recens ;
eadem semper & diversa : alia & non alia ,
supremum sibi diem celebrat , & natalem . Ea-
dem sibi Clotho , & Atropos , supremum vitæ
flamen incidendo redorditur .*

XI. Alius , & quidem uberrimus Ænig-
matum fons est ab æquivocatione . Hujus-
modi creditur illud , quo Hegion Parasito
Ducem exercitus se jactanti , plura co-
mextibilia vocibus Populorum sub titulo
militiarum enumerat :

*Multis & multis generibus opus est tibi
Militum : primo dum opu'st Pistoriensibus :*

Opus Paniceis : opus Placentinis quoque .

Opus Tuderianis : opus Ficedulensibus

Jam maritimi omnes milites opus sunt tibi .

Carolus à S. Antonio Patavino ex no-
stris , Ænigmaticâ primâ Inscriptione ca-
lamum suum scriptorium descripsit ex
hoc ipsomet fonte . Ego pariter ita quon-
dam Annum loquentem induxi :

Cerne revertentis , Lector , miracula vitæ .

*Sunt mihi bis seni nati, quos gigno, necoque
Et post undecimum rursus queo gignere primum
Triginta nati. & nata cuiuslibet omnes*

*Mactamus genitos, mactant genitiq; Parentes;
Inde renascendo generant, generantur iidem.
Brevius & fortasse comptius alterum.
hoc itidem de Anno Ænigma, à Græcis
Latino donatum per L. Gyraldum.*

*Est unus genitor, cujus sunt pignora bis sex.
His quoque triginta natæ, sed dispare forma
Aspectu hinc niveæ, nigris sunt vultibus inde.
Sunt immortales omnes, moriuntur & omnes.
Habe alterum hoc meum de Vino.*

*Fratribus à multis violenta morte peremptis
Enascor, misere quos rustica clava tutudit:
Ac pes immundus tanto conamine fregit;
Vulneribus prorsus miserorum ut forma periret.
Vix ego natus adhuc cæco sub carcere claudor,
Ut reus excidii; quantumvis criminis experts.
Me furor exagitat. quid prodest? fortius ar-
stant*

*Ne fugiam; donec fuerit maturior ætas.
Tunc sponte exsolvunt. Mox immemor ipse
malorum*

*Mensis intersum, lætas & reddo catervas.
Quid verò? infelix momento perdor eodem.
Dant aliis malecæa mori, mihi dant benefacta.
Aliud.*

*In alvo pressus, vixi (quis credat?) in alvo:
Inque alvo tandem fata dedere mori.
Ex dictis exemplis observatu cuique faci-
le fuit, rebus inanimis animam tribui;
eaque omnia, quæ viventium sunt pro-
pria.*

XII. Aliquando in unicâ tantum voce
posita æquivocatio est; ut videre est in hoc
nostri

noſtri Caroli à S. Antonio Patav. ænig. 38.
de Conſpicillo :

*A me (quis credat ?) quamvis procul omnia
nudo*

Pupillis tamen auxilium præbetur egenis .

Æquivocatio eſt in Pupillis ; hic enim in-
telligit de oculis artis egenis , ut queant
videre . Huic affine eſt illud Sympoſi 92.

De milite Podagrico :

Bellipotens olim ſavis metuendus in armis

*Quinque pedes habui ; quod nunquam nemo
negavit .*

Nunc mihi vix duo ſunt . inopem me copia fecit .

Eudit in ambiguo verbo quinque pedum ,

quod ad longitudinem corporis fortaiſſe

refert , & duum pedum , quos podagra de-

bilitabat . Extat & quoddam de Cucurbi-

tâ Chirurgorum apud Athenæum , habens

*æquivocationem in *cubitalia* , quod ſangui-*

nolentum , & conſanguineum notat . Di-

ſtichon habes in auclario ad Sympoſ .

XIII. Facetum eſt ſimul , & argutum .

Ænigmatum genus illud , quod clam ha-

bet in ſe ipſo nomen rei per allegoriam

circumveſtitæ , & importatæ . Exemplum

hoc ſit de literâ L .

Eloquii ſum pars non contemnenda loquenti ;

Quin ſi me tollas non bene lingua ſonat .

Aſ in colloquio gemino cum robore præſtem ;

Sola prope deſuſſi muſſa blaſa labris .

Nec tamen invenies ſine me laudabile dictum .

A me lex orta eſt ; me ſine irunca jacet .

Deſicit , ut deſum , Luna , & Sol deſicit ipſe ;

Stellaque , ſi me adimas integra nulla manet .

Corpore ſum gracili ; reſtante imitante co-

lumnæ ;

*Sed litui in speciem curva reclino caput .
Me in Nilo invenies ; nec tanto in flumine
mergor .*

*Alia sed emineo plana elementa super .
Nec tibi sit mirum , si me inquirendo laboras :
A me principium nam labor omnis habet .
Et nondum me , cæce , vides ? cognoscere si vis ,
Aspice : me lampas lucida fronte gerit .
Vides quoties concinnè dictum elemen-
tum in Ænigmate ipso irrepit ; atque ita ,
ut non facile veniatur in rei cognitionem ,
quamvis ipsamet toties ob oculos posita
sit . Pari artificio elaborata sunt disticha
Caroli nostri laudati ex Epig. l. 4. utra-
que de litera A .*

*Sum Princeps ; tamen læu quoties suspiria
duco !*

*Grandia sæpè etiam pectora cura premit .
A enim commuiter elementorum prin-
ceps dicitur . Idipsum autem exprimimus
quoties suspiria elicimus .
A me principium : quid sim , tu cernis : ego hic
sum*

*Hic ego sum : cernis , sis nisi lucis inops .
Nonne hic litera A in ipso compositionis
exordio ? Plura exempla id genus occur-
rent legenti apud Scriptores ; quare hic
majorem copiam non producimus . Ad-
monere tamen debeo , dari etiam Ænigma
posse sine ulla verborum deflexione , aut
tergiversatione ; sed hæc utpotè nullius
artificii , modicæ etiam , aut nullius pror-
sus sunt venustatis . Porro Ænigmaticæ
locutionis usus potissimum habet locum
in Poëticis ; interdum tamen etiam in ora-
tionibus , & historiis . Cicero pro Fronte-*

jo , ne inhonestis verbis auditorum aures offenderet, ipsius vituperaturus accusatorem, tali ænigmaticâ usus est æquivocatione: *Matrem habuit, quæ dum vixit ludum aperuit ; postquam mortua est magistros habuit*. Ludus enim scholam æquè , ac lenarum domum significat ; Magistri nomen , Præceptores , atque mortuorum licitatores. Valerius quoque Max. l. 1. c. 8. simili usus artificio; quod sane tunc maximè laudabile est, cum turpe aliquid exprimere, necesse sit. Præterea Ænigmatum usus magis illis , qui ad privatos homines , quam eis , qui ad multos scribunt conceditur ; ut patet ex eodem Tullio ad Atticum; ubi interdum sententias verborum involucris involvit.

Extant plurium Cl. Virorum Ænigmatum Græcæ tum Latine. Ex Latinis magno in pretio habentur centum Symposii Heroico carmine ligata , atque Josephi Castalionis Anconitani Scholiis illustrata , & à Jacobo Castalione filio Etruscis versibus perbellè donata , ut notat Carolus toties citatus in epist. ad Marcellum, fratrem, suum itidem de Ænigmatibus libellum mittens. Ex Italis excelluit Malatesta Florentinus : sed horum plurima indigna prorsus quæ legantur ob obscænitatem. Extant & alia Latine Scaligeri, Andelini Angli, Adriani Junii, Joannis Loricarii &c. Multa Græca habes sparsa apud Athenæum, qui l. 10. c. 17. Ænigmatum auctores facit Aristonomum, & Cleomenem.

DE PERIPHRAZI, ET HYPERBATO.

Cap. V.

*Quod breve dixisses verbosa Periphrasis auget :
Perturbant fixas sermonis Hyperbata sedes . .*

I. **P**eriphrasis *περίφρασις*, Latine *Circuitus*, ut Fabius; *Circuitio*, ut Auctor ad Herennium, dicitur. Est autem ex definitione Sosipatri 4. Gram. *oratio longa cum cultu*; seu ut malunt alii, *oratio rem simplicem assumptam circumscribens elocutione*; quod fit quando pluribus verbis id explicatur, quod uno, aut paucioribus dici poterat; ut *eversor Carthagini* pro Scipione dicitur: *Trojani belli Scriptor* pro Homero: *Mantuanus Vates* pro Virgilio: *Venusinus Poëta* pro Horatio: *Peripatetica Scholæ princeps* pro Aristotele: *Stoicæ familie pater* pro Zenone: *voluptatis assertor* pro Epicuro &c. Tribus autem præcipuè modis fit Periphrasis

Etymologia, Notatione, Finitione.

Etymologia, cum nominis rationem explicamus; ut: si quis *hereditetam* dicat, *hereditatus alienas appetentem*: aut pro *parasito*, *hominem cibo, ventrique deditum*: aut pro *Philosopho*, *hominem sapientiæ studiosum*: pro *Grammatico*, *qui literas doceat*: pro *locuplete*, *qui plurima loca possideat*: pro *pecunioso*, *qui magnam pecuniæ copiam possideat*: & his similia.

Notatione constabit, cum notis quibusdam accidentium rem quampiam describimus; ut, si quis *iram* intelligens; *animi*,

aut

aut bilis effervescentiam dicat, quæ pallorem vultui, ardorem oculis, tremorem membris inducat. Eiusdem generis est illud. Qui digito scalpunt uno caput, quo molles, & examinati describuntur: Et pro Ciconia

Candida venit avis longis invisa colubris.

Definitione constabit; ut si quis artem bene dicendi pro Rhetorica dicat: Peculatoriem, virum, qui civitatis ærarium ærarium compitlasset: Hominem tyrannum, qui vi leges, ac civium libertatem oppressisset.

II. Duplici autem ex capite frequentari solet Periphrasis; ut docet Beda de Tropis; scilicet aut ornande rei causa quæ pulchra est, aut vitande quæ turpis est. Item Sospiter loco supra laudato. Fit autem, ut aut breviter splendide producat; aut ut sceditatem cū cuitu deviset. Idem sentit Isidor cap. de Trop. 1. Orig. & communiter omnes duplicem hujus Tropi causam assignant; nempe necessitatem, atque Ornatum. Necessitate ipsam usurpamus quoties dictu deformia verbis operire debemus; ut habet Fabius l. 8. c. 6. Teneri autem nos ad modestam istam circumlocutionem pluribus, atque ex probatis auctoribus ostendimus Primâ Parte, ubi de Turpibus, & sordidis verbis sermo fuit. Quare his non immorabimur. Usurpavit Periphrasin necessitatis ergo Sallustius, ubi inquit: *Ad requisita naturæ.* Item D. Cyprianus de Circumcisione loquens: *Voluptatum seminarium, ac libidinum officinam.* Usus est quoque Virgilius, ubi ait

*Optatos dedit amplexus, placidumque petivit
Conjugis infusus gremio per membra soporem.*

Ne-

278 *De Periphr. & Hyperbato. C.V.*

Necessitate idem usurpabitur Periphrasis quoties rei nomen deerit, quo exprimatur. Ornatus verò gratiâ utuntur Circuitione potissimum Poetæ; rarius verò & pressius Oratores. Hinc Virg. *Æn* 12. quâ noctem signat:

*Tempus erat, quo prima quies mortalibus agris
Incipit; & dono Divum gratissima serpit.*

Et altera.

*Et jam prima novo spargebat lumine terras,
Thitoni croceum linquens aurora cubile.*

Idem Georg. 4.

Atque equidem extremo ni jam sub fine laborum

Vela traham, & terris festinem avertere pro-
ram.

Horat. l. 1. Satyr. 10. de Lucilio.

In versu faciendo

Sæpe caput scaberet, vivos & roderet ungues.

Lucan. de Virg. ad Pisonem.

Ipse per Ausonias Æneia carmina gentes

Qui sonat, ingenti qui nomine pulsat olym-
pum

Mæoniumque senem Romano provocat ore;

Forſitan illius nemoris latuiſſet in herba,

Quam canit; & ſterili tantum cantaffet avena

Ignotus populis, ſi Mæcenate careret.

Videtur in hoc exemplo non modò Circuitionem, verùm & aliorum Troporum, permixtionem. Elegantiſſima quoque eſt Virgiliana Periphrasiſ 3. Georg. fluvii glacie concreti:

Concreſcunt ſubita currenti de flumine cruſta

Undequaque jam tergo ferratos ſuſtinet orbes,

Puppiſ illa prius patulis, nunc hoſpita plau-
ſtris.

Hanc

Hanc imitati sunt Poëtae Scholastici; ut Pontanus notavit, qui ex Scaligero filio collectanea sequentia subdit, quæ & nobis hic placet inferere, ut vos inde variaz imitationis specimen habeatis.

Pompejanus.

Qua ratis egit iter, victo bove plaustra tra-
buntur,

Postquam tristes hiems frigore vinxit aquam.

Maximianus.

Sustinet unda rotam patula modo perva
puppi,

Et concreta gelu marmoris instar habet.

Basilius.

Unda rotam patitur, celerem modo passa ca-
rinam,

In glaciem solidam versus ut amnis abit.

Julianus.

Qua puppes ibant, adducunt plaustra iuveni,

Pigrior ut cano constitit unda gelu.

Nobilis itidem reputatur illa apud Horat. l. 1. cd. 22. ubi sterilem, & incultam regionem expressit:

Pone me pigris ubi nulla campis

arbor æstiva recreatur aura

Quod latus mundi, nebulae, malusque

Juppiter urget.

In sacris literis etiam habemus Periphrases tum ob ornatum, tum ob necessitatem.

Primæ exemplum erit illud Apostoli 2.

Corinth. 5. à Beda pariter adductū: scimus

quoniam si terrestris ædus nostra hujus habitationis dissolvatur, quod ædificationem habemus ex Deo, domum non manufactam, æternam in caelis secunde, est ejusd. ad Rom. 1.

III. Porro uti, cum adhibetur suo loco,

loco, Periphrasis granditatem affert orationi; ut sentit Aristot. Alexander Sophist. Dionysius Long. & alii; ita si perperam profundatur in Perissologia, & Macrologia vitium vergit; seu in Pleonasmum & Asiaticum. Est autem Perissologia multorum verborum supervacua adjectio sine ullâ vi rerum, aut sententiæ; vel est cum sensu abundat oratio sine ullo pondere, ut: *Ibant quò poterant: quò non poterant non ibant*. Sic Livius. *Marcellus retro, unde venerat, Nolam rediit*. Macrologia est nimis tracta, & prolixitate inanis oratio, atque etiam sine cultu. Exemplum sit illud Terentii:

Ad aures haud invito mihi sermo accessit tuus. Et Liv. l. 8. Legati, non impetrata pace, retro domum, unde venerant, abierunt. Pleonasmus est cum verbis supervacaneis orationis oneratur contextus, ut: *Ego meis oculis vidi*: hoc tamen & melioris affirmationis esse potest. Asiaticus est, ut sentit Fab. l. 10. 12. dicendi genus immodicum verbis, sed rebus inane; quale quibusdam in locis cernitur in Galeno. Verum hæc longius prosequi non est pretium operæ. Advertendum tantummodo importantissimam esse circumlocutionem in timoris, iræ, aut alterius affectus expressione, in qua concitata debet esse oratio. Nunc ad Hyperbaton descendamus.

IV. Hyperbaton *ὑπερβατόν* Latini *Transgressionem* dixerunt: fit autem juxta Auctorem ad Heren. l. 4. quoties verborum perturbatur ordo perversione, aut transfectione. Hujus species quinque re-

censet Beda de Tropis : Carbon verò l. i. de Elocut. Orat. ad septem usque pr. ducit. De his omnibus brevissimè aliquid dicamus oportet.

1. Anastrophe ἀναστρεφὴν prima adjudicatur, quæ etiam Metathesis μεταθέσις Latinè *Perversio* dicitur. Hos autem habet modos. Primò mutat Præpositionem cum suo casu, ut : *Italiam contra* ; *maria omnia circum* ; *quem penes* , *quorum è numero* &c. Virg. Æn. l. 5.

*Ædibus in mediis, nudoque sub ætheris axe
Transstra per, & remos.*

Ordo enim postulabat ut diceretur *in mediis ædibus, sub axe, per transstra*.

Secundò mutando Adverbium cum. Cic. pro Cluent. *Semper magno cum metu dicere incipio* : pro *cum magno metu*. Item *mecum* , *secum* , *tecum* , *quocum* &c.

Tertiò mutando Conjunctionem, v. g. *illam ut diceret : enim non sinam*, & id genus.

Quartò mutando Relativum, ut. *Mater quod suavit sua*.

Quintò ponendo dictionem inter adjectivum in accusativo positum, & substantivum in genitivo collocatum, ut : *Paulum da mihi opera*.

2. Parenthesis πᾱρθέσις seu Interpretatio, de quâ fusiùs egimus in Orthographicis ; fitque cum sententiam ita interponimus, ut eâ sublatâ, adhuc sermo perfectus sit. Virg. Æn. l. 4.

*At regina dolos (quis fallere possit amantem)
Præsenfit.*

Quod fit interdum longiusculo interjectu, ut Virg. lib. 2.

282 De Periphr. & Hyperbato. Cap. V.

Et magis atque magis (quamquam secreta parentis

*Anchise domus, arboribusque oblecta recessit)
Clarescunt sonitus .*

Observat tamen Ludovicus Carbon, quod si hæc Interpositio longior evadet, perpicuitatis gratiâ repetatur id, quod principio fuerat collocatum, aut iisdem, aut æquivalentibus verbis: v. g. *Cave ne existimes, Brute (quamquam non est necesse ea me ad te, quæ tibi nota sunt, scribere) cave putet &c.*

3.^a *Tmesis* τμήσις latinè *Intercisio* est simplicis verbi sectio, aut unius compositi, unâ dictione, aut pluribus interjectis; ut: *maximo te orabat opere; antea verò quam; quo me cumque feret tempestas. Virg. 1. Æn. Talis Hyperboreo septem subiecta trioni. Et multùm nebula circum Dea fudit amictu. Jamque adeo super unus eram &c.*

Cic. 1. ad Att. 17. Per mibi, inquit, gratum feceris. Item Poëta Christianus.

Hiero quem genuit solymis Davidica proles.

Item. Quemcumque vocant terre &c.

Quo res cumque cadent &c.

4. *Synchysis* συγχυσις seu *Confusio*, est ordinis verborum perturbatio, quam Herennianus Auctor *transjectionem* appellat. Exemplum idem hæc profert: *Infiabilis in istum plurimùm fortuna valuit; Item. Omnes invidiosè eripuit tibi benè vivendi casus facultates.* Hæc autem trajectio, ut ibidem Auctor monet, interdum prodest ad continuationem; in quâ oportet verba, sicuti Poëtis, in quendam extruere numerum; ut perfectè, & perpolitissimè possit esse absolute-

soluta. Cavendum tamen, ne obscuritate inducat; quemadmodum Horatianum, illud l. i. Sat. 5.

Namq; pila lippis inimicum, & ludere crudis. pro & crudis. Item ex parte Virgilianum hoc 1. Æn.

Tres Notus abreptas in saxa latentia torquet : Saxa vocant Itali, mediis quæ in fluctibus, aras.

Est enim hic ordo. Tres abreptas naves Notus in saxa torquet, quæ saxa in mediis fluctibus latentia Itali aras vocant.

5. Hysterologia ὑστερολογία seu Prothysteron προῦστερον, idest sermo præposterus, cum præpositio non cum casu, quem regit, sed cum verbo conjungitur, ut: *advenire urbem: arma virumque*, pro *venire ad urbem: arma, & virum*. Et cum Relativum præponitur pronomini demonstrativo; ut: *Quibus in rebus alii peccant, in his tu erras*: qui loquendi modus Tullio fuit in amoribus. Itidem, cum Relativum sententiæ, ad quam refertur, postponitur. v.g. *Tamen quæ tua suavis est, quique in meo amor, nolles à me hoc tempore estimationem accipe.*

6. Hysteron proteron ὑστερον προτερον sensuum præposterus ordo; in superiori figurâ est verborum; hic verò rerum transportatio. ut:

Postea Phæbea lustrabat lampade terras; Humentemque aurora polus dimoverat umbram. Ante enim umbra noctis dimovetur, quam sol oriatur. Virg. 1. Æn.

Postquam altos tetigit fluctus, & ad æquora venit.

Prius enim ad æquora venit, & sic tetigit fluctus. Tale est & illud Psal. 23. *Hic accipiet benedictionem a Domino, & misericordiam a Deo salutari suo.* Prius enim, inquit Beda, *Dominus miserando justificat impium; & sic benedicendo coronat justum.* Hanc figuram peculiarem Homero fuisse indicat Tullius ad Atticum.

7. Hypallage ὑπάλλαγῃ, quæ est mutua casuum permutatio, ut cum prius posterioris, posterius prioris casu effertur. ut: *dare classibus austrōs pro Classes austris. Ibans obscuri solā sub nocte*, idest soli sub nocte. *Solstitium pecori defendite pro pecudes a solstitio* &c. Virg. Æn. l. i. *Scuta virum, galeasque & fortia corpora voluit.* idest fortium virorum.

Cæterum Hyperbaton quod frequenter ratio comparationis (ut optimè Fabius l. 8.) & decor poscit, non immeritò inter virtutes habemus. Fit enim frequentissimè aspera, & dura, & dissoluta; & hians oratio; si ad necessitatē ordinis sui verba redigantur. Et ut quodque oritur, ita proximus etiam si vinciri non potest alligetur. Differenda igitur quedam, & presumenda; atque ut in structuris lapidum impositiorum, loco, quo convenit quidque ponendum. Non enim recidere ea, aut polire possumus, quo coagmentata se magis jungant. Sed utendum his, qualia sunt; eligendæque sedes; nec aliud potest sermonem facere numerosum, quàm opportuna ordinis mutatio. Hæc Fabius. Puritati sermonis Hyperbaton contrarium esse contestatur Hermogenes. Sanè hoc facit, si nimium, & perperam frequentetur; ut tenebras, & obscuritatem in oratione inducat. DE

DE HYPERBOLE . Cap. VI.

*Aut nimium tenuat , vel tollit Hyperbole ve-
rum .*

I. **H**yperbole ὑπερβολή latinè superlatio, eminentia excessus, eminenties superjectio, ut eam vocat Fabius libr. 8. quamque Cicero describens ait esse Trajectionem augendi, minuendive causa repperitam, ex quibus verbis 3. Orat. erui potest illius definitio, ut sit oratio, quæ res iusto altius attollitur, aut deprimitur. Ita si dixerò aliquem spongia bibaciorem, præcurrentem curribus auras, longè nive candidiorem &c. extolletur supra fidem, ac veritatem oratio: si autem quempiam testudine tardio-rem, Codro pauperiorem, Ethiope nigriorem &c. appellavero, tenuabitur infra veritatem sermo. Pluribus autem modis fieri poterit Hyperbole, quos recenset Fabius l. 8. c. ult.

1. Simpliciter quale est Cic. Philipp. 2. *Vomens frustis esculentis gremium suum, totum tribunal implevit.* In Catil. 2. *Uno mercurio Catilina exhausto, relevata mihi, & recreata Resp. videtur.* Quid enim mali, aut sceleris fingi, aut excogitari potest, quod non ille conceperit? quis tota Italia veneficus, quis gladiator, quis latro, quis sicarius, quis paricida, quis testamentorum subceptor, quis circumscriptor, quis ganeo, quis nepos, quis adulter, quæ mulier infamis, quis corruptor juventutis, quis corruptus, quis perditus inveniri potest, qui se cum Catilina non familiarissimè vixisse

f2-

fateatur? quæ cades per hosce annos sine illo facta est? quod nefarium stuprum non sper illum?

Virg. Æn. l. i.

Geminique minantur In celum scopuli.

Idem ibid.

Fluctusque ad sydera tollit. & lib. ii.

Famineum clamorem cali ad sydera tollunt. &

Celum territat armis. Horat. ode pr.

Sublimi feriam sydera vertice.

Item Virg. l. 7.

At sæva è speculis tempus Dea nacta nocendi.

Ardua testâ petit stabuli & de culmine summo

Pastorale canit signum: cornuque recurvo

Tartaream intendit vocem, qua protinus omne

Contremuit nemus; & silvæ intonuerè profunda.

Audiit & Trivia longè lacus: audiit amnis.

Sulphurea Nar albus aqua, fontesque Velini.

Stattius de equo Domitiani Silv. i. sic exorditur.

Quæ super imposito moles geminata Colosso

Stat Latium complexa forum? Cælo ne peractum

Fluxit opus? Siculis an conformata caminis

Effigies lassum Steropem, Brontemque reliquit?

Ante Palladiæ talem, Germanice, nobis

Effinxere manus, qualem modò frena tenentem

Rhenus, & attoniti vidit domus ardua. Daci?

2. Per similitudinem; ut: Corpore niveum candorem, aspectu igneum ardorem assequabatur. Virg. Æn. 10.

Ardes apex capiti, cristisq; in vertice flamma

Funditur; & vastos umbo vomit aureus ignes;

Non secus ac liquida si quando nocte Cometæ

Sanguinei lugubre rubent, aut Sirius ardor.

Credas innare reuulsas Cycladas.

3. Per

3. Per Comparationem , ut: *Tantus erat in armis splendor , ut solis fulgor obscurior videretur . Sic dicimus : Fugit ocyor Euro . Fulminis ocyor alis . Scopulo firmior . Durior saxa .* Martial. lib. 8. ab hoc fonte claudit Epig. 14. in crudelem amicum ; adiecta quoque Ironicâ .

Pallida ne Cilicum timeant pomaria brumam ;

Mordeat & tenerum fortior aura nemus :

Hibernis objecta notis specularia pueros

Admittunt soles, & sine fœce diem .

At mihi cella datur non tota clausa fenestra ;

In qua nec Boreas ipse manere velit .

Sic habitare jubes veterem, crudelis, amicum ?

Arboris ergo tua tutior hospes ero .

4. A signis elegans est Virgiliana illa Hyperbole 7. *Æn.* de Camillâ Virgine , quam tantæ velocitatis facit , atque celeritatis ; ut ventos præverteret , [nec aristas læderet, neve fluctus tangeret .

Illæ vel intactæ segetis per summa volaret

Gramina, nec teneras cursu læsisset aristas .

Vel mare per medium fluctu suspensa tument

Ferret iter, celeres nec tingeret æquore plantas .

Hæc autem ex Homero sumpsit Virgilius ;

& meliori subjecto aptavit ; talia enim

protulerat de Equis Iliad. 20. hoc pacto .

Istæ autem quando saltarent in fertili agro

Per summum spicarum fructum currebant, neque frangebant

At cum jam saltarent super lata dona maris ,

In summitate litoris maris albentis currebant .

Vide hic cum Scaligero quàm felicius ex-

presserit sensus Latinus , quàm Græcus

Poëta . Ovid. etiam l. 10. Metamorph.

Posse putes illos sicco freta radere passu ;

Et

Et segetis cana stantes percurrere aristas .

II. Quot habuisti extollendi genera , totidem & minuendi habere potens per Hyperbolen. ut idem notat Quintil. l. 8. cap. 4. Virg. 3. Eclog. *Vix ossibus harent. Cicero in quodam joculari libello :*

Fundum Varro vocat , quem possim mittere funda :

Ni tamen exciderit quæ avac funda patet .

Huic sunt affinia .

Bis magna victi pugna vix urbe tuemur .

Vix hostem alterni , si congregiamur habemus .

Tenuesque recessit . Consumpta in ventos .

Cic. 2. in Rull. Sullanus ager à certis hominibus latissimè continuatus , tantam habet invidiam , ut veri , ac fortis Tribuni pleb. stridorem unum perferre non possit . Istæ simpliciter minuunt ; hæ per similitudinem , & Comparisonem .

Mortalis mucro glacies ceu futilis ictu

Disiluit fulva resplendet fragmina arena. Et Profecta vilior alga .

Et Cic. in Pison. Sic iste tanto exercitus tantæ provincie , triennio post , Macedonicus Imperator , in Urbem se intulit ; ut nullius negotiationis obscurissimi redditus unquam fueris dejectior . Insigne est per diminutionem .

17. Epigramma Martialis l. II. ad Lupum , quod hic apponere libet animi relaxandi , & instituendi causâ .

Donasti , Eupe , rus sub urbe nobis ;

Sed rus est mihi majus in fenestra .

Rus hoc dicere , rus hoc potes vocare ?

In quo ruta facit nemus Diana ;

Arguta regit ala quod cicada ;

Quod formica die comedit uno ;

Clausæ cui folium rosæ corona est :
In quo non magis invenitur herba
Quam costi folium, piperque crudum :
In quo nec cucumis jacere rectus ;
Nec serpens habitare iuta possit .
Erucam malè pasciit hortus unam .
Consumpto moritur culex salictō ;
Et talpa est mihi fossor, atque arator .
Non boletus hiare, non mariscæ
Ridere, aut violæ patere possunt :
Fines mus populatur, & colono
Tamquam sus Calydonius timetur :
Et sublata volantis ungue Procnæ
In nido seges ut hirundinio
Vix implet cochleam peracta messis ;
Et mustum nuce condimus picata .
Errasti, Lupe, litera sed una :
Nam quo tempore prædium dediſti
Mallem tu mihi prædium dediſſes .

III. Crescit interdum Hyperbole aliâ
 insuper additâ; ut notat Quintil. l. 8. c. ult.
 Egregium hujus rei præbet exemplum Ci-
 cero in Antonium Philip. 2. ubi ostendit
 quâ nequitia helluatus fuerit, & paucis
 diebus obligurierit bona Pompeij: *Quæ*
Charybdis tam vorax? Charybdim dico? quæ
ſi fuit, fuit animal unum: Oceanus medius fi-
dus, vix videtur tot res, tam dissipatas, tam
diſtantibus in locis positas, tam citò abſorbere
potuiſſe. Nihil erat clauſum, nihil obſignatum,
nihil ſcriptum apothecæ, rotæ nequiſſimis homi-
nibus condonabantur &c. Idem in Verr.
act. 7. Verſabatur in Sicilia longo intervallo,
non Dionyſius ille, nec Phalaris (tulit enim il-
la quondam inſula multos, & crudeles tyra-
nos) ſed novum quoddam monſtrum ex veteri

*illa immanitate , quæ in jisdem versata locis dicitur . Non enim Charybdim tam infestam , neque Scyllam navibus , quam istum in eodem freto fuisse arbitror . Hoc etiam iste infestior , quod multò se pluribus , & majoribus canibus succinxerat . Cyclops alter multò importunior &c. Exquiritam verò hujus rei figuram deprehendisse se asserit Fabius apud Principem Lyricorum Pindarum , in libro , quem inscripsit *ὑμνός* . Is namque Herculis impetum adversus Meropas , qui in insula Codicuntur habitasse ; non igni , nec ventis , nec mari , sed fulmini dicit similem fuisse ; ut illa minora , hoc par esset . Habe & hoc exemplum à Minturno l. 6. Poëtices adductum :*

Ac neque eos jam frena vinum , nec verbera seva ,

Non scopuli , rupeſque cavæ , atque objecta retardant .

Flumina correptos unda torquentia montes .

Plures agglomerant similitudines etiam Claud. de Bello Getic. Stiliconis militarem impetum elaturus :

Si bos abductus aratro ;

Si libata seges : non hanc ergastula nobis

Immiscere manum : nec conjurantis arenæ

Turba fuit , qualem Stilico dejecerit hostem .

Idem Claud. de VI. Consulatu Honorii .

Si dominus legeretur equis , tua posceret ultro

Verbera Nereidum stabulis nutritus Arion .

Serviretque tuis , contempto Castore , frenis

Cyllarus , & flavum Xanthus sprevisſet Achillem .

Ipse tibi famulas præberet Pegasus alas :

Portaretque libens ; melioraque pondera passus

Bcl-

Bellerophontes indignaretur habenas .

*Quin etiam velox Aurora nuncius Aethon ,
Qui fugat hinnitu stellas : roseoque domatur
Lucifero , quoties equitem te cernis ab astris ,
Invidet ; inque tuis mavult spumare lupatis .*

Per plures similitudines Lupi agellum
imminuit Mart. Epigr. nuper laudato ; ni-
hilominus placet aliud afferre de Phialâ
ad Paullum , quod est 33. lib. 8.

*De pratoritia folium mihi , Paulla , corona
Mittis ; & hoc phialæ nomen habere jubes .
Hac fuerat nuper nebula tibi pegma perunctum .*

*Pallida quam rubri diluit unda croci .
An magis astuti derafa est ungue ministri ,
Bractea de fulcro (quod reor esse) tuo ?
Illa potest culicem longe sentire volantem ,
Et minimi pennas papilionis agi .*

*Exigua volitat suspensa vapore lucernæ :
Et leviter fuso rumpitur icta mero .*

*Hoc linitur sputo Fani cariota Kalendis ;
Quam fert cum parvo sordidus asse cliens .*

*Lenta minus gracili crescunt colocasia filo :
Plena magis nimio lilia sole cadunt .*

*Nec vaga tam tenui discursat aranea tela :
Tam leve nec bombyx pendulus urget opus .*

*Crassior in facie vetulæ stat creta Fabullæ :
Crassior offensæ bulla tumescit aquæ :*

*Fortior & tortos servat vesica capillos :
Et mutat Latias spuma Batava comas .*

*Hac cute Ledæo vestitur pullus in ovo :
Talia lunata splenia fronte sedent .*

*Quid tibi cum phiala , ligulâ cum mittere posses
Mittere cum posses vel cochleare mihi ?*

*Magna nimis loquimur : cochleam cum mitte-
re posses :*

Denique cum posses mittere , Paulle , nihil .

IV. Leguntur & in Sacris Bibliis tam minuendi, quàm augendi complures hyperboles. Pauculas hîc pro instituto adduxisse sufficiat. Genes c.22. *Multiplicabo semen tuum sicut stellas cœli; & velut arenam, quæ est in littore maris.* Et Judic. cap.7. *Omnes orientales populi fusi jacebant in valle, ut locustarum multitudo: carmeli quoque innumerabiles erant, sicut arena, quæ jacet in littore maris.* Quæ augendi formæ sunt etiam in libris Regum, in Exodo, Levitico, Numeris, Deuteronomio, & Josue, & Tren.4. *Nigrata super carbonem facies eorum;* quæ omnia ad expressionem dicta sunt, non ad deceptionem. Non enim in eum finem adhibetur, ut id credatur quod dicitur; sed ut aliquid majus cogitetur, quod verbis sine superlatione prolatis exprimi non potest; & ut per incredibile quasi incredibile, & per falsum verum credatur. Cum itaque dicitur nive candidior, maximus quidam designatur candor. Cæterum, ut monet etiam Fabius, Hyperboles servanda mensura est: *Quamvis enim* (ejus sunt verba) *est omnis Hyperbole ultra fidem; non tamen esse debet ultra modum; nec alia magis via in cacozeliam itur.* Riget referre plurima hinc orta vitia; cum præsertim minimè sint ignota & obscura. Monere jatis est, mentiri Hyperboles; nec ita ut mendacio fallere velit; quo magis intuendum est quousque deceat extollere, quod nobis non creditur. Pervenit hac species frequentissimè ad risum; qui, si aptus est, urbanitatis; sin aliter stultitiæ nomen assequitur. Est autem in usu vulgo quoque, & inter ineruditos, & apud rusticos; videlicet quod

a natura est omnibus augendi res, vel minuendi cupiditas insita. Nec quisque vero contentus est; sed ignoscitur, quia non affirmamus: tum est Hyperbole virtus; cum res ipsa, de qua loquendum est, naturalem modum excessit. Conceditur enim amplius dicere, quia dici quantum est non potest; meliusque ultra, quam citra stat oratio. Hucusque laudatus Rhetor. Ex his apparet, valere hanc figuram ad augendum, & amplificandum, minuendumve; atque ad id explicandum, quod aliàs exprimi non posset; quapropter ad amplificationem valdè conducit. Adagiorum generi insuper multum est accommodata. Denique ad sales, facetias, dicacitates, & id genus alia nata est. Exoritur etiam vehementia ex Hyperbole: ut monet Demetr. 244. Vehementem enim animi motum indicant (ut inquit Aristot. Rhet. l. 3. c. 11.) itaque irati præcipuè superlationibus utuntur.

Non mihi si tam multa daret, quam magnus arena est

Putueris & numerus:

Non ducam uxorem, mihi crede, Agamemnone natam;

Quamvis ingenio sapientem Pallada vincat:

Et pulchra Veneri præstanti corpore certet.

Hoc genere maximè utuntur Attici Oratores.



PARS QUINTA.

D E

FIGURIS VERBORVM, ET
SENTENTIARUM.QUID, ET QUOTUPLEX FIGURA. Ejus
CAUSAE, ET UTILITATES.*Cap. I.*

I.



RNATUM sermonis in Tropis non modò, verùm & in Figuris positum esse unanimi consensu eloquentiæ Magistri perpetuò protulere. Nam ea est inter ipsas similitudo, eisdem effectus, ut Troporum multi inter Figuras accensiti & Figuræ Tropis admixtæ reperiuntur, cum & C. Artorius Proculus Tropis Figuræ nomen imponere minimè dubitaverit. Congruum porrò visum est, cum superius de illis nonnulla pro instituto dixerimus; hic etiam de istis quædam adnectere, non quidem fusè, & ad satietatem usque pertractanda, sed clariori quadam methodo, sufficienti exemplorum multiplicitate, ac debitâ præcipienti perspicuitate. Neque enim omnia aut datum, aut

lici-

licitum fuit prosequi; nam cum tot tantaque hujus nominis prostent Volumina, tot tantaque Pedagogorum de Figuris scripta circumferantur; diutiùs in his tradendis, perpendisque immorari non lubuit. Neque hoc dabimus ostentationi, quod multi faciunt, ut schemata, Græcâ voce proponamus, suppressâ Latina eorum significatione; hoc enim esset, non lucem, sed tenebras inducere. Incoëptis igitur insistendo, Latinam dabimus simul, & Græcam.

II. Figura autem Græcè *οἰκῆμα* dicitur per metaphoram, idemque sonat ac *habitus*, seu *forma*; eodem enim pacto se habent schemata in oratione, ut optimè innuit Tullius, ut *habitus*, *gestus*que in corporis actione: sicut autem uni corpori plura aptari queunt vestimēta; sive ad ornatum, sive ad gravitatē, sive ad voluptatem, & luctum; ita prorsus uni sententiæ varia aptari poterunt schemata; quibus majestas, varietas, lepos, & decus ipsimet accedet. Variis ergo modis describi consuevit à Scriptoribus Figura. Quintiliano l. 9. cap. 1. *Est conformatio quedam sermonis remota à communi, & primùm offerente se ratione. Alexandro Rhetorī, Mutatio orationis in melius, hoc est, ornatior quedam forma dicendi. Aliis est novata dicendi ratio, quæ quasi motum, ac gestum magnitudinemque orationi præbet nulla vocum mutatione facta. Sed omnes huc collimabunt definitiones, ut Figura sit elegantior quedam efformatio sermonis, remota à communi sensu, & consuetudine loquendi. Quapropter quid-*

quid à vulgari dicendi forma recefferit, id non sine figurâ dictum credendum est. A Tropo tamen figuram differre videmus: quia figura propriam rei significationem retinet; Tropus verò aut verbum, aut sententiam à propriâ in impropriam transfert significationem.

III. Quoad figurarû multiplicitatem, sciendum, incertum numerum ab omnibus statui solere. Ex tot enim quos perlegerim Auctoribus, nullum, aut vix ullum, reperero, qui in numero, ordine, appellatione cum altero conveniat. Discrepant ab Auctore ad Herennium Fabius, à Fabio Aquila, ab Aquila Rutilius, Cassiodorus, & alii sexcenti. Recentiorum pariter eadem omninò est ratio; nam hi multo plures agnoscunt quàm veteres. Tullius quoque sibi similis ubique hac in parte, non est; nam in tertio oratorio, numerum figurarû auget, quem minuit in Oratore. Licèt tamen in præfiniendo schematum, numero inter se pugnent Rhetores, in assignandis tamen illorum generibus, omnes ad unum ferè consentiunt; duplex scilicet esse, alterum *Dictionis*, seu *Verborum*, alterum *Sententiarum* λέξεως, & διανοίας. Hoc autem interest inter ea, quòd schemata verborum tolluntur, si aut verba mutantur, aut invertatur illorum ordo: at schemata sententiarum, quibuscumque utamur verbis, aut quocumque ea ordine ponantur, perdurant. exemplo res fiat apertior: *Inceptio est amentium, non amanisium*. Schema verborum est; si enim pro *amentium* dixero *stultorum*, figura corruet.

Sed

Sed schema sententiæ est, si patriam loquentem induxero, aut si utar similitudine quapiam; quia quæcumque verba hîc usurpabo, aut quocumque ea loco donabo, schema non tollent; sed id ipsum ubique permanebit.

IV. Figurarum causas Naturam agnosco simul, & Artem. Naturam quidem; nam homines naturæ instinctu pleraque figuratè efferunt etiam in quotidiano, ac simplici sermone; interrogant enim quandoque, repetunt, exclamant, mirantur, ironicè quid enunciant &c. Artem, quæ objecta præcogitare, atque antea diluere docet: Concessionibus, Præteritionibus sententiam stabilire: Prosopopeis res ob oculos ponere: Reticentiis, Obtestationibus, animi affectus patefacere. Hæc scilicet ea omnia suggerit, quæ ad rem vel suadendam, vel dissuadendam magis consona, & apta videntur, quæ huic potius quam alteri sunt proponenda. Quia verò naturam perficere artis semper fuit: ideo eâ in oratione venustatis magis elucescet, in quâ artis plurimum inerit, minus naturæ.

V. Quod utilitatem figurarum spectat: ut missum faciam quod schemata orationem graviolem, jucundiolem, ac minùs vulgarem faciant; his jacentem excitamus, & veluti ad prælium stimulis adigimus; elatum deprimimus, iracundum sedamus, vitiosum deterremus, ingenuum veluti coloribus quibusdam depingimus; ac ut omnia verbo complectar; figuris, delectamus, docemus, movemus; hisque veluti

cardinibus tota vis Rhetorum innixa. Nitar suadere, sed verbis communibus nullo artificio vestitis; operam perdam. figuratè efferam, quæ prius nudè; movebo, ciebo affectus, res succedet ex voto. Dicat Tullius. *Diu abuteris Catilina patientia nostra, quæ vis fuerit in sententiâ? Per interrogationem enunciet. Quousque tandem abutere, Catilina, patientia nostra? Vides animum percelli. Idem iudicium de cæteris esto.*

VI. Disceptatio est apud aliquem, num primùm de figuris, quæ in verbo, aut de jis, quæ in sententiâ sit agendum: quia prius aliquid mente concipiatur, quàm enuncietur. Sed vel nullus est qui illi subscribat: nam tritum apud homines axioma, à facilioribus, & simplicioribus inchoandum. Simplicior autem dictio, sententiâ; natura, arte. Meliores ergo secuti, de figuris in verbo positis in præsentia tractabimus, quas in tres classes disponunt. Aliæ siquidem fiunt

Per Adjectionem,

Per Detractionem,

Per similitudinem.

DE FIGURIS VERBORUM, QUÆ

FIUNT PER ADJECTIONEM.

Cap. II.

Primum locum inter Verborum schemata tenet *Repetitio*, Græcè *Anaphora* αναφορά quæ fit quories ab eodem verbo sæpe ducitur oratio; seu, ut habet

Au-

Auctor ad Heren. cum continenter ab uno ,
 atque eodem verbo in rebus similibus, & diver-
 sis principia sumuntur . ut : Vobis istud conce-
 dendum est , vobis omnia majorum insignia
 permittenda , vobis omnes dignitatum gradus
 offerendi. Item. Antonius hostium astus dete-
 xit : Antonius Sicariorum minas parvipen-
 dit : Antonius necem ipsam pro patriæ liber-
 tate subiivit. Non illum nobilitas generis , non
 illum filiorum amor, non illum Patris lacrymæ
 a proposito dimovere . Cic. Catil. I. Nihil te
 nocturnum præsidium palatii , nihil urbis vi-
 giliæ, nihil timor populi , nihil consensus bo-
 norum omnium, nihil hic munitissimus haben-
 di Senatus locus, nihil horum ora. vultusque ,
 moverunt? Idem pro Quin. Quid hæc amen-
 tia, quid hæc festinatio , quid hæc immaturi-
 tas tanta significat? Non vim, non scelus, non
 latrocinium , non denique omnia quàm jus ,
 quàm officium, quàm pudorem . Et Philip. 2.
 Accusa Senatum : accusa Equestrem ordinem ,
 qui cum Senatu copulatus fuit : accusa omnes
 ordines. Virg. I. Georg.

Te dulcis conjux, te solo in littore secum

Te veniente die, te discedente canebat .

Et Æneid. I.

Tu mihi quodcumque hoc Regni , tu sceptrum

Jovemque

Concilias; tu das epulis accumbere Divum .

Item 3.

Sic oculos, sic ille manus, sic ora ferebat .

Et alibi .

Num fletu ingemuit nostro ? num lumina fle-
 xit ?

Num lacrymas victus dedit ?

• Hæc figura multum habet venustatis , imò

gravitatis, & acrimoniæ plurimum; quare valet ad exornandam, amplificandamque orationem; & si unico verbo tota Repetitio claudatur, velocitatem facit, & delectationem parit. Vis ejus exinde apparebit, inquit Phalereus 281. quod si dixerò : *Contra teipsum vocas, contra leges vocas, contra democratiam vocas &c.* oratio reddetur efficax: at si repetitionem sustulero, atque enunciavero *Contra teipsum & leges, & democratiam vocas*, vehementiam una simul sustulero.

Ex variis Repetitionum modis, varia oriuntur figurae, ex quibus est

II. *Conversio*, seu *Reversio*, quam Julius Epistropben ἐπιστροφὴ vocat, Aquila Antistropben ἀντιστροφὴ, Rutilius Epiphoram ἐπιφωρὰν, est cum in idem verbum, desinunt commata, aut membra periodi, sive ex Auct. ad Her. *Est per quam, non ut antequam primum repetimus verbum, sed ad postremum continenter revertimur*, hoc modo: *Pænos populus Romanus justitia vicit, armis vicit, liberalitate vicit. Item. Ex quo tempore Puer nefariis se comitem adjunxit Sociis, Pietas sublata est, innocentia sublata est, Religio sublata est. Cic. Phil. 2. Doletis tres exercitus populi Romani interfectos? Interfecit Antonius. Desideratis clarissimos cives? Eos eripuit vobis Antonius. Auctoritas hujus Senatus afflicta est? Affixit Antonius. Id. in Vat. Atque etiam illud à te audire cupio: quare, cum ego legem de ambitu tulerim, ex S.C. tulerim, sine vi tulerim, salvis auspiciis tulerim, salva Legge Aulia & Fusia tulerim; tu eam esse legem non putes? Virgil. Eclog. ultimâ.*

Sur-

*Surgamus, solet esse gravis cantantibus um-
bra :*

*Juniperi gravis umbra : nocent & frugibus
umbra . Ovid.*

*Crede mihi si te quoque Pontus haberet
Te sequerer conjux , & me quoque Pontus
haberet .*

Martial. l. 2. Epig. 17.

*Capto tuam pudet heu , sed capto , Maxime ,
cœnam :*

*Tu captas alias, jam sumus ergo pares .
Mane salutatum venio; tu diceris isse
Ante salutatum; jam sumus ergo pares
Sum comes ipse tuus , tumidique anteambulo.
Regis*

Tu comes alterius : jam sumus ergo pares .

III. *Complexio, seu Conjunctio quam
Græci Symplocen συμπλοκήν, Cœnoten κοι-
νόταν, est quæ Repetitionis, & Conversio-
nis figuras conjungit, & complectitur;
hoc est cùm membra ab uno verbo inci-
piunt, ac in uno novissimè acquiescunt.
ex. gr. Qui sunt qui fœdera sæpe ruperunt?
Chartaginenses. Qui sunt qui Italiam defor-
maverunt? Chartaginenses. Qui sunt qui sibi
postulant ignosci? Chartaginenses. Auct. ad
Heren. Quem Senatus damnarit, quem pop-
Romanus damnarit, quem omnium existima-
tio damnarit, eum vos sententiis vestris ab-
solvetis. Stratoeles. Queritis novam ratio-
nem administrande rei publicæ: at reperire
meliolem quam a majoribus accepistis, non
potestis. Queritis maximis sumptibus facien-
dis quomodo tributa ne conferatis? at consiliis
captas aerarii opes quas rapitis, augere non po-
testis. Queritis quemadmodum scelere conta-
mina-*

minatis hominibus parcatis? at ignoscendo nocentibus, innocentium salutem custodire non potestis. Cic. pro Mil. Quis eos postulavit? Appius. quis produxit? Appius. Id. pro Lege Agr. Quis legem tulit? Rullus. Quis majorem populi partem suffragiis privavit? Rullus. Quis Comitibus praefuit? idem Rullus. His similis est Complexio quam habet Psalmista 123. Horatius 1. ep. 1.

Si curtatus inaequali tonsore capillos Occurrit, rides: si fortè subucula pexæ Trita subest tunica, vel si toga dissidet impar, Rides &c.

Sunt & in exemplum hi versus à Farnabio adducti:

Quam bene, Cunne, tuo poteras nurus esse parenti;

Quam bene, Cunne, tuo poteras gener esse parenti.

Hoc schema valet potissimum ad exaggerandas virtutes aut vitia. Nullum est exornationis genus, quo crebrius uri liceat; si credimus Georgio Trapezuntio lib. 5. At, me judice, parcius potius frequentandum crediderim; nam cum nudum habeat artificium, facile auribus fastidium parit.

IV. *Conduplicatio, congeminatio, Græcè Anadiplosis ἀναδιπλωσις dicitur. Julius Epianadiplosin, Rutilius Prasapodosin vocat. Fit autem quando idem verbum in eadem sententiâ, aut periodo duplicatur; seu, ut tradit Auct. ad Her. cum ratione amplificationis, aut commiserationis, ejusdem unius, aut plurimum verborum iteratio. Porro hæc ejusdem verbi iteratio pluribus modis fieri potest.*

1. In principio sententiæ; ut in hoc Cic. pro Mil. *Erit, erit illud profecto tempus. Id. post red. Potui', potui Patres conscripti multis auctoribus fortissimis viris, me vi, armisque defendere. Et in Catil. Vos vos appello ò fortissimi viri: mea mea est ista defensio. Item Ver. 7. Grux, crux, inquam infœlici, & ærumnoso. Item pro Mil. Excitate, excitate eum, si potestis, ab inferis. Ibid. Vivis, vivis, non ad deponendam, sed ad confirmandam audaciam. Virg. Ecl. 2.*

O Corydon Corydon, quæ te dementia cœpit.
Idem.

Me, me adsum qui feci: in me convertite ferrum.
O Rutili. Horat.

O cives, cives, quærenda pecunia primum est.
Seneca Med.

Adeste, adeste sceleris ultrices Deæ.

Verbum sic in principio iteratum Epizeuxin ἐπιζευξιν figuram quidam vocant. Valet, ut notat Carbon, ad significandam animi vim, ad amplificandum, asseverandum, remque demonstrandam. Vehementer auditorem commovet; ut addit Auctor ad Heren. & vulnus majus efficit in contrario causæ; quasi aliquod telum sæpius perveniat ad eandem partem corporis.

2. Quando in idem verbum à quo cœpit definit periodus; ut: *Commotus non es cùm tibi mater pedes amplexaretur, non es commotus?* Cic. pro Mil. *Negat ingratis civibus quæ fecit; timidis, & omnia circumspicientibus non negat.* Id. pro Marcel. *Vidimus tuam victoriam præliorum exitu terminatam; gladium vagina vacuum in Urbe non vidimus.*

304 De Figuris Verbor. &c. Cap. 11.

dimus. Id. pro Sext. Ademit Albino Soceri nomen mors filiae; sed charitatem illius necessitudinis, & benevolentiam non ademit. Id. pro L. Syllâ. Fero ergo te, Torquate, jam diu fero. Et 2. Phil. Sustulit diem fortuna Populi Romani: num etiam tuum de auspiciis iudicium interitus Caesaris sustulit? Virg. 12. Æn. Victus amore tui, cognato sanguine victus. Ibidem.

Multa super Priami rogitans, super Hectore multa.

Ovid. 1. 2. Fast.

*Una dies Fabios ad bellum miserat omnes:
Ad bellum missos perdidit una dies.*

Virg. alibi.

Ambo florentes ætatibus, Arcades ambo.

Utrô animos tollit dictis, atque increpat utrô. Martialis quoque pluribus in locis, sed præcipuè l. 8. epig. 21. l. 9. epig. 76. Catullus, & communiter Poætæ sæpius frequentant; unde ipsemet Juvenalis.

Crescit amor nummi quantum ipsa pecunia crescit.

Habet hæc figura suavitatis, festivitatis, atque energię plurimum, & Epanalepsis ἐπαναλεψις dicta est.

3. Quando verbum, quod erat in fine sententiæ, reperitur initio alterius, ut: *Magna reipublicæ spes sita est in juventute; in juventute inquam illa, quæ ab ipso ætatis primordio, tum pietatem, tum literas erit edocta. Cic. pro Mil. Ab illo tempore annum jam tertium & vigesimum regnat; & ita regnat, ut &c. Et pro Catil. Hic tamen vivit: Vivit? imò verò in Senatum venit. Id. pro Ligar. Principum dignitas erat pene par, non*

par

par fortasse eorum qui sequebantur . Virg. Eclog. 10.

*Pierides vos hac facietis maxima Gallo ,
Gallo cujus amor tantum mihi crescit in bo-
ras . &*

*Addit se sociam, timidisque supervenit Ægle ,
Ægle Naiadum pulcherrima &c. &*

*Deiphobum vidi lacerum crudeliter ora ,
Ora, manusque ambas &c. &*

*Concurrunt Tyrrhena acies, atque omnibus uni
Uni odiisque viro, telisque frequentius instant,
Lucretius itidem, Statius, aliique hanc fi-
guram in deliciis habuere; est enim in ver-
su heroico suavissima ; modò non perpe-
ram & tribus quibusque versibus usurper-
tur; additque emphasim, & ad grandita-
tem sermonis facit . Huic reiterationis
modo, nomen figuræ Palilogiæ παλιολο-
γίας dedere Rhetores .*

4. Quando idem repetitur verbum a-
liquâ interjectione, aut verborum, aut
Parenthesis factâ; ut : *Divum clementia Di-
vum. Dic, age, dic &c. Cic. Phil. 2. Hæstia*
posita pro æde Jovis Statoris, bona (miserum
me; consumptis enim lacrymis, tamen infixus
animo hæret dolor) bona, inquam C. Pompeii
Magni, voci acerbissima subiecta præconis .
*Id pro Mil. Tuas Cn. Pompei (te enim ap-
pello ea voce, ut me audire possis) tuas, in-*
quam, suspensiones perhorrescimus. Et pro do-
mo suâ: Sed excitatus aliquando (dicam au-
diente ipso quod sentio) excitatus, inquam,
Pompeii nimium reconditus, & penitus ab-
strusus animi dolor . Virg.

Scis Proteus, scis ipse ;

*Culpatuſq; Paris Divum inclementia Divum ;
Iti-*

Idem figuratū erit, sique Parenthesin præ-
cesserit verba omnia, illā clausā in integrū
repetantur, ut videre est hoc in exēplo Cic.
Ver. *Quid Cleomenes facere potuit? (non enim
hic possum quemquam insimulare) quid, in-
quam Cleomenes facere potuit?* Virg.

*Huc Pater, ò Lenæ (tuis hic omnia plena
Muneribus tibi pampineo gravidus autumnus)
Huc Pater, ò Lenæ veni.*

Hæc figura *Diacope* διακοπή, sive *Separatio*
dicta est, habetque nonnihil venustatis,
& acrimoniæ. Plura ejus occurrent exem-
pla in Psalmis.

5. Quando primo verbo respondet
medium, aut ultimum medio; ut: *Tumul-
tus C. Gracchi, tumultus domesticos, & intesti-
nos comparat. Quoties literis operam dedisti,
toties honoribus tuis, Patriæ utilitatibus incre-
mentum dedisti. Cic. pro Mil. Exhibe quæso,
Sexte Clodi, exhibe librarium illum legum ve-
strarum. Et pro Marc. De nobis, quos in Re-
publica tecum simul salvos esse voluisti, quoties
cogitabis, toties de maximis tuis beneficiis,
toties de incredibili liberalitate, toties de sin-
gulari sapientia tua cogitabis.*

Et longum formose vale, vale inquit Jola.

V. *Transductio*, seu *Trajectio*, Græcè
Metabole μεταβολή, fit cū idem verbum
cum quadam distinctione, & varietate re-
petitur; quæ non fastidium, sed delecta-
tionem parit, & orationem concinnio-
rem reddit: ut: *Qui nihil habet in vita ju-
cundius vita, is cum virtute vitam non potest
colere. Item. Eum tu hominem appellas, qui si
fuiſſet homo, nunquam tam crudeliter vitam
hominis petiſſet. Item. Divitias sine divitum
esse;*

esse ; tu verò virtutem præfer divitiis ; nam, si
 voles divitias cum virtute comparare, vix sa-
 tis tibi idoneæ videbuntur divitiæ, quæ virtu-
 te comparare, vix satis tibi idoneæ videbuntur
 divitiæ, quæ virtutis pedissequæ sint. Cic. in Orat.
 Itaq; efficis, ut cum gratiæ causa nihil facias,
 omnia tamen sint grata quæ facis. Pers. Sat. I.
 Scire tuum nihil est ; nisi te scire hoc sciat alter.
 Traductionis species Polypoton πολυπτον
 est, fitque quoties idem verbum repetitur
 variatis casibus, generibus, aut numeris ;
 ut : *Senatus est summi imperii consilium, Se-
 natui urbis cura solet demandari, ad Sena-
 tum in adversis omnes confugere, a Senatu sen-
 tentiam expectare.* In illo casus, in hoc ge-
 nus variatur : *Gratus Reipublicæ proventus,
 gratum vectigal, grata Civium concordia.*
 Numerus, ut : *Pulchritudo corporis mini-
 mum facienda, nam pulchritudines animæ
 pulchritudinis tantum specimen præferre,
 sapientum omnium commune fuit effatum.*
 Cic. pro Arch. *Pleni sunt omnes libri, plenæ
 sapientum voces, plena exemplorum vetu-
 stas.* Et Verr. 7. *Certus locus, certa lex, cer-
 tum Tribunal quo loco reservetur.* Et de
 Harusp. *Tibi verò, si diligenter attenderis,
 intelliges hominum pœnas deesse adhuc, non
 Deorum. Homines te in re foedissima defende-
 runt &c. hominibus &c.* Phil. 13. *Huic ceda-
 mus? hujus conditiones audiamus? cum hoc
 fieri pacem posse credamus?* Virg. 4. Æn.
*Littora littoribus, contraria fluctibus undas
 Imprecor; arma armis, pugnent ipsique nepotes.*
 Et 10. *Hæret pede pes, densusque viro vir.*
 Statius 8. Theb.

Jam clypeus clypeis, umbone repellitur umbo :
 Ense

308 De Figuris Verbor. &c. Cap. II.

Ense minax ensis, pede pes, & cuspide cuspis.
O id. 3. de Arte.

Cedere jussit aquam, jussa recessit aqua.
Persius.

De nihilo nihil in nihilum nil posse reverti.
Joannes Picus eleganter.

Namque tua est nostris major clementia culpis:

Et dare non dignis, re magis digna Deo est.

Quamquam sat digni, si quos dignatur amare

Qui, quos non dignos invenit, ipse facit.

*Luferunt per hanc figuram sæpe Poëtæ,
variando idem nomen per omnes casus;
ut videre est in hoc trito:*

Cum vanitas sit vanitatis filia,

Et vanitati vanitatem procreet,

O vanitas! quid vanitate vanius!

VI. *PolySyndeton πολυσύνδετον* est eum fit repetitio per frequentationem conjunctionum copulativarum, disjunctivarum, aliarumque; ut: *Et divitias, & honores, & nomen pro reipublicæ incolumitate posthabuit.* Cic. *Me præter ceteros, & colit, & observat, & diligit.* Et 1. Off. *Quod in Catullo, & in Pate, & in Filio, itemque in Quintil. Mutio vidimus.* Virg. *Æn. 8.*

Brontelque, Steropesque, & nudus membra
Pyracmon.

Id. Georg 3. Testumque, laremque
Aimæque Amycleumque canem, Cressamque
pharetram.

Et alibi:

Drymoque Xantoque Ligeaque, Phyllodoceque.
Ovid. 2. Fast.

Nec prece, nec pretio, nec movet ille minis.

Utimur hoc schemate, non solum in vincula numeris, sed etiam in soluta oratione.

Copu-

Copulativarum tamen conjunctionum iterationem liberius sibi adscivere Poëtæ; quod etiam si ab ipsis, ratione carminis, non venustatis gratiâ fiat, frigebit ultrâ quàm dici queat.

VII. *Synonymia* ~~συνονωμια~~, seu Interpretationem, aut communionem nominis dicas cum Aquilâ, figura est, quâ plura verba idem significantia coacervamus; seu, ut habet Auctor ad Heren. quæ non iterans idem redintegrat verbum; sed id commutat, quod positum est, alio verbo quod idem valeat; ut *Rempublicam radicibus evertisti, civitatem funditus dejecisti*. Item. *Patrem nefariè verberasti, parenti manus sceleratè intulisti*. Cic. pro Syllâ. *Permitto aliquid iracundiæ tuæ, do adolescentiæ, cedo amicitia, tribuo parenti*. Phil. 2. *Decepit, fefellit, induxit*. Et Catil. 2. *Tandem aliquando Catilinam furentem audacia, scelus anhelantem, pestem patriæ nefariè molientem, ex urbe vel eiecimus, vel emisimus, vel ipsum egredientem Urbe persecuti sumus. Abiit, excessit, erupit, evasit*. Item Ca il. 1. *Non feram, non patiar, non sinam*. Et in Pison. *Ego te non recordem, non furiosum, non mente captum, non tragico illo Oreste, aut Athamante dementiorem putem, qui si ausus &c.* Virg.

Quid puer Ascanius? superatne, & vescitur aura.

Ætherea? nec adhuc crudelibus occubat umbris.
Ubi data operâ rem pluribus idem importantibus exponit, ac si simpliciter dixisset *vivi ne*. Et aliis in locis.

Per connubia nostra, per inceptos hymeneos.

Quoties humentibus umbris

Nox

Nox operit terras, quoties astra ignea surgunt.
Plaut. in Bacch.

Quicumque ubique sunt, qui fuere, quique futuri post hac

Stulti stolidi, fatui, bardi, blenni, bucrones.

Locum porrò habet hoc schema ad rei dignitatem magis, magisque demonstrandam; quòd unico verbo facere vix potuissimus. Si cum modo adhibeatur granditatem, vimque orationi donabit; secùs, si perperam profundatur onerabit, non ornabit.

VIII. *Gradatio*, sive *augmentum*, Græcè *Climax* *καίμαξ*, fit cùm ab aliis ad alia velut per gradus itur; itaut proximum semper repetatur verbum: ut: Nam, quæ reliqua spes manet libertatis, si illis & quod libet licet, & quod licet possunt, & quod possunt audent, & quod audent faciunt, & quod faciunt vobis molestum non est? Item. Africa no industria virtutem, virtus gloriam, gloria amulos comparavit. Tacit. histor. l. 4. Neque quies gentium sine armis, neque arma sine stipendiis, neque stipendia sine tributis haberi queunt. Cic. pro Rosc. In Urbe luxuries creatur: ex luxuria, existat avaritia necesse est: ex avaritia erumpit audacia: indè omnia scelera, atque maleficia gignuntur. Id. ep. 23. 2. ad Att. Si stas, ingredi; si ingrederis curre; si curris, advola. Et Phil. 12. Quid enim per Deos immortales potest Reipublice prodesse nostra Legatio? prodesse dico, quid si etiam obfutura est? obfutura dico, quid si etiam nocuit? Apulejus 11. Deus Deum magnorum potior, & majorum summus, & summorum maximus, & maximorum Regnator Osiris. Cele-

Celebris est Hugonis Gradatio, quam
hîc rursus apponere non pigebit: *Cogita-
tio prava parit delectationem, delectatio con-
sensum, consensus operationem, operatio conti-
nuationem, continuatio consuetudinem, con-
suetudo necessitatem, necessitas cogit, sed non
excusat.* Et Lactantii altera: *Idcirco mun-
dus factus est, ut nascamur: ideo nascimur, ut
factorem Mundi, ac Deum nostrum cognosca-
mus: ideo cognoscimus, ut colamus: ideo coli-
mus, ut immortalitatem pro mercede laborum
capiamus.* Ovid. 3. Fast.

*Mars videt hanc, visamque cupit, potiturque
cupitam.*

Id. *Infelix sua viscera traxit,
Traëtaque calcavit, calcataque rupit.*

Virg. Eclogâ 2.

*Torvaleena lupum sequitur; lupus ipse ca-
pellam;*

Florentem citysum sequitur lasciva capella.

Claudian. l. 3. de laud. Stilic.

Sic Medus ademit

*Affyrio; Medoque tulit moderamina Perses;
Subjecit Persen Macedo, cessurus & ipse
Romanis.*

Habet exemplum quoque Homerus de
Sceptro, quod ab Jove ad Agamemno-
nem usque deducit: & apud nostrum
etiam Tragicum:

*Jove propagatus est, ut perhibent Tantalus;
Ex Tantaio Pelops; ex Pelope autem satus
Atreus, qui nostrum porro propagat genus.*

Figura hæc est illustis inter eas, quæ com-
ptam reddunt orationem cum insigni evi-
dentiâ, ut inquit Hermog. l. 1. c. 12. Sed
cum apertiolem habeat artem, & magis
atque

affectatam; rarior in oratione debet esse: ut monet Quintil. 1.9.c.3. atque ita usurpanda, ut non quæsitæ, & emendicata, sed ex ipsâ re nata esse videatur; quod facile continget in Genealogiis texendis, in Magistratuum, regnorumque successionebus; ut si dixerò: *Atheniensium potiti sunt Spartiatae; Spartiatas superavere Thebani; Thebanos Macedones vicerunt, qui ad imperium Græciæ brevi tempore adjunxerunt Asiæ bello subactam.* Bis tantum Demosthenem hoc schema usurpasse, quidam observant.

IX. *Incrementum*, Græcè *Auxesis* αὐξήσις, fit quando verbum verba majoris semper energiae subsequuntur; absque eo tamen quod vocem præcedentem repetat; per quod à Gradatione differt. Sit exemplum illud Cic 5. in Verrem: *Facinus est vincere civem Romanum; scelus verberare: parricidium necare: quid dicam in Crucem tollere?* Vides hic orationem crescere in verbis, *vincere, verberare, necare, in crucem tollere,* & vocem minoris energiae excipi ab aliâ majoris; nam majus est *Parricidium* scelere, *scelus* facinore. Id. pro Quinct. *Miserum est exturbari fortunis omnibus, miserius est injuria: acerbum est ab aliquo circumveniri, acerbius est à propinquo: calamitosum est bonis everti, calamitosius cum dedecore: funestum à forti, atque bonesto viro jugulari; funestius ab eo, cujus vox præconio quæstu prostitit. Indignum est à pari vinci, aut superiore; indignius est ab inferiore: luctuosum est tradidum bonis, luctuosius inimico.* Est & aliud exemplum apud Cic. Phil. 2. de vomitu

Auto-

Antonii. O rem non visu modo fœdam, sed etiam auditu! Si inter cœnam in tuis immanibus illis populis, hoc tibi accidisset; quis non turpe diceret? In cœtu verd populi Romani negotium publicum gerens, Magister equitum, cui ructare turpe esset, is frustis esculentis vinum redolentibus, gremium suum, & totum tribunal implevit. Hic singulæ voces incrementum habent: etenim per se deforme fuerat, vel non in cœtu vomere; in cœtu etiam non populi; etiam non Romani; vel si nullum negotium gereret; vel si non Magister equitum. Id. pro Rosc. Eo prorupturam esse audaciam, ut non clam, verum etiam hic in foro, ante tribunal tuum, M. Fauni, ante pedes vestros, Judices, inter ipsa subsellia cades futurae sint. Advertendum, quod Gradatio, atque Incrementum copulari aliquando poterunt; ut patet ex hoc Tullii pro Mil. Nec verd se populo solum sed Senatui commisit; nec Senatui modò, sed etiam publicis præsidiis, & armis; neque his tantum, sed ejus potestati, cui Senatus totam Rempublicam commisit.

Aliqui Auxesin ab Incremento distinguunt; voluntque, eam fieri, cum amplificandæ rei causâ verbum gravius subjicitur loco proprii; ut cum leve erratum dicitur scelus, ingratum, impium &c. Verum hæc divisio melioribus supervacanea creditur. Et hæc de figuris Verborum quæ Additamento fiunt. nunc sit

DE FIGURIS VERBORUM , QUAE PER
DETRACTIONEM FIUNT . *Cap. III.*

I. **E**X Figuris Verborum quæ per defectum fiunt, potiores enumerantur, Intellectio, Adjectio, Disjunctio, & Dissolutio. *Intellectio* Græcè *Synecdoche* *συνεκδοχή*, fit quando subtrahitur orationi quod facilè intelligitur: ut: *Ille, audito de Patris nuncio, exclamare, vestes scindere, comam divellere*. Subtractum verbum coepit facilè intelligitur. Cic. ad Brut. *Sermo nullus, nisi de te, scilicet habetur*. Id. ad Att. l. 2. 9. *Epistolam cum à te avidè expectarem, ecce tibi nuncius, supple venit*. Lucanus l. 1.

Quis furor, ò Cives? quæ tanta licentia ferri?
supple est.

Virg. Æn. I.

Sed vos qui tandem? quibus aut venistis ab oris?

Et aliis in locis.

Hæc secum. Et. *Quin age, si quid habes.* Exemplis longiùs non immoror, quia hæc facilè legenti occurrent, & in Grammaticis quamplurima tradi solent, ubi de Ellipsi.

II. *Adjunctio*, seu ut habet *Aquila Injunctum*, Græcè *Antizeugmenon* *ἀντιζευγμενον* est cum ad unum idemque verbum plura referuntur commata vel incisa. Hoc autem verbum si fuerit in principio commatis vel incisi dicitur *Protozeugma* *πρωτόζευγμα*, si in medio *Mesozeugma* *μεσόζευγμα*, si in fine *Hypozeugma* *ὑπόζευγμα*.

γῡα. Exemplum primæ erit. *Deflor* scit formæ dignitas, aut morbo, aut vetustate.

Secundæ. Formæ dignitas deflorescit aut morbo aut vetustate. Tertiæ. Aut morbo aut vetu-

state formæ dignitas deflorescit. Cic. Vicit pudorem libido, timorem audacia, rationem a-

mentia. Id. pro Cluen. Ea flagrat cupiditate, ut illam nec pudor ab infamia, nec

pudicitia à stupri fœditate, nec pietas à scelere, nec generis, ac familiæ macula à

libidinum turpitudine avocare queat.

Virg. 3. *Æneid*.

Trojugena interpres Divum, qui numina Phæbi,

Qui tripodas, *Clarîi* lauros, qui sydera sentis.

Idem.

Ardet abire fuga, dulcesque relinquere terras.

Item.

Ire iterum in lacrymas, iterum tentare precando

Cogitur, & supplex animos submittere amorî.

Et Quantùm vertice ad auras

Ætheras; antùm radice ad tartara tendit.

III. *Disjunctio*, Græcè *Diazeugmenon* διαζευγμενον, est secundum Auðt. ad Heren.

cùm eorum, de quibus dicimus, aut utrumque, aut unumquodque certo concluditur verbo; hoc

est, quando singuli sensus clauduntur suo verbo, ut: *Populus Romanus Numantiam de-*

levit, *Carthaginem sustulit*, *Corinthus dis-*

jecit, *Fregellas evertit*. Nihil Numantinis vires corporis auxiliatæ sunt; nihil Carthagi-

nensibus scientia rei militaris adjumento fuit; nihil Fregellanis morum, & sermonis societas

opitulata est. Cic. pro Archiâ. *Homerum Co-*

Colophonii Civem esse dicunt suum; Chii suum

316 De Figuris Verbor. &c. Cap. III.

vindicant; Salamini repetunt; Smyrnaei verò suum esse affirmant. Martial.

Dat populus, dat gratus eques, dat jura Senatus. Ovid.

Poma dat Autumnus: formosa est messibus aestas:
Ver præbet flores: igne levatur hyems.

Virg. Ejectum littore egentem
Excepi, & regni demens in parte locavi.

IV. Dissolutio, sive Inconnexio Græcè *Asyndeton ἀσύνδετον*, Diallyton *διὰ λυτον*, & *διάλυσις*, est cū demptis conjunctionibus, plura ponuntur commata, vel membra; seu cum Auct. ad Heren. est, quæ conjunctionibus verborum è medio sublatis, partibus separatis effertur, ut: Legibus obtempera; obsequere Patribus; Majores natu venerare; Religioni debitum cultum præsta; &c. Cic. pro Mar. Constituenda judicia; revocanda fides; comprimendæ libidines; propaganda soboles &c. Id. pro Arch. Hæc studia adolescentiam alunt; senectutem oblectant; secundas res ornant; adversis perfugium, ac solatium præbent; delectant domi; non impediunt foris; pernoctant nobiscum; peregrinantur, rusticantur. Et pro Mil. Vastarat (Clodius) Hetruriam; multos sedibus, fortunis ejecerat: instabat, urgebat; capere ejus amenitiam Civitas, Italia, provinciæ, regna non poterant. Virg. 4. Æn.

Ferte citi ferrum, date vela, impellite remos.
Et alibi. Nos ara, manus, navalia demus. Et
Terram, mare, sydera juro.
Martial. l. 2.

Frangere toros, pete vina, rosas cape, tingere
Nardo,

Terent. Adelph. 3. 2.

Tot res repente circumvallant, unde emergi non potest;

Vis, egestas, iniustitia solitudo, infamia.

Valet hæc figura ad celeritatem, atque ad impetum exprimendum, apta ut ait Fabius l. 9. c. 3. cum quid instantius dicimus; nam & singula inculcantur, & quasi plura fiunt. Præterea in vitiis, aut virtutibus enumerandis; ut vides in hoc Cic. Ver. ultimâ. *Hujus furta, rapinas, crudelitatem, superbiam, scelus, audaciam, rerum gestarum magnitudine, atque imperatoriis laudibus tegere conaris.*

DE FIGURIS VERBORUM, QUAE PER SIMILITUDINEM FIUNT.

Cap. IV.

I. **E**X schematibus, quæ per similitudinem fieri dicuntur, sunt *Annominatio, similiter cadens, similiter desinens, Compar, Contrapositum, Commutatio.*

Annominatio, seu *Agnominatio* Græcè *Paronomasia παρονομασία*, *Paragramma πασαγμαμα*, est cum in oratione iteratur dictio, sed commutatâ literâ vel syllabâ in significationem diversam. Pluribus autem modis fieri potest.

1. *Adjectione*, ut. *Hic sibi posset temperare, nisi amor mallet obtemperare: Ista non solum rata, sed & grata mihi erunt. Cic. pro Cluent. Vestri auxilii est, Judices, hujus innocentie, sic in calamitosa fama, quasi in aliqua pernicioosa flamma, atque in communi incendio subuenire. Terent. Heaut.*

Tibi parata erunt verba, huic verbera.

318 De Figuris Verbor. &c. Cap. IV.

Virg.

Lybicus teris otia terris.

2. Detractione, ut: Si lenones, tamquam leones vitasset, honestæ vitæ se tradidisset. Veniit antequam Romam venit. Cic. pro Mur. Tu, Sulpiti, actionem instituis, ille aciem instruit. Claudian. de Sene Veronensi.

Plus habet hic vitæ, plus habet ille viæ.

Item.

Vos ego lenones dicam, dicamne leones?

Sic leno Andromedas, sic leo mactat oves.

3. Commutatione, ut. Videte, Judices, utrum in aduersis timidi in secundis tumidi sitis futuri. Deligere oportet quem cupis diligere. Plerique magis amant præesse, quam proæsse. Cic. Cat. 1. Qui de hujus Urbis, atque adeo Orbis exitio cogitent. Et Phil. 2. En cur magister ejus ex oratore arator factus est. Livius 22. Itaque Plebiscitum, quo magis oneratus, quam honoratus sum, primus antiquo, abrogoque. Florus 3. 17. Nisi quis aut cœnum, aut cœlum dividere vellet. His sunt affinia. In quo motu, in quo metu; serò, sed seriò; In stadio, & studio virtutis; petiisti simul & & periisti; confisis, & confusis; affectu magis quam effectu &c. Plautus Cistell.

Amor melle, & felle est fecundissimus.

Idem.

Amens, amansque, ut ut animum obfirmo meum. Virg. Æneid. 1.

Haud aliter puppesque tuæ, pubesque tuorum. Aufon. ep. 30.

Nata salo, suscepta solo, patre edita cœlo.

4. Translatione, ut: Nescio, an homini novo, an vano fidem præstiterim. Nolo esse laudator, ne videar adulator. Hæc non crudelitas, sed credulitas est. Cic. ad Att. lib. 1.

ep.

ep. 10. *Consul ipse parvo animo, & pravo.*
Huc pertinet cujusdam distichon:

De vitiis quod divitiæ accumuluntur, aper-
tum est:

Nomen idem vitiis, divitiisque datum.

Hoc quoque meum tetraslichon.

Cur vitium placeat: vitio cur tempora donem,

Quæris? de vitiis sunt mihi divitiæ.

Ab miserrimum! male parva patent in Tarta-
ra portæ.

Dis habet æterna perdere pauperie.

Hanc figuram agnovit sanè Cicero, cum
2. de Orat. dixerit; *Alterum genus est, quod*
habet parvam verbi immutationem, quod in
litera positum Græci vocant Paronomasiam.
Verùm pueri, Oratoresque ne nimium
sibi familiarem faciant; ni velint in vili-
tates, puerilitatesque prolabi. Imò con-
sultius erit eam prorsus negligere, ac
poëtis usurpandam relinquere; ut quæ ad
jocos magis apta. Huic sententiæ subscri-
bit Fabius, ubi hæc l. 9. protulit. *Aliter*
quoque voces, aut eadem, aut diversa signifi-
catione ponuntur; aut productione tantum,
aut correptione mutata: quod etiam in jocos
frigidum: quidem tradi inter præcepta miror,
eorumque exempla, vitandi potius, quam imi-
tandi gratia pono. Usurpari nullatenus
cum venustate hanc figuram affirmat,
quando distinguenda rei proprietas est;
ut in hoc Cic. Cat. 1. *Hanc Reipublicæ pe-*
stem paulisper reprimi, non in perpetuum com-
primi posse. Et cum præpositionibus quæ-
dam in contrarium mutatur, ut ibidem:
non emissus in urbe, sed immissus in urbem esse
videbatur. Huic schemati affinis est Anta-

naclasis ἀντανακλασις, seu *Ploce πλοκή*, quam aliqui Latine *Allusionem* dixere ; & fit quando idem plane verbum repetitur , diversâ tamen significatione , ut : *Fucundum est amari , si curetur ne quid sit amari . Ludovicus est verè Ludovicus .* idest arx populi sui . Sallust . *Sed tamen ad illam diem Memmius erat Memmius .* Ubi primùm ponitur pro nomine personæ , secundò vult intelligi qui semper fuerit, ac sui similem . D. Bernard . *Non diligamus mundum, in quo nihil est mundum .* Plaut . in Mil . glor . *Oculorum perstringit aciem in acie hostibus . Et in hoc .*

Quis neget Æneæ magna de stirpe Neronem ? Sustulit hic matrem, sustulit ille Patrem . ubi sustollere duo significat : de medio tollere, & in humeros tollere . Figuram id genus *Antistasi* vocat Rufinianus , ἀντιστάσις .

II. *Similiter cadens* Græcè Homœop-ton ὁμοιοπτωτον , *Paromœosis παρόμοιωσις* Aristoteli 3. Rhet . fit cùm duo , aut plura commata in eundem casuum sonum terminantur . Ubi casuum nomine , etiam verborum tempora , quæ instar casuum sunt in Conjugationibus , intellige ; ut : *Hominem laudas virtute præstantem , senectute laborantem &c. Cic. pro Rosc. Quid tam commune quàm Spiritus vivis terra mortuis , mare fluctuantibus , littus ejectis ? Id. pro Lege Man. Quanta innocentia debent esse Imperatores, quanta deinde in rebus omnibus temperantia, quanta fide , quanta felicitate , quanto ingenio . Id. Hunc ergo non admirer ? non diligam ? non omni ratione defendendum putem .*

putem? Et rursus pro Rosc. *Domus obsessa, ab inimicis bona adempta, possessio direpta, filii vita infesta, saepe ferro &c.* Exemplum, esse poterit in illis Adriani Cæsaris verbis:

*Animula, vagula, blandula
Hospes, comesque corporis,
Quæ nunc abibis in loca
Pallidula, rigida, nudula,
Nec, ut soles, dabis jocos.*

Virg. Ecloga 8.

Ut vidi, ut perii, ut me maluit abstulit error.
Et Æneid. 2.

*Occiderit ferro Priamus, Troja arserit igni
Dardanum toties sudarit sanguine litus.*
Et 4.

*Num fletu ingemuit nostro? num lumina flexit?
Num lacrymas victus dedit dedit, aut misera-
tus amantem est?*

Similiter cadentia, inquit Carbon. lib. 1. de elocut. cap. 18. ut orationem ornant si temperatè dictiones concinnentur; iâ deformat si nimium frequententur.

III. Similiter desinens Græcè *Homoteleuton ὁμοτελευτον*, est, cum plures sententiæ eodem modo finiuntur; seu ex Auct. ad Heren. cum tametsi casus non insunt in verbis, tamen similes exitus sunt, ut: *vivis invidiosè, delinquis studiosè, loqueris odiesè.* Cic. l. 12. ep. 1. *Fabulæ finguntur; immunitates dantur, pecuniæ describuntur; Sen. Consul. falsa referuntur.* Id. pro Mar. *Verum, animum vincere, iracundiam cohibere, victoriam temperare &c.* Id. pro L. Man. *Tam felix Imperator est, ut ejus semper voluntatibus*

322 De Figuris Verbor. &c. Cap. IV.

non modò cives assenserint, socii obtemperarint, hostes obedierint, sed etiam venti, tempestatesque obsecundarint. Virg. 2, Æn.

*Deseruere omnes defessi; & corpora saltu
Ad terram misere, aut ignibus agra dedere.
ibidem.*

Nec prius amissam respexi, animumque reflexi. Et

Sylvarum, fruticumque viret, nemorumque sacrorum.

Hæc figura, quod & de priori dictum volo, parcius adhibeatur oportet: ex simili enim cadentia vocum fiet, ut fastidium pariant. Fient tamen ornatiores, auribusque ipsis gratiores, si aliis schematibus admisceantur.

IV. *Compar*, Græcè *Isocolon* ἰσοκώλον, fiet, quando incisa, vel membra pari, aut ferè pari numero syllabarum constabunt, ut: *In prælio mortem pater opperebat: domi filius nuptias comparabat. Multum desiderare egentis est signum; & nihil parcere egestatis est initium. Cic. pro Syllâ. Consilio investigasset, virtute aperuisset; magnitudine animi vindicasset. Et pro Mar. Ex quo profecto intelligis, quanta in dato beneficio sit laus; cum in accepto tanta sit gloria. Idem pro L. Man. Tantum bellum, tam diuturnum, tam longè latèque dispersum, Cn. Pompejus extrema hyeme apparavit; ineunte vere suscepit; media æstate confecit. Ovid. de Minot.*

Semibovemque virum, semivirumque bovem.

Quem limitatus Petrus Franciscus Minotrius, Venetos appellavit

Semideosque homines, semivirosque Deos.

Virg. Æneid. 8.

Aude

Aude hospes contemnere opes ; & te quoque dignum

Finge Deo ; rebusque veni non asper egenis .

Et Nunc viribus usus ;

Nunc manibus rapidis , omni nunc arte magistra .

Advertendum , quod in hoc genere sæpè fieri potest, ut non planè par sit numerus syllabarum, & tamen esse videatur, si unâ aut etiam alterâ syllaba est alterum brevius; aut si cùm in altero plures sunt, in altero longior aut longiores, plenior aut pleniores syllabæ erunt; ut longitudo, aut plenitudo harum, multitudinem alterius assequatur, & exæquet. Ne nimium tamen studiosi sint Adolescentes in usu hujus, ac similium schematum ; quia gratiam amittunt, nisi dexterè collocentur in oratione, atque ita, ut artificium lateat .

V. *Contrapositum* Græcè *Antitheton*, ἀντιθετον, fit quando vocabula vocabulis per contrarium opponuntur, ut : *hic regnat pudor, illic audacia; hic pietas, illic scelus; hic liberalitas, illic avaritia . Cum opus est silentio, clamitas; cum animo, paves ; cum prudentia, desipere crederis . Cic. Catil. 2. Hoc verò quis ferre possit ? inertes viros fortissimis viris insidiari ; stultissimos perditissimis, ebrios sobriis, dormientes vigilantibus . Vocatur præterea Contrapositum, quando tantum verba verbis opponuntur, etiamsi non sint contraria sibi . Cic. pro Mil. Est enim non scripta, sed nata lex, quam non didicimus, accepimus, legimus; verum ex natura ipsa arripuimus, hausimus, expressimus; ad quam non docti, sed facti ; non instituti, sed*

324 De Figuris Verbor. &c. Cap. IV.

nati sumus. Virg. Ænead. l. i.

Miratur molem Æneas, Mæpalia quondam.

Item l. 9.

Voluitur ille vomens calidum de pectore flumen

Frigidus.

Et 8. Et Capitolia ducit

Atrea nunc, olim sylvestribus horrida dumis.

Plura dabimus inferius in figuris sententiarum. Hæc enim, uti & aliæ plures ex prædictis, tum verbo, tum sententiâ absolvi possunt.

VI. Commutatio, Græcè Diallelon *διαλλελον*, Chiasmon *χιασμον*, est quando eadem verba in sensum diversum commutantur, ut, si dixerō; Non ut edam, vivo; sed, ut vivam, edo. Si poëma loquens pictura est, pictura tacitum poëma esse debet. Seu etiam absolvetur simplici reciprocatione, ut: Doctorem sanctissimus, & Sanctorum doctissimus. Inter pueros senex, inter senes puer. Justis fortior, fortibus justior. Plaut. in Apoph. Non possidet pecuniam qui pecuniæ servit; sed is cui servit pecunia. Auct. ad Heren. Quia stultus es, ea re taces: non tamen quia taces ea re stultus es. Id. Quæ de illo dicuntur dici non possunt, quæ dici possunt non dicuntur. Ausonius Epitaph. 30.

Infelix Dido nulli bene nupta marito:

Hoc pereunte fugit; hoc fugiente peris.

Et alter.

Eripis ut perdas: perdis ut eripias.

Hoc schema à Rufiniano, & Sulpitio Metathefis *μεταθεσις*; à Scholiaste Aristidis in Panathen. *διαγωνιον* Diagonion; à Fabio denique l. 9. c. 3. Antimetabole *ἀντιμεταβολή*.

Et

Et hæc de Figuris quæ in verbis dicta
sufficiant; nunc agendum.

DE FIGURIS SENTENTIARUM, AC PRI-
MUM DE APOSTROPHIS, ET ANTI-
THESI. Cap. V.

I. IN Sententiarum schematibus totam
Oratorum vim ad delectandum, do-
cendum, movendumque positam esse, ne-
minem præterit. Hæc siquidem velut quæ-
dam lumina & ornamenta, sermonem è
cœno tollunt, & maiestate donant incre-
dibili: quodque languidiùs jacuisset atque
emortuum, horum usu vitam spiritumque
adipisci compertum est. In illis omnis vir-
tùs posita; simplificatione nusquam melius
apparet, quàm figurati. Hisce modis ve-
stita; Auditorum animi nusquam gravius
percelluntur, quàm ubi Oratio hisce exor-
nationibus scatuerit. Equum igitur fuerit
si in his vel longius immoremur, sique
exempla plura congeramus. Definiri au-
tem solet Figura Verborum, *exornatio ora-
tionis à communi ratione dicendi remota, quæ
non in verbis, sed in rebus ipsis dignitatem
suam positam habet.* Ex qua elucet, unam
eandemque figuram spectare posse ad du-
plicem classem, prout scilicet, aut verbis
aut sententiâ absolvetur. Rhetores in plu-
res classes inde hæc schemata sunt partiti,
secundùm quas, studiosis etiam propone-
re solent. Nos hic facilitati, quæ ex ordi-
ne promanare plurimum solet, inservien-
tes, ordine alphabetico eas exhibemus,
contenti indicasse munia, quibus singula
nata sunt obeundis.

II. Apo-

II. Apostrophe primò occurrit ὁπο-
 στρωφὴ, quam Latini *Inversionem*, seu *A-*
versionem, figura est, quā sermonem ab iis
 quibuscum loquimur, avertimus ad aliam
 personam. V. g. ad Deum, ad absentes,
 ad res inanimas: hinc est quod hujus sche-
 matis tres fecerint modos; unum, quo ad
 homines, alterum quo ad personam Divi-
 nam, tertium quo ad sensu carentia con-
 vertimur.

I. Ad homines est *Conversio* Tullii
 pro Ligar. *Quid enim tuus ille, Tubero,*
districtus in acie Pharsalica gladius agebat?
cujus latus ille mucro petebat? qui sensus erat
armorum tuorum? quæ tua mens? oculi? ma-
nus? ardor animi? quid cupiebas? quid opta-
bas? Hic ad Cæsarem erat sermo, & ad
 Tuberonem se convertit. Id. Verr. 6. *Re-*
peto abs te, Verres, monumentum P. Africani;
causam Siculorum quam suscepi relinquo &c.
 Et pro Mil. *Vos vos appello fortissimi viri,*
qui multum pro patria sanguinem effudistis.
 Item 2. Tusc. 2. *Quid me decipis, Zeno?*
nam cum ad id quod mihi horribile videtur
 &c. Pro Domo suâ, ubi alloquitur Clo-
 dium. *Ac primum illud à te homine vesano*
 &c. Et Philip. 14. *Vos verò Patriæ natos ju-*
dico, quorum etiam nomen à Marte est, ut
idem Deus Urbem banc gentibus, vos huic Ur-
bi genuisse videatur. Virg. 4. *Æneid.*

Quis tibi tunc, Dido, cernenti talia sensus?
Quosve dabas gemitus, cum littora fervere
late

Prospiceres arce ex summa, totumque videres:
Miscere ante oculos tantis clamoribus æquor?
 Et lib. 3.

De Figuris Sententiar. &c. Cap. V. 327

*Fortunati ambo siquid mea carmina possunt
Nulla dies memori unquam vos eximet ævo ,
Dum domus Ænea Capitoli immobile saxum
Avolet &c.*

Ovid. Metamorph.

Ego te, miserrande, peremi

*In loca plena metus, qui jussi nocte venires
Nec prior hac veni : nostrum divellite corpus ;
Et scelerata fero consumite viscera morsu ,
O quicumque sub hac habitatis rupe-leones .
Sed timidi est optare necem .*

**2. Ad Deos ut plurimum conversiones
fiunt à Poëtis initio carminum . Sic Ovid.
Metamorphoseon .**

*In nova fert animus mutatas dicere formas
Corpora : Dî cœptis , nam vos mutastis & il-
las &c.*

Claudian. de Raptu Prof. l. i.

*Dii, quibus innumerum vacui famulantur A-
vernî*

*Vulgus iners; opibus quorum donatur avaris
Vos mihi sacrarum penetralia pandite rerum ,
Et vestri secreta Poli .*

Virg. Æn. i.

*Musa mihi causas memora , quo numine laeso ,
Quidve dolens Regina Deum, tot volvere casus
Insignem pietate virum tot adire labores
Impulerit .*

**Sunt tamen & exempla apud Oratores ,
imò & Historicos ; nam Cic. pro Domo
suâ inquit . O Dii immortales ! vos enim hæc
audire cupio : impius hic vestra sacra curat ?
vestrum numen horret ? non illudit auctorita-
ti omnium ? Et pro Cælio . Proh Dii immor-
tales &c.**

**3. Ad res inanimes sensuque carentes ,
Cic.**

328 De Figuris Sententiar. &c. Cap.V.

Cic. pro Mil. *Vos Albani tumuli, atque luci, vos, inquam, imploro & obtestor; vosque obruta aræ, quas ille substructionum insanis matibus oppressit, tunc vestrae Religiones viguerunt, vestra vis valuit. Et pro Balbo. Vos denique mutæ regiones imploro; vos sola terrarum ultimarum, vos maria, portus, insulae, littoraque. Et. O leges Portia, legesque Semproniae &c. Virgil.*

*Quid non mortalia pectora cogis
Auri sacra fames? Et lib.8.*

*Haud procul inde citæ Metium in diversa
quadrigæ*

Disfulerant. At tu dictis, Albane, maneres.

Martial. Ubi mors non est, sic jugulatis, aquæ?

Horat. O fons Blandusæ splendidior vitro

Dulci digne mero.

Sunt & in sacris hujus figuræ exempla; ac præsertim Psal. 111. *Quid est tibi mare quod fugisti, & tu Jordanis quia conversus es retrorsum? Attollite portas, Principes, vestras & elevamini portæ aternales &c. Hierem. 2. Obstupefcite cali super hoc &c. Isaias. Rorate Cæli de super &c. Confert hoc schema, ut de usu aliquid dicamus, ad omnes affectus ciendos: increpat, urget, cohortatur, commendat, commiseratur, monet, vituperat, omnemque habet in oratione vim; si cum aliis dicendi luminibus adhibeatur, ut testatur Scaliger Poet. 3. cap. 2. ubi hæc habet: *Est in Apostrophe & interrogatione tanta efficacia, ut subsilire faciat animum Auditoris, quæ ubi conjunctæ sunt, nihil deest ad summam vim. Cavendum tamen ne immodicè, passimque frequentemus, ac sine delectu verborum aut sententiarum; tunc enim**

enim dubio procul jacebit, & quidquid habuisset virium deperdet. Advertendum insuper ad inanimes res non adeo frequenter sermonem converti ab Oratoribus ut à Poëtis, qui potissimum ubi gaudium exprimere intendunt, hoc facere consueverunt. Fabius in eâ fuit sententiâ, figuram hanc non habere locum in Orationis principio; habere tamen evincunt plura Ciceronis exempla, ac præcipue Catilinaria prima.

III. Antithesis, *ἀντίθεσις*, quam *Contrapositum* latinè vocat Quintilianus, est fit cum contrariis opponuntur contraria. Pluribus autem fit modis.

1. Cum plura præmittimus similia, quibus inde contraria pari numero respondent, ut: *Fortitudinem, temperantiam, æquitatem, justitiam, virtutesq; omnes, cum ignavia, luxu, iniquitate, injustitia, vitiisq; omnibus, summo totius Urbis dolore commutavit*. Sen. de vit. Beat. c. 7. *Altum quiddam est virtus, excelsum, regale, invictum, investigabile: Voluptas, humile, servile, imbecillum, caducum, cujus statio ac domicilium fornices, ac propriae sunt. Virtutem in templo invenies, in foro in curia pro muris stantem, pulverulentam, coloratam, callosas habentem manus. Voluptatem latitantem sæpius, ac tenebras captantem circa balnea & sudatoria, & loca ædilem metuentia, mollem, enervem, mero, atq; unguentis madentem, squallidam, fucatam*.

2. Fit nullâ casuum connexionem, sed continuâ geminorum oppositione per amphoram, & incisâ. Cic. Catil. 2. *Ex hac enim parte pugnat pudor, illinc petulantia*.

tia : hinc fides, illinc fraudatio: hinc pietas, illinc scelus: hinc honestas, illinc turpitudine; denique equitas, temperantia, fortitudo, prudentia, virtutes omnes certant cum iniquitate, cum luxuria, cum ignavia, cum temeritate, cum vitiis omnibus. Postremo copia cum egestate, bona ratio cum perdita, mens sana cum amentia, bona denique spes cum omnium rerum desperatione configit. D. Hieronymus diversum exitum viarum ad æternitatem proponens ep. 14. ad Celan. Vide quanta sit inter has vias separatio, quantumque discrimen. Illa ad mortem, hæc tendit ad vitam: illa celebratur, & teritur a multis, hæc vix invenitur a paucis. Illa enim vitiis per consuetudinem quasi declivior & mollior, & velut quibusdam amœna floribus voluptatum facile ad se rapit commeantium multitudinem; hæc verò insueto calle virtutum tristior, atque horridior ab his tantum eligitur, quibus non tam delectatio itineris cordi est, quam militas mansionis:

3. Tertius modus negationibus resultat. Cic. pro L. Manil. Cujus adolescentia ad scientiam rei militaris, non alienis præceptis, sed suis imperiis; non offensionibus belli, sed victoriis; non stipendiis, sed triumphis est iraducta. Valet hæc ratio plurimum ad amplificandum.

4. Cum multa multis & ea contraria constanti ordine interjecta per Polyphton ponuntur, ut in hoc Himerii adversus Epicurum: Quomodo autem congruit voluptas laboribus; patientia deliciis; academia meretricibus; philosophia popinis; temperantia impuriis adolescentibus? Cic. Catil. 2.

De Figuris Sententiar. &c. Cap. V. 331

Hoc verò quis ferre possit inertes viros fortissimis insidiari, stultissimos prudentissimis, ebrios sobriis, dormientes vigilantibus?

Hoc schema, inquit Carbon l. 1. Orat. Elocut. *Mirum in modum orationem illustrat, variat, amplificat, remque demonstrat. Oratorem commendat & adversarium urget, ac proinde frequenter ab Oratoribus usurpatur. Cum enim ex concordia, & discordia per rerum nascentium & pereuntium vicissitudines stet universum, ex antiphrongis musices venustas, ex diversis coloribus resultat in picturâ ornatus; ita ex hac contrariorum, aut quasi contrariorum oppositione, mirum in modum capiuntur aures; quare justâ sane de causâ Antithesis doctæ figuræ nomen olim sortita est.*

Crimina rasis

Librat in Antithetis, doctas posuisse figuras Laudatur.

Curandum ne in motibus, atque argumentorum fortiori contentione, antitheta artem ostendent; sed artificium potius celabunt; neque religiosâ membrorum distinctione apparebunt; sed per congeriem potius prolata miscebuntur.

IV. Proxima Antithesi est Oxymoron ὀξύμωρον figura, quam Contentionem vocat Cicero: differt tamen aliquâ ex parte; nam Antithesis potest fieri ex diversis; Oxymoron ex contrariis perpetuò resultat, magisque ad Hyperbolen accedit. ut si dixerò. *Festina lentè, innuptæ nuptiæ, concordia discors, impia pietas &c.* Horat. l. 3. od. 16. *Magnas inter opes inops.* Ovidius. *Impietate pia es.* Catullus. *Funera non fune-*

332 *De Figuris Sententiar. &c. Cap. V.*
ra. Senec. Tragic. Vicimus victi: morti domi-
nus pertimuit mori. Timet timentes: metus in
auctorem redit. Cic. Phil. 13. Deinde obsecro
vos P.C. quis hoc vestrum non videt, quod for-
tuna ipsa, quæ cæca dicitur videt? Et pro
Mar. Ipsam victoriam vicisse videris, cum ea
quæ illa erat adepta, victis remisisti Et lib. de
Amic. Quocirca absentes adsunt (scil. Amici)
& egentes abundant, & imbecilli valent, &
quod difficilius est, mortui vivunt. Horat. l. i.
epist. 11. Strenua non exercet inertia.
Et l. i. od. 34.

Insanientis dum sapientiæ consultus erro.
Terent. Andr. In aliquid nihil est. In Eu-
nuc. Tu, pol, si sapis, quod scis, nescias. Ibid.
Ut cum ratione insanias. Ovid. 11. Met.
Injustæque justæ peregit.
Et 7. Metamorph.

His ut quæq; pia est, hortatibus impia prima est,
Et ne sit scelerata, facit scelus.

Et 1. Tu non inventa reperta es.

Hujus generis figuræ usitatissimæ apud
Poëtas, in clausulis Epigrammatum ma-
ximè adhibuere; unde illud

Cum facias versus nulla non luce ducentos;
Verè nihil recitas; non sapis atque sapis.

Item.

Frigida es & nigra es: non es, & es Chione.

Et illud Poëtæ ad Nepotem:

Chære Nepos, mores si vis tractare Nepotum;
Incipis esse Nepos, desinis esse Nepos.

Nepos fratris, aut sororis filius, & Nepos
dissipator.

Plura quæ hujus loci essent, dedimus su-
perius, ubi de Ænigmate actum est; quare
non est cur hic denuo actum agamus.

V. Sy-

De Figuris Sententiar. &c. Cap.V. 333

V. Synæceiosis *συναιεσις*, seu Commixtio species Antithesis. Hanc Cinnus vocat Scaliger Poëtices l. 3. c. 46. fitque cum duæ res contrariæ eidem supposito attribuuntur: ut si dicam: *Tam deest Avaro quod habet, quam quod non habet. Labor est etiam ipsa voluptas.* Liv. 3. 7. *Cum eo nimirum hoste res est, qui nec bonam, nec malam fortunam ferre potest. seu vicit; ferociter instat victis: seu victus est; cum victoribus inflaurat certamen.* Martial. l. 12. epig. 40.

Difficilis facilis, jucundus acerbus es idem.

Nec tecum possum vivere, nec sine te.

Hoc schema, ut ait Gorgias, magnam vim habet, vel ex laude vitium, vel ex vitio laudem exprimendi.

DE COMMUNICATIONE, CONCESSIONE,
ET CORRECTIONE. Cap.VI.

I. **A** Naccenosin *ἀνακοινωνία* Græci dixerunt quam Latini Communicationem; estque figura, quâ causæ nostræ confisi, aut ipsos adversarios consulimus, aut cum Judicibus deliberamus. Cic. pro Rabir. *Tu denique, Labiene, quid faceres in tali re, ac tempore? cum ignavia ratio te in fugam, atque in latebras impelleret: improbitas & furor L. Saturnini in Capitolium arcesseret: Consules ad patriæ salutem, ad libertatem vocarent: quam tandem auctoritatem, quam vocem, cuius imperio parere potissimum velles?* Id. pro Quinct. *Quid est (Judices) quod hac tandem in re vobis possit videri? Profecto si recte vestram bonitatem, atque prudentiam agnovi; non multum me fallit si consulamini quid sitis*

334 *De Communic. Concess. &c. C.VI.*
responsuri. Et pro Sextio. Si rectè vestram
bonitatem, atque prudentiam agnovi; non mul-
tum me fallit, si cōq. R.S. primum expectari
Cato. Si vos in eo loco essetis, quid aliud face-
retis? Item pro Quinct. Quæro abs te C. A-
quili, L. Luculle, P. Quintili, M. Marcelle,
vadimonium mihi non obiit quidam Socius &c.
Virg. 12. Æneid.

Fuit & tibi talis

Anchises genitor, Danum miserere senectæ.

Et Eclog. 7.

Quid facerem? neque ego Alcippen, nec Phyl-
lida habebam.

Depulsos à lacte domi quæ clauderet agnos.

Et Æneid. 9:

Quid faciat? qua vi juvenum, quibus au-
deat armis

Eripere? An sese medios moriturus in hostes

Inferat; & pulchram properet per vulnera
mortem?

Et 4.

Sed quis erit modus? aut quo nunc certamine
tanto?

Quin potius pacem æternam pactosque hyme-
neos

Exercemus? &c.

Hæc figura maximam vim habet ad ur-
gendum, objurgandum, & ad confessionem
ipsam extorquendam, ad animos moven-
dos, cum videamur in ipsis Judiciis spem
nostram & jura in ipsorum æquitate col-
locare. Valet itidem ad fidem faciendam:
sive nos à crimine purgare intendamus,
sive consilium probare. Commiseratio-
nem excitabit, cum alienam calamitatem,
cujus sensum imprimit Orator, transferat
quo-

De Communi. Concess. &c. C.V I. 335
quodammodo in ipsos Auditores, ac ve-
luti propriam efficiat.

II. *Concessio*, quæ *Epitrope ἐπιτροπή*, &
Synchoresis συγχώρησις, Græcè dicta, à *Permissio*
distingui solet à multis, quos inter
Fabius, quem sequimur. Est autem *Con-*
cessio, cum dictum aliquod, aut argumen-
tum condonatur, ut: Sit perjuris, sit ve-
cors, sit ad munia exercenda atque obeunda
ineptus, sit ere alieno gravatus; attamen Pa-
triæ, ac Incrementi Reipublicæ amans est.
Cic. ad Varr. Sit sacrilegus, sit fur, sit flagi-
tiorum omnium, vitiorumque princeps; at est
bonus Imperator. Et pro Lig. Habes igitur,
Tubero, quod est accusatori maxime optandum,
confitentem reum; sed tamen hoc ita confiten-
tem, se in ea parte fuisse, qua te, Tubero, qua
virum omni laude dignum patrem tuum. Hy-
perides. Sed ego jam, Judices, summum ac
legitimum quod exposui, mee causæ jus o-
mitto: vobis quod æquissimum videatur, ut
constituatis, permitto. Non enim vereor, quod
etiā si novum vobis instituendum, libenter id
quod postulo, propter utilitatem communis
consuetudinis sequamini. Virg. Æn. 7.
Non dabit Regnis, esto, prohibere Latinis;
At trahere, atque moras tantis licet addere
rebus.

III. *Permissio* est cum aliquid *Judici-*
us, aut *Adversariis* estimandum relin-
quimus, & statuendi facultatem largi-
mur; vel, ut Trapezuntius vult, *Permissio*
est, cum dicendo ostendimus nos rem ali-
quam potestati alterius concedere; alii de-
um volunt *Permissionem* esse in factis,
oncessionem in dictis. Quicquid sit, hæc
erunt

336 *Do Communic. Concess. &c. C.VI.*

erunt pro exemplis. Cic. de Prou. Consul. Sed fruatur sanè hoc solatio ; atque hanc insignem ignominiam, quoniam uni præter se inusta est, putet esse leviozem. Ibid. Lateant libidines ejus tenebricosæ, quas fronte, & supercilio, non pudore, & temperantia contegebant. Et Ver. 7. Perfrica frontem, & dic te digniorem qui consul fieres, quàm Catonem. Et Ver. 5. Verùm hoc quoque vobis remitto, negligite præterita si vultis ; sed ne reliquas spes turbetis, atque omnes provincias evertatis. Iterum 7. Jam ipsis Judicibus permittam sine mea argumentatione conjecturam facere, quod hoc genus precandi, quàm improbum &c. Claudian. in Ruf. 2.

I nunc, exilium nobis meditare remissus Incassum Stilico &c.

Terent. Adelph.

Imò habeat, valeat, vivat cum illa Profundat, pereat, perdat; nihil ad me attinet. Virg. Æneid. 7.

I nunc, ingratis offer te irrisa periclis :

Tyrrhenas inferne acies : tege pace Latinos.

Horat. ep. 7.

I nunc, argentum, & marmor vetus, æraque & artes

Suspice; cum gemmis tyrios mirare colores ;

Gaude quod spectant oculi te mille loquentem.

Quibus in exemplis liquidò apparet, energiam habere has figuras, si cum Ironiâ conjunctæ sint; quapropter hoc pacto Ciceroni fuit familiaris; ut mōstrant sequentia : Pro Flac. Litemus igitur Lentulo ; parentemus Cethego ; revocemus ejectos ; nimis pietatis, & summi amoris in patriam vicissim nos pœnas, si ita Diis placet, sufferamus. Et

Ver.

Ver. Confringat iste sanè vi sua consilia senatoria : quæstiones omnes perrumpat : evolet ex nostra severitate . Et pro Mil. Excitate , excitare eum , si potestis , ab inferis &c.

IV. Concessioni affinem quidam faciunt *Paromologian* παραμολογίαν, seu latinâ voce malumus appellare *Confessionem*, fitque secundùm Rutilium Lupum, ac Rufinum, cùm aliquot res Adversario concedimus; deinde aliquid inferimus, quod aut majus sit quàm superiora, aut etiam omnia, quæ posuimus infirmet : seu iuxta Joannem Lonicerum, cùm interroganti per defensionem quampiam respondemus; ut : *Esto, quod diu conjunctissime vixerimus; acceperim abs te beneficia multa; multis te quoque officiis cumulaverim, quid tum? an non hæc omnia tuam injustitiam majorem reddunt, quod pecunias, quas semel, & iterum tibi largiri volui, & renuisti, nunc mihi e-genti reddere nolis?* Cic. pro Flac. Tribuo Græcis literas; dō multarum artium disciplinam; non adimo sermonis leporem, ingeniorum acumen, dicendi copiam; denique etiam si qua sibi sumunt alia, non repugno. testimoniorum Religionem, & fidem, nunquam ista natio coluit; totiusque hujusce rei, quæ sit vis, quæ auctoritas, quod pondus ignorant. D. Paulinus in ep. ad Aprum : Sibi habeant literas suas Oratores; sibi sapientiam Philosophi; sibi divitias suas divites; sibi regna sua Reges : nobis gloria, & possessio, & regnum Christus est. Hyperides. Sume hoc ab iudicibus nostra voluntate : neminem illi propriorem cognatum quàm te fuisse concedimus : officia tua in illum nonnulla extitisse, stipendia vos una se-

cisse aliquandiu nemo negat: sed quid contra Testamentum dicis, in quo scriptus hic est: Idem. Quid a me sepius his verbis de meo officio requiris? Scripsisti ut servis libertas daretur; scripsisti ne liberi servitutem experirentur &c. leges igitur quæ prohibebant hæc, non negligebas? Non poteram, propterea quod literis earum arma Macedonum opposita obfistebant. Aliqui hic insuper addunt Paralepsin, quâ nos multa, & ea gravia quandoque, præterire fingimus; ut ad majora veniamus; sed, me iudice, nihil est quod novam classem constituat hic modus; cum in superioribus includatur. Formulas Concessionum si quis amet, adeat Causinum, Desiderium Erasmus, Vossium &c.

V. *Correctio*, *Epanorthosis* ἐπανόρθωσις à Græcis dicta, à Latinis itidem, *Emendatio*, & *Revocatio*. Eam sic Herenianus Auctor describit: *Correctio est quæ tollit id, quod dictum est, & pro eo, quod magis idoneum videtur reponit*. Potest autem esse verbi, aut sententiæ; & ideo hoc schema revocari solet & ad verborum, & ad sententiarum figuras. Cæterum, sive in re, sive in verbo posita sit, eadem semper correctionis forma, quæ fieri poterit juxta Erasmus lib. de verb. Cop. c.65. triplici pacto.

1. *Addendo*. 2. *Minuendo*. 3. *Commutando*.

1. *Addendo*, ut: *Suos omnes læsit: quid dixi læsit? imò subvertit*. Senec. Consol. ad Marc. Nihil de hac die promittitur; magnam ad vocationem dedi, nihil de hac hora. Cic. in Cat. Qui de hujus urbis, atque adeo orbis exitio cogitant. Et pro Planc. Insector, posco, atque adeo flagito. Et pro Cæl. O stultitiam,

stult-

*stultitiamne dicam, an impudentiam singula-
rem? Item pro Sext. Gui benedixit unquam
bono? benedixit? imo quem fortem, & bonum
civem non petulantissime est insectatus? S. Jo:
Chrisost. hom. 24. ad Pop. Antioch. Nam
cum Servus Patris domum non intrat; cum
sis tu fera, qualiter ad illa poteris accedere ve-
stibula? Sed quid dixi fera? feris omnibus es
hujusmodi peior. Terent. Heaut.*

*Filium unicum adolescentulum habeo. ab quid
dixi habere me?*

*Imò habui, Cherme: Nunc habeam, necne,
incertum est.*

Virg. 2. Æneid.

*Scilicet hac Spartam incolumis, patriasque
Mycenas*

Aspiciet, partoque ibit Regina triumpho?

*Conjugumque, domumque, patres, gnatosque
videbit*

*Iliadum turba, & phrygiis comitata ministris.
Occiderit ferro Priamus? Troja arserit igni?
Dardanidum toties sudarit sanguine littus?
Non ita: namq; etsi nullum memorabile nomen.*

2. Minuendo: ut: *Sic hic vivimus, aut
victitamus verius. Bonas literas sedulitate sua
depravavit; vel ut verius dicam, infirmavit.
Gracas literas degustavit verius, quam didi-
cit. Cic. pro Cœl. Quod quidem facerem ve-
hementius; nisi inimicitia mihi intercederent
cum istius mulieris viro: fratrem volui dicere:
semper hic erro. Et Phil. 3. Patrimonium ef-
fudit; quamquam non sumus usi eo verbo quo
decurit; non enim effudit; sed in salute Reipu-
blicæ collocavit.*

*Ovid. Scelerique resistite nostro;
Si tamen hoc scelus est.*

340 De Communic. Concess. &c. C.VI.

Senec. Theb.

Ignota tandem venit afflictæ quies :

Brevisque fessis somnus obrepfit genis

(Si somnus ille est mentis attonitæ stupor)

Cum subito &c.

3. Commutando, aut in contrarium verbum, aut in commodius, ac significantius; ut: *pro hospite, hostem fovi domui meæ. Hic legationibus non immoratur sed immoritur. Hic patrimonium omne absumpsit, aut, ut melius dicam, abligurivit.*

Correctionis notæ sunt, imò, atque adeo, potius, quin potius, & similes. Rufinianus hanc figuram *Aphorismen* appellavit; habetque in oratione non mediocrem venustatem; si suo loco adhibeatur.

DE DEPRECATIONE DISTRIBUTIONE, DUBITATIONE. Cap. VI.

I. **D**eprecatio, quæ & obsecratio, atque Supplicatio dicitur, Græcè *Prosliparis προσλιπαισις*, & *Deesis*, figura est, quæ Dei, aut hominis cuiusdam opem imploramus; atque etiam interdum rerum sensu carentium. Cic. pro Muræn. *Quæ cum ita sint, Judices; primum Reipubl. causa, qua nulla res cuiquam potior esse debet, vos pro mea summa, & vobis cognita in Rempubl. diligentia, moneo; pro auctoritate consulari, hortor; pro magnitudine periculi obtestor; ut otio, ut paci, ut saluti, ut vitæ vestræ, & ceterorum civium consulatis. Id. pro Mil. Quid restat, nisi orem, obtesterque vos; ut eam misericordiam tribuatis fortissimo viro, quam ipse non implorat. Ego autem repugnante hoc, &*

De Deprecat. Distribut. &c. C.VII. 341
imploro, & exposco. Et pro Deiot. Per dexteram te istam oro, quam Regi Deiotaro hospes hospiti porrexisti; istam, inquam dexteram non tam in bellis, & in praesidiis, quam in promissis, & fide firmiorem. Virg. Æneid. 10.

*Percussæ Genitor fumantia Trojæ
Excidia obtestor; liceat dimittere ab armis
Incolumen Ascanium. Et 12.*

Pro Latio obtestor, pro majestate tuorum.

*Idem 6. Da (non indebita posco
Regna meis fatis) Latio considerare Teucros.
Et alibi.*

*Turne per has ego te lacrymas, per, si quis amat,
Tangit honos animum &c. Et*

*Juppiter omnipotens audacibus annue cœptis.
Ipse tibi ad tua templa feram sollemnia dona;
Et statuam ante aras aurata fronte juvencos.
Et 9. Æneid.*

*Figite me, si qua est pietas; in me omnia tela
Conjicite, o Rutili; me primam absumite ferro:
Aut tu, magne Pater Divum miserere &c.*

*Pindarus ode 7. longam Deorum ponit
obsecrationem; & Tullius in Oratione
antequam iret in exilium. Nunc ego te, Ju-
piter Opt. Max. &c. Demosthenes orat. con-
tra Heschinem à precatatione orditur. Cæ-
terum, ut inquit Carbon, tunc propriè de-
precatio dicitur; cùm veniam culpæ, ex impru-
dencia, aliave necessitate commissæ, petimus
Alii Deprecationem ab Obtestatione, &
Adjuratione distinguunt; voluntque, De-
precatationem esse quando hominis, aut
Numinis opem poscimus; Obtestationem,
cum per rem sacram, aut charam.*

**II. Distributio, seu Partitio, Græcè Με-
ρισμός μερίσμος, fit cùm genus, vel totum,
vel**

vel subiectum in suas partes distribendo dilatamus; & quod paucis dici poterat, fusiùs explicatur: seu cum Auctore ad Heren. est cum in plures res, aut personas certas, negotia quaedam dispartuntur, ut: Senatus officium est consilio civitatem juvare: Magistratus officium est opera, & diligentia consequi voluntatem Senatus; Populi officium est res optimas, & homines idoneos maximè suis sententiis eligere, & probare; Accusatoris officium est inferre crimina; Defensoris diluere, & propulsare. Cic. pro Mil. Publii Clodii mortem aequo animo ferre quis potest? luget Senatus; mœret equester ordo; tota civitas confecta senio est; squallent municipia; adfluctantur coloniae; agri denique ipsi, tam beneficium, tam salutarem, tam mansuetum civem desiderant. Quæ omnia ironicè dicta sunt. Id. Catil. 2. Quis tota Italia veneficus? quis gladiator? quis latro? quis parricida? quis adulter? quæ mulier infamis, quis perditus inveniri potest, qui se cum Catilina familiarissimè vixisse non fateatur? Lycurg. Cujus omnes corporis partes ad nequitiam sunt appositissimæ; oculi ad petulantem lasciviam; manus ad rapinam; venter ad aviditatem; pes ad fugam &c. prorsus, ut, aut ex hoc vitia, aut ipse ex vitiis ortus videatur. Martialis.

Dat populus, dat gratus eques, dat thura Senatus.

Claud. de rapt. l. i.

*In medium graviora cadunt. incanduit aether.
Egit flamma polum: fluxit mare: terra pendit.*

*Nec color unus erat; stellas accendit in auro:
Ostro fundit aquas: attollit littora gemmis.*

Virg.

Virg. 1. Georg.

*Hic segetes, illic veniunt felicius uvæ ;
Arborei foetus alibi, atque injussa virescunt ;
Gramina : nonne vides croceos , ut Imolus
odores ,*

*India mittat ebur , molles sua Thura Sabæ ?
At Calybes nudi ferrum, viroaque Pontus
Castorea, Eliadum palmas Epiròs equarum ?
Item Æneid. 3.*

*Sic fatus meritos aris mactavit honores ;
Taurum Neptuno, taurum tibi pulcher Apollo,
Nigram hyemi pecudem , Zephyris felicibus
albam .*

Optima quoque distributio illa censetur ,
in quâ singula singulis correspondent ; &
unumquodque proprio circumscribitur
verbo ; ut si de Protheo dixeris : *In aquam
attolli, accendi in ignem, excandescere in leo-
nem, in suem grunnire, serpere in draconem ,
assurgere in arborem .* Orat. ad Brut. *Quid
tam commune , quàm spiritus vivis , terra
mortuis , mare fluctuantibus , littus ejectis ?*
D. Ambros. Hexameron. l. 3. c. 15. *Inter
arenas flava, inter cautes spumea, inter nemo-
ra viridantior, inter florulenta discolor , inter
lilia fulgentior , inter rosæta rutilantior , in
gramine liquidior, in palude turbidior, in fon-
te perspicua, in mari obscura. i. Aqua.* Julius
Firmicius lib. de err. profan. Relig. de
Jove : *In cygno fallit ; in Tauro rapit ; ludit
in Satyro.* D. Hilar. *Quomodo se Dei profite-
bitur in libidinem calens , in iram mobilis , in
avaritiam sollicitus , in ebrietatem sitiens , in
gloriam sæculi inanis .* Est & versus Licen-
tii de Protheo ad D. August. *Spumat aper, fluit unda , fremit leo , sibilat
anguis .*

344 De Deprecat. Distribut. &c. C. VII.

Familiare est hoc schema Oratoribus invehentibus in vitia; Poëtis in Descriptionibus absolvendis. Est maximæ utilitatis; sed de illo plura ubi de Amplificandi ratione.

III. *Dubitatio, sive Addubitatio, Græcè Aporia ἀπορία, & Diaporesis διαπόρσις*, fit quando ambigere, & hæsitare nos dicimus quid faciendum, aut dicendum sit; sive ut habetur ad Her. cum querere videtur Orator, utrum de duobus potius, aut quid de pluribus potissimum dicat. Cic. pro Gluent. Equidem quod ad me attinet, quo me veritam nescio. negem fuisse illam infamiam corrupti judicii? negem illam rem agitatam in concionibus, jactatam in judiciis &c. Et pro Cornel. Pugnem aperte contra nobilissimorum hominum voluntates? studia, consilia, cogitationesque eorum aperiam? &c. Et pro Rosc. Amer. Quid primum querar? aut unde potissimum judices credar? aut quod, aut à quibus auxilium petam? Deorum immortalium? populi Romani? Liv. lib. 8. Decad. 3. Apud vos quemadmodum loquar, nec consilium nec oratio suppeditat, quos, nec quo nomine quidem appellare debeam, scio. Cives? qui à patria vestra descivistis; an milites? qui imperium, auspiciumque abnuistis. Sacrati? Religionem rupistis. Hospites? corpora, ora, vestitum, habitum civium agnosco; facta, dicta, consilia, animos hostium video. Virg. 4. Æneid. En quid agam? rursus ne procos irrita priores Experiar? Nomadumque petam connubia simplex,

Quos ego sum toties jam dedignata maritos?
Iliacas igitur classes, atque ultima Teucrum

Fussa

De Deprecat. Distribut. &c. C. VII. 345

Fussa sequar? &c. Id. ibid.

*Heu quid agat. Quo nunc Reginam ambire
furentem*

Audeat afflatu? quæ prima exordia sumat?

*Atque animum nunc huc celerem, nunc divi-
dit illuc &c.*

Item 12.

*Nam quid ago? aut quæ jam spondet fortuna
salutem?*

Horat. od. 12. lib. 1.

Quem virum, aut Heroa, Lyra, vel acri

Tybra sumes celebrare Elio?

Quem Deum? cujus recinet jocosâ

Nomen imago?

Utatur hac figurâ, ut habet Carbon, ad rem aliquam laudandam, magisque laudandam; cum quid potissimum dicendum, & undè incipiendum sit, quærere, & ab aliis percontari simulamus: & ideo in genere laudationis, & deliberationis locum habet. Solet occupare præcipuè orationum, & epistolarum exordia; quod exordiendi genus rem maximè amplificat, & exaggerat, auditoremque attentum facit. Confert etiam ad aliquid occultandum, dissimulandumque, & ad miserationem faciendam.

DE EXCLAMATIONE, EPYPHONEMATIS, AC EXPOLITIONE.

Cap. VIII.

I. **E**xclamatio, quam Græci *Ecphonesis* *ἐκφωνησις* dixere, nihil aliud est, quàm orationis elatio; quæ interjectione quadam expressâ, vel suppressâ, motum

346 De Exclamat. Epiphonem. C.VIII.

vehementiorem efficit, rei que magnitudinem exprimit. Interjectiones verò ferè sunt ejusmodi *o, heu, pro, en* &c. Exemplis res fiet apertior. Cic. Phil. 2. *O cælum, ò terram, ò maria Neptuni! Et pro Syllâ. O miserum, & infelicem diem illum, quo consul omnibus centuriis P. Sylla renunciatus est! ò falsam spem! ò volucrem fortunam! ò cæcam cupiditatem! ò præposteram gratulationem! quam citò illa omnia ex letitia, & voluptate ad luctum, & lacrymas reciderunt! ut qui paulò ante consul designatus fuisset, retinerem repentè nullum vestigium pristinae dignitatis!* Et pro Sext. *O diem illum funestum, Senatui bonisque omnibus Reipublicæ luctuosum, mihi ad mœrorem gravem, ad posteritatis memoriam gloriosum.* Et in Pison. *O stultos Camillos, Curios, Fabritios! ò amentem Paulum, rusticum Marium!* Ubi Ironia maximè elucet, ut in sequentibus 3. in Ant. *O præclarum custodem, ut ajunt, lapum!* Et pro Balbo. *O præclarum interpretem juris auctorem iniquitatis, correctorem, atque emendatorem nostræ civitatis!* Est epistola Juliani tota in exclamatione. *O eloquentiam! ò mentem! ò distributionem! ò vim argumentorum! ò dispositionem! ò adjuncta! ò ditionem! ò numerum! ò compositionem!*

Lucan. lib. 4.

O prodiga rerum

Luxuries nunquam parvo contenta paratu!

Virg. Æneid. 2.

O Patria, ò Divum domus Ilium, & inclita bello

Mœnia Dardanidum. Idem 3.

O felix una ante alias Priameia Virgo

Hostilem ad tumulum, Trojæ sub mœnibus altis
Iussa mori.

Laud.

Laudata exempla omnia expressam habent Interjectionem; habebitur nihilominus exclamatio etiamsi fuerit suppressa; ut in hoc Pauli ad Rom. 7. *Infelix ego homo, quis me liberabit de corpore mortis hujus? &: miserum me! ubinam gentium positus sum? Superi, quæ hujus Urbis præclarissimæ cedes fuit, quæ facies, quis decor? Facinus indignum! Itane squallere Senatam, cives contristari, ordines lugere omnes oportuit?*

Virg. *Quid non mortalia pectora cogis Auri sacra fames?*

Hoc schema habet interdum conjunctam Admirationem, interdum Optationem, ut in hoc Ovidii ep. 1.

O utinam tunc, cum Lacedæmona classe petebat,

Obrutus insanis esset adulter aquis.

Et Virgil.

Sic Pater ipse Deum faciat; sic altus Apollo.

Et 1. Georg.

O fortunatos nimium, sua si bona norint, Agricola!

Sanè, ut paucis omnia complectamur, universis inservit affectibus; estque ad animos permovendos instrumentum aptissimum. Sed videndum ne in re frigida exclamemus; sed tunc tantummodo, cum magnitudo rei postulabit; cumque gravioris momenti rem probaveris; & auditorum animi fuerint commoti; unde proprius locus epilogus accensendus. Ne tamen frequens, ac diuturnus sit hujus figuræ usus. Figuram dico, quidquid senserit Fabius l. 9. c. 2. aliique, qui ad Tropos rejiciendam existimârunt.

348 De Exclamat. Epiphonema. C. VIII.

II. *Epiphonema* ἐπιφώνημα, latinè *Acclamatio* appellatur. Est autem juxta Quintil. l. 8. c. 5. rei narratæ, vel probatæ summa acclamatio. Alii sic enunciant: *Epiphonema* est adjecta per acclamationem oratio vel sententia. seu. Oratio consequens, qua rei narratæ, aut probatæ, velut coronis, subjicitur pronunciatum ex Superioribus expressum. Dixi, ex superioribus expressum, ut scilicet quod assumitur, non sit à re, de quâ agitur, alienum, quod vitium cavebimus, si aliquam apparere similitudinem, ac necessitatem conclusionis efficiemus; ut patebit in sequentibus exemplis: Valerius Max. narrato lugubri eventu Crassi, Auspiciorum contemptoris; hoc pacto Epiphonemate abrumpens claudit: *Sic Dii sprete exardescunt: sic humana consilia castigantur, ubi se caelestibus præferunt.* Cic. Cypriorum Regis præmissio infortunio, acclamat: *En cur ceteri Reges stabilem suam fortunam arbitrentur.* Id. de Senect. *Quam ut adipiscantur, omnes optant; eandem accusant adepti. Tanta est stultitia, & perversitas.* Iterum Val. Max. l. 1. c. 35. post longum de neglectâ religione sermonem, ac poenis ob id à Numinibus sæpius inflictis, subdit: *Lento gradu ad vindictam sui, Divina procedit ira; tarditatemque supplicii gravitate compensat.* Rursum Cic. pro Dejot. postquam locum, in quo Cæsari structas à Rege Dejotario insidias adversarii contendebant, exposuit; narrationem concludit: *En crimen, en causa, cur Regem fugitivus, dominium servus accuset.* Hæc figura Senecæ fuit admodum familiaris; cum

om-

omnes suas epistolas illâ ferè clauferit :
 Valerio quoque & M. Marulo : sed nulli-
 bi magis splendet , quam in Davidicis
 Psalmidiis. Poëtæ sæpius & ipsi usurpant ;
 & Martialis Epigrammata quandoque
 Acclamatione finire solet ; ut illud Am-
 phit. 14.

O quantum est subitis casibus ingenium !
 Lucret. lib. 1.

Tantum Relligio potuit suadere malorum .

Virg. Ecl. 1. docens animalia singula ex
 re quapiam delectationem capere, addit :

Trahit sua quemque voluptas .

Id. l. 4. Georg. postquam exposuit apum
 industriam in conficiendo melle :

*Tantus amor florum , & generandi gloria
 mellis .*

Idem Æneid. 1.

Tanta molis erat Romanam condere gentem .

Et 9. *Tantum infelicem Nisus dilexit a-
 micum .*

Ex dictis locis apparet , Acclamationem
 includere sæpenumero Admirationem ; &
 tunc facilè cognoscitur ; quando autem
 spoliata Admiratione, non ita . Sunt qui
 Epiphonematis tres formas faciant ; qua-
 rum una extrinsecus nonnihil quærit cum
 audaciâ ; altera rei summam continet ; ter-
 tia fit per generalem sententiam, & locum
 communem . Quidquid tamen sit , nove-
 rint Adolescentes , hoc schema maximum
 habere splendorem , & acuminis multum
 cum quadret sermoni ; tadium asserre , si
 projiciatur, nec congruè efferatur .

III. *Expolitio, seu Commoratio* , Græcè
Epexergaria ἐπεξεργασία , & *Exergasia*

ἔκφρασις, quàm Latini etiam *suffragationem*, Cicero *tractationem* vocavere; fit, cùm unam, & eandem rem aliis, atque aliis modis tractamus; variis schematibus ornamus; ac præsertim, iis quæ ad movendum valent. Herennianus Auctor l. 4. *Expolitionem à Commoratione* secernit; vultque, *Commorationem* esse, cùm in loco firmissimo, in quo tota causa continetur, manetur diutius, & eodem sæpius reditur: *Expolitionem* verò, cùm in eodem loco manemus, & aliud, atque aliud dicere videmur. Multi tamen confundunt, quos hîc sequemur: quamvis enim de *Commoratione* separatim ab *Expolitione* diceremus, exempla subicere nequiremus; propterea quod hic locus non est à totâ causâ segregatus, ac veluti membrum quoddam; sed tamquam sanguis profusus per totum orationis corpus. Restât igitur, ut in *Expolitione* immoremur, & aliqua exempla proferamus. Cic. pro Mar. *At bujus gloriæ, C. Caesar quàm es paulò ante adeptus, socium habes neminem: totum hoc quantumcumque est, quod certè maximum est, totum est, inquam tuum. Nihil tibi ex ista laude Centurio, nihil præfectus, nihil cohors, nihil turma decerpit &c.* Et Catil. 1. *Patere tua consilia non sentis? constricta jam horum omnium conscientia teneri conjurationem tuam non vides? Quid proxima, quid superiore nocte egeris; ubi fueris; quos convocaveris; quid consilii cœperis, quem nostrum ignorare arbitraris?* Id. 2. in Rull. *Ego qualem Cal. Januarii acceperim Rempubl. intelligo plenam sollicitudinis, plenam timeris; in qua nihil*

De Exclamat. Epiphonem. C.VIII. 351

erat mali, nihil adversi, quod non boni metuerent, improbi expectarent. Virgilianus Corydon. Eclog.2. perbellè hanc suam propositionem expolit:

Despectus tibi sum; nec quis sim, quæris, Alexi;

Quàm dives pecoris nivei, quàm lactis abundans.

Mille meæ ficulis errant in montibus agnæ.

Lac mihi non æstate novum, non frigore defit.

Et in Georgicis, cùm ad Italiæ laudes fit declinatio, idem propemodum, non eandem repetit formã:

Primus ego in Patriam, me cum (modò vitæ superfit)

Aonio rediens deducam vertice musas:

Primus Idumæas referam tibi, Mantua, palmas &c.

Et 9. Æneid.

Mene igitur socium summis adjungere rebus,

Nise, fugis? Solum te in tanta pericula mittam?

Non ita me genitor bellis assuetus Opheltes

Argolicum terrorem inter, Trojæque labores

Sublatum erudiit &c.

Quod usum spectat, confert hoc schema ad rem exaggerandam, & ad movendum;

cùm eandem rem variè repetitam, cum venustate auditorum animis infinuamus.

Locum itaque habebit post alicujus rei probationem; quando eam rursus exornamus;

ut ejus magnitudo melius percipiatur; quod non potuit fieri simplici enunciatione.

Plura qui volet de Expolitione adeat Auct. Heren. l.4. Effet hîc,

Gradationi locus; sed de illâ multa protulimus

352 De Exclamat. Epiphonem. C.VIII
limus superius, ubi de schematibus quæ in
verbis; unde actum non agimus.

DE HYPOTHYPOSI, ET IMPRECATIONE, Cap. IX.

I. **H**ypothyposis ὑποτύπωσις, quam [De-
scriptionem Cicero nominat, alii
Effictionem, Demonstrationem, Energiam, Dia-
typosin, Characterismum, figura est, quâ res
quæpiam ita exponuntur, ut non narra-
ri, sed geri; non audiri sed ob oculos po-
ni, & spectari videantur. Sed alios Rhe-
tores audiamus. Lullus Rhet. lib.6. cap.4
Energia perspicuitas quædam est orationis,
quæ facit, ut ea quæ narrantur, non intelligi
modo; sed pene etiam cerni oculis videantur.
Julius Rufinianus. Energia est figura, quæ
formam rerum, & imaginem, ita oratione
substituimus, ut Lectoris oculis præsentiaque
subjiciamus. Fabius l.6. c.2. Energia à Cice-
rone illustratio, & evidentia nominatur, quæ
non tam dicere videtur quàm ostendere; & af-
fectus, non aliter, quàm si rebus ipsis interfi-
mus, sequentur. En quid sit Hypothyposis.
Quamvis autem plures esse possint Descri-
ptionis formæ; eas tamen communiter ad
quatuor contrahunt, suntque
Pragmatographia, seu Descriptio rerum, aut
gestorum
Prosopographia, seu Descriptio hominum.
Topographia, seu Descriptio loci.
Chronographia, seu Descriptio temporis.
De his omnibus formis antequam pecu-
liare quid exponamus; notandum, ad
rem optimè eleganterque describendam,
duo

duo potissimum observanda: Primum, ut totam rei naturam, omnia attributa, & circumstantias animi concipiamus; Deinde ut idoneis, propriisque efferamus verbis; figuris, aliisque artis illustremus luminibus, collationibus nempe, similibus &c. Dixi propriis verbis; nam, ut monet Minturnus Poët. lib.6. *Verba erunt hujusmodi, ut sententiis ad animi motus exprimendos congruerint. Nam alia quidem aliter affectus decere consentaneum est; ut in ira exprimenda acriora, in commiseratione leniora, ipsaque tenuia, & pura adhibeantur &c.*

II. Pragmatographia *πραγματογραφία*, seu rei descriptio, sit locupletando orationem, quā quod factum est, aut efficitur, non summatim, ac tenuiter exponitur, sed fusè & ornatè, omnibusque fucatum coloribus; ut auditorem, aut etiam lectorem, jam extra se positum, velut in theatrum avocet. Hujus autem sunt loci descriptiones praeliorum, cædium, turbinum, naufragiorum tempestatum, funerum, triumphorum, aliarumque similium rerum; quæ oculis spectasse interdum prodesset, aut interfuisse, ut eorum accuratorem typum exprimeremus. Expugnata Civitatis descriptionem exhibet Fabius his verbis: *Apparebant effusæ per domos, ac templa flammæ; & ruentium tectorum fragor, & ex diversis clamoribus unus quidam sonus, aliorum fuga incerta, alii in extremo complexu suorum coherentes, & infantium, feminarumque ploratus, male usque in illum diem servati fato senes: tum illa profanorum sacrorumque direptio, efferentium prædas, repetentium*

354 De Hipothyp. & Imprec. Cap. IX.

tiumque discursus ; & ante suum quisquis
 pædonem catenati ; & conata retinere infan-
 tem suum mater , & scubi majus lucrum est
 pugna inter victores . Tempestatis , habet
 Curtius l. 8. Tertio die ab omni parte cœli e-
 micare fulgura , & nunc internitente luce ,
 nunc condita , non oculos modo meantis exer-
 citus , sed etiam animos terrere cœperunt . Erat
 propè continuus cœli fragor , & passim caden-
 tium fulminum species visebatur , attonitisque
 auribus stupens agmen non progredi , nec con-
 siderare audebat . Tum repente imber grandinem
 incutiens torrentis modo effunditur . Ac primo
 quidem armis suis tecti exceperant &c. Ho-
 rum exemplorum ingentem copiam si
 quis amet , adeat collectorem P. Gandu-
 tium , qui ex historicis , & Poëtis excer-
 pta in duo volumina digessit . Farnabium
 quoque in Indice Poëtico . Virg. 9. Æn.

*Ut clamor totis per propugnacula muris .
 Intendunt acres arcus , amentaue torquent ;
 Sternitur omne solum telis ; tum scuta , caveq ;
 Dant sonitum flictu galeæ : pugna aspera surgit .
 Ventorum conflictum exponit 1. Æn.
 Incubuerè mari , totumque à sedibus imis
 Una , Eurisque , Notusque ruunt , creberque
 procellis*

*Africus , & vastos voluunt ad littora fluctus .
 Eripiunt subito nubes cœlumque diemque
 Teucrorum ex oculis . Ponto nox incubat atra .
 Habes in Troade Senecæ descriptionem
 per nuncium factam Andromachæ , quo-
 modo periisset Astianax ejus filius ; in Eu-
 ripide de occisione Polyxenæ , Iphigeniæ
 &c. Nec refert ad hoc institutum an veræ
 sint narratæ res , vel falsæ . Sciendum in-
 super*

super cum Erasmo hoc genus descriptionis non mediocriter adjuvari collationibus similibus, dissimilibus, imaginibus, metaphoris, allegoriis, & hujusmodi. Neque solum exponimus quæ evenere, aut eveniunt, sed etiam quæ eventura sunt, aut essent; si hoc aut illud accidisset. Ut, si Monarchiam dissuadere intendam, graphycè depingam Tyrannidis Tragœdiam, Auditoresq; admonebo, ut se se omnia videre parent, quæ mox passuri sunt, si Democratiam mutarint in regnū. Ad hoc insuper genus referri scias explicationem formæ gentis, vitæque ritus; veluti si quis Indorum, Anthropophagorum, Troglodytarum, Bagadum, aut similium gentium imaginem oculis proponat; aut si vitæ militaris, philosophiæ, aulicæ, Religiosæ, rusticanae, regiæ, privatæ, archetypon proponas, aut effingas; fabulosæ itidem descriptiones, puta, ætatis aureæ, argenteæ, ferreæ &c. huc spectare videntur.

III. *Prosopographia προσωπογραφία*, sive hominis Descriptio, seu melius, Personæ. Nomine tamen personæ non solum ea intelligenda, quæ vitam ducat; verum & quæ ducere fingat; ut si virtutem, & voluptatem apud Herculem inter se decertantes proposuero, ut apud Xenoph. Calumniam, ut apud Lucian. Occasionem, ut apud Auson. Fortunam, ut apud Horat. in odis. Justitiam, ut apud Chrysip. Musas, Gratias, Bellonam, Furias, Sphingem, Scyllam, Charybdim &c. Porro persona depingi poterit

1. A natione, seu patria, ut si Poeni, Græ-

356 De Hypothyp. & Imprec. Cap. IX.

Græci, Scythæ, Galli, Angli, Germani, formam, cultum, vocem, linguam, gestum, incessum, ritus, ingenium, ac mores expressero. Fingendus enim Pœnus fœdus fragus, vaser, cultu ambitiosiore &c. Sunt & singularum Civitatum peculiares notæ, ut mollis Atheniensis, Parcus Florentinus, industrius Lucensis.

2. A sexu, depingitur vir severior, mulier loquacior, inconstantior, superstiosior.

3. Ab ætate: tales effingimus, quales Horatius ostendit in arte Poëtica.

4. A fortunâ: fastuosior inducitur dives, humilior, ac timidior pauper.

5. A studiis: fit gloriosus, & facinorum suorum jactator miles; perjurus leno; tristior rusticus, adulantior aulicus, mitior urbanus, medicus ad quæstum propensior, Sophista loquacior, Poëta nominis avidior &c.

Observandum præterea quid cuique personæ conveniat; aliud enim seni, aliud servo, aliud juveni, aliud patrifamilias proprium est. Achillem acrem, inexorabilem, infensum regibus, pedibus velocibus inducam. Ulyssen, vafrum, mendacem, dissimulantem, omnia tolerantem. Agamemnonem animo mitiore, sed imperii cupidum; voluptatis avidiorem, quam belli. Ajacem factis magis, quam oratione strenuum; contumeliæ, ac repulsæ impatientem &c. Item si quis Epicurum, The-mistoclem, Alcibiadem, Platonem &c. cupiat effingere, ex historiis decorum petendum est; quo scilicet eis tribuamus quod

quod maximè convenit. Præterea decorum servandum etiam in fictis personis; ideo Philosophiam producam vultu gravem, verecundam, solitariam, minimè fucatam, & humana despicientem. At vero Rhetoricam hilarem, coloribus pictam, facie erectam, aliisque similibus attributis donatam. Sed ut ea, quæ hucusque protulimus, exemplo aliquo illustremus; Cic. 2. Agr. *fam designatus alio vultu, alio vocis sono, alio incessit esse medirabatur, vestitu obsoletiore, corpore inculto, & horrido, capillatior quam ante; barbaque majore ut oculis, & aspectu denuntiare vim tribunitiam, & minitari Reipublicæ videretur.* Id. pro Sext. *Vestitus aspera nostra hac purpura plebeja, ac pene fusca; capillo ita horrido, ut Capuā, in qua ipse tum imaginis formandæ causa Duumviratum gerebat, Seplasiā sublaturus videretur.* Numquid ego de supercilio dicam; quod tum hominibus non supercilium, sed pignus Reipublicæ videbatur? tanta erat gravitas in oculo, tanta frontis contractio; ut illo supercilio Respublica tamquam Athlante cælum niti videretur. Tertull. lib. de patientia, eleganter illam depinxit: *Vultus illi tranquillus, & placidus; frons pura, nulla mœroris, aut iræ rugositate contracta; remissa æquè in letum modum supercilia; oculi humilitate, non infelicitate dejecti; os taciturnitatis honore signatum; color qualis securis, & innoxius; motus frequens capitis in Diabolum, & minax risus; amictus circum pectora candidus, corpori impressus; ut qui nec inflatur, nec inclinatur, sedet in throno spiritus, quem tertio vidit Elias.* At verò Ovidius 2. Metam. in hunc

358 De Hypothyp. & Imprec. Cap. IX.

hunc modum invidiam :

*Pallor in ore sedet; macies in corpore toto :
Nunquam recta acies ; lingua est suffusa ve-
neno :*

*Nec fruitur somno, vigilantibus excita curis :
Sed videt ingratos ; intabescitque videndo
Successus hominum: carpitque & carpitur una,
Suppliciumque suum est &c.*

Et 6. morientem hominem describit, hoc pacto :

*Dirigitque malis: nullos movet aura capillos:
In vultu color est sine sanguine: lumina mœ-
stis*

*Stant immota genis: nihil est in imagine
vivum :*

*Ipsa quoque interius cum duro lingua palata
Congelat; & venæ desistunt posse moveri .
Nec flecti cervix, nec brachia reddere gestus ,
Nec perire potest .*

Polyphemum Cycloperum exhibet Virg. 3.
Æneid.

*Monstrum horrendum, informe, ingens, cui
lumen ademptum :*

*Trunca manum pinus regit, & vestigia firmat;
Lanigeræ comitantur oves, & sola voluptas ,
Solamenque mali, de collo fistula pendet .*

IV. Topographia τοπογραφία, seu Loci descriptio, est quando tota loci facies veluti spectanda depingitur; ut urbis, montis, regionis, fluminis, portus, villæ, hortorum, amphitheatri, fontis, specus, templi, luci &c. quæ descriptiones si veræ sint, Topographias vocant; sin minus, Topothetas. Prioris formæ sunt Carthaginis, & portus apud Virg. descriptio; Babylonis Curtii l. 5. Syracusæ, Cic. 6. Verr. Templi Apol-

Apollinis Iustini l. 24. Tauri Montis, ut apud Plin. l. 5. c. 27. Atho, ut apud Pompon. Melam l. 2. c. 2. Nili, ut apud Senec. Nat. q. l. 4. c. 2. Posterioris formæ sunt, sedes Somni apud Ovid. Domus Famæ, & Regia Solis, apud eundem. Inferorum, & Caci domus apud Virg. Tenari apud Stat. Regia Psiches apud Apul. &c. A loci descriptionibus sæpè narrationum fumitur exordium, non à Poëtis modò, verùm etiam ab Historicis, Ut autem unum aut alterum hujus generis proferamus exemplum: Apul. in Metam. fontem describit; *Namque ibi saxum immani magnitudine procerum, & inaccessa salebritate lubricum mediis de faucibus lapidis, fontes horridos evomebat: qui statim proni foraminis laciniis editi, perque proclive delapsi, & angusti canalibus exsecto coniecti tramite, proximam convallē latenter incidebant: dextera, lævaque cotis cavatis perserpunt, & longa colla porrecti sævi dracones, inconnivæ vigilie luminibus addictis, & in perpetuam lucem populi excubantibus. Rupem, Curtius l. 6. Prærupta erat rupes, quæ spectat occidentem; eadem quæ vergit ad orientem, levioꝛe submissa fastigio, multis arboribus obstita. Perennem habet fontem: ex quo largæ aquæ manant. Circuius ejus nonaginta duo stadia comprehendit: Petra, non ut pleræque modicis, ac mollibus livis in sublime fastigium crescit, sed in metæ maxime modum erecta est, cujus ima spatiosa sunt: altiora in altius coeunt: summa in relictum cacumen exurgunt. Radices ejus Intus amnis subit præaltus, utrimque asperis rivis. Ab altera parte voragines, eluvionesque*

360 De Hypothyp. & Imprec. Cap. IX.

præruptæ sunt, nec alia expurgandi patebat
via, quam ut replerentur. Exemplum de-
scriptionis ficti loci ex Virg. i. Æn. sum-
ptum tale est.

*Est in secessu longo locus: insula portum
Efficit objectu laterum, quibus omnis ab alto
Frangitur, inq; sinus scindit sese unda reductos.
Hinc atque hinc vastæ rupes, geminique mi-
nantur*

*In cælum scopuli; quorum sub vertice latè
Æquora tuta silent: tum sylvis segna coruscis
Desuper, horrentique atrum nemus imminet
umbra.*

*Fronte sub adversa scopulis pendentibus an-
trum:*

*Intus aquæ dulces, vivoque sedilia saxo,
Nympharumque domus &c.*

Ticinum fluvium ob oculos ponit Sil. Ita-
licus lib. 4.

*Ceruleas Ticinus aquas, & stagna vadoso
Perspicuus servat scrutari nescia fundo;
Ac nitidum viridi lentè trahit amne liquorem.
Vix credas labi, ripis tam mitis opacis
Argutos inter volucrum certamina cantus*

*Somniferam ducit lucenti gurgite lympham:
Et hæc ad exempla sufficiant; neque enim
plura afferre libet, ne longiùs evagemur.*

V. Chronographia *Χρονολογια*, dicitur
temporis descriptio, quâ subjiciuntur quæ
in tempore. Hoc genus interdum narra-
tionum facit initium: interdum quoque
delectandi dumtaxat gratia adhibetur.
Veluti quoties Poëtæ diem, auroxam,
noctem, crepusculum exprimunt; Æsta-
tem, Ver, Hyemem, Autumnum, vinde-
miam, Saturnalia, & hujusmodi tempus
spe-

ſpectantia . Et dictæ descriptiones ſimplices dicuntur : hæ autem mixtæ; puta ſi belli, pacis, ſeditionis, ſactionis, monarchiæ, democratiæ qualitatem temporum recenſuero . Hyemem Theophylatus depingit : *Præteriit Autumnus , & jam Hyems terræ ingruit : mare tranquillitatis fœdera rupit : navigantes portus quaſi ſoſpitatores amplectuntur ; & ruſticus ad focum confugit ; & formica in cavernis terræ ſuis laboribus parto victu fruitur &c.* Naſcentem Auroram Ovid. 2. Met.

Dumque ea magnanimus Phaëton miratur , opuſque .

*Perspicit ; ecce vigil nitido patefecit ab ortu
Purpureas aurora fores ; & plena roſarum
Atria diffugiunt ſtellæ , quarum agmina cogit
Lucifer ; & cœli ſtatione noviffimus exit .
Tum Pater ut terras , cœlumq; rubescere vidit ;
Cornuaque extrema velut evanescere luna ;
Fungere equos Titan velocibus imperat Horis ;
Conſulatur Cauſin. l. 11. Minturnus , Gandutius , Farnabius , ut ſuprà .*

VI. *Imprecatio* , ſeu *Execratio* , Græcè κατὰ γὰρ *Catara* , ſit quoties alicui malum imprecamur ; & *Dire* etiam vocantur , quæ à Chriſtiano homine nunquam proferri debebunt ; cùm perditos tantùm deceant viros , nullâque religione donatos . Cic. Phil. 6. *Igitur eſt Patronus L. Antonius ? malam quidem illi peſtem .* Et Phil. 13. *Quin tu abi in malam rem , malumque truciſtum .* Et pro Dejot. *Dii te perdant , fugitiue ; ita non modò nequam , & improbus , ſed fatuus , & amens es .* Longam execrationem ex Poëtis habet Ovidius in Ibin. Priamus &c.

362 De Hipotyp. & Imprec. Cap. IX.

Pyrrho execratur post filium ad eodem
neci mandatum .

*At tibi pro scelere (exclamat) pro talibus ausis,
Di (si qua est calo pietas , quæ talia curret)
Persolvant grates dignas , & præmia reddant.
Et Eclog. 9.*

*Hos illi (quod nec benè vertat) mittimus hædos .
Claud. l. 2. in Ruf.*

Genus omne dolorum

*In te ferre lubet : dubio tibi pendula rupes
Immineat lapsu &c. Seneca .*

*Vivat : per urbes erret , ignotus , egens ,
Exul , pavens , invisus , incerti laris
Me Coniugem optet , limen alienum expetat
Fam notus hospes : quoque non aliud queam
Pejus precari &c.*

*Neque aliis tantum malum imprecamur ,
sed etiam nobis ipsis : ut patet ex hac Di-
donis . Virg. Æneid. 4.*

*Sed mihi vel tellus optem prius ima debiscas :
Vel pater omnipotens adigat me fulmine ad
umbras .*

*Pallentes umbras Erebi, noctemq; profundam
Ante, pudor, quam te violem; aut tua jura re-
solvam .*

DE INTERROGATIONE , IRONIA , ET LICENTIA . Cap. X.

I. **I**nterrogatio , Græcè Erotema ἐρωτημα ,
Erotesis &c. duplex est, una simplex,
quâ interrogamus, ut sciamus, ut Virg. Ecl.
*Dic mihi, Damoëta , cujum pecus ? an Meli-
bei ? Et Æneid. 1.*

Sed vos qui tandem ? quibus aut venistis ab oris ?
Secunda est, quæ urgendi, & instandi cau-
sâ, & ad varios animi motus exprimendos
adhi-

adhibetur ; de quâ hic nobis potissimum sermo . Et ut clarè procedamus ; causas singulas ex ordine subdam ; quas propter frequentatur .

1. Asseverandi causâ ; ut : *Nonne ego te cum illo ducentem noctis intempestæ vigilias vidi facinus meditantem ?* Virg. Ecl.3.
Non ego te vidi Damonis, pessime, caprum Excipere insidiis ?

2. Instandi . *Quare cunctaris ? cur es pactus inducias ? adest spes salutis ; excrescunt armatorum copiae ; torpent hostium vires ; Amicorum nobis favet auctoritas , opes , auxilia &c.* Virg. Æn. 11.

Quid cessas ? an tibi Mavors Ventosa in lingua , pedibusque fugacibus istis Semper erit ?

3. Admirationis . Cic. Phil. 2. *At quid insolenter statim belluo invasit in ejus viri fortunæ , cujus virtute terribilior erat Pop. Rom. cæteris gentibus , justitia charior ?* Virg. *Quis te , nate Dea , per tanta pericula casus Insequitur ?*

4. Indignationis . O generatio incredula & perversa , quousque vobiscum ero ? quando vos patiar ? Cic. in Catil. 1.

Quousque tandem abutere , Catilina , patientia nostra ? Virg. Æneid. 1.

Pallas-ne exureree classem Argivum , atque ipsos potuit submergere ponto ?

5. Irrisionis . *Ubi nunc auxilia , in quibus confidebas ? ubi amicorum corona , in quos Patrimonium dilapidabas ? Ubi bona , quæ ad æternitatem comparasti ?*

6. Miserationis . *Heu quonam abibis in loco ? quæ fuerit statio fidissima erroribus , ac malis tuis ?* Virg. Æn. 2. Q 2 Heu

Interrogat. Iron. & Lic. Cap. X. 365
voluntatem : ut si hominem prodigum, &
luxuriosum illudens, dixero illum *par-*
cum, & *continentem*; Patris contemptorem,
aut percussorem, *Æneam*, intemperantem
Hyppolitum, aut sacro more *Josephum*; in-
honestam mulierem, *Lucretiam*, aut *Su-*
sannam &c. Cic. pro Q. Ligario, de quo
apertissimum erat, cum aliis plurimis in
Africâ contra Cæsarem conspirasse; exor-
dium egregiè sumit ab Ironiâ. *Novum cri-*
men C. Cæsar, & ante hunc diem inauditum,
propinquus meus ad te Q. Tiberio detulit, Q.
Ligarium in Africa fuisse; idque C. Pansa, præ-
stanti vir ingenio, fretus foras se familiarita-
tate, quæ est ei tecum, ausus est confiteri. Ita-
que quo me vertam, nescio: paratus enim ve-
neram, cum tu id neque per te scires, neque
audire aliunde potuisses, ut ignoratione tua
ad hominis miseri salutem abuterer. Idem,
pro Cluent. *Cajus Verres Prætor Urbanus,*
homo sanctus, & diligens, suborsitionem ejus
eo die non haberet. Et pro Cecin. Senator po-
puli Rom. splendor ordinis, decus atque orna-
mentum judiciorum, exemplar antiquæ Reli-
gionis. Item pro Mil. Luget Senatus, mæres
equester ordo, tota Civitas senio confecta est.
Virg. Æneid. 4.

Egregiam verò laudem, & spolia ampla re-
fertis

Tuque, puerque tuus, magnum & memorabi-
le numen,

Una dolo diuum si fœmina victa duorum est.

Id. ibid. En dextra, fidesque

Quem secum patrios ajunt portare penates,

Quem subjisse humeris confectum ætate pa-
rentem. Theocrit. Idil. I.

366 Interrogat. Iron. & Lic. Cap. X.

Pasce canes, qui te lanient, catulosq; luporum.
 Duplicem habet Homerus Ironiam, & quidem omnis artificij; nempe Iliad. 16. v. 745. & Iliad. 13. v. 374. Sequens Virgiliana, & ex El. 1. vim habet, & venustatem ex pronunciatione:

Insere nunc Mœlibee pyros; pone ordine vites.
 Item Juvenalis Sat. 15. altera, quâ deridentur Ægypti cepas venerantes.

O sanctas gentes, quibus hæc nascuntur in hortis Numina. Item hæc Virg.

I nunc, & rebus nimium confide secundis.

Ita Cic. in Catil. Homo videlicet timidus, ac modestus, vocem Consulis ferre non potuit. Et pro Clod. Integritas tua te purgavit, mihi crede; pudor eripuit; vita antea cta servavit. Exhibent & sacræ literæ exempla. Judic. 1. *Ite, & invoke Deos, quos elegistis; ipsi vos liberent in tempore angustiae.* 3. Reg. c. 18. *Clamate voce majore; Deus enim est, & forsitan loquitur, aut in diversorio est, aut in itinere, aut certè dormit, ut excitetur.* Genes. 3. *Ecce Adam factus est quasi unus ex nobis, sciens bonum, & malum.*

Porro Ironiæ septem faciunt species: alii ad quatuor contrahunt, suntque

1. Clevasmus. 2. Mysterismus. 3. Asterismus. 4. Sarcasmus. 5. Exuthenismus. 6. Diasyrmus. 7. Scomma.

1. Chlevasmus seu Derisio, est oratio cum risu pronunciata; ut cum aliquis bellatorem eum vocat, qui arma, & clypeum projicit. Hujus speciei suprà habeas licet exempla; nihilominus hæc addam Cic. *Quasi verò ego de facie tua, catamite, dixerim, vel aliàs potuisset contumeliosius facere; si tibi hoc*

hoc Parmeno per aliquem, ac non ipse Parmeno nuntiasset. Virg. Æneid. 12.

*En agros, & quam bello, Trojane, petisti
Hesperiam, metire jacens.*

2. Mycterismus, seu subsannatio, est potius in gestu, quam in verbis, & maxime narium compressionem dicit; unde Horat.

Naso suspendit adunco

Necessitas.

Exemplum re ipsâ solûm posset dari.

3. Asteismus, vel sermo mordax, est urbanus, ac facetus jocus, vel longè sæpè petitus, ac inexpectatus de re aliquâ absurdâ jocus. Huc pertinet quod Nero in servum furacem dixit: *Nibil esse ei clausum, neque signatum.* Et Cicero: *Respicite respicite, Judices hominum fortunas: respicite Fabricii senectutem.* Cum hoc respicite sæpius ornandæ orationis causâ dixisset, respexit ipse; at Fabricius demisso capite à subselliis discesserat. Virg. Ecl. 3.

*Qui Bævium non odit, amet tua carmina,
Mævi:*

Atque idem jungat vulpes, & mulgeat hircos:

4. Sarcasmus est jocus cum amaritudine, sive irrisio quædam amarulenta. Cicero: *Sexte noster, bona venia, quoniam dialecticus es, & hoc quoque liguris.* Virg. Æn. 10. *Vane Ligur, frustra que animis elate superbis, Nequidquam patrias tentasti lubricus artes.* Et apud eundem.

I nunc & verbis virtutem illide superbis.

5. Exuthenismus fit, cum rem aliquam extenuamus, & contemptam facimus. Cato apud Athenienses. *Antiochus epistolis*

368 *Interrogat. Iron. & Lic. Cap. X.*

*bellum gerit: calamo, & atramento militat.
Lucilius.*

*At magnum fecit, quod verbis Græca Latinis
Miscuit &c.*

6, *Diasyrmus irridet, objicit, & insultat; ut adversarii auctoritatem imminuat. ut: Cum facto opus est, loqueris. Virg.*

*Larga quidem semper, Drance, tibi copia
fandi*

*Tunc, cum bella manus poscunt; patribusque
vocatis*

Primus ades: sed non replenda est curia verbis.

7. *Scomma est festiva dictio cum amenitate mordax. Vix differt à Superioribus; aut saltem præ illis hoc habebit peculiare, quod constet breviori dicacitate.*

Pro coronide notandum, Ironiam etiam inter Tropos à Fabio relatam l. 9. c. 2. quod duplicem illius constituerit speciem. Nos hic omnia quæ de illâ erant dicenda reposuimus; cum etiam per dictum Auctorem, Ironia quæ est Tropus, ab illâ quæ est schema, genere ipso nihil admodum distet. Valet Ironia ad sales, & acumina; vimque habet maximam ad restituendum, refellendum, laceffendumque ad risum movendum; ad orationem dilatandam. Reprehendendam tamen esse scias in Historiâ, & in Testimonio, in quibus fides veritatis inesse debet.

Plura qui de hâc figurâ desiderat, adeat Scaligerum Poët. l. 3. c. 85. 86. 87. 88. 89. Quintilian. l. 6. c. 2. & lib. 9. c. 2. Hermogen. l. 2. c. 8. Bedam de Tropis Sac. Scripturæ, Aquilam Romanum, Julium Rufinianum &c.

III. *Licentia*, à Græcis *Parrhesia* παρρησία nuncupatur; estque orationis quædam libertas, & fiducia, mentem, iudicium, & affectum Oratoris liberius exponens. Seu, ut habet Auctor ad Herennium apud eos, quos aut vereri, aut metueri debemus, tamen aliquid pro jure nostro dicimus, quod eos minimè offendat, aut quos si diligunt, cum in aliquo errato verè reprehendi posse videantur, ut: *Mihi cum isto, Judices, fuit amicitia; sed ista tamen amicitia, tametsi vereor quomodo accepturi sitis, vos me privastis. Cic. Philip. 10. Vos, Patres conscripti, grave dictu est, sed dicendum tamen: vos, inquam, Servium Sulpitium vita privastis. Id. ibid. Postremò (erumpat enim aliquando vera, & me digna vox) si ad eorum voluntatem, dicta, factaque nostra referuntur, optanda mors est. Id. pro Mil. Laudabam equidem incredibilem diligentiam Cn. Pompeii: sed dicam ut sentio, Judices; nimis multa audire coguntur &c. D. Jo: Chrysost. hom. 4. ad Pop. Antioch. Quot esse putatis in Civitate nostra, qui salvi fiant? infestum quidem est quod dicturus sum, dicam tamen: Non possunt in tot millibus centum inveniri qui salvi fiant. Ovid. Heroid. ep. 20.*

Hei mihi, Cydippe, timeo tibi dicere verum:

Ne videar causa falsa movere mea;

Dicendum tamen est, hoc est &c.

Virg. 11. Æneid.

Dicam equidem, licet arma mihi, mortemque minetur.

Et 2. Æneid.

*Fas mihi Grajorum sacrata revolvere jura,
Fas odisse viros, atque omnia ferre sub auras,*

370 *Interrogat. Iron. & Lic. Cap. X.*

Si qua tegunt: teneor Patria nec legibus ullis.
 In usu hujus schematis observandum, quod si licentia multum habuerit acrimoniae, mitigationibus leniatur, ut aliorum consulatur auctoritati, dignitati, ac nomini; neque in nos eorum indignationem apertius concitemus; quod fecit Antiphontes, qui interrogatus à Dionysio tyranno, ubinam gentium optimi Statutarii prostant? Athenis, inquit; ubi statuae jis positae fuerunt, qui tyrannos occiderunt; quare illius jussu è vivis sublatus fuit. Mitigatio autem pluribus modis fiet; scilicet, si praefamur cum honore, & veniam ab Auditoribus petimus; si prius laudaveris, quem inde reprehendere intendis; si te illi benevolum profitearis, & amicum, & ad id muneris veluti coactum dicas; si demum te ipsum cum jis, quos objurgas, junxeris; ut in eadem navi esse videaris; vel si erratum paulatim inde extenuare incipias: Sanè hac mitigatione efficies, ut non lex pravo motu ductus ad reprehendendum credaris; sicque altius percellent dicta Auditorum animos, habebisque ex voto intentum.

DE OCCUPATIONE, PRAETERITIONE, ET PROSOPOPEJA.

Cap. XI.

I. **O**ccupatio, seu Praemunitio, anteoccupatio, anticipatio, ut Latini vocant, Graecè *Prolepsis* $\pi\rho\epsilon\lambda\epsilon\psi\iota\varsigma$, & *Protocatalepsis* dicta est; fit autem quoties id quod ab Adversariis, aut Auditoribus objici potest; praevenimus; & ejus quod dicimus, aut faci-

facimus rationem reddimus. Quare per hanc tacitè interrogationi responsum damus, & quidquid contra nos esse credimus diluimus. Senec. lib. 6. de Benef. c. 12.

Intelligo jam quid velis querere; non opus est te dicere: vultus tuus loquitur: si quis sua causa nobis profuit, ei ne, inquis, debetur aliquid?

Idem de Irâ l. 2. c. 13. Non est quod patrocini-
um nobis queramus, & excusatam licentiam,
dicentes, aut utile id esse, aut inevitabile &c.

Cic. pro Rosc. Amer. Credo ego vos, Judices, mirari, quid sit, quod cum tot summi Oratores, hominesque nobilissimi sedant; ego potissimum surrexerim, qui neque atate, neque ingenio, neque auctoritate sim cum his, qui se-
deant comparandus. Deinde brevissime ob-

jectionem diluit, ibi: Quid ergo? audacis-

simus ego ex omnibus? minimè &c. Denique facti sui causas affert: Quia si quis istorum dixisset &c. Eadem figurâ utitur in Exor-

dio pro Milone: Et si vereor, Judices, ne turpe sit pro fortissimo viro dicere inci-
pien-

tem, timere &c. Item pro Arch. Ac ne quis a nobis ita hoc dici fortè miretur, quod alia quædam in hoc facultas sit ingenii &c.

Et pro Cœlio. Dicit aliquis: hæc igitur est tua disciplina? Sic tu instituis adolescentes?

ob hanc causam tibi hunc puerum parens com-

mendavit, & tradidit; ut in amore, & voluptatibus adolescentiam suam collocaret; & hanc tu vitam, & studia defenderes. Virg. Æn. 2.

Neque me Argolica de gente negabo

Hoc primum.

Horat. Nunc aliquis dicat mihi; quid tu?

Nulla-ne babes vitia? imò alia band. fortasse

minora, Virg. 4. Æneid.

372 De Occupat. Præterit. &c. C.XI.

*Si te nulla manet tantarum gloria rerum ;
Nec super ipse tua moliris laude laborem ;
Ascanium surgentem, & sper haredis Juli ,
Respice, cui regnum Italia, Romanaq; tellus
Debentur .*

In causis præcipuè valet hoc schema; & cum aliis orationis partibus conveniat; maximè tamen Exordiis . Incongruum verò fuerit ab hoc semper exordiri, quod multi consuevere. Hujus plures species recensere solent Auctores, affertque Carbon lib. I. de Elocut. quæ omnes, me iudice, nihil peculiare habent, quod non importetur generico Prolepseos nomine . Formæ autem ferè esse solent hujusmodi . Si quis miretur—*Forſitan quæretis—Ne cui mirum videatur—At ne quis à nobis hoc ita &c. —Quæres à nobis—Quod ſi quis me roget—Requiretur fortasse nunc—Sed ne cui veſtrum mirum eſſe videatur—Hæc fortè mihi obijcias aliquis &c.*

II. Præteritio, seu Prætermiſſio, Græcè *Paralepſis παραληψις*, & Apophaſis, fit cum dicimus nos præterire, aut nescire, aut dicere id nolle, quod tum maximè dicimus, ut : *Non dico te à ſociis pecunias accepiſſe: non ſum in eo occupatus, quod civitates, regna, domos omnium depeculatus es: Et illud prætereo, quod rei militaris te infrequentem reddidiſti: rapinas tuas omnes omitto. Cic. de Prov. Conſul. Omitto juridiſtionem in Civitate contra leges, Senatusque conſulta: cædes relinquo: libidines prætermitto &c. Et pro Cluent. Mitto illam primam libidinis injuriam: mitto nefarias generi nuptias: mitto cupiditate matris expulſam matrimonio filiam &c.*

¶ Id, i. in Rull. *Non quero diminutionem vectigalium, non flagitium hujus jacturæ, atque damni: prætermitto ea, quæ nemo est, quin gravissimè, & verissimè conqueri possit; non caput patrimonii publici, pulcherrimam Populi Romani possessionem, subsidium annonæ, horreum belli, sub signo claustrisque Reipublicæ positum vectigal servare non potuisse: non dico hoc solùm &c. Et pro Leg. Man. Non dico hoc loco, majores nostros, semper in pace consuetudini, in bello utilitati paruisse &c. Propert. eleg. 7. ad Mæcenat.*

*Non flebo in cineres arcem sedisse paternos
Cadmī, nec semper prælia clade pari.*

Virg. 4. Geotg.

Verùm hac ipse equidem spatiis exclusus iniquis

Prætereo, atque aliis post commemoranda relinquo.

Et Æneid. 6.

Quid Thesea magnum—Quid memorem Alciden? Ibid.

Quid memorem Lapithas, Ixiona, Pirithoumque? Et 10.

Quid repetam exustas Erycino in littore classes;

*Quid tempestatum regem, ventosque furentes
Eolia excitos, aut ætæam nubibus Irim?*

Plures hujus schematis formas, exhibet Causinus lib. 7. de Elocut. Est autem Oratoribus frequentissimum, Tullio præsertim; valetque ad augendam suspicionem, vel ad simulanda flagitia, quæ utpote parva, aut nota recitari ex professo non licet. Multa etiam paucis complectitur; ideoque ad brevitatem facit. His verò ferè

ferè utimur in Præteritione verbis: ut *silentio præteream; ut interim omittam; non est hujus loci recensere &c. taceo; ommitto; silentio obvolvoo; possem dicere de &c.* Et similibus. Auctor ad Herennium cum occupat. tione eandem facit Præteritionem.

III. *Προσώπων* προσωπονολία, Latine *Conformatio*, fit quando rebus sensu carentibus sermonem accomodamus; aut vitâ functos, tanquam spirantes, & loquentes inducimus: ut: *Quod si nunc hæc Urbs invictissima vocem emittat, non hoc pacto loquatur? Ego illa plurimis trophæis ornata; triumphis ditata certissimis; clarissimis locupletata victoriis; nunc vestris seditionibus, ô Cives vexor: quam dolis malitiosa Carthago, viribus probata Numantia, disciplinis erudita Corinthus labefactare non potuit; eam patiementi nunc ab homunculis deterrimis proteri, atque conculcari? Seneca Consol. ad Marciam.*

Putaque ex illa arce cœlesti, patrem tuum non illo ingenio, quo bella civilia deflevit, quo proscribentes ipse in æternum proscripsit; sed tanto clariore, quanto est ipse sublimior, dicere: Cur te, filia, tam longa tenet ægritudo? cur in tanta rei ignorantia versaris? ut iniquè actum judices cum filio tuo; quod in tedium versus vite, ipse ad majores se recepit suos. Nescis quantis fortuna procellis disturbet omnia; quam nullis benignam se facile præstiteris; nisi qui minimùm cum illa contraxerant &c.

Cic. pro Mil. Quamobrem si cruentum gladium tenens clamar et T. Annius: Adeste quæso, atque audite Cives: P. Clodium interfeci; ejus furores, quos nullis jam legibus, nullis judiciis frenare poteramus, hoc ferro, atque hac

dextra

dextra à cervicibus vestris repuli. Et in Verr. Sicilia tota, si loqueretur, una voce hæc diceret; Quod auri, quod argenti &c. Claud. 2. in Rufin. introducit umbras loquentes: Ecce videt diras alludere protinus umbras, Quas dedit ipse neci, quarum quæ clarior una Visa loqui: proh surge toro &c.

Virg. 2. Æn. Hectorem introducit:

Utro fluens ipse videbar

Compellare virum, & mæstas exprimere voces:

O lux Dardaniæ spes ô fidissima Teucrum

Quæ tanta tenuere moræ? &c.

Lucanus lib. 1. Patriam inducit, Cæsarem à civilibus bellis dehortantem:

Ingens visa mihi patriæ trepidantis imago

Clara per obscuram vultu mæstissima noctem

Turrigero canos effundens vertice crines:

Cæsarie lacera, nudisque adstare laceris,

Et gemitu permista loqui; quo tenditis ultra?

Quo fertis mea signa viri? &c.

Est Conformatio Poëtis præsertim usitatissima; habetque ad commovendum vim maximam, & amplificationi mirè inservit.

DE RETICENTIA, SERMOCINATIONE, SUBJECTIONE, ET SUSTENTATIONE.

Cap. XII.

I. **R**eticentia, quam alii Obtinentiam, alii Interruptionem appellant, Græci *Αποσιώπῃς ἀποσιωπῆς*, figura est, quæ inchoatæ sententiæ cursus ita revocatur; ut inde ejus pars alia non dicta intelligatur; seu, ut definit Alexander Rhetor, est oratio extendens quod reticetur. v. g. *Mibi recumbere præcertatio est; ideo quod Pop. Romanus me:*
nolo

etiam lacrymæ impediunt. Virg.

Nec requievit enim donec Calchante ministro

Sed quid ego hæc autem?

5. Alicujus personæ interventu, ut sæpè accidit in Comœdiis : unde Terent. in Phorm. *Si quis me quæret rursus—præsto est, desine.* Et Plaut. in Asin. *Eja, Benedicite.*

6. Aliò transeundi gratiâ, ut : *Communis autem. Tametsi ignoscite mihi Judices.*

Huc referunt quidam *Digressionem*, quæ plurimum Apostrophen conjuncta est ; eamque Græci *παρέκβασις* Parecbasin vocant ; estque, ex Quintil. sententiâ alicujus rei, sed ad utilitatem causæ pertinentis, extraordinem excurrens tractatio. Adhiberi autem consuevit laudandi, vituperandi, ornandi, delectandi gratiâ. Sumuntur autem, ut docet Erasmus de verb. cop. l. 2. Ab expositione rerum gestarum, à descriptione locorum, regionum, personarum. Item à fabularum tractatione. Præterea à communibus locis, quoties amplificandæ rei gratiâ, in avaritiam, tyrannidem, iram &c. dicimus; atque in his, causâ velut aliquantisper neglectâ, diutius immoratur. Idem de laudativo genere dicas. Licebit tamen excursionibus diutius immorari, vel initio dictionis, vel in fine, quo jam fatigatus Auditor recreetur. In medio si quando digredimur, celerius eò redeundum quò fuerimus digressi; nisi pars causæ jâ absoluta det digressionis ansam.

II. *Sermocinatio*, Græcè *Dialogismus* *διαλογισμός*, est ficta collocutio personarum, sive solus unus loquatur, sive plures inducantur simul loquentes : ut si sapien-

378 *De Retic. Sermoc. &c. Cap. XII.*

tem secum ipse verba facientem induxero:
*Non mihi soli, sed ad Reipublicæ utilitatem ,
 ad Religionis augmentum natus sum. Cic. pro
 Quinct. Differebam mehercule C. Aquili, satis
 animo certo, & confirmato me posse in hac
 causa consistere: sic cogitabam cùm contra di-
 cturus esset Hortensius; & cùm esset attentè au-
 diturus Philippus, fore uti permultis in rebus
 timore prolaberer. Et pro Planc. At ego cùm
 casu diebus illis itineris faciendi causa descen-
 dens è Provincia Puteolos fortè venissem; cùm
 plurimi, & lautissimi esse solent in his locis,
 concidi pene Judices, cùm ex me quiaam qua-
 sisset, quo die Roma exissem, & numquid in ea
 esset novi? cui cùm respondissem, me è Pro-
 vincia decedere, etiam mehercules, inquit, ut
 opinor ex Africa. Huic ego jam stomachans
 fastidiosè, imò ex Sicilia, inquam. Tum qui-
 dam quasi qui omnia sciret, qui tu nescis, in-
 quit, hunc Syracusis Quæstorem fuisse? quid
 multa? dedisti stomachari, & me unum ex his
 feci, qui ad aquas venissent. Virg. 9. Æn.*

*agnoscunt faciem invisam, atque immania
 membra*

*Turbati subito Æneada. tum Pandarus ingens
 Emicat, & mortis fraternæ fervidus ira.*

Effatur: non hæc dotalis Regia Amata.

*Nec muris cohibet patriis media Ardea Tur-
 num.*

*Castra inimica vides. nulla hic exire potestas.
 Olli subridens sedato pectore Turnus:*

*Incipe, si qua animo virtus, & consere dex-
 tram.*

*Hic etiam inventum Priamo narrabis Achil-
 lem.*

*Exempla plura subdere non est necesse;
 utpo-*

utpote quæ passim apud Poëtas, Oratores, ac potissimum Historicos occurrant. Elegantem habet sermocinationem Homerus 3. Iliad. ubi facit Priamum senem, Hectorem dehortantem à prælio; posthunc, Hecubam. Itidem Iliad. 6. Adromachen uxorem deterrentem à prælio, atque his respondentem Hectorem. D. Ambrosius non dissimilem habet. In historiâ septem Machabæorum; ac præter alios, qui Martyrum vitas scripsere hac usi sæpius sunt exornatione.

III. *Subjectio*, Græcè *Antipophora* ἀντιπόφορα, figura est, quâ Orator vel se ipsum interrogat, sibi que respondet, vel cum alium interrogaverit, non expectat responsum, sed aliud de suo adjicit: ut: *Te desidia. etatis florem sacrasse, otio vel à primis annis emarcuisse, quid erit in causa? Disciplinis, & humanioribus literis fuere qui vacabant Præceptores. Negotiis impeditum? At domui erat rector, causarum erant Patroni &c. Cic. pro Cœlio. Quare venenum dare vellet? ne aurum redderet? num petivit? ne crimen haberet? num quis objecit? Id. de Harusp. Tu meam domum religiosam facere potuisti? Ecqua mente? qua invaseras? qua manu? qua disturbaras? qua voce? qua incendi jusseras? qua lege? quam non scripseras? Claudian.*

Si partem tacuisse velim, quodcumque relinquam

Majus erit: Veteres actus, primamq; Juventam

Persequar? Ad se se mentem præsentia ducunt.

Narrem iustitiam? Resplendet gloria martis.

Ar-

380 *De Retic. Sermoc. &c. Cap. XII.*

Armati referam vires? plus egit inermis.

Virg. 4. Æneid.

*Non potui abreptum divellere corpus, & undis
Spargere? Non socios, non ipsam absumere
ferro*

*Ascanium, patriisque epulandum apponere
mensis?*

Verum anceps pugna fuerat fortuna: fuisset.

*Quem metui moritura? faces in castra tulissem
Impleissemque foros flammis &c.*

Ovidius.

*Si furor est: habeo quod carmine sanet, &
herbis.*

Sive aliquis nocuit: magico lustrare ritu.

Ira Deum sive est, sacris placabimus iram.

Extant hujus schematis præclara Aucto-
rum exempla, quæ omnia hîc afferre lon-
gum foret. Eleganti admodum subjectione
Polybium consolatur Seneca. Plenam ve-
rustatis alteram habet Minutius Felix;
D. Cyprianus ep. 77. Petrus Cellensis l. 7.
ep. 2. Bernardus ep. 42. ubi suaviter mu-
tue dilectionis suavitatem confirmat. D.
Hieron. ep. 11. ad Rufin. de solitaria vitæ
tranquillitate. D. Ambrosius l. 1. de Virg.
quâ Virginem ad vitæ melioris sortem
vocat; & l. 6. c. 8. ubi pauperes divitibus
feliciores adstruit &c.

IV. *Sustentatio*, sive *inopinatum*, Græ-
cis *Hypomone ὑπομονή*, ac etiam per quos-
dam *Paradoxon* sonat. Hæc suspensum
aliquandiu tenet auditoris animum: de-
inde aliquid subjicit contra illius expe-
ctationem, sive majus, sive minus. Cic.
Verr. 7. *Etiannum mihi expectare videmini,
Judices quid deinde factum sit, quod iste nihil*

un-

unquam fecit, sine aliquo quaestu, atque praeda. Quid in ejusmodi re fieri potuit? Quod commodum est? expectate facinus quod vultis improbum; vincam tamen expectationem omnium. Nomine sceleris conjurationisque damnati, ad supplicium traducti, ad palum alligati, repente multis millibus hominum inspectantibus, soluti sunt, & Leonidæ illi Domino redditi. Idem pro Roscio ubi minuit: Patrem occidit Sex. Roscius, qui homo? adolescentulus corruptus, & ab hominibus nequam inductus, annos natus magis quadraginta. Petrus videlicet Sicarius, homo audax, & sæpè in cæde versatus. At hoc ab Accusatore ne dici quidem audistis. Luxuries igitur, hominem nimirum, & aris alieni magnitudo, & indomite animi cupiditates, ad hoc scelus impulerunt. De luxuria purgavit Erucius, cum dixit, hunc ne in convivio quidem ullo fere interfuisse. Nihil autem unquam debuit. Cupiditates porro quæ possunt esse in eo, qui, ut ipse accusator objecit, ruri semper habitare, & in agro colendo vixerit? quæ vita maxime disjuncta est à cupiditate, conjuncta est cum officio. Quæ res igitur tantum istum furorem Sex. Roscio objecit? patri, inquit, non placebat. Ex Poëtis celebre est illud Martialis l. 6. ep. 32. quo facetè per sustentationem jocatur.

Quod convivaris sine me tam sæpè, Luperce,

Inveni, noceam qua ratione tibi.

Irascar, licet usque voces, mittasq; rogesque.

Quid facies? inquis: quid faciam? veniam.

Ausonius quoque in Rufum. ep. 51.

Rhetoris hæc Rufi statua est: Si saxeæ, Rufus

Cur

Cur id ais? semper saxeus ipse fuit.

Adhiberi autem solet hæc exornatio cum explicaturi sumus aliquid inusitatum, atque mirabile, aut inexpectatum: ad jocos itidem aptissima est; habetque decus quamplurimum.

Intrudi solent ab aliquibus alia multa inter figuras; ut Gratiarum actio, Misericordia, Minæ, Percussio, Recusatio &c. quæ ab accuratioribus nec quidem nominantur; quoniam aliæ verè figuræ non sunt; aliæ cum allatarum aliquâ faciliè confunduntur. His igitur instructi totum orationis ornatum optimè percipietis, usuque acquiretis; quod versatis rogo ad Dei laudem, & majus ad pietatis incrementum.

F I N I S .

NICOLAO A NOMINE MARIAE

Scholarum Piarum : Optimo Artium
Professori, Theologo eruditissimo

Sigismundus à S. Silverio Fel.

EXemplar ad te mitto, dilectissime Nicolae, Libelli nuper editi mei ne dicam, an tui? Tui non minus quidem, quàm mei: tu enim nedum primos labores meos affabre transcripsisti, sed & multa scitè adjecisti, quibus plenior, quibus utilior, quibus jucundior lectio habeatur: quod sanè grati animi ergo testatum volo; sed & in alias quoq; Rhetoricæ partes à me jam conscriptas, ut officium idem perficias quamprimum rogo: neq; enim moras patitur nobilissimus, atque optimus Adolefcens D. ANTONIUS RUFUS Illustriss. & Excelentiss. Balneariæ Ducis filius, cui exornando præsertim labor hic destinatus. Vale ad Institutum nostri emolumentum, ac decus, Romæ Idibus Februarii, M.DCCVI.

ERRATA CORRIGE.

Pag. 5. auctoritatibus. auctoribus. pag. 48.
 dicunt. dicunt. pag. 68. manus. munus.
 p. 87. rugunt. regunt. p. 107. fidicien. fidicen.
 ib. usurpantur. usurpatur. p. 119. III. VII. p.
 120. VII. VIII. ib. VIII. IX. p. 121. IX X. ib.
 XI. XII. ib. XI. XIII. p. 136. pro se. pro
 lege. p. 143. *ingess. ingens.* p. 163. *autem aurem.*
 p. 179. Catullum. in Catullum. p. 188. pe-
 regum. peregrinum. p. 190. parte. partu. p.
 192. rum. alterum. ibid. postquam. post-
 quam. ib. Ucalogentis. Ucalegontis. pag.
 207. aliud. alium. ib. intitationem. imita-
 tionem. p. 230. simpliciter. simpliciter. p. 231.
veciat. veniat. ib. ernditionem. eruditionem.
 p. 240. *Crasco. Crasso.* pag. 266. negationibus.
 negationibus. p. 272. *malecta. malefacta.* p.
 273. colloquii. colloquiis. pag. 285. emeties.
 ementiens. p. 287. Ironicalronia. p. 288. po-
 tens. pores. ib. *qua avac. qua cava.* p. 300.
 delectionem. delectationem. p. 302. produ-
 xuit. produxit. ib. plurimum. plurium. p. 304.
 reperitur. repetitur. p. 306. *Et longum for-*
mo se vale &c. Hoc exemplum deleatur; ne-
 que enim est hujus loci. p. 308. *re. se.* p. 311.
cognoscadus. cognoscamus. p. 319 *Ab miserri-*
um. Ab miserum. pag. 321. *malut. malus.*
 ibid. *dedit dedit. dedit.* pag. 324 *peris. perit.*
 pag. 325. Verborum. Sententiarum. pag.
 329. est, fit. fit. ibid. amphoram. anapho-
 ram. p. 334. *Danum. Danaum.* pag. 340. Cap.
 VI. Cap. VII. pag. 362. *cajum. cujum.* p. 367
illide. illude. ibid. *faeimus. facimus.* pag.
 368. restituendum. resistendum p. 370. Sta-
 tutarii. statuarii. p. 372. *coveniat. covenit.*
 ib. exordiar. exordiri. ib. *qood. quod.*
 p. 379. aliud. illud. p. 382. inexpectatum.
 inexpectatum.

